






13 - 20. 6. 25.

L. 204





**S U M M A**

**E X H I B E N S**

**ECUMENICAM**

**CATHEDRAE APOSTO-**

**LICAE AUTHORITY**

**E X**

**OCCASIONE QUATUOR CLERI**

**Gallicani propositionum Anno 1682**

**in Parisiensi Ecclesiastico Conventu  
editarum**

**ADVERSUS**

**LUDOVICUM ELLIÈS DU PIN**

**SACRAE FACULTATIS THEOLOGICAE**

**Parisiensis Doctorem**

**VINDICATA**

**AB**

**Authore Inextinctæ fidei**

**et sancti**

**CONCILII**

**TRIDENTINI VERITATIS**

*Cum facultate Superiorum.*

**ANNO CHRISTI 1688.**

**AD USUM**

**FR. A. BENTIV.**

**SUO COMMUN.**







Icūti varia sunt hominum ingenia ; sic non una methodus in expendendā rerum Divinarum , seu Ecclesiasticarum disciplinā placet universis. Quemadmodum e-

nim inter illos , qui alchimisticis student mineralium sublimationibus , sunt nonnulli , qui ejusmodi extractionum quintis quasi essentijs , earumque virtutibus unice oblectantur ; alij verò sunt , quibus non satis est , tales quintas quasi mineralium essentias jam extractas possidere , sed ipsas cum earundem virtutibus ad sua principia reducere contendunt , curiosè indagando , ex quibus materijs , & per quas methodos fiant hujusmodi alchimistici extractus. Sic reperiuntur aliqui sublimioribus destinati functionibus Ecclesiasticis , quibus minimè vacat , ut accuratius intendere valeant principijs Theologicis , per quæ pro instituto præsentī , novissimas Cleri Gallicani propositiones contingente , ex sacrae Scripturae textibus , sacrorumque Canonum , atque Conciliorum Oecumenicorum sanctionibus , fusiori metho-

do scholasticâ eruitur veritas illis Cleri Gallicani assertionibus opposita. Quorum ad sublimiori conditioni meritò sufficiet Summaria extractio argumentorum, quibus stabilitur Oecumenica Cathedræ Apostolicæ potestas super Reges etiam, quoad moralitates in regnum cælorum ordinabiles pretenfa. Quia verò multi haud contenti erunt talem Fundamentorum, quibus ea nititur quintam quasi essentiam cernere, nisi earum conferre possint cum ipsissimis illis locis, ex quibus Summarius ejusmodi extractus educitur. Idcirco pro utroque illo ingeniorum genere eum tenebo ordinem, ut prioribus seorsim brevi aliquo Opusculo cogitem tradere succinctiorem quandam methodum Summarij circa Gallicani Cleri propositiones et principijs sacris eruendi extractus, in quibus fusioris hæc de re Operis quinta quasi essentia exhibeatur: pro illis verò, qui sacræ Theologiae methodo Scholasticæ ad sua principia veritates inde erutas reducere assuetæ, sunt addicti, Summarium circa Cleri Gallicani de Romani Pontificis autoritate propositiones extractum sub fine cujusque Articuli exponam, una cum singulorum, ex quibus deducitur, locorum allegatione in marginem designandâ.

*Proloquium.*

3

Summæ hujusmodi subnectetur confutatio Dissertationum Historicarum, quas Ludovicus Ellies Du Pin sacre facultatis Theologicæ Parisiensis Doctor in suo Opere *de antiquâ Ecclesiæ disciplinâ* nuperrimè digessit. Quam Summam pariter in quatuor dividemus articulos, quorum Primus *de Cathedra Apostolica supra Reges potestate* constabit sex Capitibus, quibus videbantur consultò præmittenda, quæ Author *inextincta sacri Concilij Tridentini veritatis*, *hujus Operis sui Tomo tertio per modum Præfationis* disseruit.





# ARTICULUS. I.

## *Declarationis Gallicanae circa Oecumenicam Romani Pontificis Auctoritatem.*



Articulus iste ita se habet: Primū Beato Petro, ejusque successoribus, Christi Vicariis, ipsiusque Ecclesiae rerum spiritualium, & ad eternam salutem pertinentium: non autem civilium, aut temporalium à Deo tradita est potestas, dicente Domino, Regnum meum non est de hoc mundo: Et iterum: Reddite ergo, quæ sunt Cæsaris, Cæsari, & quæ sunt Dei, Deo. Ac proinde stat illud Apostolicum dictum: Omnis anima potestatibus sublimioribus subdita sit: non est enim potestas nisi à Deo, quæ autem sunt à Deo, ordinata sunt: Itaque qui potestati resistit, Dei ordinationi resistit. Reges ergo & Principes in temporalibus nulli Ecclesiasticæ potestati Dei ordinatione subijciuntur, neque authoritate clavium Ecclesiæ directè, vel indirectè deponi, aut illorum subditi eximi à fide, atque obedientiâ, ac præstito fidelitatis sacramento solvi possunt. Eaque sententia publicæ tranquillitati necessaria, nec minus Ecclesiæ, quàm Imperio utilis, & Verbo Dei, Patrum Traditioni, & Sanctorum exemplis confirmata, omnino retinenda est.

Reflexio.

Verum ac legitimum hujus articuli  
sensum disquirere satagens.

**E**X hujus articuli fine dilucidum redditur,  
Gallicani Cleri in præadducto Articulo  
sensum esse prorsus conformandum cum  
Verbo Dei, Patrum Traditione, & San-  
ctorum exemplis. Ex quo proinde solidissi-  
mo veritatis fundamento firma stat duplicis,  
Ecclesiasticæ scilicet, ac Politicæ potestatis su-  
prema authoritas: cui utrique Divinitus est  
constituta sua sphaera, ita ut illius limites cir-  
cumscribantur causis spiritualibus, & ad ani-  
marum salutem pertinentibus, hujus verò li-  
mites contineantur causis civilibus ac tempo-  
ralibus. At quemadmodum in homine sunt  
quidem duæ res disparatæ, corpus scilicet &  
anima, ab uno eodemque Creatore, absque  
ullâ quoad primam sui productionem, *in prin-*  
*cipij effectivi genere*, inter se dependentiâ, pri-  
mitus prodeuntes, ita tamen inter se combi-  
natæ, ut anima regimen teneat super corpo-  
ris affectiones: sic supremo magistratui Po-  
litico ita inest authoritas Divinitus constituta,  
ut hujus tamen exercitium in homine Christia-  
no capax sit ordinis etiam supernaturalis, æter-  
nam salutem respicientis; sub quâ adeò for-  
malitate respectum habet ad Ecclesiasticam

Divinitus constitutam auctoritatem. An non igitur secundum talem ordinabilitatem, suprema Politica potestas *saltem materialiter indirecte* subiacebit supremæ Ecclesiasticæ auctoritati, modo statim exponendo?

## CONCLUSIO.

3. **I**N presenti puncto concernente supremam Ecclesiasticam, in Romano Pontifice, vel in Concilio Oecumenico subsistentis, super Regiam supremam temporalem potestatem supereminentia auctoritatem, circumspicere distinguenda est tum Regia potestatis ratio Formalis, tum ejusdem ad hoc individuum suppositum applicationis, nec non ejusdem Exercitij Materialiter spectati conditio.

Explicatur status Quæstionis. Ejusmodi namque supremæ Regiæ potestatis ad supremam Ecclesiasticam auctoritatem comparatio eo modo se se habere videtur, quo modo rationis lumen naturale comparatur ad Divinum supernaturale fidei lumen. Sicuti namque utrumque hoc lumen est *immediate* à Deo, quæ authore partim naturali, partim supernaturali; & ideo utrumque est supremum in suo genere: sic res se habet circa Politicam & Ecclesiasticam auctoritatem supremam. Unde utrique huic supremæ potestati eatenus compe-



tit legislativa authoritas, ut legum à potestate Politicâ latarum obligatio *formaliter* spectata, non subsit authoritati Ecclesiasticæ potestatis, sed sit per se subsistens in suâ lineâ. Et quemadmodum verum non repugnat vero, nec adeo potest ulla esse contrarietas inter luminis naturalis ac fidei Divinæ veritatem: sic lex Politica & Ecclesiastica, in quantum unâquæque legitime procedit ex authoritate sibi commensuratâ, nequeunt inter se repugnare. Tametsi verò in hoc rursus sit paritas intre Ecclesiasticam & Politicam supremam potestatem, ut leges utrinque, *practicam* lumini seu supernaturali, seu naturali commensuratam veritatem obtinentes, id est, ab honestate seu fidei, seu rationis non declinantes, ita sint *per se* in genere suo subsistentes, ut Ecclesiastica suprema potestas legitimis, ( id est à ratione naturali non deviantibus ) legibus politicis, minime se possit ingerere, eas vel abolendo, vel immutando. Nihilominus quia suprema Ecclesiastica authoritas, in legibus pro universa Ecclesia ferendis, est infallibilis, tali verò in ordine ad statum politicum infallibilitate caret suprema Civilis potestas: idcirco fieri potest, leges à Politico Magistratu latas ita dissonare cum fidei lumine, ut consequenter à naturalis quoque *practicâ* veritate sint alienæ; cum econtra leges pro universâ Ecclesiâ, à supremâ potestate Ecclesiasticâ promanantes, neque à fidei, neque consequenter à ra-

5.

6.

à ra-

7. à rationis naturalis, utpote cum illâ pugnare haud potentis, veritate *practicâ* aberrare valeant. Ex quo rursus fit consequens; supremam Ecclesiasticam auctoritatem posse ex fidei principijs, supra legibus civilibus à rectâ ratione dissonantibus ferre iudicium, easque *Directè*, quâ cum fide pugnantes; *Indirectè* verò, quâ cum ratione naturali, utpote cum fidei lumine nullam contrarietatem habente, dissonantes abolere, atque re ipsâ nullas & invalidas pronunciare: cum econtra suprema Politica auctoritas in nullo prorsus casu quidquam valeat adversus Ecclesiasticæ potestatis leges, siquidem istæ supremæ Ecclesiæ auctoritate munitæ, eam sub infallibilitate obtineant cum fidei principijs conformitatem ac honestatem *moralem*, ut impossibile sit, ipsas unquam contrariari *practicâ* luminis naturalis veritati, atque adeò Politicæ cum hac commensuratæ auctoritati.

8. Inter utramque porro seu Ecclesiasticam, seu Politicam auctoritatem supremam, in hoc stat æqualitas, ut ambæ quidem sint *immediate* Juris Divini, utriusque tamen ad certam individuum personam applicatio *materialis*, pendeat ex hominum constitutione. Nam ipso met Imperatore in *Inst.* fatente, suprema Politica potestas erat primitus in populo, atque ab hoc primum translata est in unam certam personam: cuiusmodi etiam personæ designationis est vel per successionem hæreditariam

am, vel per diversimodi generis electionem: qui uterque adeò succedendi modus est pendens ab humanâ constitutione. In supremæ equidem Ecclesiasticæ authoritatis ad certam personam applicatione *materiali*, intervenit *pari modo* electio hominum, ex humanâ constitutione dependens, ita tamen, ut successio ipso Jure Divino sancita, eatenus conferat Electo Oecumenicam ejusmodi potestatem, quatenus hujus collatio est *immediatè* Juris Divini, secùs, quàm sit in collatione Regiæ ac Imperatoriæ authoritatis, in qua non Electio duntaxat, seu successio hæreditaria, tanquam personæ ad supremam Politicam authoritatem designatio, ac deputatio *materialis* (quod supremæ Oecumenicæ quoque Ecclesiasticæ potestati commune est) sed ipsa etiam collatio dignitatis hujusmodi est Juris humani, tametsi *authoritas in se formaliter* spectata, sit *immediatè* Juris Divini. Sub cujusmodi adeò & Divini & humani Juris distinctione, immobiliter est servanda æqualitas inter authoritatem utramque, ut, quod *immediatè* spectat ad Jus Divinum, non subsit alterutri illi authoritati, quatenus homini cupiam inexistenti. Id verò, quod Humani Juris est, eatenus pender ex hominum dispositione, ut Summi Pontificis non nisi per homines electione factâ, ex Ecclesiæ adhuc judicio, seu fidelium unanimi consensu pendeat certitudo *moralis*, per quam stet *evidentia credibilitatis*, sub quâ credere

fas

fas sit, hunc hominem esse illum, quem contingit verbum Christi, Petro sub perpetuo successione iure, ejusque adeo successoris legitimo, conferentis Oecumenicam Ecclesiae auctoritatem, Evangelio sacro definitam. Quandoquidem ergo non designatio duntaxat *Materialis* personae ad Regiam seu Imperatoriam auctoritatem vocatae, sed hujus potestatis collatio sit Iuris humani, superest hinc decidendum, an circa hanc saltem *Indirectè* possit aliquid disponere suprema Ecclesiastica potestas?

20.

In quo equidem videtur partem *Negativam* sanxisse præadducta Cleri Gallicani propositio, *Christi Vicarijs*, ipsique Ecclesiae taliter adimentis rerum temporalium ac civilium potestatem, ut dilucidis verbis concludat, Reges & Principes in temporalibus nulli Ecclesiasticae potestati, Dei ordinatione subijci, neque auctoritate clavium Ecclesiae, *Directè*, vel *Indirectè* deponi, aut illorum subditos eximi à fide, atque obedientia ac præstito fidelitatis sacramento solvi posse. Num igitur Clero seu Catholico, seu Christianissimo istud edicere fas sit? Minimè: nisi ea conclusio redigatur ad limites superius positos, quod scilicet in hoc puncto *circumspectè distinguenda* sit tum Regiae potestatis ratio formalis, tum ejusdem ad hoc individuum suppositum applicationis, nec non ejusdem exercitij materialiter spectati conditio. Etenim quis neget, Magistratus Politici auctoritatem Verbo Divino sancitam, esse de fide? Ergo super hac ejus est auctoritatis judicium,

cium, cujus est, fidei decreta ex Verbo Dei sancire adversus ingruentes hæreses. Quandoquidem igitur suprema Ecclesiæ potestas Oecumenica adversus hæreticos, Magistratum Politicum exauthorare contendentes, ejusque potestatem *persidè* negantes, noscatur tulisse judicium, talis autoritatis definitivum, quis jam neget, Ecclesiæ autoritatem se extendere ad ejusdem Politicæ potestatis, quæ Verbo Divino assertæ, manutentionem? Libenter equidem damus, talem Ecclesiæ definitionem haud niti præcisâ luminis naturalis ratione, sed *formaliter* fundari super Verbi Divini autoritate; eo ipso tamen, quod tangat punctum Juris Divini, per quod habetur Divinitus constituta Politica potestas, consequens est; ipsissimam hanc autoritatem subesse Ecclesiæ judicio, non ut eam vel immutet, vel quoad *formalem* ejusdem, Verbo Divino definitam, rationem, de ipsa disponat, sed ut ex Dei Verbo eam firmet, & adversus hæreticos defendat, atque communiat. Quod Clerus quoque Gallicanus ita præstitit, ut eam Dei Verbo constitutam, ac Iure Divino sancitam ostendat. Quæ proinde suprema Politica autoritas non quidem *Formaliter* vel *Directè*, vel *Indirectè* subest Jurisdictioni Ecclesiasticæ, siquidem ista non extendat se super Iure Divino *Formaliter* spectato, neque Ecclesia pro arbitrio, sed pro Iure Divino, cui subest, ferre debeat judicium de illâ, per expressum Dei Ver-

bum

bum constitutâ potestate: nihilominus hæretica pravitas, quatenus conatur eam eliminare, omni modo subijcitur jurisdictioni ac iudicio Ecclesiæ; sicque adeo huic *Indirectè* subditur ipsissima illa Politica authoritas, quatenus est materia vindicationis, quæ iusto Ecclesiæ iudicio exercenda est, pro manutenendo Iure Divino, per quod habetur sancita ea potestas. Quare Ius hoc Divinum in se ipso *Formaliter* spectatum, eatenus est regula iudicii, quod Ecclesia exercere debet adversus ejusdem temeratores, ut sub *concretionem quasi materiali*, quatenus nimirum subest hæreticæ sui temerationi, *per Indirectum & Materialiter* subjaceat etiam iudicio Ecclesiæ. Quemadmodum igitur suprema Politica authoritas Divino Jure sancita, *objectivè* se habens ad hæreticam sui temerationem, *Indirectè materialiter* subditur Ecclesiæ iudicio: sic pro secundo dicendum est, eandem potestatem, quatenus *subjectivè* est in homine Ecclesiæ subjecto, *Indirectè materialiter* subjacere ejusdem S. Ecclesiæ iudicio, modo statim explicando. Nunquid enim quodlibet hominis baptizati peccatum subest Ecclesiæ sanctæ foro non tantum *interno*, sed etiam *externo*? Christus namque *Matth. 18.* disertis verbis pronunciavit, de quocunque peccatorum genere, ubi correctio fraterna non profecerit, denuntiandum esse Ecclesiæ, cui ad rescissionis usque sententiam, fas esset, adversus inobedientem procedere. Quamdiu igitur

suprema Politica potestas stat intra sphaeram suae authoritatis in ferendis legibus justis ac æquis, dici equidem potest, nihil contra talem potestatem habere, quod agat Ecclesiastica suprema authoritas, tamen si curæ ipsius incumbat providere, ut, sicuti homo ad statum supernaturalem est effectus in suis actionibus, eò etiam tendat dicta Politica authoritas, sicque ejus exercitium non tam *Formaliter*, quam *Materialiter* spectatum, ratione scilicet cujuspiam extra rationis legitimæ sphaeram exercitæ applicationis quasi *materialis*, *Indirectè* subest Ecclesiasticæ authoritati.

Dices. An igitur præacta Cleri Gallicani Declaratio in eo sensu accipi ac tolerari potest, quòd nempe suprema Regia authoritas, ne quidem *Indirectè formaliter*, bene tamen *materialiter Indirectè* sit subiecta Ecclesiæ supremæ jurisdictioni ac judicio? At dictæ Declarationis verborum generalitas non videtur admittere talem distinctionem. 13.

Contra. Nam istius Declarationis propositio stat sub hisce verbis: quòd nempe *Beato Petro, ejusque successoribus Christi Vicarijs, ipsique Ecclesiæ sit à Deo tradita potestas rerum spiritualium, & ad æternam salutem petinentium, non autem civilium ac temporalium.* 14.

At verò Politicæ potestatis ad salutis æternæ finem reductio, & à peccato cohibitio ita est pertinens ad salutem æternam, ut hæc ratione sit in censu rerum spiritualium: quippe  
cui

cum ex eo, quod est *formale*, non ex eo, quod est *materiale*, fiat denominatio: sic enim cuncta Sacramenta, ritusque Ecclesiastici *Materialiter* quidem sunt quid corporale, & tamen ex *formali* sua ratione computantur inter res spirituales.

[15.

Deinde dictæ Declarationis principium nititur sacra Scripturæ verbis, quorum clarus extat sensus de authoritate Politicâ *formaliter* spectatâ, quâ spectante Imperiû Civile, & quâ secundum hanc suam sphaeram Divinitus constitutâ, & ut sic differente ab authoritate, Regnum non de hoc mundo, sed quæ Dei sunt, respiciente. Quæ universa ostendunt, ibi esse sermonem de duplicis Politicæ nempe, ac Ecclesiasticæ potestatis *formali* discrimine ac ratione.

16.

Quandoquidem igitur conclusio ita debeat, commensurari cum principiis sui illativis, ut termini non aliter sint accipiendi in conclusione, quam in præmissis, juxta conditionem adeo Medij in hisce propositi: consequens est, in *sensu* quoque *formali* esse duntaxat accipienda verba illationis, sub sequenti tenore factæ: quod nempe Reges & Principes (id est, quoad supremam suam potestatem *formaliter* spectatam, & ut sic Jure Divino constitutam) in temporali-  
libus (quâ Divinæ hujus constitutionis sphaeram non præterredientibus) nulli Ecclesiasticæ potestati Dei ordinatione subiciantur: cum quo tamen optime cohereret, quod de *indirectâ* ejusdem potestatis, secundum *materialem* quamvis

bon-



concretionem spectatæ subjectione, prius dictum  
uit.

Replicabis. Hanc benigniorem Cleri Gal-  
licani Declarationis interpretationem vix con-  
cordare cum ejusdem proprijs verbis, quibus  
disertè dicitur, *Reges & Principes neque auctori-  
tate Clavium Ecclesiæ Directè, vel Indirectè de-  
poni, neque illorum subditos eximi à fide, atque obe-  
dientia ac præstito fidelitatis Sacramento solvi posse.*

Contra. Disquiramus enim pro rei hujus  
explicatione, ex ipso Clero Gallicano, quan-  
to Christianissimus Rex jure Belli ( per su-  
premam Regiam suam auctoritatem ex Juris  
et Facti fundamentis, virorum prudentiorum,  
equè ac piorum judicio solidis, ac in rei ve-  
ritate subsistentibus ) justè declarati, sibi ven-  
dicat jus cujuspiam Principatûs, an non Prin-  
cipem seu Regem talis Principatûs ex legiti-  
mo Juris titulo possessorem, spoliando Dominij  
seu Principatûs sui possessione, sibi que tale  
Dominium plene addicendo; Principem hæc  
le causâ sibi infensum *indirectè saltem* deponat,  
& re ipsâ cum effectu subditos ipsius eximat à  
fide atque obedientiâ, ac præstito fidelitatis ju-  
ramento? Si neget Clerus Gallicanus, hoc ex  
equitatis ac Iustitiæ jure fieri à suo Rege, ipse  
viderit, ne insimulandus sit læsæ Regiæ maje-  
statis. Si ergo idem Clerus affirmet, id ju-  
rè fieri à suo Rege: mox reincident quæstio:  
quandoquidem Regum, & Principum supre-  
na auctoritas Politica sit *immediate à Deo, quod*

modò Christianissimus Rex possit super istò Divinitus constituto Iure habere aliquid Iuris: Imò cum ex eo, quòd suprema Politica potestas ex ordinatione Dei subsistat, Ecclesiæ, nulla sit super illam iurisdictio, atque adeò in Regibus ac Principibus *etiam indirectè* deponendis, ac subditis ab homagio solvendis auctoritas, quomodò id facere licebit invictissimo Galliarum Regi?

19.

Ad quam proinde interrogationem meam, indubiè respondebit Gallicanus Clerus, hoc iustissimè fieri à Christianissimo suo Rege ex sequenti fundamento. Nempe Regem non extendere se super Principum auctoritate Politica *formaliter* spectatà, quatenus est Iuris Divini, sed super *materiali* ejus exercitio, extra hujus Iuris Divini sphæram exorbitante, dum scilicet ex supremæ suæ potestatis judicio, secundum Iuris & Iustitiæ rationem fert inprimis, ac deinde contra reluctantes exequitur sententiam, de tali Principatû seu Dominio iustissimè sibi vendicando. In quo adeò rerum statu, consequens est, ut, quando Rex Dominium Principatûs, unà cum subditis sibi vendicat, hi censeantur soluti sacramento fidelitatis, quo alteri Principi erant obstricti, atque tunc iste *indirectè* quidem deponitur, non tamen *formali*, sed *materiali* duntaxat depositione.

Explicatur hoc assertum. Etenim *formalis depositio* est Iuris legitimi per superiorem auctori-

thoritatem facta à principatu abdicatio. Quomodo autem Galliarum Rex prætereundere potest auctoritatem superioritatis super altero supremo Principe, si hujus dignitas ita subsistat ex Iure Divino, ut nulla sit in humanis auctoritas, cui talis Princeps subijciatur, & per quem etiam *Indirectè* deponi valeat? En igitur Clerum Gallicanum ex Christianissimi sui Regis exemplo compelli ad fatendum, aliam adhuc inesse viam, per quam supremus Princeps possit destitui jure sui Principatus. Edisserat igitur Clerus ille, quænam sit ista via, atque hanc inire licebit Ecclesiasticæ quoque auctoritati supremæ. An fortè ex eo, quod talis Princeps se opponat justis Christianissimi Regis armis, contrahitur aliquod delictum, super quo extendat se Regis ejusdem judicium? Quidni ergo id ipsum dicere fas sit pro Ecclesiæ auctoritate erga Reges, potestate suâ Politicâ abutentes, ad Ecclesiæ, fideique Orthodoxæ in suis subditis subversionem, ita ut pro isto saltem casu, ex causâ talis contra Ecclesiæ delicti, fas sit procedere ad Principis alicujus supremi depositionem? Sed dum Princeps, adversus quem Christianissimus Rex bellum movet, pro se habet fundamenta iuris æquè probabilis, unâ cum possessione legitimâ Principatus, quid ex Principatus sibi comperentis defensione, facinoris intervenire potest, supra quod Galliarum Regis suprema majestas jus habeat, alterum supremum Principem

21.

cipem acrius infestandi, & suo Principatu exspoliandi? Quamcumque ergo Clerus Gallicanus hæc super re amplectetur viam, hæc æquè patebit pro Ecclesiâ adversus Principes, Fidei Orthodoxæ, ac Ecclesiæ infensos hostes. Fas igitur esto mihi, ominari, quid Clerus Gallicanus tandem respondeat: nempe in dicto casu Christianissimum Regem legitimè uti jure defensionis naturalis adversus illum, qui ex fundamentis tam *Iuris*, quàm *Facti*, publico judicio inventus est Coronæ suæ Regiæ Iurium usurpator, & ex probabili equidem Iuris principio, Coronæ tamen suæ Regiæ prætensionibus præjudicare haud potente, bonæ fidei possessor. Quia proinde ista iurium ad Coronam Regiam spectantium, defensio subsistere haud potest sine eorundem armatâ vindicatione, atque adeò alterius Principis supremi (jura ejusmodi, ex probabili, Coronæ tamen Regiæ haud præjudicante, Iuris principio possidentis.) ejectione, ideo talis Princeps tunc non equidem *formaliter*, sed *materialiter indirectè*, justo titulo non tam deponitur, quàm *vi vim repellente* deijcitur de suo Principatu. Quid ergo? An non simile quid dicere licet, de Ecclesiâ, dum nempe Rex non tantum ex delicto hæreseos, est obnoxius reatui per sanctæ Ecclesiæ judicium vindicando, ex quo fortassis præciso respectu, Clerus Gallicanus putabit, vindictam in modum pœnæ indicendam, debere esse, in materiâ Ecclesiæ

22.

sub

subje<sup>ct</sup>â, in materiâ nempe spirituali, non in  
 privatione Regni temporarij: sed dum insu-  
 per supremus quispiam Princeps in hæresin  
 prolapsus, progreditur ad infestandam Eccle-  
 siam, & subditos suos à fide Orthodoxâ vio-  
 lenter, seu aliâs injustè abalienandos, an non  
 fas erit Ecclesiasticæ supremæ authoritati,  
 tunc uti gladio spirituali, non ad præcisam vin-  
 dictam, sed ad naturalem Ecclesiæ sanctæ, ejus-  
 que jurium defensionem, cui tunc non solum  
 commensuratus & conducibilis, sed etiam ne-  
 cessarius erit talis procedendi modus, ut Prin-  
 cept hujusmodi non tam *Formaliter* etiam *Indi-  
 rectè* deponatur, quàm *solum materialiter*, ut-  
 pote non in vi præcisæ Iustitiæ vindicativæ,  
 sed in vi naturalis defensionis, deiciatur à suo  
 Principatu, subditi que adeò solvantur suæ fi-  
 delitatis erga ipsum sacramento? Hoc proin-  
 de est, quod ominor, responsurum Clerum Gal-  
 licanum, attentis ipsorummet fundamentis Iurî  
 Divino seu scripto, seu tradito consonis, &  
 antecederentur discussis.

Ex quibus universis elucet, totam præ-  
 sentis Articuli summam reduci ad duas assertio-  
 nes, quarum *prima* est, quod Regiâ potestas in  
 se *formaliter & signatè* spectata, sit Juris Divini, ut  
 sic minimè subje<sup>ct</sup>a Pontificiæ authoritati. *Al-  
 tera* assertio est, quod Regiæ potestatis ad cer-  
 tum Christianitatis caractere insignitum sub-  
 jectum applicabilitas, unâ cum publicis ejus-  
 dem functionibus, superinduat quandam mo-  
 rali-

ralitatem , quæ supernaturalis elevationis lineam respiciat , subordinatam aded , ac subiectam clavibus Regni cælorum , Petro , ejusque successoribus per Christum commissis.

Singulas hæcæ assertiones duobus sigillatim capitibus expendemus, quibus alia quatuor capita subjungentur, ad confutandam præallegati Authoris Du Pin Dissertationem *septimam*.

## Caput I.

In quo asseritur Regia potestas esse Juris *Divini*, fitque retorsio argumentorum ex sacris Litteris à parte adversa productorum.

### §. I.

**C**irca primam igitur superius positam assertionem, haud discordo à Clero Gallicano: in vi enim luminis naturalis, quod in statu puræ etiam naturæ, esset insitum humano intellectui, cognoscitur necessitas regiminis Politici, ad homines in unam societatem civilem coadunatos, benè ordinandos, non ad privatam duntaxat virtutum *Moralium* honestatem, sed ad communis quoque Boni, vitæ politicæ Finis, prosecutionem. Et hinc in statu etiam puræ naturæ subsisteret illud Apostolicum dictum: *Omnia anima potestatibus sublimioribus subdita sit: non est enim potestas nisi à Deo, quæ autem*

*autem sunt à Deo, ordinata sunt: itaque qui potestati resistit, Dei ordinationi resistit. In vi cuius proinde ordinationis Divinæ, Christus iussit reddere Cæsari, quæ Cæsaris sunt. At quia ipsissima hæc ex Dei ordinatione consistens potestas Politica, mensuranda est ex sphæra luminis naturalis, publicum Politici statûs regimen inter homines exigentis, quò in unam civilem communitatem coordinati, ad hujus Bonum Commune legibus & statutis, nec non pœnarum comminationibus, ac præmiorum pollicitationibus dirigi valerent; quæstio hinc oritur; An sicuti lumen naturale in homine jam subsistit sub elevationis supernaturalis sublimiori perfectione, regiminis Politici ratio perinde subternatur supernaturali Fidei infusæ lumini, atque virtutibus eidem proportionatis, ac virtutes Morales naturales luminis naturali commensuratæ subordinantur altiori Fidei Divinæ, virtutumque supernaturalium directioni? Ipsemet Clerus Gallicanus in suæ Declarationis primo articulo Christi Domini doctrinæ conformiter profitetur, quòd Christi regnum subsistat in hoc mundo, & tamen non sit de hoc mundo: atque hoc ipsum regnum haud obscure concedit Christi Vicarijs, Beato Petro, ejusque successoribus. Et ideo, quæ in vi hujus, Vicarium Christi characterem præferentis potestatis ordinantur, ita Dei sunt ordinationes, ut juxta ipsius etiam Cleri Gallicani sensum, obedientia eisdem debita, Deo reddatur. Merito igitur statuere, oportet, inter homines non*

B. 4

in



in puræ naturæ, sed elevationis supernaturæ  
lis statu positos, duplicem potestatem à Deo  
constitutam, Regiam scilicet seu *Politicam*, &  
*Ecclesiasticam* Christi vicariam. Quæ utraque  
potestas, cum sit *Iuris Divini*, in se ipsâ nequit  
ullius hominis ordinationi esse subiecta.

21

Tametsi verò cujuscumque *Politica* æquæ,  
ac *Ecclesiastica* ordinationis principium, sit *Ius*  
*Divinum*, seu potestas à Deo *immediatè* consti-  
tuta, utraque tamen ordinatio hujusmodi, ex  
hominis alterutrâ illarum potestatum præro-  
gativâ præeminentis, judicio & arbitrio pro-  
manans, *in se formaliter ac immediatè* spectata, est  
actus humanus. De cujusmodi adeo actu, *Politi-*  
*tici* licet regiminis sphaerâ circumscripto, quæ-  
ritur est; *An perinde ac ejusdem subjectum Christiani-*  
*tatis caractere insignitum, subordinetur potestati*  
*Ecclesiastica Summi in terris Christi Vicarij Romæ,*  
*ni Pontificis?*

## S. II,

21

**P**rimò igitur Regi Christiano indecorum  
esset, negare, Regiam potestatem ex Chri-  
stianitatis caractere, nihil de altiori perfectio-  
nis *supernaturalis* gradu participare, perinde ac  
si in eo collocaretur loco, quo esset in statu pu-  
ræ naturæ, ac etiamnum reperitur in Regibus  
Ethnicis. Totius autem lineæ *supernaturalis*  
fundamentum est lumen fidei, cui superstruitur  
*supernaturale* prudentiæ sublimioris lumen,  
Quis ergo neget, sicuti lumen naturale indi-

ex pag.  
7. n. 37.  
C. pag.  
8. 204.  
m.



ta habet virtutum semina, quibus non *privata* duntaxat honestatis, sed *Politici* etiam publicum Bonum respicientis Boni fit moderatio, sic *supernaturale* in fide Divinâ radicum lumen *objectivum* est ordinis *supernaturalis*, non in singulari duntaxat, cujusque honestatem *moralem* in Regnum Cælorum ordinabilem spectantis: sed, quia ex ipso Fidei lumine profitemur unam visibilem Ecclesiam, sub Christi Vicario coadunatam in aliquod publicum, & mysticum, & sub altiori ratione quasi *Politicum* Regnum, ipso Ecclesiæ nomine à Patribus Orthodoxis insignitum, oportet, in vi hujus *supernaturalis* luminis agnoscere cunctarum potestatum etiam *naturalium*, seu *physicarum*, seu *politicarum*, quâ *moralis* Regnum Cælorum ordinabilitatis capacium, coordinationem ad Regnum Cælorum, non privatim solummodo à fidelibus particulariter participantibus in cælis, sed quâ in terris ex hierarchico sanctæ Ecclesiæ regimine consistens, cunctos complectitur fideles, seu domesticos Dei, & cives Sanctorum. De quâ proinde *moralis* etiam publicâ, & quasi *politicâ* in Regnum Cælorum ordinabilitate communicat etiam Regia potestas, non equidem secundum suam præcisè naturam spectata, sed quâ sublimata ex characteris Christiani elevatione, in vi cujus Rex est constitutus vicariæ Christi authoritatis instrumentum, ad publicum Ecclesiæ sanctæ Bonum, in suo præcipuè Regno, æternæque salutis in

suis

suis charactere Christiano æquè insignitis subditis commodum, pro viribus promovendum. Quidni ergo Regia potestas ex charactere Christianitatis, participans de *activa* in Regnum cælorum in terris Ecclesiæ nomine insignitum subditorum coordinativâ autoritate, in suâ etiam personâ, quâ publicâ & Regiâ, communicet de *passivâ* in Regnum cælorum ordinabilitate per eum dirigendâ, cui Regni cælorum claves sunt à Christo commissæ?

4. Hinc *pro secundo* dicere fas est, Regnum quoque *Politicum* charactere Christianitatis condecoratum, participare de Regno Christi, quod asseritur *non esse de hoc mundo*. Hoc namque Christi in terris Regnum, obtinet normam publici etiam regiminis, fidelium sub uno Pastore Oecumenico in unitatem Fidei coadunatorum, sicque unam Rempublicam Christianam constituentium, in salutem æternam ordinantis. Num verò hujus ad Regnum cælorum, atque salutem æternam ordinis tum privati, tum publici capacia negaveris Regiæ potestatis in Christiano Principe residentis exercitia, & actus *Morales* etiam publicos?

5. Quare *pro tertio* nefas est, duas supremas in terris gubernandi *Ecclesiasticam* & *Politicam* potestates ita statuere, ac si essent prorsus disparatæ, nullam habentes inter se subordinationem, eò quod utraque sit *immediatè* à Deo. Numquid enim lumen naturale cum suis homini *naturaliter* inditis *Moralibus* principiis, est

est immediate à Deo ? Num verò propter à si lumen naturale non tam in suis principijs , quàm in horum contra Fidei supernaturalis dictamen applicatione deprehendatur aberrare, Fidei lumini , ejusque directioni , imò & correctioni subjacere debet? Sic profectò, dum ubi homo est elevatus ad statum supernaturalem, nulla jam dari potest iniquitas, seu falsitas cum fidei supernaturali lumine, ejusque *Moralibus* principijs pugnans, quin ipsi etiam naturæ lumini, & cum hoc commensurata naturali æquitati repugnet, nefasne erit potestati Ecclesiasticæ, super iniquitate hujusmodi se reflectendo, quodd eam corrigat, & ad supernaturalis luminis *Moralia* principia, atque horum dictamina, suâ Divinitus sibi concessâ auctoritate reducat ? Sic enim multimodè olim fuisse practicum, constat varijs argumentis alibi deductis. Quantumvis ergo utraque illa potestas habeat respectu Dei parem immediate, quoad sui nihilominus usum, vel etiam ad certum seu objectum, seu subjectum applicationem, evincitur potestas *Politica* in certis casibus *indirectè* subordinata & subiecta potestati Ecclesiasticæ.

Quæ proinde subordinatio pro quarto continetur ipsismet etiam verbis Apostolicis, ex parte adversâ ad suum intentum supra allegatis, quibus cavetur 13. ad Roman. capite, ut *omnis anima potestatibus sublimioribus subdita sit.* Quantumvis enim Angelici spiritus sint æque

pag. 6.

à n. 27.

et pag.

8. n. 40.

et seq.

immediatè à Deo, cum tamen inter se tenent ordinem, ut unus sit altero sublimior; unde fit consequens, quòd inferior in sui intellectus usu  
 pag. 8. subordinetur superioris illustrationi ac mode-  
 n. 39. rationi: sic proinde utriusque illius potestatis respectu Dei par immediatio non impedit, quò minus potestas *Politica* quoad sui usum sit subordinata potestati Ecclesiasticæ. Quam subordinationem haud obscure insinuavit Christus Dominus *Matthæi 22.* præciens, ita reddenda esse Cæsari, quæ Cæsaris sunt, servando ejus imperia & mandata *Politica*, ut in his major haberetur ratio eorum, quæ Dei sunt, potestatis scilicet Ecclesiasticæ, ad ea, quæ Dei sunt, fidei lumini, ejusque *Moralibus* principiis conformiter curanda, unicè intentæ, jussiones præferendo.

7. Verùm pro quinto, posito etiam, sed minimè concesso illo principio, quo *Politica* potestas negatur subordinari potestati Ecclesiasticæ, asseriturque, ad istam prorsus *disparatè* se habere: ne tunc quidem obtineretur adversæ partis intentio, ac si potestas Ecclesiastica non possit super potestatem *Politiciam*, cum manifesto sanctæ Ecclesiæ, fideliumque detrimento vel malè collocatam, vel perversè impensam protendi.

8. Numquid enim, si Rex quispiam æquè supremus, Gallicæ Coronæ Jura Regia invadat, Rex Christianissimus justo adversus ipsum indicto bello, victor evadens, non suæ Majestatis duntaxat Jura vindicat, sed Regni sui æque

æquo prælio occupatas, juribus spoliandum de-  
aggressorem suis quoque Regijs erga urbes  
cernit? Quidni ergo pro eo casu, quo Rex  
terrenus invadit jura Majestatis Pontificiæ,  
Ecclesiæque sanctæ Bonum Publicum pertur-  
bat, & legitimè admonitus, contumaci ne-  
quitiâ pessumdare contendit, jus erit Summo  
Pontifici, autoritatem suam eousque proten-  
dere adversus talem Ecclesiæ sanctæ hostem  
publicum, quousque Christianissimus Galliæ  
Rex prætendit, supremæ Majestatis suæ pote-  
statem prævalere, ad suæ Coronæ Regiæ juri-  
um aggressorem, æquè licèt supremum Princi-  
pem, suis juribus exuendum?

pag. 9  
20.45

Pro sexto quispiam fortassis hoc argumen-  
tum retorquere nitetur, sciscitando, si jus  
naturæ cuique supremo Regi talem concedat  
judicialiter & milititer procedendi authorita-  
tem contra quemcunque, supremū licèt Princi-  
pem Coronæ suæ Regiæ invasorem iniquum,  
an igitur Rex illâ suâ supremâ authoritate æ-  
què uti posset adversus Summum Pontificem,  
Jurium suorum Reginum fortè perturbato-  
rem? Verùm præterquàm successio in Papa-  
tu sit Juris *Divini*, adversus quod nulla huma-  
na potestas quidquam facere potest; succes-  
sio autem in Corona Regia sit dependens ex  
constitutionibus humanis, quoad *moralitatem*,  
quâ in Regnum cælorum, adeoque Ecclesiæ  
sanctæ Publicum Bonum ordinabilem, Pon-  
tificiæ authoritati universim ac indefinitè subje-

20

Arg.

32. **Etis**: altera adhuc ex ipsissimo hoc principio responsio in promptu est; quòd, sicut lumen naturale cum totâ *Moralitatis* sibi proportionatâ sphaerâ est elevatum ad statum supernaturalem, sic Regia suprema Majestas quoad omnimodam lumini natu ali commensuratâ sphaeram, sit in vi supernaturalis totam *Moralitatis* naturalis lineam complectentis elevationis, jam subordinata suprema Ecclesiasticâ potestati. Quemadmodum igitur cum hac ad statum supernaturalem universæ *moralitatis* naturalis elevatione haud subsistit, quòd lumen naturale possit sibi arrogare officium quasi iudicis super fidei lumine supernaturali, sed potius oportet econtra, ut lumen naturale se captivet in Fidei obsequium: sic neque *Politica* Regia Majestas, naturalis luminis sphaerâ circumscripta, superextendere se unquam potest super Ecclesiasticam potestatem, præcipuè supremam, altiori Fidei lumine superstructam: nec adeò Rex, seu Imperator sibi arrogare unquam potest vel iudicium, vel bellum adversus Summum Pontificem, ex vicariâ Christi autoritate, supremâque adeò Ecclesiasticâ potestate procedentem, ad Regis, Pontificiæ Majestatis hostis, depositionem.

Hinc principia illa ex lumine tum *naturali*, tum Fidei *supernaturali* petita inter se combinando, pro *septimo* sequens efformari potest argumentum Theologicum. Nempe luminis naturalis certum & indubitatum est *Morale* prin-

principium, quodd supremæ Majestati jus sit, se ipsam, & jura sua propria eoulsque vindicare, ut sub prævio injustæ aggressionis judicio etiam publico, possit injustam suæ Majestatis aggressorem, Regem æquè licèt supremum, armis suis subigere, eumque sic devictum, ex parte saltem, vel si causæ æquitas, seu necessitas exigat, ex toto deturbare Regno suo, exuereque Regiâ suâ supremâ auctoritate. At Fidei lumine certum est hoc alterum principium, quodd vicaria in Ecclesia Christi potestas, saltem unâ cum Concilio Oecumenico ( de quo *infra* ex instituto agetur, hoc puncto intereâ reservato in suspenso ) sit suprema quædam auctoritas à Christo Domino instituta, obtinens summæ intrâ Ecclesiam Majestatis jura, nulli alteri in terris subjecta & subordinata, sed soli Christi judiciariæ potestati subdita. Hisce igitur duobus prorsus certis, altero *naturalis luminis*, altero *Fidei* principiis præsuppositis, quæ inde per legitimam consequentiam Theologicam inferenda erit conclusio, nisi quodd Oecumenica suprema Ecclesiæ potestas, æquè ac Regia supremi Principis auctoritas possit quemcunque etiam Regem, sanctæ Ecclesiæ, ejusque supremæ Majestatis aggressorem, tum judiciariâ potestate, tum spiritualis armaturæ potentiâ suâ persequi usque ad ipsius exauthorationem.

Concludendo igitur ex ipsomet Christi Domini pronuntiato, & per Clerum Gallicanum

num ad intentum suum producto principio, quod *Ioannis* 18. exaratum habetur, pro octavo ita licet argumentari. Num Catholico Theologo digna vox esset, asseverare, quod ulla ex humano arbitrio sit dependens *Moralitas*, cui non superstruatur ordo ad salutem æternam, in tantum, ut quævis deordinatio à luminis naturalis *moralis honestate*, ex statu supernaturalis elevationis, inseparabiliter importet deficientiam à *supernaturali quoque moralitate*, ejusque *specificativo Fine æternæ salutis*? Num Ecclesiæ porro regimen dicere fas est, consistere in præcisa privatorum, & cujusvis Christiani propriorum actuum ad salutem æternam ordinatione, non verò obtinere normam publici quoque regiminis fidelium, sub uno Capite & Pastore Oecumenico in unitate Fidei coadunatorum, sicque unam Rempublicam Christianam constituentium, moderantis, atque universale sacre Religionis Bonum sub publico etiam Dei cultu, *authoritative* ordinantis ad æternæ salutis Finem Ultimum? Num verò ab hoc publico sanctæ Ecclesiæ regimine sub fidei unitate omnimodam honestatem supernaturalem, cum æternæ salutis Fine Ultimo, ac publico Religionis cultu Mysteroso proportionabilem convenienter ordinante ac dirigente, excludere fas est, qualecunque Principis sæcularis, maxime Christiani Regnum Politicum? Num autem hujus ad æternam salutem ordinis tum privati, tum publici, capacia nega-

veris

pag. 10.  
n. 47.



veris Regiæ potestatis in Christiano Principe residentis exercitia, & actus *Morales* etiam publicos? Quandoquidem ergo Regni Christi, nempe Ecclesiæ, Sphæra sit quorumcunque Christianorum, *Moraliumque* in his actuum, in salutem æternam, publicumque Dei cultum, communeque Ecclesiæ sanctæ Bonum ordinabilitas, sub hac autem Sphæra contineantur etiam Regna, Regiæ potestates, nec non quicunque Christianorum, ipsorum adeo Regum, actus *Morales*, in salutem æternam, publicæque Religionis Bonum ordinabiles, consequens est, secundum hanc ordinabilitatem, Regno Christi, nempe sanctæ Ecclesiæ, ejusque Oecumenicæ potestati subesse quoque Regna, Regumque actus *morales*, circa temporalium etiam rerum dispositionem versantes, secundum dictam ordinabilitatem spectatos, atque ad hanc, ceu *specificativum* Ecclesiasticæ potestatis objectum *Formale*, se habentes tanquam objectum *Materiale*.

Exinde denique pro nono hunc in modum reassumere licet partis adversæ primum ex *Roman. 13. capite* desumptum principium, quo jubetur, ut *omnis anima potestatibus sublimioribus sit subdita*, quippe cum non sit potestas, nisi à Deo, quæ autem sunt à Deo, ordinata sunt: itaque quæ potestati resistit, Deo resistit. Ex præactis nempe principiis evincitur, potestatem Pontificiam super omnes Christianos protensam, ita esse à Deo, ut eidem, totam *Moralitatis* line-

ex pag.  
10. cit.  
n. 47.

am complectenti, subordinata sit Christiani Regis *Politica* quoque potestas quoad actuum suorum etiam publicorum, Regiæque dignitatis ad hoc subiectum applicabilitatis *moralitatem* spectata. Si ergo Rex potestati Pontificiæ resistat, an non Dei ordinationi eatenus resistit, ut Deo resistere ex illo Apostolico pronuntiato vincatur? Quod si proinde Rex, quantumvis in linea *Politici* regiminis supremus, attamen in linea Regni Christi subordinatus supremo Ecclesiæ sanctæ Pastori Oecumenico, moliatur aliquid adversus Publicum Ecclesiæ Bonum, ac regimen, suæ Regiæ potestatis actibus non tantum desciscendo a sphaera supernaturalitatis in sanctæ Religionis etiam publicæ, atque salutis æternæ finem ordinabilis, sed istud Ecclesiæ sanctæ publicum Bonum evertere conando, atque per schisma, seu perversa, adversus Oecumenicum sanctæ Ecclesiæ Pastorem, ejusque regimen conamina, turbando pacem & tranquillitatem, unitatemque Fidei, ac Religionis etiam publicæ, an non ex tunc speciali etiam publici Ecclesiæ sanctæ Boni protervè violati titulo, incipit esse subiectus Ecclesiasticæ potestatis judicio, ejusque authoritati judiciariæ?

13.

Ex quibus universis jam patet, quos Clerus Gallicanus pro suo intento producebat sacros textus, juxta certa Fidei principia ritè expositos, prævalidè retorqueri ad Pontificiæ potestatis supra Reges extensionem, deinceps

dire-

directè & positivè comprobendam ex sacra  
Scripturæ Divinis Oraculis.

## CAPUT II.

In quo *secunda* assertionis fit demon-  
stratio.

**H**ujus assertionis summa est, quòd Regiæ  
potestatis ad certum Christianitatis chara-  
ctere insignitum subjectum applicabilitas, unà  
cum publicis ejusdem functionibus, superin-  
duat quandam *Moralitatem*, quæ supernatura-  
lis elevationis lineam respiciat, subordinatam  
adeò, ac subjectam clavibus Regni cælorum,  
Petro, ejusque successori per Christum com-  
missis.

## §. I.

**C**ujus proinde assertionis probatio *primæ*  
desumitur ex præinsinuato Matthæi 16. cap.  
v. 18. & 19. Ubi Christus isthæc ad Petrum ver-  
ba proferebat: Ego dico tibi, quia tu es Petrus, &  
super hanc petram ædificabo Ecclesiam meam, & por-  
tæ inferi non prævalebunt adversus eam. Et quod-  
cumque solveris super terram, erit solutum & in cæ-  
lis, & quodcumque ligaveris super terram, erit li-  
gatum & in cælis. Nam 1. ex his Christi Domini  
verbis evincitur, quòd isthæc clavium potestas  
non fuerit alligata ad Petri personam, sed con-  
nexa sit cum perpetuo sanctæ Ecclesiæ, à portis

C a

inferi

inferi in

inferi nunquam superandæ statu. Ex vi cuius proinde connexionis, potestas illa determinabatur propaganda per successionem. Quisquis ergo legitimè designatur Petri successor, ex ipsa Christi institutione, *immediatè*, adeoque ex *iure Divino* accipit *indefinitam potestatem ligandi & solvendi, quodcumque est super terram.*

3. Sed quid sub ista voce *Quodcumque* comprehenditur? Non utique id, quod est *physicum* quidpiam, consistens super terram, sed quod *Morale* est in hominibus. Hoc namque aperte demonstrat sacer contextus, vi cuius illa ad quodcumque solvendum, seu ligandum super terram protensa potestas combinatur cum clavibus Regni cælorum. Quidquid ergo humani operis ac rei habet respectum ad Regnum cælorum, continetur sub illo *Td Quodcumque.* Hæc verò humanorum actuum ac functionum in Regnum cælorum ordinabilitas, est ipsissima *moralitatis* ratio, in homine, Christianitatis caractere præcipuè insignito, obtinens ordinem ad Ecclesiam tum Militantem, tum Triumphantem; ex ordine namque ad hoc utrumque Regnum cælorum, sunt definitæ claves, Petro, ejusque successori commissæ, cum potestate solvendi & ligandi *quodcumq; super terram.* Quandoquidem igitur Christus nihil de eo genere, quod *super terram Morale est*, aliquo ad Regnum cælorum respectu vestitum, ab illa potestate exceperit, num dicere fas est, de tali

Regnum

Regnum cælorum respicientium rerum genere, non esse Reges, seu potestatem Regiam, non tam in se Formaliter spectatam, quoad præcisam naturam suam, quomodo se habuisset in statu etiam puræ naturæ, sed quæ applicatam subiecto insignito Christianitatis charactere, unâ cum Regis huiusmodi universis *Moralibus* actibus, ipsoque adeo Regiæ potestatis exercitio?

Quis namque pro *secundo* ausit Christiano Regi eam inurere ignominiam, ac si ex charactere Christianitatis, quo in sacro Baptismate est insignitus, non æquè ac cæteri homines Christiani, haberet signum Divinitus impressum, coordinativum animæ ad regnum cælorum, subiectæ adeo clavibus Apostolicis, Petro, ejusque successori commissis? Harum verò clavium sphæra à Christo Domino describitur ex *indefinitâ* ligandi & solvendi potestate, supra omne *Morale* protensâ, quod ita est super terram, ut tamen respectum habeat ad regnum cælorum. Numquid autem, si actus quicumque *Moralis* in Rege, publici quoque regiminis, deficiat ab honestate *moralis* etiam *naturali*, eo ipso, quod homo sit elevatus ad statum supernaturalem, & dum Christianus est, talis suæ elevationis signum præferat ex charactere per sacrosanctum Baptisma sibi indito, prorsus hinc redditur consequens, talis actus à naturali honestate deficientis *moralitatem*, contrahere reatum peccati, cum fine quoque supernaturali cælestis beati-

4.

ex pag.

21. n.

102.

tudinis pugnantes? Quomodo igitur fas foret, actus *morales* Regiæ potestatis, ut sic regimen *Politicum* respicientes, excipere à *moralitate*, ex Christi institutione, sanctæ Ecclesiæ clavibus subjectâ.

5.  
1bi n.  
193.  
Sed numquid pro *tertio* excipere licebit, peccati reatum ex Regiæ potestatis perverso usu resultantem, respicere duntaxat *conscientiæ* forum, subjacereque Sacramentali solummodo absolutioni? At Christus illis verbis suis commisit Petro, ejusque successori Oecumenicam solvendi & ligandi potestatem, quæ complectitur Fori quoque *Externi* judicium, protenditurque ad quodcumque hominis Christiani *Morale*, sub præinsinuato ad regnum cælorum ordine consistens, vinculum. Nefas igitur foret, negare, potestatis Regiæ homini ad statum supernaturalem elevato, & characteri Christianitatis insignito inexistens, qualiacunque exercitia subesse Oecumenicæ, Summi Pontificis Petro succedentis authoritati, Forum quoque *Externum* respicienti: sive hujusmodi Regiæ potestatis actus proprii se habeant per modum legis, sive per modum sententiæ judiciariæ, respiciantque non privatum duntaxat subditorum, sed etiam publicum *Politici* Regiminis Bonum, cum sic etiam obtineant talem super terra *moralitatem*, quæ ipsum regnum cælorum respicere debeat.

6.  
1bid. n.  
194.  
An verò pro *quarta* claves regni cælorum cum *indefinitâ* suâ ad omne *Morale*, quod est *su-*  
per.

*per terram*, protensâ ligandi & solvendi auctoritate, Petro, ejusque successori per Christum commissas fas est, ita coarctare, quasi instar œconomice potestatis privatum, duntaxat salutis æternæ commodum in sibi subiectis ovibus, solum *sigillatim* ac *divisim* spectatis, attendere debeant? Verum eo ipso, quod claves illæ, secundum Christi Domini sacrorum verborum contextum, habeant respectum ad Ecclesiam, quæ est regnum quoddam ex cunctis Christi fidelibus coadunatum, oportet, illam *indefinitam* ligandi & solvendi potestatem, protendi etiam super publico Ecclesiæ, fideliumque in unum Christi corpus Mysticum coadunatorum Bono, quâ in Regnum cælorum, tum æternæ fidelium salutis, tum Divini honoris etiam publici finem, respiciens ordinabili. Hæc autem publici intra Ecclesiam regiminis ratio consistere haud potest, absque Oecumenicâ auctoritate condendi leges publico Ecclesiæ Bono convenientes, & absque judiciariæ potestatis in Foro etiam *Externo* exercendæ usu, ubi Ecclesiæ sanctæ necessitas tale quid exigit. Cui proinde publico Ecclesiæ regimini subesse debet, quidquid in Regibus charactere Christianitatis insignitis, est *moralitatis*, in regnum cælorum ordinabilis. Quia igitur ipsius etiam Regiæ potestatis ad certum subjectum applicabilitas, atque auctoritatis ejusmodi in tali subjecto consistentia cum omnimodis, publicis etiam judi-

ciarijs actibus, utique *Morale* quid est, in regnum cælorum ordinabile, quomodo à clavis, publicum sanctæ Ecclesiæ regimen importantibus, & ad quodcumque super terram *Morale*, quâ in regnum cælorum scilicet ordinabile, protensis, excludere liceret Regiam potestatem, non tam in se formaliter, secundum quod est *Iuris Divini*, quàm subjective spectatam, quoad sui ad certum subiectum applicabilitatem, ex *moralis* hominum dispositione pendentem, nec non quoad publicos seu Judiciariæ, seu Legislativæ potestatis actus, quâ *moralitatis* etiâ supernaturalis, in cælorum tam Militans, quàm Triumphans regnum ordinabilis participes?

Ex hac proinde *super quodcumque in terris* *Morale* protensâ authoritate Pontificiâ, pro quinto profuxit, quod Gregorius II. ob publicas Ecclesiæ necessitates, Caroli Martelli Francorum Regis subsidium implorans, eidem detulerit Romanum Consulatam: quod idem Papa Leoni Isaurico in Catholicos favienti tributum à Romanis pendi solitum abrogavit: quod Zacharias Papa Regnum Franciæ Childerico inter otia & voluptates marcenti ademptum, transtulerit in Pipinum, ut scilicet subsidium ferret Ecclesiæ, adversus iteratas Longobardorum molestaciones, Copronymo Imperatore nullū aliud bellum, quàm cum sanctis Imaginibus gerente: quod Stephanus Papa III. ius Regiæ Coronæ ad Pipini quoque successores porro



prorogârit, faciens, ut Franciæ Proceres jura-  
 mento se obstrinxerint, nunquā ex aliā, quā  
 Pipini stirpe, Reges à se admissum iri: quòd de-  
 nique Leo III, Occidentis Imperium à Græcis  
 ademptum, Ecclesiæ sanctæ publicis necessita-  
 tibus ita exigentibus, transtulerit in Carolum  
 Pipini filium, ejusque stirpem masculinam.

ex cit.  
 pag.  
 44. n.  
 92.

Ibi n.  
 94.

Horum universorum pro quinta ratio ac-  
 cersiri potest ab Extravagante unicâ. *Si fratrum.*  
*Ne sede vacante.* quòd nempe Romano Pontifi-  
 ci in personâ Petri, terreni simul & cælestis Imperij  
 jura Deus ipse commiserit. Sed quomodo, in-  
 quies, terreni Imperij jura dici possunt à Deo  
 fuisse Papæ commissa? Non aliā utique ex ra-  
 tione, quam prout terrenum Imperium inter  
 Christianos supervestitur ordinabilitate in  
 regnum cælorum tam Militans, quam Trium-  
 phans, atque sub hac formalitate *Moralitatis*  
 etiam supernaturalis, subordinatur auctoritati  
 Divinitus constitutæ ad quodcunque super terram  
*Morale solvendum, seu ligandum*, in regnum sci-  
 licet cælorum, atque adeò ad publicum quoque  
 Ecclesiæ sanctæ regimen, ordinabile. Ab hoc  
 namque ordine Divinitus constituto excludere  
 terrenum inter Christianos regnum, perinde  
 foret, atque hoc redigere ad statum seu puræ  
 naturæ, seu Ethnicismi, qui, uti destitutus  
 erat lumine supernaturali, sic eidem haud lu-  
 cebat ille in Ecclesia Christi Divinitus con-  
 stitutus ordo ad regnum cælorum, cui omne super  
 terram *Morale*, adeoque ipsum etiam regnum

8.

ter-

5m  
 ter-19.

terrenum, quâ Moralitate ejusmodi inter Christianos supervestitum, subordinari debet.

## S. II.

*In quo præactæ assertionis secundæ fit confirmatio ex Deut. 17. capite v. 8.*

96  
ex pag.  
24. n.  
64.

EX hoc namque sacro textu constat, si difficile & ambiguum inter lepram & lepram, inter causam & causam, inter sanguinem & sanguinem perspiceretur judicium, oportuisse, ut judiciaria potestas sæcularis ad summi sacerdotij judicium deferretur, requirendo inde judicij veritatem. Quæ potestatis sæcularis ad sacerdotij Veteris auctoritatem subordinatio, tanta erat, ut omninò fuerit faciendum, quodcumque ex illius judicio fuerat sancitum, Deo statuente mortis pœnam adversus illum, qui nollet obedire sacerdotis imperio, Judicisque decreto. Quæ proinde sæcularis judiciariæ potestatis ad sacerdotium subordinatio complectebatur causas tam Civiles, quàm Criminales, ubi de judicij ex Divina lege definiendi veritate, in Politico Tribunali ambigebatur. Quidni ergo Novi quoque Fœderis summus Pontificatus, cui commissæ sunt claves regni cælorum, ad quodcumque super terram Morale, quâ in regnum cælorum ordinabile, per Christi Domini verba protensæ, dicendus sit habere sibi subordinatum quodcumque inter Christianos *Politi-*

*cum*

cum regimen, & iudicium, quâ moralitate huiusmodi supervestitum, nisi regnum ejusmodi politicum excludere malis ab ordine regnum cælorum respiciente?

Si pro secundo quispiam contendat, id criminis esse inter Novum & Antiquum Testamentum, quod in hoc leges *Judiciales* fuerint *Divinae*, quarum adeo interpretatio merito petenda erat à sacerdotali auctoritate: at in Novo Testamento leges *Fori Civilis* sint *Juris humani*, ab ipsis Regibus & Imperatoribus latae, ut secundum eorum normam perageretur iudicium. Quî ergo dicere fas sit, super eas extendi supremam Christiani sacerdotij auctoritatem?

Verum hac Novi & Antiqui Fœderis discrepantiâ sponte admissâ, considerandum adhuc superest ex præadducto sacro textu, quod sacerdotale iudicium in Veteri Testamento, *directè* ferebatur super legis judiciariæ Divinitus constitutæ interpretatione, ut tamen *indirectè per modum objecti materialis* attingeret ipsas quoque *Civiles* causas, præviâ de legitimo legis sensu, sacerdotalis sententiæ conformiter dijudicandas: eodem sacro textu dilucidè sanciente: Si difficile & ambiguum apud *secularis* Fori iudices *perspectum* fuerit iudicium *inter sanguinem & sanguinem*, *causam & causam* verè *Civilem*, (utpote super quâ intrâ laicæ potestatis portas, seu tribunalia *existerat* iudicium *variatio*) eatenus debuisse iudicij veritatem

10.

11.

*Ibid. n.*  
66.

12.

13.

in-

indagari ex iudicio sacerdotis, ut in ejusmodi specificâ causâ oportuerit, iudices laicos, sequi sententiam sacerdotum.

12.

Ibid. n.

67.

Et si verò leges, secundum quas intra statum Novi Fœderis sit iudicij Civilis ac Criminalis in foro seculari moderatio, non jam sint specificè Divinæ, sed ab ipsismet Regibus seu Imperatoribus, pro suo Regno seu Imperio latæ fuerint: attamen cujuscumque legis ratio exigit ad essentialem sui valorem, ne sit difformis, sed positivè conformis juri Divino, vel naturali, vel positivo. Hæc autem cum jure Divino etiam naturali conformitas, ex statu supernaturalis hominum elevationis, subsistere nequit, si qualemcunque habeat cum lege Divinâ sacris Litteris nobis patefactâ dissonantiam. Sub quâ proinde cujuscumque cum honestate sacris Litteris sancitâ, difformitatis formalitate, ad Ecclesiasticæ potestatis sphæram spectante, lex à Rege, vel Imperatore lata, per modum objecti materialis indirectè saltem subijcitur sanctæ Ecclesiæ iudicio, & authoritati; siquidem hujus sphæra, secundum dilucida Christi verba, complectatur Quodcumque in terris Morale, quâ in regnum cælorum ordinabile, sive quâ supervestitum moralitate seu conformitatis, seu difformitatis cum regno cælorum.

13.

ex pag.  
6. n.  
27.

Huc pro tertio reduci potest praxis, intra Ecclesiam quoad leges Imperatorias reformandas, multimodè frequentata. Leges namque Imperatoriæ olim firmabant validam, etiam malâ

malâ fide peractam præscriptionem. Quod, ubi Summi Pontifices agnoscebant, non cum naturali duntaxat honestate, sed cum supernaturalis quoque Moralitatis rectitudine pugnare, ex autoritate Christi vicariâ improbabant tanquam iniquum. Et quia nulla est excogitabilis iniquitas juri naturali repugnans, quin supernaturalis quoque honestatis rectitudini adverteretur, ideo malæ fidei præscriptio, non poterat damnari, quâ æquitati supernaturalis moralitatis contraria, quin abolenda decerneretur sub moralitate, quâ præciso etiam luminis naturali adversante. An non igitur sub hoc supernaturalis moralitatis respectu in lege Civili Præscriptionis reformandâ, judicij veritas ita procedere debebat ex Summi Sacerdotij autoritate, ut hæc *Quodcumque in terris Morale*, quâ ad regnum cælorum ordinabile ambiens, solvere valuerit iniquitatem Juris, à Politicâ autoritate contra æquitatem tam naturalem, quàm supernaturalem perperam constituti.

140

Sic pro quarto Jura Civilia olim decreverunt, jusjurandum ex metu initum, esse invalidum, sacri autem Canones è contrario vinculum Religionis inde obortum sanxerunt validum, sed autoritate Ecclesiæ rescindendum. An igitur dicere fas est, non attentâ ejusmodi Canonicâ sanctione, posse intrâ lineam moralitatis naturalis defendi illius jurisjurandi invaliditatem, utpote stabilitam ab Imperatoriâ supremâ politicâ autoritate? Hoc si quispiam tueri vellet, pro-

ex cit  
pag. 6.  
n. 28.

fecto fateri deberet, dari honestatem quam-  
piam *naturalis* ordinis, quæ *supernaturali* mo-  
ralitati esset contraria, quod tam impossibile  
est, quam indubitanter verum est, verum  
*naturalis* ordinis pugnare haud posse cum ve-  
ro *supernaturalis* ordinis: neque tamen veri-  
tas *supernaturalis* ex *naturalis* ordinis veritate,  
sed hæc econtra ex illâ est dijudicanda.

15. Quinto. Hoc proinde argumentandi genus  
(quo *versus* decimus octavus ex Matthæi 16.  
ex pag. capite in præcedenti S. nostro adductus, confer-  
66. n. tur cum præsentis *versu* octavo præallegati 17.  
171. capitis Deuteronomij) etiam complexus est In-  
nocentius III. in Cap. Per venerabilem. Qui filij  
sint legitimi. Ubi Pontifex iste dans rationem,  
quo jure & autoritate etiam quoad tempo-  
ralitatem dispensârit in illegitimitate filij Re-  
gis Franciæ, hunc in modum argumentatur.  
Rationibus inducti, Regi gratiam fecimus requisiti,  
causam tam ex Veteri, quam Novo Testamento  
trahentes, quod non solum in Ecclesiæ patrimonio,  
verum etiam in alijs regionibus, certis causis in-  
spectis, temporalem jurisdictionem casualiter ex-  
ercemus; non quod alieno juri præjudicare velimus,  
sed quia, sicut in Deuteronomio continetur: Si  
difficile & ambiguum apud te judicium esse  
perspexeris inter sanguinem & sanguinem,  
causam & causam, lepram & lepram &c. ve-  
nies ad sacerdotes Levitici generis &c. &  
facies, quæcumque dixerint, qui præsunt loco,  
quem elegerit Dominus, sequerisque eorum  
sententiam &c.

Sanè cùm Deuteronomium Lex secunda interpretetur, ex vi vocabuli comprobatur, ut, quod ibi decernitur, debere in Novo Testamento servari: locus enim, quem elegit Dominus, Apostolica Sedes esse cognoscitur &c. Is verò super sacerdotalis Officij coadjutores, iudex existit, cui Dominus inquit in Petro: Quodcunque ligaveris super terram, erit ligatum & in cælis &c. Ejus vicarius, qui est, sacerdos in æternum secundum ordinem Melchisedech, iudex vivorum & mortuorum. Tria quippe distinguit judicia, primum inter sanguinem & sanguinem, per quod Criminale intelligitur & Civile. Ultimum inter lepram & lepram, per quod Ecclesiasticum denotatur & Criminale. Medium inter causam & causam, quod ad utrumque refertur, tam Ecclesiasticum, quàm Civile, in quibus, cùm aliquid fuerit difficile & ambiguum, ad iudicium est Sedis Apostolicæ recurrendum, cuius sententiam, qui superbiens contempserit observare, mori præcipitur, id est, per excommunicationis sententiam velut mortuus à communione fidelium separari. Quæ igitur in Antiquo Fœdere erat sacerdotij summi prærogativa Deuteron. 17. v. 8. sancita, ad iudicij veritatem in causis ambiguis tam Criminalibus, quàm Civilibus pro foro etiam seculari decernendam, par, imò major in Novo Fœdere est Summi Pontificatus seu vicariatus, ipsummet Christum representantis, præeminentia, vi illius Canonis definita, ad hoc, ut, dum dubitatio, seu quæstio oritur de moralitate in regnum celorum ordinabili,

bilis, vi constitutionis per Christum Matthæi 16. capite latæ, judicij, seu legis veritas pro causis seu Civilibus, seu Criminalibus in Foro quoque Politico determinandis, referenda sit ad Christi vicariatum, seu Summum Pontificatum.

17.

Pro sexto igitur concludere tandem licet per hanc sequentem argumentationē. Quemadmodum scilicet *Deuteron. 21. cap. 5.* Deus imperavit, ut ad verbum sacerdotum omne negotium, & quidquid mundum, vel immundum est, finiatur. Sic quid moralitati honestatis supernaturalis vel difforme, adeoque immundum, vel conforme, ac proinde mundum sit in omni etiam seculari negotio, quæstionis hujusmodi definitio spectat ad Romani Pontificis auctoritatem super quocunque in regnum calorum in terris ordinabili à Christo protensam. Quare Sacerdotij Regalis, seu vicariatûs Christi iudicium super Regijs quoque & Imperatorijs, lineæ supernaturalis moralitate necessario supervestiendis legibus, & consequenter super Civilibus ex harum normâ decidendis causis quibuscumque, superextenditur, non quidem directè ac per se, sed indirectè & materialiter, quatenus scilicet Summi Oecumenici Pastoris officium requirit, providere, ne quid à jure Divino seu naturali, seu positivo distortum irrepat, siquidem deviatio à naturali æquitate, subsistere nequeat, quin habeat repugnantiam cum fine salutis æternæ, honestatèque etiam supernaturali, ipsiusque Reli-

gionis

ex pag.

14. n.

68.



gionis sanctæ decore. Sub quâ adeò repugnantia formalitate, si quando in legibus Civilibus interveniat, istæ celi objectum materiale, necessario subesse debent iudicio Pontificiæ authoritatis, ad *Quodcumque in terris Morale*, seu ordinabile in regnum cælorum protensæ.

S. III.

*In quo præfata assertionis secundæ*

*Probatio fit ex Christi Domini verbis*

*Ioannis ultimo prolatis ad Petrum: Pasce oves meas: Pasce agnos meos.*

**N**Am primò, quam Christus Dominus *cit. Matth. 16. cap.* clavium potestatem promiserat Petro, intra Ecclesiam ad finem mundi usque duraturam, successionis ordine, eam post gloriosam resurrectionem sub præadditis verbis *actualiter* contulit eidem Apostolorum Principi. Hæc namque pascendi potestas ita habet respectum ad singulos Christi fideles, verbo Dei, & correctione salutarâ pascendos, ut simul habeat ordinem ad publicæ Ecclesiæ regimen, Ecclesiamque sanctam, seu Mysticum Christi Corpus, ac Regnum, publicâ adeò authoritate pascendum, sicque gubernandum ad communem sacræ Religionis utilitatem. Cui proinde publici quoque regiminis, seu Christiani regni ordini subduntur, quotquot sunt Christi oves seu agni.

*Quia*

Quis ergo Reges Christianos ab hoc Christi ovium ordine, ac regimine etiam publico, exclusos velit, dum tamen Christus nullam suarum ovium, caractere nempe Christianitatis in Baptismate insignitarum, ab illo Pastoralis munere, publici Ecclesiæ sanctæ regiminis normam præferente, exclusam voluerit?

19.

Neque pro secundo tricas movere, fas est, ex verbo *Pascendi*, quasi hæc vox mitior videretur, quam ut regiminis publici coercitivam etiam potestatem denotaret. Etenim Psalmi *vigesimi secundi versus primus*, qui in Vulgatâ ita legitur, *Dominus regit me*, in alia versione huiusce constat verbis, *Dominus pascit me*, claro ad eò argumento, verbum *pascendi* esse aptum, significare publici quoque regiminis auctoritatem. Hanc verò significationem habere locum in illis Christi ad Petrum prolatis verbis, evincitur ex hoc, quòd sub illis collata fuerit ipsissima illa auctoritas, quæ *Matthæi 16.* fuerat à Christo promissa Petro sub clavibus regni caelorum, cum *indefinitâ* potestate ligandi ac solvendi. *Quodcumque in terris* *Morale*. At huiusmodi solennis solvendi & ligandi auctoritas, obtinens ordinem ad regnum caelorum Militantis etiam Ecclesiæ, Hierarchicam publici quoque regiminis normam, uti sacra Fides docet, præferentis, non potest non esse jurisdictionis, cujus sphaera complectatur universam *Moralitatis* lineam *indefinitè*, absque ullâ proinde exceptione spectatam, atque adeò quid-

quidquid in Regiæ potestatis vel ad certum  
subjectum applicabilitate, vel publici regimi-  
nis est *moralitatis*, sinu suo ambientem.

Neque pro *tertio* juvat, quod sub Conci- 20.  
lio Tridentino aliqui Galli obijciebant, verba  
illa, *Pasce oves meas*, complecti singulas dun- *pag. 17.*  
taxat Christi oves, *Divisim*, non verò *Collectim* *n. 21.*  
*spectatas*, quæ *constituunt unam Christi Ecclesiam*.  
Hoc namque obijciebatur, ne inde probari  
possit Papæ super Concilio universam Ecclesi-  
am repræsentante, sicque oves Christi *colle-*  
*ctim* in Episcopis complectente superioritas,  
de quo puncto agemus *sequenti articulo*. Inte-  
reâ sermo hic est de Regibus *sigillatim* specta-  
tis, qui si oves Christi audire velint, utique  
comprehenduntur etiam sub illis verbis, Petro,  
ejusque successoribus *disertè* concedentibus  
potestatem pascendi, sive regendi universas  
Christi oves, ex autoritate protensâ super  
*Quocumque in terris Morali*, in Ecclesiæ tam Mi-  
litan-*ti*, quàm Triumphantis cælorum regnum  
ordinabili, à quo *Moralitatis* ordine turpe es-  
set, Christianorum Regum quamcumque, pub-  
lici quoque Regiminis functionem, ipsiusque  
etiam Regiæ ad hoc subjectum applicabilita-  
tem excipere.

Quod si igitur pro *quarto* Rex Christianus 21.  
non in suâ duntaxat personâ extra sacrosancti  
regiminis Ecclesiastici, ceu universalis Christi *ex pag.*  
ovium pascui, limites aberret, sed alios in- *22. n.*  
super Christi fideles ab hoc Christi ovium gre- *105.*

ge abducatur, imò ipsam Christi Ecclesiam quoad publicum sacrae Religionis propagandæ, atque conservandæ conforme Divinitus constitutum regimen infestet, ejus jura invertat, unitatem Fidei conturbare nitatur, seu ejus perturbatores tueatur, atque defendat, sanctamque Religionis publicæ pacem evertere molia-  
 tur, quomodo talis Rex, Christianitatis caractere insignitus, quoad omne id, quod in se super terram morale est, respiciens Regnum cælorum, ejusque claves, non subjacebit, haud privatæ duntaxat correctioni, sed publicæ etiam Oecumenici supremi Pastoris correptioni?

n2.

Id pro quinto confirmatur ex Bonifacii VIII. Constitutione *Extravagante. Vnam sanctam. De majoritat. & obedientia.* Cujus summa in hanc

Refer  
tur per  
actum  
sum  
§ 2. 33.  
§. 40.

argumentationem reduci potest. Quando Christus Petro, ejusque successor dicit: *Pasce oves meas*; intelliguntur eidem commissæ universæ Christi oves, estque adeo de necessitate salutis, credere, quod Romano Pontifici, seu Petri successor, subsit omnis humana creatura in Ecclesiæ unitatem congregata sub uno Capite Christo, ejusque Vicario. Sub eâ autem Pastoralis muneris potestate continentur duo gladii, *spiritualis*, videlicet ac *temporalis* auctoritas. Christo Domino, ubi Apostoli dixerant: *Ecce duo gladii hîc* (id est in Ecclesia) respondente: *Satis esse.* Inter quos adeo binos gladios *temporalis* potestas fuit à Christo de-

signa-

signata Allegoricè, quando dixit ad Petrum: *Converte gladium tuum in vaginam.* Ex hoc namque evincitur, non *spiritualem* duntaxat, sed etiam *temporalem* gladio illo Petri designatam potestatem, subesse authoritati Ecclesiæ, sub eâ quidem differentiâ, ut ille potestatis *spiritualis* gladius manu sacerdotis, hic verò *temporalis* potestatis gladius manu Regum, sed ad nutum & patientiam sacerdotis, sit exerendus.

28.

Pro sexto firmatur idipsum præactæ *Extravagantis* argumento in hanc formam redactio. Etenim gladium esse sub gladio, & *temporalem* authoritatem quoad sui exercitium, subijci *spirituali* potestati, evincitur etiam ex illa Apostoli sententiâ, quâ dicitur non esse potestas, nisi à Deo, quæ autem à Deo sunt, ordinata esse. In vi cuius proinde ordinationis Divinæ, oportet, ut eatenus gladius sit sub gladio, quatenus potestas *temporalis*, utpote inferior, per *spiritualem*, seu superiorem potestatem reduci debet in suprema: sicque adeò potestas terrena, si deviet, judicanda est à potestate *spirituali*.

29.

Pro septimo igitur ex dictâ *Extravagante* in hunc modum concludere tandem licet. Quandoquidem inter universas Christi oves Romano Pontifici, seu Petri successori commissas, reputentur etiam Reges Christi caractere insigniti, sub potestate autem pastoralis per Christum suo Vicario Petri successori concessâ, contineantur duo gladij, authoritatis *spiritualis* &

temporalis, eâ tamen cum subordinatione, ut potestas terrena tanquam inferior, per spirituales, seu superiores, reducenda sit in suprema. Iccirco manifestum jam extat ex sacra Scripturae textibus, in præactâ Extravagante deductis, Reges cum suæ potestatis gladio, quoad hujus exercitium, subesse Romani Pontificis spirituali authoritati.

25.

Nec obstat pro octavo, quod in Clementina Meruit. De privilegijs. caveatur, per illam Bonifacij VIII. Extravagantem, nullum generari præjudicium Galliarum Regi ac Regno, seu Regnicolis Galliarum, ita ut in vi hujus Bonifacianæ Extravagantis amplius subijciantur Ecclesiæ Romanæ, quam antea existebant, sed in eodem intelligantur esse statu, quo erant ante præfatam definitionem.

26.

Nam totum hoc concedendo, ita licet argumentari. Nempe dici nullatenus potest, quod præjudicium aliquod sit à Bonifacio VIII. illatum, dum Rex Franciæ cum universis Regnicolis suis computatur inter oves Christi. At potestas pastoralis super universas Christi oves protensa, ex Christi instituto, continet duos gladios, potestatis scilicet spiritualis & temporalis, ita ut hæc sit quidem in manu Regum, ad nutum tamen, & patientiam sacerdotis exercenda. Nequit verò, quod ex Christi instituto est sancitum, non esse antiquius illâ Bonifacianâ constitutione. Nihil ergo istorum à Clemente V in Clementina Meruit. est correctum: quippe cum ista præcisè statuatur, quod per Bo-

nifacij

nificij VIII. Extravagantem Vnam sanctam. nullum Regi, Regno, & Regnicolis Franciæ debeat generari præjudicium, ita ut isti amplius exinde sint subjecti Romanæ Ecclesiæ, quàm antea existebant, sed intelligantur in eodem esse statu, quo erant ante definitionem præsatam.

Quo sic constituto, pro nono licet taliter argumentari. Nempe illa definitio Bonificij VIII. in eo se tenebat, quod ex ipso jure Divino sanxerit subordinationem gladii temporalis erga gladium potestatis spiritualis, ita ut, si illa deviet a rectâ ratione, sit judicanda à potestate spirituali. At istud spirituale judicium Oecumenici Ecclesiæ Pastoris potestati concessum, subsistit ex vi clavium Ecclesiæ, Petro, ejusque successorì commissarum in tantum, ut, quodcumque ligaverit, vel solverit super terram, sit vel ligatum, vel solutum in cælo. Eo ipso autem, quod Regiæ potestatis exercitium ita sit super terram, ut in Christiano Rege dicat ordinem ad regnum cælorum, oportet, ut sub respectu iuxta ad æternam salutem, seu sacre Religionis utilitatem publicam ordinabilitatis, sit inter illa Quæcunque, quæ super terram continentur sub Oecumenicâ clavium potestate seu solvendi, seu ligandi. Quoad hanc igitur potestatis Regiæ erga auctoritatem Oecumenicam Summi Pontificis, subordinationem, illa Bonificij VIII. Extravagans nullum præjudicium generavit Regi, Regno, & Regnicolis Franciæ, sed hos relinquens in statu, in quo

27.



vi Juris Divini, ante eam definitionem fuerant, non potest quoad debitam illam respectu Romanæ Ecclesiæ subordinationem ac subjectionem, per dictam Clementinam Meruisse esse correctâ.

28.

Hinc pro decimo istam Regum Christianorum erga Romanos Pontifices subjectionem isto adhuc sæculo, nempe Anno 1615. adversus Oratores Ordinis Popularis in Comitibus generalibus Franciæ, strenuè asseruerunt Cleri & Nobilitatis Ordines, Cardinale Perronio horum nomine firmante eandem subordinationem quam plurimis exemplis; prout videre licet apud Gabrielem Bartholomæum Gramondum sacri Regij Consistorij Senatorem, & Parliamenti Tolosani Præsidentem sub actis dicti anni 1615.

29.

Sic ergo inducitur ibidem ex Cleri, & Nobilitatis Francicæ mandato differuisse præfatus Cardinalis. *Constat, exemplis plena esse* historiæ volumina, quibus confirmatur Summa Sedis in Reges potestas à fide degeneres. Ita Euphemium Patriarcham Constantinopolitanum Anastasio Imperatori negasse obsequium, & fidem, donec Concilio Chalcedonensi subscripsisset. Ita eidem Imperatori in Eutychis hæresim relapsa, restitisse acriter Symmachum summum Pontificem, ita Clotarium Regem Gallorum, ob scelus immane in Ecclesia Dei, nec luctu totum patratum, post mundatum sanguine innocenti altare, luisse pœnas arbitrio Summi Pontificis condignas culpæ. Ita Iustinianum so-

CUM



cundum; ita Philippicum Imperatores à Sergio & Constantino Summis Pontificibus mulctatos. Ita Leonem Isauricum Imperio dejectum Gregorij II. decreto, quia Iconoclastarum hæresi infectus, dogma propugnabat exemplo, & vi. Ita Carolum Magnum evectum ad Imperium Occidentis ope Romanæ Sedis. Ita Childericum Regno dejectum: ita substitutum homini per otium enervi, fastigioque Regiæ dignitatis impari Pipinum, assensu Sedis Apostolicæ, quam à Galis consultam, tradunt historiarum monumenta. Ita Fulconem Archiepiscopum Rhemensensem intentasse Carolo Simplici minas, velut clienti suo. Ita Philippum primum Gallorum Regem, semotum ab Ecclesia Dei, adulterij manifestum palam commissi, post repudiatam sine causâ uxorem, evectamque in solium pellicem, quâ utebatur ut suâ, marito superstite. Ita Gregorium septimum sacris interdixisse Henrico IV. Imperatori, subditosque solvisse obsequij nexu. Ita excommunicatos Philippum Augustum Gallorum: Ioannem Anglorum Reges. Ita Othonem Imperatorem; ita Raymundum Comitem Tolosanum, quorum hic per socordiam in Albigenfium hæresim lapsus, succubuit Pontificiæ potestati, in augmentum Gallici Regni, cui Comitatus Tolosanus adjunctus est dono Provincialium. Ita fidei sacramento solutos olim ab Innocentio IV. Friderici Imperatoris subditos, debitum Lugdunensi tunc Concilio fulmen. Ita dejectum Petrum Aragoniæ Regem, Martino Pontifice procurante, ob infamiam horrendæ laniens, cui à Vesperis Sicilianis nomen. Ita ab Urbano V. contra Petrum Crudelem, (id illi nominis à sevi-

tiâ datum) *Castellæ Regem, indictam, promulgatamque excommunicationem, quia hæreticus, Ecclesiæque Orthodoxæ hostis erat.*

30.

ex pag.

32. n.

33.

Ex isthac proinde Perronij, seu Cleri potius & Nobilitatis Francicæ peroratione fas est, pro undecimo ita concludere. Cum manifestum jam liqueat, *Primam*, de quâ hîc agitur, moderni Gallicani propositionem à tertio Populâri Ordine in Generalibus hujus sæculi anno scilicet 1615. celebratis Comitijis assertam, constanter rejectam ac refutatam fuisse tam à Cleri, quàm Nobilitatis Ordinibus, mirum profectò est, Galliæ Episcopos in suo Parisiensi sub annum 1682. habito Conventu, à pristino Gallicano Clero descivisse in apertam Status Ecclesiastici perniciem, dum, si quæ deinceps Ecclesijs intentarentur præjudicia, nulla jam autoritas Regem, ejusve ministros in Jura Ecclesiastica involantes, cohibere posset.

## S. IV.

*In quo Ecclesiastica supra Reges auctoritatis sit probatio ex 2. Paralip. 26. capite.*

31.

ex pag.

15. n.

69.

**H**Oc in loco legitur Ozias sanctuarium ingressus, adolevisse incensum super altare thymiama-  
tis, Azariâ summo Pontifice, & sacerdotibus octo-  
ginta resistentibus, eumque leprâ percussum festina-  
rè expellensibus, exindeque loco ipsius à regimine de-  
jecti.

est, populum gubernante Ioathan ipsius filio, qui successit in regnum. Hunc igitur sacrum locum cum Deuteronomij sacris textibus supra S. 2. expressis conferendo, hunc in modum licet argumentari. Quia nempe Veteris Testamenti sacerdotibus potestas erat, per Verbi Divini interpretationem formandi ac ferendi sententiam super veritate iudicij, causam etiam Civilem, imò & Criminalem concernentis. Ex præallegatis Deuteronomij sacris textibus: à fortiori dicendum est, iacod serdorium habuisse talem authoritatem super causis spiritualibus Veteris Testamenti, qualis erat Oziaæ arrogata præsumptio, ut templum Domini ingressus, adoleret incensum super altare Thymiamatis. Super hac igitur Divini ordinis transgressione, non ex privato duntaxat, sed sacerdotalis authoritatis publico iudicio, Azarias sacerdos, unà cum reliquis octoginta sacerdotibus, ferebat sententiam, positivè resistendo, sicque authoritativè dicendo: *Non est tui officij Ozia, ut adoleas incensum, sed sacerdotum, qui consecrati sunt ad huiusmodi ministeriū.* Quod si ergo in Nova Lege contingeret, Regē quempiam Christianum involare in iura sacerdotij supremi, Ecclesiæque sanctæ pacem, ejusque supremam authoritatē iniquis machinationibus perturbare, ac pessumdare, imò sibimet arrogare & usurpare; an minus dixeris esse in Novæ Legis, ac in Antiqui Fœderis summo Sacerdote authoritatis, ad pronunciandum judicialiter super talis Regis quantumvis supremi arrogantiæ?

32. Pro secundo lubense quidem dabo, Azariam summum sacerdotem non exauthorasse Regem Oziam in tantum, ut ipsi adimeretur Regiæ potestatis jus quasi *radicale*, exutus tamen fuit ejus exercitio. Nec porro dicere fas est, regiminis publici administrationem Regi Oziae ademptam fuisse, non tam ex sententiâ summi sacerdotis, quàm per consequentiâ duntaxat, quòd à Domino percussus leprâ, exinde à consortio hominum separatus degeret. Nam sacerdotus expressis verbis ait: Azariam cum sacerdotibus, ubi vidisset, lepram ex Ozia Regis fronte apparere, festinato eum expulisse, non aliâ utique, quàm authoritatis publicæ sacerdotio annexæ potestate: ex quâ nempe authoritate juxta *Leviticum 13. caput* penes sacerdotem stabat arbitrium separandi leprosum. Quod adeò Azariæ summi sacerdotis arbitrium erga Regem Oziam, non operabatur *localem* duntaxat ab hominum consortio separationem, sed *formalissimam* à regimine avulsionem, ita ut jure Regio penes ipsum habitualiter adhuc subsistente, ejus tamen exercitium ipsi abrogaretur in tantum, ut Ioathan filius ipsius judicaret ex tunc populum non patris nomine, cum de hoc nihil dicat sacra Scriptura, sed *absolute* absque illius erga Oziam in gubernando Regno dependentiæ mentione, asseveret; *Ioathan ex tunc rexisse domum Regis, & populum terra.*

33. Hinc pro tertio concludere licet. Sicuti ergo quisque privatus leprosus arbitrio sacer-

dotis erat à consortio hominum separandus, *Ibi dicitur*  
veluti *Civiliter* mortuus, adeoque jure *Civilis* *n. 78.*  
societatis spoliatus; sic Ozia Regis per sacer-  
dotis summi arbitrium, ab humano consortio  
separatio, facta erat etiam quoad *Politica* cum sub-  
ditis communionis avulsionem, Regiaque aded pote-  
statis vel per se, vel per alium, seu vicarium suum ex-  
ercenda spoliationem: cum cæteroqui nō tam loa-  
tham, quā Ozias pater dicendus esset illo ad-  
huc tempore regnasse. Quia proinde summi in  
Antiquo Fœdere sacerdotis judiciaria potestas  
se protendebat super Regis Ozia, sacerdotalis  
munus sibi arrogantis, scelere, ejusque leprâ à  
Deo percussî, quoad Civilem quoque & Poli-  
ticam gubernationem separatione, atque ad-  
ed Regia administrationis exercitio adimen-  
do: quid ni dixeris, Oecumenicam Summi  
in Novo Fœdere Pontificis auctoritatem prò-  
tendi super Regum temporalium in jura san-  
ctæ Ecclesiæ involantium, seu hæreseos spiri-  
tuali leprâ infectorum præsumptuosam arro-  
gationem, sanctæque Ecclesiæ publicam infe-  
stationem, eorumque hinc à fidelium publicâ  
communione separationem, imò & Regia ad-  
ministrationis, quinimò juris quoque Regij,  
si publicæ necessitatis ratio expostulare videbi-  
tur, privationem; prout ex Novi Testamenti  
Tabulis probatum extat in *precedentibus*, ulte-  
riusque ostendetur in *subsequentibus paragraphis.*

Hujus generis insigne exemplum pro qua- *34.*  
so hîc adferri potest ex Imperij Occiden- *ex pag.*  
salih *63. n.*  
*126*

talis à Græcis Imperatoribus hæresi infectis, in Francos, Carolique Magni personam ac stirpem translatione : cujus historiam succinctâ methodo sic describit Hermannus Hermes in suo iure publico cap. 3. à n. 3. Cùm nempe Romani Pontifices ab Orientalibus Imperatoribus contra Longobardorum sævitiam, opem implorassent, frustra autem, tum quòd vix vires suppetere ijs, propter vicina loca à Saracenis, Avaribus, Bulgaris, & Hunnis ac alijs tuenda; tum quòd Constantinopolitani Imperatores in Iconomachia hæresin lapsi, cum Pontificibus ipsorum hæresi adversantibus, similitates haberent, utpote qui non tantùm sacras imagines Constantinopoli, & in Oriente impiè abradi iusserant, sed idem Romano Pontifici sub pœnâ mortis persuadere volebant; quorum amentiam Gregorius II. Pontifex non solum contempsit, sed etiam in Missarum Solemnijs Orientalis Imperatoris nomen reticere voluit, ejusque imaginem Romæ in nummis cudi, & Leoni Isaurico tributa, & vectigalia tam Italiæ, quàm Urbis Romæ, sub anathemate solvi vetuit; unde quidquid in Occidente Imperatoribus Constantinopolitanis supererat, amiserunt. Hinc Pontifex Gregorius II. ad Francorum Regum opes longe latèque per Occidentem florentes confugit, eos contra Longobardos evocando; cùmque Carolus Martellus Francorum Dux pro Papa Gregorio apud Luitprandum Regem precibus egisset, ejus-

ejusque filius Pipinus vel hortatu, vel rogatu Stephani Papæ contra Aistulphum armis usus esset, *cap. Hortatu. 10. 23. q. 8.* tandem paternæ & avitæ pietatis hæres Carolus Magnus Romanam Sedem, & urbem pro Hadriano Papa contra Desiderium Longobardum tutatus est. *Ex dicto cap. 10. juncto cap. Hadrianus. 22. dist. 63.* Qui Carolus, cum Sedem Romanam opibus, & temporali ditioe extolleret, à Papa Francorū primò, mox Longobardorum Rex inunctus, & Patricius Romanorum creatus est, quæ tunc suprema in Urbe erat dignitas. Cum insuper in Oriente Constantinopoli Eirene mulier, filio Constantino oculis privato, Imperij habenas sola tractaret, hac occasione Leo III. Papa populi scitu, & Cleri rogatu, Carolum Magnum ob egregia in Christianum nomen, & Romanam Sedem merita, Romanorum Imperatorem Occidentis primò, & inunctum, & diademate aureo redimitum, Augustum appellavit 8. Calendas Januarij, ipso die Natalis Christi, Anno octingentesimo primo. *Coring. de Rom. Imp. n. 24.* Sicque adeò Imperium Occidentis autoritate Summi Pontificis è Græcis in personam, & stirpem Caroli Magni Francorum Regis translatum fuit.

Neque pro quinto hujus Historiæ veritatem elidere valet Ludovici Maymbourgi exceptio *ex pag. 61. n. 148.* in *hist. Iconoclast. lib. 4. ad annum 800.* opponentis, quod Carolus Magnus Imperium Occidentis jure belli occupasset, Romanam verò Populi Romani

dotatione : nec aliud à Leone III. Papa , quàm coronam , non ipsum Imperium , sed insignia tantùm , seu nudam Cæremoniam acceperit. Nam contrarium evincitur sequenti argumentorum à Bellarmino de translat. Romani imperij lib. cap. 6 usque ad caput 7. accuratissimè deductorum serie. Ubi triginta adferuntur historici concorditer asserentes, Imperium Romanum Summi Pontificis autoritate à Græcis ad Francos esse translatum. Hi autem Historiographi ( quorum verba in ipso Bellarmino revideri possunt ) sunt sequentes : nempe Ioannes Zonara Author Græcus , Georgius Cedrenus , Paulus Diaconus vivens tempore Caroli Magni , Eginarthus Carolo Magno familiaris , Annales Francorum tempore eiusdem Caroli cepti exarari , Aimonius , seu Ammonius degens tempore Ludovici Pij , Addo Episcopus Viennensis , Regino Abbas Prumiensis , Vothingus Corbejensis , Luitprandus , Hermannus Contractus , Marianus Scotus , Dodechinus Mariani continuator , Lambertus Schaffnaburgensis , Otto Episcopus Frisingensis , Godefridus Viterbiensis , Conradus Abbas Urspergensis , Lupoldus Bambergensis , Matthæus Palmerius , Blendus Flaccius , Aeneas Sylvius , Ioannes Trithemius , Antoninus , Ioannes Nauclerus , Robertus Gaguinus , Philippus Bergomensis , Ioannes Cuspinianus , Iacobus Wympfelingius , Polydorus Virgilius , Raphael Volaterranus , Donatus Acciaiolus , Albertus Kranzius.

Acce-



Accedunt hifce testimonia Imperatorum ac Principum, translationem Imperij a Græcis ad Francos, & a Francis ad Germanos Romani Pontificis autoritate factam disertis verbis contestantium; prout à dicto Bellarmino *pres. cap. 5.* docetur. Inter istos primus est ipse Carolus Magnus, cujus in hoc vestigia sunt secuti Ludovici Pii filius, Carolus Calvus, Albertus Imperator, Henricus VII. Ludovicus IV. Carolus IV. Fridericus I. Michael Imperator Constantinopolitanus, Emanuel Comnenus Orientali Imperio præfectus, Philippus Rex Francorum, ac Principes Electores. Septem insuper Summorum Pontificum testimonijs id ipsum firmat prætaetus Bellarminus *cap. 6.* nempe Gregorij IV. Adriani II. Adriani IV. Alexandri III. Innocentij III. Clementis V. & Pij II.

Hinc pro sexto facile constat, fictitiam esse illam Maymbourgi vocem *superius* allegatam, ac si Carolus Magnus Imperium Occidentis jure Belli occupasset, neque Imperium, sed hujus duntaxat insignia, sive Coronam, ceu nudam ceremoniam à Leone III. accepisset. Nam eodem Bellarmino *cit. lib. cap. 7.* fusissimè probante, Carolus Magnus Regnum Francorum hæreditate quidem obtinuit, ac expugnatâ Longobardiâ, Romanâ olim provinciâ, hujus Rex jure Belli appellari cœpit, Romam verò vi & armis nunquam occupavit; uti historici passim clamant. Quòd si ergo ex eo titulo dicendus esset Imperator, pari prærogativâ jam poti-

rentur & Gallia, & Hispania, & Angliæ Regna, cum & ipsa fuerint prius Romanæ Provinciæ, quam cederent in propriorum suorum Regum jus hæreditarium.

38.

*Sed nunquid à Græcis seu armis, seu spontaneâ cessione Carolus accepit jus Occidentalis Imperij?*

*ibid. n.  
151.*

Ubi equidem Regnum Longobardorum à Carolo fuerat occupatum, Desiderio Rege in captivitatem misso, Aldagifus ejus filius sub annum septingentesimum septuagesimum quartum, classe à Græco Imperatore acceptâ, in Italiam pervolans, Longobardorum reliquias ad arma capessenda, permovit. At Carolus in Italiam properans, cum victor evasisset, Aldagifus, desperatis jam rebus, Regni que recipiendi spe frustratus, Græciam versus terga vertere compulsus fuit. Anne igitur ex hoc subsidij Aldagifo ab Imperatore Græco pro recuperandâ Longobardiâ concessi titulo, jus Occidentalis Imperij Græcis ademptum fuisse, dicere fas sit? Profectò si ex belli ejusmodi titulo jussè posset comprobari ius ipsius etiam Imperatoriæ Majestatis victori obtentum, non unus, sed plures jam in Occidente essent jure appellandi Imperatores. Tantum porro abest, Græcos spontaneâ cessione ius Occidentalis Imperij celsisse Carolo, ut concordî Historicorum tam veterum, quam recentiorum calamo, è contrario probet Bellarminus *cit. lib. 11. cap. 11.* Græcos Imperatores, cum primùm ad eos fama perlata est coronationis Caroli, vehe

vehementer commotos ac indignatos fuisse.

Sed nunquid pro septimo dicere fas est, *Coronam Imperatoriam auctoritate Senatûs, Populi-que Romani fuisse decretam Carolo?* Imperium *ibid. n. 152.* equidem Romanum sub Ethnicis adhuc Imperatoribus erat Electivum, minimè tamen ex Senatûs, Populi-que Romani decreto, sed exercitûs placito conferri solebat, Constantino autem Magno Imperij dignitatem in Græciam transferente, factum fuerat hæreditarium. Quis ergo credat, Senatum, Populum-que Romanum, quando nullius ferme auctoritatis ac potentiaë erat, ausum fuisse in Carolo ad Imperium Occidentis promovendo, quod antea, cum floreret, minimè auderet. Et verò quâ *ibid. n. 153.* justitiæ lege Imperij Occidentis jus potuisset transferri in Carolum, priusquam fuisset de jure abdicatum à Græcis? Nunquid autem seu Populo, seu Senatui Romano erat authoritas super Græco Imperatore, legitimum Imperij non tantum Orientalis, sed etiam Occidentalis jus obtinente; præcipuè dum tempore Caroli coronationem antecedente, Senatui, Populo-que Romano nullum erat cum Græcis bellum, ut dici posset, justo belli titulo, Græcum Imperatorem spoliâsse Iure Occidentalis Imperij?

Pro octavo igitur, in quam, nisi Pontificiam auctoritatem reduci potest Imperij Occidentalis à Græcis ademptæ justitiæ? Etenim Græcorum Imperatorum cum tunc fuisse statum, ut merito in *40.*

iplos stringeretur Pontificiæ authoritatis virga correctoria, patet *ex antecedentibus*. At Ecclesiæ virga correctoria *sub indefinitâ, Quodcumque super terram ligandi & solvendi potestate*, Petri successori concessa, secundum ordinem à Christo præscriptum, eatenus potest progredi ad avulsionem à communione fidelium, ut prævaleat *ad quodcumque super terram*, quâ in regnum cælorum ordinabile, pro meritis causæ *vel solvendum, vel ligandum*; uti verba Christi sonant, demonstratumque est *in antecedentibus*.

41. Quis verò neget, Imperij jus, non quasi abstractè sub signata *Formalis* Divinitus constitutæ Regiæ potestatis ratione, sed *concretè* spectatum, quâ Christiani hominis subiecto appropriatum, reputari etiam debere inter illa *Quæcumque, super terram in regnum cælorum ordinabilia*? Sub quâ proinde *Moralitatis* in regnum cælorum ordinabilis, ex publica Ecclesiæ seu utilitate, seu necessitate meritò ponderandæ ratione, quis Catholicorum jam dubitare ausit, Leonem III. sui Oecumenici Pastoralis muneris authoritate, Græcos hæreticos Imperatores, Ecclesiæ sanctæ necessitate id exigente, justè spohâsse jure Occidentalis Imperij?

42. Quare pro *nono* concludere jam licet persequentem argumentationem. Nempe ex ipso lumine naturæ conspicuum est illud principium; quisquis justo publicæ authoritatis titulo Principem aliquem supremum spoliatur jure

jure sui Regni, posse hoc ex ipsissimo ejus-  
 modi justo titulo, sibi vindicare: super hoc  
 namque naturaliter noto principio *moralis*, uni-  
 ce fundatur æquitas possidendi, & in suum  
 dominium redigendi provinciam alicujus Prin-  
 cipis, bello justo occupatam. Quia igitur Sum-  
 mus Pontifex Leo III. justo titulo Græcis ad-  
 emit Imperium Occidentale, iccirco secun-  
 dum istud naturalis luminis principium, quæ  
 cum præadducto Fidei luminis (Petro, ejus-  
 que successori *absolutam super quocumque Morali*  
 in regnum cælorum ordinabili auctoritatem  
 decernentis) principio combinatum, ipsimet  
 Pontificiæ suæ potestati acquisivit Occidenta-  
 lis Imperij jus, ac proinde ob Caroli Magni in  
 Ecclesiam merita, jure in hunc Franciæ Re-  
 gem, ejusque stirpem, transtulit illud Impe-  
 rium; sicque adeo Caroli Magni per Leonem  
 III. coronatio non fuit nuda cæremoni-  
 a, sed auctoritativâ Imperatoriæ dig-  
 ni-  
 tione.

ifici  
 ratio

eges potestatis fit de-  
 xi 18. capite v. 15.

que  
 e Ch  
 vel  
 m

ecceverit, si correptus  
 minis consorte, altero  
 eratam ejusdem corre-  
 se non emendaverit, à  
 decernitur denunciandus  
 Eccle-

Ecclesiæ, eouſque proceſſum ſuum protenſuræ, ut, *ubi Eccleſiam non audierit, ſit habendus inſtar Etnici & publicani.*

43.

ex pag.  
p. 22.  
106.

Primò igitur iſthæc Eccleſiæ à Chriſto præcepta procedendi norma, non poteſt non eſſe judiciaria, cùm nefas eſſet, abſque ſubſtantiali, lumini etiam naturæ conſonâ proceſſûs judiciarij ſolemnitate, quempiã ſpoliare Chriſtianæ communionis jure, ita ut ex tunc ſit habendus *inſtar Etnici & publicani.* At verò iſta correctoria & coercitiva, publicæ Chriſtianæ communionis privationem inducens cenſura, Eccleſiaſtica authoritatis iudicio inferenda, à Chriſto Domino protenditur erga omnes, qui ſub Chriſtiani nominis conſortio dici poſſunt ac debent, eſſe fratres. *Ex aperto ſacro textu.* Hæc autem Chriſtiani nominis propriâ prærogativâ exuti eſſe utique nolent Reges Chriſtiani. Quos proinde, oportet, omninò fateri, ſe ſubjectos illi correctoriæ & coercitivæ virgæ judiciariæ, Eccleſiaſticae authoritatis.

44.

Etſi verò ex illis Chriſti Domini verbis dicti 18. capitis Matthæi v. 17. exaratis evinci videatur, iſtam judiciariæ poteſtatis virgam correctoriam & coercitivam, in hoc terminari & conſummari, ut, poſtquàm Eccleſia proceſſerit ad peccatorem, ſi contumax ſit, à ſui communionem avellendum, ex tunc ulterius procedere haudquaquàm valeat, Chriſto dicente: *Si taliter correctus Eccleſiam non audierit, habendum eſſe inſtar Etnici, communionis*

Tertio

nempe Christianæ jure destituti, nullâ ulterius ex tunc procelsûs faciendi, sub illis Christi verbis mentione ibi habita.

Nihilominus combinando ea Christi Do- 45-

mini verba cum sacro contextu, nempe ejusdem capitis versu decimo octavo, ex hoc statim *ibid. n. 107.*

evincitur, potestas illa ad communionis Christianæ privationem indicendam à Christo constituta, esse connexa cum istis verbis: *Amen dico vobis, quæcumque alligaveritis super terram, erunt ligata & in celo, & quæcumque solveritis super terram, erunt soluta & in celis.* At isthæc Apostolis etiam sigillatim ac distributivè spectatis, per modum tamen legationis duntaxat concessa potestas (penes Petrum solummodo existente ordinariâ Oecumenicâ, in successores transferibili *Matthæi 16.* promissâ, & *Ioannis ultimo cap.* collatâ auctoritate) ea, inquam, Apostolica potestas indefinitè complectitur auctoritatem solvendi & ligandi, *Quodcumque super terram est morale.* Sub ejusmodi verò *Moralitatis* lineâ comprehenduntur quæcumque seu Regna, seu bona temporalia, quatenus *Moralibus* hominum actibus, & ordinationibus sunt subiecta.

Quemadmodum ergo ista ligandi & solvendi potestas Apostolica protenditur super omni, *quod supra terram est Morale*, hominum arbitrio libero, ejusque ordinationi *Morali* subjacens, sic coercitiva illa, seu correctoria per Christum *cit. v. 17.* asserta, & concessa 46.

virga, cum illâ Apostolicâ æquè per Christum proximè subsequente decimo octavo versu traditâ potestate, æqualem sortitur mensuram, in vi cuius pariter protendatur super omne id, quod supra terram est *Morale*, quale est quodcumque Regiæ potestatis exercitium, atque illius ad certum subiectum applicabilitas, cum ejuldem in hoc individuo subiecto conservatione.

47.

Refer-  
tur in  
169<sup>to</sup>  
pag. 38.  
n. 63.  
ac seq.

Tertiò proinde fundamento isthoc nititur Canon Novit. *De judicijs*. in quo decernitur, non esse equidem Summi Pontificis, *directè & immediatè* se immiscere causis feudalibus ac negotijs Regum, posse tamen, ac debere id fieri ab eo, cum Ecclesiæ interest, sive dum agitur de peccato, perjurio, ac fœdere violato, conformiter Christi mandato *Matth.* 18. lato sub hisce verbis: *Si peccaverit in te frater tuus &c.* ( si te, atque testes non audierit ) *dic Ecclesiæ &c.*

48.

ex pag.  
28. n.  
33.

Ex hoc ipso igitur sacro Canone Clerus Gallicanus Anno 1329. coram Philippo IV. Rege congregatus, adversus Ministrorum Regiorum querelas contendebat, Ecclesiasticam jurisdictionem sese ad temporalia extendere saltem *ratione peccati*. Neque ullus tunc oppositum asserere ausus fuit, sed Petrus de Cuguerijs acrior jurisdictionis Regiæ in illo Conventu patronus fateri debuit, *Decretalem Novit.* habere locum in Rege Franciæ, utpote superiorem non agnoscente, tanquàm

que



que id negabat de Judicibus Regijs, quippe qui à Rege corripì possent. Verùm quo jure Ministros Regios excludere fas est à consortio Christiani nominis fratrum, quos *indefinitè*, si peccaverint, complectitur illa *correctoria & coercitiva* per Christum constituta virga. Sufficiat tamen hìc nobis, universos tunc fassos fuisse, illum Canonem *Novit*. habere locum in Rege Franciæ, superiorem non agnoscente.

Præinsinuati sub Philippo IV. Parisijs Anno 1312. aggregati Archiepiscoporum, ac Episcoporum Conventus acta, pro quarto, videre licet in *tomo 4. Edit. Parisiens. à pag. 1098.* inter quæ extat solidissima, instituto nostro deserviens Bertrandi Cardinalis Eduensis, Cleri Gallicani nomine exhibita dissertatio, in qua inter cætera ex præfacto Matthæi sacro textu (*Si peccaverit in te frater tuus &c. dic Ecclesiæ, & si Ecclesiam non audierit, sit tibi sicut Ethnicus & publicanus*) infert is Cardinalis, hinc constare, quòd sermo sit de jurisdictione Ecclesiæ, cum ibidem subdatur; *Amen dico vobis, quæcunque ligaveritis super terram, erunt ligata & in celo.* Unde sine ulla dubitatione ad Ecclesiam pertinere, jure libi à Deo collato, cognoscere, & judicare de quocunque peccato. Unde B. Paulum excommunicasse fornicatorem notorium, uti legitur in *Epist. priore ad Corinth. & 24. q. 7. cap. Audivimus.* Cum igitur peccata contingant circa actiones personales hominum, & circa contractus, de omnibus his per-

49.

Refer-  
tur ex  
integrè  
à pag.  
35. n.

ex pag.  
36. n.  
o 5.

pertinet ad Ecclesiam judicare : maximè si intentetur actio per modum injuriæ , vel alterius cujuscumque peccati , tam inter laicos , quàm inter Clericos , vel inter laicum & Clericum ; quicumque eorum sit actor , vel reus.

40.

Pergit pro quinto is Cardinalis Cleri Gallicani nomine sic argumentari. Nec dici potest,

veluti  
huius-  
proba-  
tio ubi-  
rior ad  
fertur

pag. 35.

n. 48.

¶ 49.

ex pag.

36. n.

61.

quod reus hoc modo trahatur extra forum suum : quia omnes Christiani , in quantum Christiani sunt , pertinent ad forū Ecclesiæ . Et hoc est , quod expressè dicitur in Canone 11. q. 1. Cap. Quæcumque . ubi dicitur sic : *Quæcumque contentiones inter Christianos ortæ fuerint , ad Ecclesiam deferantur , & ab Ecclesiasticis viris terminentur : & si obedire noluerint , quousque obediant , limitibus Ecclesiæ excludantur* . Nec propter hoc enervatur jurisdictio Principum sæcularium , qui de actionibus & contractibus subditorum suorum , videlicet laicorum , habent cognoscere , & judicare : quæ jurisdictio non aufertur , nec impeditur . Si enim Actor voluerit , poterit reum trahere ad forum , sive judicium sæculare , & tunc Judex laicus cognoscet : si autem vult reum trahere ad judicium Ecclesiæ , potest : præcipuè intentando actionem injuriæ , vel peccati : quia quilibet laicus Christianus est utrique judicio subiectus , uni ut civis , alij ut Christianus .

¶ 51.

ibid. n.

52. ¶

53.

Addit prædictus Cardinalis . In Christianissimo præsertim Franciæ Regno , in quo Reges fuerunt Ecclesiæ devoti à principio ,  
quo

quo fuerunt Christiani, Ecclesiam uberius usam fuisse illo jure suo. Neque usum hunc fuisse acquisitionem novi juris, sed executionem juris primi dati à Deo. Has igitur à Bertrando coram Philippo Rege Franciæ propositas rationes meritò expendat modernus Clerus Gallicanus, imiteturque proinde antiquioris in Christianissimo Regno à suis prædecessoribus de jurisdictione Ecclesiastica doctrinam viriliter propugnata exemplum.

Inter plura alia argumenta pro sexto idem Cardinalis, præsens institutum nostrum probat ex hoc, quòd à Christo judicariæ potestatis suæ participatio quædam facta sit Petro, utpote constituto suo in terris vicario: qui proinde Act. 5. Ananiam & Saphiram pro crimine furti & mendacij judicialiter condemnavit; sicuti etiam Paulus 1. Corinth. 5. convictum fornicatorem judicavit. Superadditur, videri evinci ex Matthæi 18. capite, quòd Christus voluerit, tale judicium esse penes Ecclesiam, ita sanciendo: Si correptus à fratre, alijs quoque duobus, vel tribus testibus in subsidium adhibitis, se non emendaverit, denunciandum esse Ecclesiæ, & si hanc non audierit, sit tibi sicut Ethnicus & publicanus: Amen dico vobis, adiiciens, quodcumque ligaveritis super terram, erit ligatum & in cælis, & quodcumque solveritis super terram, erit solutum & in cælis. Ecce igitur (concludit idem Cardinalis) quàm expressè vult Christus, quòd in  
omni

52

ex pag.  
39. n.  
70.

omni re, in qua est peccatum unius adversus alterum, si ille, qui deliquerit, monitus charitative, se non emendaverit, debeat negotium ad judicium Ecclesiæ deferri.

53.

ibid. ex  
p. 72.

Ex illa porro universalitate potestatis solvendi & ligandi, ad quæcumque super terram se extendentis, pergit Bertrandus pro septimo inferre, nihil esse, in quo Ecclesia non possit ligare & solvere. Et ideo, quando Petrus de Cuguerijs in præfacto Conventu Parisiensi contendebat, sub duobus gladijs, quos sufficere, aiebat Christus *Luc. 22.* intelligi duas jurisdictiones, spiritualem scilicet ac temporalem, consulto monet præfactus Cardinalis, oportere, ut animadvertatur, Christum voluisse, quod illi duo gladij essent penes Petrum, & Apostolos, Quia proinde illi duo gladij significabant duplicem potestatem, nempe spiritualem ac temporalem, consequenter voluisse Christum, ut utraque illa potestas sit penes Ecclesiam.

54

ex pag.  
42. n.  
87. &  
88.

Quibus taliter constitutis, pro octavo hunc in modum licet argumentari. Inter *Moralia* jure naturali conspicua axiomata numeratur istud quoque principium, ubique receptum: nempe cuius *Magistratus fas esse, potestatem suam judicariam extendere super omni causâ, fori sui limitibus concessâ.* Ex fide autem *Divinâ* liquet, virgam correctoriam *Matthæi 18.* decretam Ecclesiæ, extendi *indefinitè* super peccato, atque adeo super omni peccati genere. At  
verò

verò ex sacro contextu rursus manifestum est, illam super omni Christianorum peccato protensam virgam correctoriam, reduci in potestatem ligandi & solvendi indefinitam, protensam ad quodcumque super terram, velut ipsemet Christus hanc potestatem ligandi & solvendi in subsequenti mox versu contexuit cum illâ virgâ correctoria. Hæc verò potestas ligandi & solvendi ex *Matthæi 18.* capite ita referebatur ad Apostolos universos, ut *Matthæi 16.* sub pari ad quodcumque super terram extensione, fuerit soli Petro, cum ordine ad perpetuū Ecclesiæ statum, adeoque ejus successori promissa, & postmodum *Ioan. 21.* cum Pastoralis Oecumenico munere actualiter collata. Ex hîc igitur fidei principijs, cum illo *Moralis* naturaliter conspicuo principio collatis, certò infertur, illam Ecclesiæ decretam virgam correctoriam, super omni peccato protensam, subsistere penes Petri successorem, Romanum Pontificem.

Ipsissima hæc conclusio pro nono firmatur sequenti Theologico discursu. Ea namque virgæ correctoriæ super omni peccato extensio, in regni cælorum clavibus, Petro, ejusque successori demandatis, comprehensa, juxta sacrum *Matthæi 16.* exaratum Evangelium, fundatur in debitâ omnimodi actûs *Moralis* ad regnum cælorum ordinabilitate, cujus deviationem, ex quo *Moralitatis* in homine linea ad supernaturalem statum est elevata, involvit jam omne, præcipue mortale pecca.

55.

ex cit.  
pag 42.  
n. 89.

peccatum. Hæc verò *Moralitatis* ad statum supernaturalem elevata, in regnum cælorum ac salutem æternam ordinabilitas, in vi *indefinitæ* clavium authoritatis observanda, incumbit Oecumenico Ecclesiæ Pastori, non eo duntaxat casu, quo ejus deviatio per peccatum *actualiter* commissum jam est facta, sed vel maxime obstringit ad prospiciendum, ne tales à supernaturalis statûs sine committantur deviationes, veluti hoc evincunt Christi verba *Joan. 21.* pascendi munus erga cunctas oves suas, Petro, ejusque successori committentis; hoc enim seu pascendi, seu gubernandi officium male administraretur, si pastor ovibus primum post patrata peccata, non verò antecedenter, ubi peccati imminet periculum, providere vellet. At verò in plerisque causis etiam *Civilibus*, quando duo inter se altercantur, præcipue dum nullum (veluti Reges) supra se in foro Politico agnoscunt superiorem, & hinc per viam facti, & ex proprio arbitrio perperam procedere affectant, non potest non evidenter imminere periculum peccati, quamvis evidens non sit, ex quâ parte stet injustitia, quamdiu hoc ex publicâ authoritate non fuerit decisum. Ex debito igitur, peccati imminens periculum manifestum avertendi, secundum fidei, de Ecclesiæ clavibus Petro, ejusque successori commissis nos edocentis, certissimum principium, ea sollicitudo incumbit illi ipsi, qui ex munere Pastoralis Oecumenici

nici super omnes Christi oves, ipsosque adeo Reges Christianos protensi officio, prospicere debet adversus quodcumque non patratum duntaxat, sed de futuro *Moraliter* certo patrandum peccatum.

*Decimo* proinde præadducta fidei principia combinando cum præinsinuat *naturali* lumine indubitatis principijs, ita concludere licet. Quandoquidem evidenter conspicuum sit, in prætracto gravissimæ Regum Christianorum altercationis casu, adversus peccati manifestum periculum, provideri haud posse ab Oecumenico Christi Pastore, nisi huic sit *authoritas* decisoria altercationis ejusmodi, involventis certum, ac evidens discrimen peccati, ex alterutra parte seu jam incurssi, seu incurrendi. Idcirco sub illâ fidei, & luminis *naturalis* principiorum combinatione, redditur, omnino consequens, Oecumenico Christi ovium Pastori esse potestatem etiam *judicialiter*, & *authoritative* decisoriam causarum *Civilium*, inter ipsos quoque Reges controversarum, ubi intervenit vel peccatum, vel manifestum saltem ac *moraliter* certum peccati periculum. Quæ adeo judiciaria in tali casu, Oecumenici Pastoralis à Christo instituti muneris potestas, continetur clavibus regni cælorum, *indefinitâque quodcumque super terram solvendi, & ligandi* autoritate.

Quam igitur judiciariam super causis etiam *Civilibus* autoritatem pro *undecimo* fuisse in *Pe-*  
tri

56.

ex pag.  
43. n.  
89.

57.

ibid. n.  
90.

tri successore agnitam etiam à Theodosio, & Carolo Magno Imperatoribus, in præcitato Canone Novit. De iudicijs. asseruit Innocentius III. Nec sic, inquiens, illud humillimum omittamus, quod Theodosius statuit Imperator, & Carolus innovavit, de eius genere Rex ipse (Franciæ) noster descendisse. Quicumque videlicet litem habens, sive petitor fuerit, sive reus, sive initio litis, vel decursis temporum curricularis, sive cum negotium peroratur, sive cum jam coeperit promi sententia, si iudicium elegerit sacrosanctæ Sedis Antistitis, illico sine aliqua dubitatione (etiamsi pars alia refragetur) ad Episcoporum iudicium, cum sermone litigantium dirigatur. Hinc ergo Gallicanus Clerus merito studeat, supparem Carolo Magno, Oecumenicæ super causas quoque Civiles sub peccati, quæ cum supernaturalis statûs sine saltem pugnantis, formalitate protensæ, Pontificiæ auctoritatis observantiam religiosam, non tantum non extinguere, sed fovere, & conservare.

## S. VI.

*Prædicta Summi Pontificis supra Reges auctoritas firmatur ex 2. Paralip 23. & 4. Reg. II. item Ecclesiastici 48. capite.*

58. **E**X prioribus nempe duobus sacris capitibus constat, Ioadæ in Ritû Mosaicò tunc Pontificis Maximi auctoritate, Athalias Regio solio,



lio, quod injuste occupaverat, dejectam, Ioadamque Regis filium Regali diademati restitutum esse. Circa quod exemplum instituto nostro accommodandum, *primò* animadvertere oportet, Athalias fuisse equidem de genere illorum, qui non tantum *in viâ Facti*, sed etiam *in viâ Iuris* sunt Tyranni, quorum ea est conditio, ut à quovis Regni concive, non quidem *jure vindictæ*, sed *jure defensionis* occidi possint; uti Theologi communiter tradunt cum Doctore Angelico. Num verò dicere fas est, Ioadam Pontificem, ex hoc privato duntaxat *defensionis naturalis* jure egisse adversus Athalias Regni Iudaici tyrannicam dominatricem? In hoc Summo Pontifice, ex constitutione Divinâ *sexti capitis Deuteronomij*, erat authoritas *Iudicij veritatem* definiendi ex sacrosanctis statûs illius Mosaici legibus. Hæc verò authoritas, Pontifici Maximo Divinitus attributa, extendebat se ad omne negotium, omnemque causam *Civilis* quoque *statûs* propriam. Uti aperte liquet *ex 17. & 21. Deuteronom. capite*. Hoc igitur authoritatis Divinitus constitutæ jure, quis negare ausit, usum fuisse Ioadam Summum Sacerdotem, adversus Athalias tyrannidem, eoque procedendo, ut & ipsam Regni possessione spoliandam decerneret, & ad eam ab usurpatâ regiminis administratione detrudendam, milites conscriberet, legitimumque Regem solio imponeret, fœdere inter Deum & Regem, nec non inter Regem ac populum sancito, non

ex privato arbitrio suo, sed ex publica auctoritate sacerdotij, jus Divinitus sancitum habentis *super Iudicij veritate & justitiâ*? Juxta hoc igitur Ioadæ Summi Sacerdotis exemplum, quis Summo Pontifici Novi Testamenti, negare ausit potestatem adversus tyrannos, absque legitimo iuris titulo Regni, cuiuspiam invalores, procedendi ex publicâ etiam judiciariâ auctoritate?

59. Pro secundo. Illorum equidem tyrannorum, qui legitimum Regni jus obtinent, sed in via

ex pag.

13. n.

67.

Facti tyrannicam obeunt gubernationem, nullâ erga subditos justitiæ ac æquitatis attentâ

ratione, alia fors & ratio est, ita ut secundum Concilij Constantiensis decretum, nefas sit, à privatis quibuscumque ipsos interfici. Cuius-

ibid. n.

59.

modi gubernatio tyrannica, si intrâ puros naturæ lumini commensuratos limites subsistere posset, super eâ dijudicandâ, fortassis extendere haudquaquam se posset Oecumenici Pastoris auctoritas, eo ipso tamen, quòd *Moralitatis* naturali quoque lumini proportionatæ transgressio, propter ejusdem ad supernaturalem statum elevationem, nullatenus subsistere valeat, quin *Moralitatis* quoque *supernaturalis* violatio, Pontificiæ Christi vicariæ potestati indubiè subiecta, interveniat; An non ex hoc saltem titulo super illam extendere se meriti potest ac debet supremi Pontificis auctoritas, maxime, si emergat publicum etiam Ecclesiæ damnum?

60.

Pro tertio igitur hujus quæsitæ resolutione, ex

hacten-

hactenus deductis sacri Evangelij textibus facile patet, quibus conformia sunt varia insuper Summorum Pontificum ab Authore Regalis Sacerdotij lib. 1. §. 15. producta exempla, non alio, quam Oecumenici Pastoralis ad publicum sanctæ Ecclesiæ Bonum jugiter intenti officij fundamento innitentia, quibus pro exigentiâ temporum, noscuntur quàm plurimæ autoritate Apostolicâ sancitæ, Regum Ecclesiæ sanctæ rebellium exauthorationes. Etenim ex pag. 95. n. 30. 6. 31.  
 Anno 1076. Gregorius VII. Henricum IV. Germaniæ Regem in Synodo Romana, quod sacerdotia, & Ecclesiasticas dignitates mercatui exponeret, quod subditorum facultates prædaretur, quod appellationes ad Sedem Apostolicam impediret, quod habito Wormatiæ Conventu, ausus esset, in Gregorium sententiam dicere, cùmque Papatu exuere, & denique ob multa alia flagitia excommunicat, Regnôque indignum pronunciat, & subditos juramento liberat; unde multis hinc male actis, Germaniæ Principes Henricum in ordinem redigunt, & Rudolphum Sueviæ Ducem appellant Regem. *Ex Actis relatis to. 3. Concilior. ante Concilium Romanum 1.*

Anno 1079. idem Gregorius VII. Boleslaum Poloniæ Regem, eo quod B. Stanislaum Cracoviensem Episcopum ad aras occidisset, diris perculit, Regno, omniq[ue] dignitate privatum. *Ex Longino in Polonica historia.* Baro-  
 nio, & alijs. Eodem anno dictus Pontifex

adversus Philippum Francorum Regem, cum sacerdotia pretio venderet, proptereaque Episcopum Matisconensem admittere noller, rescribit ad Rodericum Cabilonensem Episcopum: ut Regem moneret, quatenus à mercimonio tam turpi abstineret &c. alioquin censuris feriendus, Regnoque casurus. *Ex lib. 1. hujus Pontificis epist. 35.* Ex cujus verbis etiam patet, Philippum Gregorio paruisse, missisque Legatis, in ejus se potestate futurum, respondisse.

2. Anno 1166. Cum Fridericus Ænobarbus in Italiam cum exercitu movisset, incendijs & rapinis omnia vastaret, Guidonem Antipapam Alexandro III. opponeret, aderant Constantinopoli ab Emanuele Comneno Imperatore Legati, unionem cum Ecclesiâ Romanâ, ingentemque vim auri, & auxiliorum spondentes, si Pontifex Maximus Imperium Occidentis Græco restitueret. Exinde Anno 1168. idem Alexander III. Fridericum Ænobarbum perniciosissimo schismate, belloque Italiæ, Ecclesiæ, & Pontifici infestum, sacris, & Imperio interdicat, qui tamen Pontifici postea reconciliatus fuit. *Ex actis Alexandri III. apud Baronium ad dictos annos, alijsque authenticis monumentis.* E contra dicto anno 1076. præfatus Gregorius VII. Demetrium Croatiæ, Dalmatiæque Ducem per suos Legatos coronari fecit Regem. Et Sylvester II. anno 1000. S. Stephano Hungariæ Duci jus dignitatis Regiæ concessit, *Ex Cartuio in vita S. Stephani.* Anno insuper

ait. pag.

95. n.

49. &

50.

ibid. n.

1179. Alphonsus I. Dux Portugallia ab Alexandro III. ob res adversus Arabes præclare gestas, jus, & titulum Regis accepit. Ex Spondano & Baronio ad hunc annum.

Annon igitur pro quarto dicendum videtur, Summum Novi Testamenti Pontificatum pari dotatum esse spiritu, qualis erat in Elia Propheta, de quo *Ecclesiastici* 48. capite habetur, ipsi Divinitus datum fuisse, ut Reges in-  
 angeret ad pœnitentiam, & Reges deiceret, & confringeret ipsorum potentiam? Hoc equidem Dei mandatum Eliæ quæ Prophetæ factum, non erat cum successionis jure propagandum in posteros, hinc tamen elucet, quousque spiritus Dei in Antiquo etiam Testamento fuerit operatus. Annon ergo fas est, asseverare talem Dei spiritum, gratiæ non gratum facientis, sed gratis datæ, habere etiamnum locum in statu Legis Evangelicæ? Hanc profectò Christus, ut Regni sui Mystici, Ecclesiæ quæ suæ sanctæ statum sublimius adornaret, voluit condecoratam Regni cælorum clavibus; Petro, ejusque successori perpetuò destinatis, cum potestate ligandi & solvendi, quidquid super terram esset *Morale*. In qua porro solvendi, & ligandi Oecumenicâ autoritate subsistere spiritum non privati, sed publici jam regiminis, pro Religionis sanctæ seu propagatione, seu conservatione perquam necessarium, constat ex antecedentibus sacri Evangelij textibus. Ex quo proinde spiritu promanavit etiam Canon Licet. De

63.

ex pag.  
16. n.  
75.

pag. 43. *7. 91.* votis. Ubi Innocentius III. Hungaria Regis filio, qui patris de Hierosolymitanâ provinciâ manu forti visitandâ votum, assumpto Crucis signaculo, in se susceperat, hæreditatis paternæ, Regniqûe privationem indixit, nisi is voto satisfaceret.

64. Ex eodem Oecumenicæ Pastoralis præ-  
 eminentiæ spiritu, pro quinto, profluxerunt se-  
 quentia ejusdem Innocentij III. Gregorij I X.  
 Innocentij IV. Gregorij X. Clementis V. per  
 Authorem Regalis Sacerdotij in ordinem redacta  
 exempla, ut taceamus recentiora decreta Cle-  
 mentis VII. adversus Henricum VIII. Angliæ  
 Regem, Pij V. adversus Elisabethâ Angliæ Re-  
 ginam, Sixti V. Gregorij XIV. & Clementis  
 VIII. adversus Henricum Navarræ Regem,  
 qui tamen hæresi postmodum abjuratâ, Reli-  
 gionem avitam amplexus, tandem fuit promo-  
 tus ad Regiâ Galliæ Coronam. Anno pro-  
 inde 1210. Otto IV. Imperator, cum Friderico  
 juniore Regi Neapolitano, totiqûe Italiæ bel-  
 lum inferret, nec à Pontifice admonitus, cœp-  
 tis absisteret, ab Innocentio III. anathema-  
 re perstringitur, Imperio arcetur, permissu-  
 que Pontificis idem Fridericus Henrici V. Im-  
 peratoris filius, à Germaniæ Principibus thro-  
 no imponitur. Urspergensis in *Chronico*. Spon-  
 danus, & Bzovius ad hunc annum. Anno 1239.  
 Gregorius IX. Fridericum II. Imperio, & sa-  
 cris interdicat, idemqûe postea solenni ritu in  
 Concilio Generali Lugdunensi ab Innocentio  
 IV.

IV. anno 1245. est repetitum. Blondus, Platina, Spondanus *ad hunc annum.* Anno 1273. Gregorius X. mandavit Principibus Germaniæ, ut tandem Imperatorem creent, nisi velint, aliquem a se imponi: sicque Imperium devenit ad Rudolphum Habsburgensem. Spondanus *ad istum annum.* Anno 1307. interfecto Alberto Imperatore, Philippus IV. Galliarum Rex solenni ad Clementem V. legatione Imperium sibi, vel Carolo fratri petijt, ut sic Imperium rediret ad Francos. Conradus Vicerius in lib. de gestis Henrici VII. Bzovius *ad hunc annum.* Æmilius in Philippum Pulchrum.

ex. pag.  
96. n.  
55.

## S. VII.

*In quo Regum præminentia etiam in temporalibus erga Sedem Apostolicam in casibus publicæ Ecclesiæ necessitatis, subordinatio demonstratur ex I. Corinth. 6. capite.*

**I**bi namque Apostolus ordinavit, ut Christiani provocantes ad sæcularia judicia, pro decidendis controversijs, quas haberent erga confratres, adirent tribunal vel Apostolicum, vel sacerdotale Apostolicâ autoritate constitutum. Cujus ordinationis suæ rationem dâns Apostolus ibidem, *An nescitis, ait, quoniam Sancti de hoc modo judicabunt? Et si in vobis judicabitur mundus, indigni estis, qui de minimis judicetis?*

65.

Textus  
Apostolicus  
referunt.  
& fusi  
discuti-  
tur pag.  
18. à n.  
92. &  
pag. 19.  
à n. 96.

Nescitis, quoniam Angelos judicabimus, quāto magis secularia?

66.

ex pag.  
27. n.  
109.

Hunc igitur textum Apostolicum expensuris nobis, primo loco occurrit nonnemo prætendens, Apostolum ibi minimè loqui de legitimis judicijs, quæ à Magistratibus, publicisque iudicibus auctoritate publicâ exercentur, sed de arbitris, qui communi sensu designati essent Civilium controversiarum inter Christianos diremptores.

67.

ex pag.  
19. n.  
93.

Verùm isthæc expositio non videtur adæquata, attento integro Apostoli sacro textu, sic argumentantis versu 3. *Nescitis, quoniam Angelos judicabimus, quāto magis secularia?* Ex quo clarè apparet, quòd Apostolus sibi vendicavit jus & auctoritatem in res humanas & politicas. Quo modo istum locū intellexerunt B. Clemens S. Apostolorum Petri & Pauli auditor ita sanciens in *Constit. Apostol. lib. 2. cap. 51.* Quòd oporteat, in secunda sabbathorum cognoscere causas. Adsint autem iudicio Diaconi & Presbyteri, integrè iudicaturi, velut veri homines, cum iustitia. S. Anacletus in *Epist. ad omnes Episcopos, & Christi fideles* sic scribens; Si fuerit *seculare negotium*, apud ejusdem ordinis viros terminetur, iudicio tamen Episcoporum &c. Gregorius VII. lib. 8. *epist. 21.* Cui, inquit, aperiendi, claudendique cæli data est potestas, de terra judicare non liceat? Absit. Num retinetis, quod ait *Beatissimus Paulus Apostolus*, quia *Angelos judicabimus, quāto magis secularia?* Divus Gregorius Magnus 2. par. *Pastoralis cap. 7. ex*



7. ex allegato Apostoli textu agnoscit potestatem in secularia Pastoribus datam, (sed ea uti non vult, ut tantò spiritualibus negotijs attentius operam navent. *ibid. n. 94.*

Quibus insuper favent leges Theodosij, & Caroli Magni in anterioribus adductæ : favet etiam antiquus usus Ecclesiæ : Judices enim in causis etiam secularibus sederunt Gregorius Thaumaturgus, Ss. Ambrosius, Augustinus, Sinesius, alijque Episcopi, ut fert *Historia Ecclesiastica*: quamquam crescente numero Christianorum simul & litium, hoc onus rejectum fuerit in humeros secularium Judicum. jam Christianorum, ne Episcopus præfocatus secularibus negotijs, minùs vacare posset verbo Dei. *68.*

Quòd si pro secundo quilibet inquirat; Unde Paulus talem potestatem sibi adsciverit? In promptu est responsio, quòd cæteris, præter Petrum, Apostolis fuerit etiam à Christo immediate concessa Apostolica authoritas, seu Generalis erga Christi fideles Jurisdictio, extraordinaria tamen, & quasi delegata: quam enim Christus Dominus Matthæi 18. universis Apostolis promisit indefinitam ligandi & solvendi potestatem, hanc iisdem actualiter commisit Ioan. 20. dicens: Sicut misit me Pater, & ego mitto vos. Sub hisce quippe verbis, secundum Patres, significatur legatio Apostolis commissa, ipsorum singulorum personis annexa, nec adeò transferibilis in successores: de qua legatione etiam Paulus accipiendus est, pro Christo, *69.*  
in.

Nescitis, quoniam Angelos judicabimus, quāto magis secularia?

66.

ex pag.  
21. n.  
199.

Hunc igitur textum Apostolicum expensuris nobis, primo loco occurrit nonnemo prætendens, Apostolum ibi minimè loqui de legitimis judicijs, quæ à Magistratibus, publicisque iudicibus authoritate publicâ exercentur, sed de arbitris, qui communi sensu designati essent Civilium controversiarum inter Christianos diremptores.

67.

ex pag.  
19. n.  
93.

Verùm isthæc expositio non videtur adæquata, attento integro Apostoli sacro textu, sic argumentantis versu 3. Nescitis, quoniam Angelos judicabimus, quāto magis secularia? Ex quo clarè apparet, quòd Apostolus sibi vendicavit jus & authoritatem in res humanas & politicas. Quo modo istum locū intellexerunt B. Clemens S. Apostolorum Petri & Pauli auditor ita sanciens in *Constit. Apostol.* lib. 2. cap. 51. Quòd oporteat, in secunda sabbathorum cognoscere causas. Adsint autem iudicio Diaconi & Presbyteri, integrè iudicaturi, velut Dei homines, cum iustitia. S. Anacletus in *Epist. ad omnes Episcopos, & Christi fideles* sic scribens: Si fuerit seculare negotium, apud ejusdem ordinis viros terminetur, iudicio tamen Episcoporum &c. Gregorius VII. lib. 8. epist. 21. Cui, inquit, aperiendi, claudendique cæli data est potestas, de terra judicare non liceat? Absit. Num retinetis, quod ait Beatissimus Paulus Apostolus, quia Angelos judicabimus, quāto magis secularia? Divus Gregorius Magnus 2. par. *Pastoralis cap.*

7. ex

7. ex allegato Apostoli textu agnoscit potestatem in secularia Pastoribus datam, sed ea uti non vult, ut tanto spiritualibus negotijs attentius operam navent.

*ibid. n.*  
94.

Quibus insuper favent leges Theodosij, & Caroli Magni in anterioribus adductæ: favet etiam antiquus usus Ecclesiæ: Judices enim in causis etiam secularibus sederunt Gregorius Thaumaturgus, Ss. Ambrosius, Augustinus, Sinesius, alijque Episcopi, ut fert *Historia Ecclesiastica*: quamquam crescente numero Christianorum simul & litium, hoc onus rejectum fuerit in humeros secularium Judicum jam Christianorum, ne Episcopus præfocatus secularibus negotijs, minus vacare posset verbo Dei.

68.

Quod si pro secundo quilibet inquirat; unde Paulus talem potestatem sibi adsciverit? In promptu est responsio, quod cæteris, præter Petrum, Apostolis fuerit etiam à Christo immediate concessa Apostolica authoritas, seu Generalis erga Christi fideles Jurisdictio, extraordinaria tamen, & quasi delegata: quam enim Christus Dominus Matthæi 18. universis Apostolis promisit indefinitam ligandi & solvendi potestatem, hanc ipsidem actualiter commisit Ioan. 20. dicens: *Sicut misit me Pater, & ego mitto vos.* Sub hisce quippe verbis, secundum Patres, significatur legatio Apostolis commissæ, ipsorum singulorum personis annexa, nec adeo transferibilis in successores: de qua legatione etiam Paulus accipiendus est, pro Christo,

69.

in.

inquiens, *legatione fungimur*. In vi cujus adeo legationis, Paulo erga totum orbem in unitate Ecclesiæ coadunatum, erat jurisdictio Apostolica, verè etiam legislativa, quam ad *Thes-salonicenses 4.* à se exercitam, disertè profitetur. In vi cujus proinde potestatis Apostolicæ Paulus præcitatus dicebat: *Nescitis, quia & Angelos judicabimus, quanto magis secularia?* Quanto igitur magis talis super Christianorum Civilibus causis judiciaria potestas competit Petri, ejusque successorum ordinariæ authoritati Apostolicæ, eo ipso, quòd nulla sub statu omnimoda *Moralitatis ad supernaturalem quampiam participationem elevata*, sit intelligibilis humana libera actio, quæ non involvat aliquam respectu salutis æternæ, ac publicæ etiam Religionis, sanctæque Ecclesiæ Boni communis vel ordinabilitatem, vel ab hac deficientiam *Moralem*, quam in hominibus Christi character insignitis subdi Ecclesiæ clavibus, *indefinitaque ad solvendum & ligandum potestati Apostolicæ*, multimodè patet *ex antecedentibus*.

70. Et hinc pro tertio solida & fundamentalis desumi potest præsentis instituti nostri ratio *Theologica*. Etenim in illis etiam causis, in quibus intervenit aliqua ratio, statum supernaturalem concernens, si concurrat simul ratio quæpiam, respiciens spheram luminis naturalis, non immeritò prætendit Politicus Magistratus, sibi præveniando saltem, esse jus, causam

causam ejusmodi cognoscendi, judicandi, ac decidendi. Quidni ergo indubitatum teneat vicissim hoc juris principium, quotiescumque in causâ luminis naturalis sphaeræ commensurata, sicque adeò ad Tribunal sæculare spectante, concurrit *Moralitas* ad supernaturalis statûs sphaeram indubitanter pertinens, posse consequenter trahi ad tribunal Ecclesiæ clavium, ex indefinita ligandi & solvendi *Quodcumque super terram*, potestate consistentium, cum ordine ad salutem æternam, unicuique supernaturalis statûs Finem, adeoque mensuram sphaeræ causarum, ad Ecclesiasticum Tribunal spectantium? At indubitata Fidei veritas est, nullum esse actum, à luminis etiam naturalis *Moralitate* deficientem, quin eo ipso consistat simul sub sphaerâ deordinationis à fine salutis æternæ, atque adeò *sub hac formalitate spectet ad judicium Ecclesiasticum*,

Unde pro quarto licet hunc in modum concludere. Quandoquidem in omnibus circa causas etiam Civiles controversijs, ex alterutra litigantium parte, interveniat aliquid à jure æquitatis saltem naturalis exorbitans: hæc verò exorbitantia inevitabiliter inferat deviationem à fine supernaturali, ut sic subiectam potestati, statui supernaturali proportionata, indefinitæque *supra omne id, quod est super terram* Morale, ligandi, & solvendi auctoritate munita: hæc autem, cum æquitatis naturalis transgressione inevitabiliter connexa *Moralitatis super-*

cit. pag  
20. n.  
100.

*supernaturalis* deordinatio, nequeat esse inanis, festa, usque dum facta fuerit hujusmodi *Civilis* controversiæ decisio. Ideo forum *Ecclesiasticum* causis *Civilibus* litigiosis non equidem tam facile se immiscet, quousque accedente pertinaciâ, apertè agitur de reatu, salutis æternæ dispendium subinferente: attamen ex præadducto fundamento, Ecclesiastica auctoritas se omnino posset ingerere, accedentibus præsertim causis specialibus, Christianorum salutis respectum habentibus, uti evenerat in Corinthiis, quorum occasione Paulus propterea Apostolicâ suâ, licet non *ordinariâ*, sed *extraordinariâ*, & per Christum quasi *delegatâ* potestate condiderat præinsinuatam statutum.

72. Quinto igitur hoc ipsissimum fundamentum est, per quod Innocentius III. in Cap. *Per venerabilem*. Qui filij sint legitimi. legem Deuteronomij Sacerdotio Summo decernentis potestatem super causis & *Civilibus* & *Criminalibus* ferendi Iudicij *veritatem & justitiam*, combinando cum mandato Christi Domini, demandantis Petro, ejusque successori perpetuam, *Quodcunque ligandi & solvendi auctoritatem*, exinde concludit, in causis etiam *Civilibus*, dum aliquid fuerit difficile & ambiguum, esse recurrendum ad iudicium Sedis Apostolicæ; indueto in hunc finem ipsissimo illo Pauli textu Apostolico, quo ad Corinthios effatus est: *Nescitis, quoniam Angelos judicabimus, quanto magis secularia?*

Quæ

Quæ proinde utriusque sacræ Paginæ prin-  
cipia in formam syllogisticam reducendo, pro  
sexto hunc in modum licet argumentari. Quæ  
potestas judiciaria discernendi inter sanguinem  
& sanguinem, causam & causam, jure Deuteronomij n. 17<sup>52</sup>  
competebat Sacerdotio Veteris Testamenti,  
majori cum eminentiâ est per Christum in No-  
vo Testamento concessa authoritati Apostoli-  
cæ, in Romano Pontifice jam subsistenti. At  
ipsissima hæc Apostolicæ authoritatis, Petri  
successori, Romano Pontifici competentis, po-  
testas, continetur Christi Domini verbis: *Quod-  
cumque solveris super terram, erit solutum & in  
celis &c.* Hæc verò clavium Petro concessarum  
potestas non est minoris virtutis, ac fuerat  
Apostolica Paulo delegata authoritas, quam  
ad sæcularium causarum judicium protendi,  
apertè contestatus est is Apostolus, eò vel ma-  
ximè, quòd Petro, ejusque successori per Chri-  
stum destinata clavium potestas, clarè extenda-  
tur ad *Quodcumque super terram* pro causarum  
meritis seu solvendum, seu ligandum. Eo ipso  
autem, quòd ista clavium potestas ex Christi  
Domini instituto, habeat ordinem ad regnum  
cælorum, nequit ad usum reduci, nisi sub sta-  
tu causæ, salutem æternam, Ecclesiæque san-  
ctæ Bonum, seu fidei, ac Religionis veræ pub-  
licam utilitatem respicientis. Hoc igitur ad  
Regnum cælorum servato ordine, Summus  
Pontifex Innocentius III. in citato sacro Canone  
*per venerabilem, secundum causarum differenti-*  
as,

as, uni, nempe Regi Franciæ meritò concessit, alteri verò, nempe Comiti Pessulano, sibi in temporalibus etiam subiecto, jure negavit, Iuris tum *Canonicæ*, tum *Civilis* dispensationem, in ordine ad temporalis quoque hæreditatis, ex legum *Civilium* dispositione illegitimis denegatæ successione.

74. Ex ipsissimo hoc fundamento, pro septimo inducti sunt Theodosius Imperator, & ipsi con-  
 pag. 20. formiter Carolus Magnus, quòd, uti supra di-  
 n. 100. cebatur, sanxerint legem præallegato Cano-  
 ni Novit. 13. De *Judicijs*. insertam, in vi cujus  
*Christianus* quisque sive *Reus*, sive *Actor* possit, reli-  
 cto *Tribunali* sæculari, etiam post litem contesta-  
 tam, adire *judicium Ecclesiasticum*.

75. Ex eodem fundamento Innocentius IV. in-  
 tra Concilium Generale Lugdunense Cap. Gran-  
 ex pag. di. De supplenda negligentia. rescripsit ad Baro-  
 67. n. nes & Comites Portugalliæ, ut Regis fratrem de  
 176. devotione ac circumspectione multipliciter commen-  
 datum, cum ad defensionem Ecclesiarum, Mona-  
 steriorum, aliorumque piorum locorum &c. sit as-  
 sumptus, in civitatibus & munitiõibus Regni  
 prædicti recipere, cum omnibus suis procura-  
 rent, fidelitate, homagio, juramento, seu pa-  
 cto, quibus fortè tenerentur Regi, aut ipsius  
 etiam Regis prohibitione, haudquaquam ob-  
 stantibus.

76. Ex illo ipsissimo fundamento Ioannes  
 ex pag. XXII. in Extravagante unica. Si fratrum. Ne se-  
 68. n. de vacante. rescripsit: De jure liquidum esse, &  
 200.



ab olim inconcussè servatum, quòd vacante Imperio, cum in illo ad secularem Iudicem nequeat haberi recursus; ad Summum Pontificem, cui in persona Petri, terreni simul & celestis Imperij jura Deus ipse commisit, Imperij prædicti jurisdictio, regimen, & dispositio devolvantur. Et ideo sub excommunicationis poenâ monuit, ut, qui post vacationem Imperij, absque Sedis Apostolicæ licentiâ Vicarij nomen assumpserunt, ab hujus usu, potestate & exercitio prorsus abstineant: omnibus & singulis, qui hujusmodi Vicariatûs nomen retinentibus juramento fidelitatis tenerentur obstricti, à juramento hujusmodi absolutis.

77.

Octavò. Ex præadducto fundamento subsistit insuper Innocentij III. Cap. Venerabilem. 34. De electione. relatum rescriptum, quo disertissimis verbis asseverat, jus & potestatem eligendi Regem in Imperatorem postmodum promovendum, ad Principes Germaniæ pervenisse à Sede Apostolicâ, quæ Romanum Imperium in personam Magnifici Caroli à Græcis transtulit ad Germanos: quos proinde recognoscere debere, quòd jus & auctoritas examinandi personam electam in Regem, & promovendam ad Imperium, spectaret ad Romanum Pontificem, cujus est, eum inungere, consecrare, & coronare &c. Quæ de causa, cum in electione vota Principum dividuntur, posse eundem Pontificem post admonitionem & expectationem, alteri parti favere, maximè postquam ab ipso unctio, consecratio, & coronatio fuerit postulata: velut pateat jure pariter & exemplo.

**Ejus.**

78. Ejusdem tenoris, eodemque fundamento  
 nixa est constitutio Clementis V. in Concilio  
*ex pag.* Viennensi edita, & relata in *Clementina unica.*  
*54 n.* *De iurejurando.* quòd nempe Sedes Apostolica  
*213.* à Græcis Imperium transtulerit in Germanos,  
 à quâ ad certos eorum Principes, jus & potestas  
 eligendi Regem, in Imperatorem postea pro-  
 movendum, pervenerit, Imperatorésque sic  
 electi Sedi Apostolicæ obstringere se debeant  
 juramento.

79. Ex eodem fundamento novissimis sacri  
 Concilij Tridentini temporibus Paulus IV. &  
 Pius IV. improbabant, quòd Ferdinandus I.  
*ex pag.* ex placito quidem Pontificis, titulo Regis Ro-  
*52 n.* manorum jam positus, attamen inconsulto  
*216.* Papa, fuerit ab Imperij Principibus cooptatus  
 Imperator: cùm enim Imperatores Occiden-  
 tis, eorumque Electores fuerint ab Apostolica  
 Sede instituti, obtinuerintque Romani Ponti-  
 fices antiquissimum jus, ne quis eâ potiretur  
 coronâ, absque ipsorum Pontificum confir-  
 matione, justè prætendebatur ex parte Roma-  
 ni Pontificis, neque Caroli abdicationem,  
 adeoque neque Ferdinandi subrogationem  
 esse tanquam legitimam comprobendam abs-  
 que interventu Pontificiæ authoritatis: fuisse  
 quidem Ferdinandum assensu Pontificio jam  
 electum Romanorum Regem, sed per hujus-  
 modi conditionem non effici, ut ille legiti-  
 mus esset successor, nisi quando Sedes Impe-  
 rato-

ratoria morte Cæsaris vacasset ; in quovis alio vacationis genere novâ Pontificis comprobatione opus esse.

Quæ Apostolicæ Sedis justa prætenſio in tantum evincebat , ut Ferdinandus postmodum datis ad Pium IV. litteris , suam electionem à Pontifice ratam haberi postulârit. Quod etiam consecutus Ferdinandus grates agebat Pio, ipsismet quoque Heterodoxis ex ore Heideggeri in *Sess. 17. sacri Concilij Trident. argut. 6. latentibus* , à Ferdinando Oratorem Germanum pro suâ confirmatione Romam missum fuisse : claro sanè argumento, hoc jus confirmandi Electum Imperatorem , ne hostes quidem fidei ac Religionis Pontificiæ adversarios, pernegare ausos fuisse.

80.

ex pag.  
54. n.  
122.

Neque verò pro *nono*, ex generalibus duntaxat, Pontificiæ super Reges sacris Litteris probatæ authoritatis *principijs*, sed ex *speciali jure*, Summus Pontifex potuit , ac etiamnum pro semper potest sibi vindicare potestatem tum confirmandi Regem Romanorum electum, sub prævio de habilitate examine promovendum in Imperatorem , tum consequenter reprobandi , si repertus fuerit inhabilis. Eo ipso enim, quòd Pontificiâ authoritate ad Germanos sit translatum Occidentis Imperium, atque hinc *speciali jure* Sedes Apostolica habeat sibi obstrictum Imperatorem, ut teneatur esse Defensor & Advocatus Romanæ Ecclesiæ : efficitur hinc , omninò fas esse

81.

ex pag.  
64. n.  
161.

Romano Pontifici, ut, si electus repertus sit inhabilis, ac propterea reprobatus fuerit, suæ sanctæ Sedi, Ecclesiæque prospiciat, ubi discors fuerit Electio, alterutri etiam Electorum parti accedendo, ne Sedes Apostolica carere debeat Advocato & Defensore, juxta id, quod habetur in præadducto Canone *Venerabilem*.

82.

Ex quo ipsissimo principio de Occidentis Imperio per authoritatem Pontificiam in Germanos translato, fit insuper, decimò consequens, Summo Pontifici fuisse hinc jus quæsitum, tum statuendi de normâ Imperatoriæ electionis, tum consignandi certos Principes, quibus hoc eligendi jus appropriaretur. Ipsa namque ratio naturalis dicat, jus Imperij legitimâ authoritate Græcis ademptum, in hunc primitus concessisse, qui hoc jus Græcis legitimè (uti in præcedentibus probatum est) ademerat.

2 pag.

ss. n.

281.

Ex Romano equidem Pontifice, Occidentis Imperium eatenus fuerat derivatum in Carolum Magnum, ut jure hæreditatio subsisteret penes illius stirpem masculinam, quamdiu supererat, qui habilis esset gubernando Imperio, cujus habilitatis ratio ab Apostolica potestate, ex præinsinuati Iuristitulo dijudicanda fuerat, ubi Carolo Simplici ultimo, ex Carolina stirpe progenito repudiato, Magnates Germaniæ Ducem Saxoniarum Imperio præficiendum sanxerant. Ubi enim Jus hæreditariæ in Imperio Occidentali successionis, in Carolina stirpe expiravit, penes Principes Germaniæ jus

eli.

eligendi Imperatorem, nullo justo titulo subsistere poterat, nisi dependenter à Sede Apostolicâ, per quam jus Imperij à Græcis justè ademptum, in ejusdem transierat potestatem, & hinc in Carolum Magnum, ejusque masculinam duntaxat stirpem successionis hæreditariæ titulo translatum fuerat, penes Sedem Apostolicam residente *radicali* quasi primævi Juris, uti dictum, sibi quæsitæ facultate. Ex cujus proinde dispositione necessariò pendere debuit ulterior intra Germanos prorogatio, dum isti neque hæreditariæ respectu Caroli Magni successionis ratione, neque alio super Jus Imperij à Græcis adempti justo titulo, ex tunc poterantur.

Sed pro *undecimo*, ad universale Pontificiæ 83.  
super Reges & Imperatores potestatis fundamentum & principium regrediendo, opportunè expendenda venit constitutio, in Concilio Generali Lugdunensi ab Innocentio IV. ex p. 80. n. 44.  
edita, & relatâ in *Cap. Ad Apostolicæ. De sent. & re judicatâ*. Ubi Pontifex nefandis Friderici II. Imperatoris excessibus, cum sancto Concilio maturâ deliberatione præhabitâ perpensis, ita decernit: *Cum Iesu Christi vices teneamus, Nobisque in persona B. Petri sit dictum; Quodcumque ligaveris super terram, ligatum erit & in cælis, idcirco memoratum Principem, qui se Imperio, & Regnis &c. reddit tam indignum, omni dignitate privatum à Domino denunciamus, & nihilominus sententiando privamus*

omnes, qui ei iureiurando fidelitatis tenentur adstricti, à juramento ejusmodi perpetuè absolventes &c. Illi autem, ad quos electio spectat Imperatoris, liberè eligant.

84.

ex pag.

83. n.

63.

Quæ proinde Canonica & Conciliaris sanctio pro duodecimo noscitur reduci in hoc fidei principium, quo credimus, *Summum Pontificem Christi in terris agere vices, ipsique in personâ Petri dictum esse: Quodcumque ligaveris, seu solveris super terram, erit ligatum, seu solutum in cælis.* Quis enim negare ausit, sub isto *Quocumque, quod est in terra Morale*, contineri & actus *Morales* publici quoque à Rege promanantis Regiminis, & dignitatis Regiæ ad hanc individuum personam, ex æquitate publicæ etiam Religiosæ ratione, faciendam applicabilitatem, ejusque in Rege Ecclesiæ sanctæ clavibus subiecto perseverantiam *Moralem*? Sub illo, ad eò fidei principio, per eam sanctionem Synodalem, expendebatur Imperatoris præacti ex facinoribus suis indignitas. Cujus judiciaria proinde discussio, licet fuerit dependens à probationibus, quæ intrâ præcisam prudentiæ naturalis sphaeram, non supergrederentur *Moralem* certitudinem; attamen hoc Oecumenici Concilij judicium, per Spiritûs sancti gratiam ita depurabatur à *Materiali*, falsitatis periculo obnoxia concretionem, ut, altior prudentiæ infusæ comensurata certitudo *practica*, omnimodam falsitatem excludens, per Dei instinctum efformata, &

cum

cum illo fidei principio collata, sub formâ virtualiter saltem syllogisticâ progredieretur ad concludendam sententiam, adversus Imperatorem judicialiter ferendam. sub verâ lumini supernaturali innixâ consequentiâ Theologicâ, uti fusiùs demonstratur suo loco, ubi agitur de Summi Pontificis in Rebus Fidei ac Morum infallibilitate.

Ex quibus univeis pro decimotertia facile 85. intelligitur fundamentalis ratio, per quam asseverare liceat, *claves regni cælorum* Petro, eiusque successori à Christo concessas, completi quoque temporalia ipsorum etiam Regum jura. Etenim cujuscumque potentix, seu potestatis duplex noscitur esse objectum, Formale scilicet ac specificativum, & Materiale seu Terminativum. Oecumenicæ igitur Pontificiæ & Ecclesiasticæ potestatis objectum Formale ac specificativum importat quidem ordinem ad regnum cælorum, sicque adeo spiritualia per se habentia talem respectu Regni cælorum ordinabilitatem, per se primò subduntur Ecclesiæ clavibus, seu Ecclesiasticæ potestatis regimini & auctoritati; quidquid tamen participat de tali ordinabilitate, est hoc ipso de ejusdem Apostolicæ potestatis objecto Materiali, atque adeo non per se primò, sed per accidens, vel secundariò sub ejus formalitatis participatione, subijcitur sanctæ Ecclesiæ judicio. At verò quidquid Moralitatis est in hominibus Christianis, eorumque actibus & negotijs, seu causis qui-

buscumque etiam Civilibus, est vel ordinabile in Regnum cælorum, vel ab hac ordinabilitate est deficiens. Sub tali erga *Moralitatis*, ipsiusmet etiam Regiæ potestatis exercitio convenientis, seu debitæ ad certum subiectum applicationi, ejusque regimini de se licet Politico inexistentem, ad regnum cæleste seu spirituale, tum Ecclesiæ Triumphantis salutem æternam, tum Militantis Ecclesiæ Bonum etiam Publicum ordinabilitate, quævis causæ Civiles & temporales, etiam publicæ ac Regales, subeunt rationem objecti Materialis, respectu Apostolicæ Oecumenicæ authoritatis.

86.

ex cit.

pag. 14.

n. 113.

Hinc denique pro decimoquarto, licet concludere per sequentem argumentationem Theologicam, ex duobus nempe omnino certis, partim *Fidei*, altero partim *naturæ lumine* notis principiis deductam. **Etenim** lumine naturæ notum est, cujusvis potentia, seu potestatis sphaeram extendi super omne id, quod ita comparatur ad ipsius *Formale specificativum*, ut propterea, respectu illius, superinduat rationem *objecti materialis*. At ex fidei veritate compertum est, Oecumenicæ Petro, ejusque successori commissæ, clavium potestatis *proprium*, & *Formale specificativum* esse ordinabilitatem ad Regnum cælorum; *juxta apertum Christi Domini verbum*. Quidquid ergo superinduit istam respectu Regni cælorum ordinabilitatem, ita supervestitur *Formali specificativo*,  
Oecume-



Oecumenicæ Petro commissæ clavium potestatis, ut *consequenter* ad istam se habeat per modum *objecti materialis & terminativi*. At verò quidquid in homine Christiano est *Morale*, secundum fidei principia, vel *positive*, vel *privative* participat de formalitate ordinabilitatis ad regnum cælorum. Ergo quidquid in homine Christiano est *Morale*, per modum vel *positivæ* participationis, vel *privativæ* oppositionis, ita superinduit *formalitatem* Oecumenicæ, Petro commissæ clavium potestatis *specificativam*, ut *consequenter* sit de ejus *objecto Materiali* ac *terminativo*. Atqui Regiæ quoque potestatis ad certum subjectum, æquitati etiam religiosæ consona applicabilitas, unâ cum universo regimine ac exercitio libero ejusdem Regiæ authoritatis, secundum fidei principia, superinduit de *Moralitate* vel ordinabilitatis ad Regnum cælorum, atque salutem æternam, sacræque Religionis universalem utilitatem, vel ab ista deficiendo, importat deordinationem salutis æternæ, atque Religionis Bono *Moraliter* oppositam. Ergo lumine nature conspicua principia combinando cum fidei principiis, per *consequentiam* verè *Theologicam* rectè inferitur, Regiam quoque potestatem, cum sui ad certum subjectum applicabilitate, nec non publico etiam exercitio, superinducendo *Moralitatem* in Regnum cælorum ordinabilem, vel ab hoc ordine deficientem, ita supervestiri Oecumenicæ Petro commissæ cla-

vium potestatis *Formali specificativo*, ut consequenter sit de istius *objecto Materiali*; sicque adeo unam de se licet simplicem, Oecumenicam Summi Pontificis *authoritatem virtualiter* continere duplicem gladium: *primariò* e- quidem spiritualis, *secundariò* autem temporalis, super ipsos etiam Reges protensæ potestatis. At conclusio partim ex *fidei*, partim ex *lumi- nis naturalis* certis & indubitatis principijs, per consequentiam *Theologicam* ritè illata, ita re- ducitur in *fidei principium*, ut *virtualiter* sal- tem sit de fide. Viderint ergo, qui Reges Sum- mi Pontificis Oecumenicæ potestati, etiam per *accidens indirectè materialiter*, ac *consecutivè* sub- jectos negare contenderent, quomodò secu- rè ambulant in Fide Orthodoxâ?

### Caput III.

An ex hoc, quòd potestas Ecclesiæ tota spiritualis sit, nullatenus extendi va- leat erga temporalia?

- I. IN hoc & sequentibus capitulis refutare cona- bimur, quæ Ludovicus Ellies Du Pin, sacræ facultatis Theologicæ Parisiensis Doctor, in suis de antiqua Ecclesiæ disciplina dissertationi- bus historicis anno 1686. editis, dissertatione sep- timâ adducit, ad probandum: Pontificem, aut Ecclesiam habere nullam in Reges, eorumque bona *authoritatem directam*, vel *indirectam*, nec pos- se Reges ab ipsis ullatenus deponi, aut eorum sub- ditos

ditos à fide, ac obedientiâ eximi. Hujus sui intenti in Proloquio dictæ septimæ dissertationis sequentia statuit principia, ceu evidentissima ac certissima. Primum est; Quòd civilis, & Ecclesiasticæ societatum fines sint omnino disparati, & neuter sit alteri subordinatus. Secundum; Quòd potestas societatis civilis in corpora duntaxat extendatur, societatis verò Ecclesiasticæ authoritas tota spectet ad animos. Tertium; Quòd potestas Ecclesiastica nihil possit, nisi ut agat exhortationibus, ac præceptis, excommunicationibusque, non alijs pœnis adversus inobedientes. Quartum; Quòd Ecclesiasticarum legum alius finis non sit, quàm doctrinæ & disciplinæ Christianæ sanctitatem & puritatem illibatam servare. Unde oritur quæstio; Quibus medijs hic finis valeat obtineri?

Ex quibus principijs idem Elliesius infert, tum quòd Ecclesiæ potestas ex toto eatenus sit spiritualis, ut in temporalia sive Regum, sive aliorum Bona minime extendatur, nec adeò Reges deponi possint authoritate merè Ecclesiasticâ. Tum quòd idem homo possit quidem simul esse membrum societatis civilis & Ecclesiasticæ, attamen in civilibus subjiciatur civili duntaxat potestati; in spiritualibus verò Ecclesiasticæ; ita, ut ambæ istæ potestates sint penitus disparatæ, & à Deo solo, à quo sunt institutæ, dependeant, ac proinde neutra in alteram quidquam possit, tametsi spiritualis sit temporali sublimior. In hanc proinde summam redigitur prædictum Elliesij proloquium, cujus seu principia, seu consuetudina, licet in anterioribus jam  
dis.

discussa, elucescant, multis vel erroribus, vel periculosis scaturire dogmatibus, cum sacra Scriptura, & antiqua Orthodoxia sensu haud coherentibus, nihilominus operæpretium est visum, sub argumentis ab Authore illo propositis, accuratius ea expendere.

## S. I.

*An ex eo, quòd Christus ceu Ecclesia  
Caput, nullam in temporalia exercuerit potestatem, demonstrari valeat, potestatem Ecclesie nullatenus extendi ad temporalia?*

**I** Udo vic. Ellies cit. dissert. 7. cap. 1. §. 1. argumentatur 1. Christus non aliam Ecclesie contulit potestatem, præter eam, quam à Deo Patre, quatenus homo est, accepit; sicut misit me (inquiens Ioannis 20. v. 21.) vivens Pater, & ego mitto vos. Unde Ecclesie Ministri dicuntur à B. Paulo, Christi vices agere, & pro ipso legatione fungi. Unde ad ostendendum, Ecclesiam non habere ullam temporalem potestatem, demonstrare sufficiet, Christum, quatenus Ecclesie Caput fuit & fundator, nullam sibi arrogasse in temporalia Regum auctoritatem, nullamque exercuisse temporalem potestatem. At Christus ipse disertè dicit, se ad hoc non venisse, ut ullam temporalem à Patre acceptam haberet potestatem, cum enim

enim Iudæi ipsum apud Pilatum accusassent, quod se Regem Iudæorum esse, dixisset, interroganti: Num Rex esset Iudæorum? respondit: Regnum meum non est de hoc mundo. Et urgenti eidem Pilato: Ergo Rex es tu? Respondit quidem: Tu dicis, quia Rex sum. Attamen ego in hoc natus sum, & ad hoc veni in mundum, ut testimonium perhibeam veritati. Quomodo igitur Christus clarius profiteri potuisset, se non venisse in mundum, ut temporalem exerceret potestatem? Et hinc S. Augustinus in eum locum tract. 15. in Ioannem. Audite, ait, omnia regna terrena, non impedio dominationem vestram in hoc: venite ad regnum, quod non est de hoc mundo, venite credendo, & nolite servire metuendo: dicit quidem prophetia de Deo Patre: Ego autem constitutus sum Rex ab eo super Sion montem sanctum ejus, sed Sion illa, & mons ille non est de hoc mundo, quod est enim ejus regnum, nisi credentes in eum? quibus dicit: De mundo non estis, sicut & ego non sum de mundo.

Responsio, & ac retorsio confutatoria  
hujus argumenti.

**PRIMò.** Reflexione habitâ ad istius ratiocinationis majorem, plus concedam, quam ipsemet Elliesius desideraverat, mensuram potestatis Ecclesiæ statuendo ex mensura domini, Christo quâ homini competentis. Numquid verò Christus *Apocal. 1.* discretè dicitur

*Prim-*

Princeps Regum terræ? Numquid Act. 10. asseritur Iesus esse Dominus omnium? Numquid 1. Corinth. 17. habetur: Omnia esse ei subiecta, scilicet Christo, præter eum, qui subiecit ei omnia.

5. Elliesius equidem cit. §. 1. propè finem excipit; ejusmodi sacre Scripturæ textus, quibus Christus Regnorum ac Regum omnium Dominus dicitur, convenire ipsi ratione Divinitatis, adaptari autem Christo homini per communicationem idiomatum.

6. Verùm Heb. 1. habetur Christus esse hæres universorum. Numquid autè Christo secundum Divinitatem convenire potest, esse hæredem? Insuper Apocal. 17. dicitur in femore ejus scriptum: Rex Regum, & Dominus dominantium. Numquid verò sub isto femore intelligitur humanitas? Et hinc cit. 1. ad Corinth. 11. capite fit distinctio inter eum, qui subiecit Christo omnia, & eam naturam, cui in Christo subiecta sunt omnia. Quia igitur non secundum hypostasim ut sic, sed secundum Divinitatem convenit Patri, quòd Christo subjecisset omnia: neque verò Christus secundum Divinitatem est distinctus à Patre, idcirco manifestum hinc redditur, Christi humanitati, seu Christo quàm homini esse omnia subiecta. Anne igitur hanc Christi dominij super omnia universalitatem dicere fas est, mensuram esse potestatis Ecclesiasticæ?

7. Arctiorem profectò hujus potestatis spheram adstruo, coarctando eam ad lineam moralitatis. Numquid enim Christus Joannis 20. dicens

dicens Apostolis: *Sicut misit me vivens Pater, & ego mitto vos: respexit ad illa sua Matthæi 18. exarata verba: Quodcumque ligaveritis super terram, erit ligatum in cælis?* Numquid verò ista verba sunt connexa cum illo sacro textu, quo peccantes pro foro etiam externo subjiciuntur Ecclesiasticæ virgæ correctoriæ, & coercitivæ? Numquid Christus etiam Ioannis 21. quando Petro dixit: *Pasce oves meas,* respexit ad verba sua Matthæi 16. descripta: *Tibi dabo claves regni cælorum, quodcumque solveris super terram, erit solutū & in cælis?* Numquid verò ista solvendi potestas sub hisce verbis regulanda est ex ordinabilitate ad regnum cælorum? Sicuti ergo tam peccati, quam ordinabilitatis ad regnum cælorum ratio spectat ad lineam moralitatis, sic hujus, non autem tota dominij, Christo quæ homini competentis sphaera, statuenda est mensura potestatis Ecclesiasticæ. Imò in ipsâ etiam moralitatis lineâ discernere adhuc oportet inter moralitatem, quæ lumini naturali seu consonam, seu dissonam, & quæ supernaturalis statûs elevationi proportionatam, atque hanc duntaxat per modum objecti formalis, ac specificativi ponimus mensuram potestatis Ecclesiasticæ. Unde consequenter solum, quatenus scilicet moralitas naturalis ex Dei ordinatione inevitabilem cum supernaturalis lineæ seu privativâ, seu positivâ moralitate connexionem habet, per modum aded objecti terminativi, & materialis dicimus, istam esse sub-

jecti potestati Ecclesiasticæ.

8. Quare pro secundo. Dum Christus Pilato interroganti: Num esset Rex Iudæorum? Respondit: Regnum suum non esse de hoc mundo: hoc verificatur etiam de universo Christi quâ hominis dominio, quippe cûm istius, Christo, quâ homini communicati dominij radix, & origo quasi *formalis*, sit Unio hypostatica, quâ sicuti non est de hoc mundo, sic neque dominium in illa quasi radicatum, est *originativè de hoc mundo*. Verûm hoc ipsissimum Christi hominis dominium, quâ Ecclesiæ communicatum, quia complectitur lineam *moralitatis* ad statum supernaturalem elevatæ, ipsamque adeò *moralitatem* naturalem unâ secum elevantis ad supernaturalitatem, idcirco etiam *objectivè non est de hoc mundo*, oportetque proinde, ut fateamur, potestatem Ecclesiasticam, unâ cum sui mensurâ, neque *originativè*, neque *objectivè esse de hoc mundo*, quippe cûm ne naturalem quidem *moralitatem* complectatur, nisi quâ supervellitam *moralitate* supernaturalis lineæ. Sub ipsissimo nihilominus isthoc *moralitatis* *supernaturalis* regimine, Christus difertè dixit, contineri regnum suum, foreque adeò in Ecclesiâ per se constituendâ regnum, quod tamen *non esset de hoc mundo*, sive quod *non esset hinc*. Numquid autem correlativa inseparabiliter connexa, sunt Regnum & Regia potestas? Ex Christi igitur verbis illis, clarè evincitur Regia quæpiam intrâ Ecclesiâ potestas, ex authoritate Apostolicâ consistens, unice tamen complectens lineam



*moralitatis*, quâ in regnum cælorum ordinabilis. Et ideo Pilato urgenti: *Ergo Rex es tu?* Christus iterum respondit: *Tu dicis, quia Rex sum ego*, innox subiciens: *Ad hoc veni in mundum, ut testimonium perhibeam veritati.* Sic ergo Christus, quâ Rex, tum ex se ipso, *immediatè*, tum *consequenter* ex autoritate Apostolis communicatâ, erat veritati testimonium perhibiturus. Sed cui veritati? Cùm Christus *indefinitè* locutus fuerit, num exceptionem aliquam pateretur in aliqua veritatis specie, seu genere? Num igitur Christus venerat, ut veritati etiam Philosophicæ ex Regia sua autoritate testimonium perhiberet? Quandoquidem luminis naturalis veritas Philosophica, ubi cum Evangelica veritate minùs cohæret, redigenda sit in fidei ac Christi obsequium, nunquid Christus ad hoc etiam venisse dicendus est in mundum, ut testimonium perhiberet Philosophicæ veritati, hanc scilicet continendo intrâ fidei sanctæ veritatem, seu superiorem regulam, ac mensuram suam? Et quia veritas *practica* est mensura *moralitatis*, cujus linea etiam naturalis supervestitur seu *positivâ*, seu *privativâ*, aut *negativâ moralitate* supernaturali, numquid Regia Christi potestas Ecclesiæ sanctæ communicata, protenditur super *moralitate* etiam naturali, eatenus concordandâ cum supernaturali *moralitate*, ut, si ab hac deficiat, per auctoritatem Apostolicâ sit in hujus ordinem redigenda? veluti sæpius factitatum est in legibus Imperatoris

torijs ab æquitatis ratione, ipsi etiam supernaturali lumini repugnante desciscientibus. Et hinc in aperto jam est falsitas illius ab Elliesio in Prologo positi primi principij sui, quòd civilis & Ecclesiasticæ societatum fines sint omnino disparati, ita ut neuter sit alteri subordinatus. Sed de hoc differebamus superius in hujus Summarij 1. cap. §. 2.

9. Pro tertio Prophetia Psal. 2. exarata nos instruit de Regno Christi, quod est Ecclesiæ. Dum nempe Reginus Propheta, in figura Christi ibidem disertè sic pronunciat: *Ego autem constitutus sum Rex ab eo super Sion montem sanctum ejus.* Numquid ergo, ubi Christus hanc suam Regiam potestatem commisit Vicario suo Petri successorì, huic dicere fas est, ego vice Christi super Sion montem sanctæ Ecclesiæ constitutus sum Rex? Quòdnam verò hujus Regis est regnum, quod non sit de hoc mundo, nisi (uti S. Augustinus respondet) *credentes in Christum*? Numquid autem inter hos credentes in Christum sunt quicunque Reges Christiani? Annon igitur isti dicendi sunt subiecti Apostolicæ auctoritatis, Christi in terris Vicariæ regimini, quoad totam moralitatis lineam, sicque adeò directè, ac per se non, quoad temporalitatem ut sic, sed quoad istam quæ subordinatam lineæ moralitatis, inexistens libero cuique potestatis Regiæ exercitio; utpote inevitabiliter vel ordinabilitatem ad cælorum regnum, vel ab hoc deordinabilitatem obtinenti? Et hinc æternus Pa-

ter sub illâ Davidicâ prophetiâ , Regiæ illius , Christo principaliter, Petri autem successori Vicariè competentis potestatis sphæram circumscribens, ajebat : *Postula à me , & dabo tibi gentes hereditatē tuam , & possessiones tuas terminos terræ.* Annon igitur possessiones etiam temporales , terræque termini, secundum illam æterni Patris prophetiam, sunt intrâ sphæram Vicariæ Christi authoritatis? Et , ne quis ausit, hanc potestatem Regiam destituere virgâ authoritativâ & coercitivâ , superadditur ibidem : *Reges eos in virga ferrea.* Hanc proinde virgam ferream in foro etiam externo coercitivæ authoritatis esse in Sion sanctæ Ecclesiæ monte, seu Regno Christi, fateri compellitur ipsemet etiam Elliesius, asseverans, esse litteralem illam S. Augustini expositionem, quâ dixerat, eam Psalmidicam Prophetiam intelligendam esse de Christi Regno , quod sunt in Christum credentes.

## A R G U M E N T U M II.

**L**udovic. Ellies cit. §. 1. argumentatur tum  
Lex S. Chrysostomo in illum locum Ioannis  
hom. 18. docente : *Quòd Christus in cælo habeat*  
*imperium non humanum, sed longè majus, atque præ-*  
*stantius : tum ex S. Ambrosio in Lucam lib. 3.*  
*Christum , inquiunte, profitentem , non esse de hoc*  
*mundo regnum suum , ostendisse, esse supra mundum,*  
*nec esse in sæculo, sed supra sæculum.* Unde reddi-  
tur consequens, quòd Christus non habuerit

103

potestatem Regiam, sed Regiâ superiore, alteriusque ordinis, ac dignitatis: tum ex Divo Cyrillo in illum locum docente: *Quod Christus Pilato respondens, non negarit, Regem se esse &c. sed regni Cæsaris non esse hostem, ostendisse, quia principatus ejus mundanus non est, sed cæli, terræque, cæterarumque rerum omnium. Quare Vicaria quoque Christi potestas mundana non est, sed supra mundum, & supra sæculum.*

Responsio, ac retorsio hujus argumenti refutatoria.

II.

**P**rimò. Lubens admitto, Christi *Vicariam* in mundo potestatem non esse mundanam, perinde, ac Christi principatus, tametsi juxta S. Cyrilli sententiam, cælum, terramque, cæterasque omnes res ambiat, *haud mundanus est, sed supra mundum, & supra sæculum.* Numquid autem *supra mundum, & supra sæculum* est principatus ille, cujus *formale specificativum* est ordinabilitas in regnum cælorum, adeoque *moralitas* lineæ etiam supernaturalis? Estne verò in usu etiam rerum temporalium, potestatisque Regiæ exercitio, excogitabilis status aliquis, quin superinduatur *moralitate* vel ordinabilitatis in regnum cælorum, vel ab hoc deordinationis seu *privativæ ac negativæ*, seu *positivæ*, quandoque ad *positivam* sacre Religionis, & Ecclesiæ sanctæ, Christi que adeo Regni devastationem intentæ? Talis proinde

inde principatus Ecclesiasticus, ordinabilitatem ad regnum cælorum *authoritative* procurans, & ab hoc deordinabilitatem perversam, *virgâ* etiam *ferreâ* coercens, nullatenus præjudicat Cæleste, & Regiæ terrenæ potestati, sed hanc evehere satagit in sublimiorem supernaturalis *moralitatis* atomum, sub quo intelligi possit esse *supra mundum*, seu *seculum*.

Hujus ergo supramundani principatus, Christi in terris *Vicarij* sphaeram accuratius indagare cupiens, pro secundo sciscitor ex Elliesio, quandoquidem is principatus sit à Christo designatus ex clavibus Regni cælorum, munitis *authoritate ligandi & solvendi quodcunque super terram*: quidnam subintelligatur sub isto *Tò Quodcunque*, quod sacer contextus sub *moralis* ad regnum cælorum ordine subjecit super terram ita vel solvendum, vel ligandum, ut ratum habendum sit etiam in cælis? Nónne ex proprietate verborum hujusmodi, sub illo *Tò Quodcunque*, accipi debet *quodvis morale*, in supernaturalem Ecclesiæ seu triumphantis, seu militantis, seu regni cælorum finem, vel ordinabile, vel ab ista *moralitatis* supernaturalis ordine defectibile? An verò dicere fas esset, Regem Christianissimum ab hoc erga regnum cælorum ordine esse exclusum, ne dicam, quoad animam suam duntaxat, seu spiritualia, sed quoad moralitatem suarum publici quoque & politici regiminis actionum, imò ipsiusmet etiam Regiæ ad suam Christi caractere inlig.

nitam personam *subjectivæ* applicationis?

13. Huic proinde *moralitati* insistenti, pergo ulterius sciscitari: an non secundum ejusdem *moralitatis* mensuram, extendenda sit etiam virga correctoria *Matth. 18.* Ecclesiæ commissa erga quosunque, si peccaverint, Christianitatis consortes fratres? Num verò citra gravissimam injuriam dici posset Rex Christianissimus, inter hos Christianæ communionis fratres non esse comprehensus? Num igitur Regum à debita in regnum cælorum ordinatione, cum gravi quandoque, publicæ etiam sacre Religionis discrimine, enormiter exorbitantia facinora fas esset, excipere ab illa correctoriâ seu coercitivâ Ecclesiæ virgâ? Quidni ergo potius dicendum videatur, quodcunque Regis facinus sub debita ad regnum cælorum ordinationis deficientiâ, seu *privativâ*, seu etiam *positive* contrariâ, publicæ præsertim Religioni perquam nocivum, contineri sub illo *Quocunque super terram Morali*, super quo per Christum noscitur esse constituta clavium regni cælorum, ad quodcunque seu ligandum, seu solvendum protensa autoritas Apostolica? Quidni proinde è contrario etiam videatur concludendum, sub illo *Quocunque moralitatem* vel ad regnum cælorum ordinabilem, vel ab isto ordine deficientem complectente, includi Regiæ quoque potestatis exercitia, ejusque ad hoc suppositum applicabilitatem, quâ supervestitam *moralitate* in regnum cælorum,

rum, vi characteris per sacrum Baptismum suscepti, specialiter ordinabili? Quod si ergo Pontifex Maximus, exigente Ecclesiæ necessitate, ob Regis cuiuspiam adversus sacram religionem molimina, suam Apostolicam solvendi authoritatem, seu correctoriam, coercitivamque virgam super jus Regiæ Majestatis, quæ huic individuae personæ *subjective* inexistens, & quæ *moralitate* ad Ecclesiæ claves indubitanter spectante supervestitum extenderet, quomodo fieri posset, quod non *indirectè* à tali Rege tolleretur jus Regium, utpote respectu ejus Regis ex tunc eatenus solutum, ut juxta Christi Domini verbum, solutio hujusmodi in cælo, in ipso proinde foro *conscientiæ*, comprobanda esset?

### ARGUMENTUM III.

**L**UDOVIC. Elliespræcitatus pergit 3. argumen- 14.  
tari. Duplex tantum in Christo dominium reperiri potest. Unum *creationis*, quod Christus habet ex Divinitate, alterum *adoptionis*, & *familiaritatis*; ut Chrysostomus *hom. 30. in Epist. 1. ad Corinth.* loquitur, quod Christus habet ex humanitate. Neutrum verò istorum dominiorum idem est cum dominio Regum in temporalia. Nam quatenus Deus est, habet supremum in omnia imperium, quatenus autem homo est, regnum ejus totum est *spirituale*, nec enim homo factus est, ut totum or-

hem more Regum terrenorum regeret, imò se minimè venisse ad hoc, ut rerum temporalium regimen susciperet, verbis & factis docuit: tum quando aufugit, ne à Judæis Rex eligeretur: tum quando roganti cuidam, ut fratri suo juberet, hæreditatem partiri, dixit: *Homo, quis me constituit judicem, aut divisorem super vos?* Cùm igitur certum sit, Christum Ecclesiæ comunicasse eam tantum potestatem, quam habuit ut homo, & Caput Ecclesiæ, non autem illam, quam habuit ut Deus & Creator, pro certo tenere debemus, nullam potestatem temporalem à Christo Ecclesiæ collatam esse.

### Responsio ac retorsio hujus argumenti refutatoria.

35. **P**rimò certum est, ex Divinitate nullum in Christi humanam naturam esse derivatum dominium, quod non *realiter* præexisteret in dominio Divinitatis, quod *Ellicius* dicit dominium *creationis*. Hujus autem Divini dominiij sphaera, præter lineam *naturæ universæ*, complectitur etiam lineam *statûs supernaturalis*, ad quem homo ad imaginem Dei factus, in *primo* creationis suæ instanti elevatus, & postquam è gratia exciderat, per Christi redemptionem reparatus fuit. Numquid ergo Divinitas Christo quâ homini fecit de utraque illâ seu naturæ, seu supernaturalitatis lineâ



lineâ, dominij sui participationem aliquam ; dum constituit ipsum hæredem Univerſorum ? Et licet Christus quâ homo noluerit sibi assumere exercitium, & munus regnandi in temporalibus ; renuens propterea munus judicis in se suscipere circa duorum fratrum hæreditatem dividendam ; attamen uno saltem, altero actu ostendere voluit suum seu proprietatis, seu jurisdictionis in res quoque temporales dominium , quando scilicet *Matth. 8.* & *Lucæ 8.* ejiciens legionem dæmonum ab homine , concessit ipsis , ut intrarent in porcos, non absque magno Gerasenorum damno Talis dominij argumentum exhibuit etiam, quando *12. Matth. cap.* arefecit ficulneam , quando inſuper *eodem cap.* jubens ad se adduci cum pullo asinam , quam Apostoli reperirent alligatam , subjecit. *Si quis aliquid dixerit, dicite : quia Dominus his opus habet.* Jurisdictionis denique, Legis Mosaicæ sacerdotio superioris altum dominium ostendit , quando *Ioannis 18.* dum Pharisei mulierem in adulterio deprehensam ad eum adduxerant, & coram ipso accusaverant , ex vi ejusdem *altij* dominij eam absolvit, non à reatu duntaxat peccati, sed etiâ à pœnâ lapidationis in Lege Mosaica indictâ. Quinimò cum Christus etiam quâ homo , & Caput Ecclesiæ ascendens in altum, daret hominibus dona curationum , & sanitatum , quæ licet quoad modum participarent de supernaturalitate, quoad substantiam tamen verè continen-

tur intrâ naturæ lineam, inde manifestum est, Divinitatem de suo creationis dominio etiam quâ naturæ lineam contingente, fecisse Christo, quâ homini, dominij sui aliquam communicationem.

16. Sed quid dicemus de *linea supernaturalitatis*, quam Divinitas ita posuit in potestate Christi, quâ Ecclesiæ Capitis, ut ejusdem participationem facere posset *Novæ Legis sacerdotio*? In quâ proinde supernaturalitatis seu *positivâ*, seu *privativâ* lineâ, numquid continetur universa supernaturali statui commensurata *moralitas*? Et quia nihil *moralitatis* etiam naturalis ex hominis libero arbitrio contingit, quin vel deficiat ab ordine regni cælorum, vel per gratiam Christi sublimetur ad hunc regni cælorum ordinem, numquid *moralitatis* etiam naturalis linea ita suberat Christi dominio, ut eandem vellet tamen subordinatam lineæ *moralitatis* supernaturalis? Numquid ergo Christus quâ homo, *Quodcunque in regnum cælorum coordinabile super terram*, subiciens potestati Ecclesiasticæ, huic communicavit etiam de suo super omnimodâ *moralitatis*, politicum quoque regimen sinu suo complectentis, lineâ, jurisdictionis *altæ* dominio?

17. Pro secundo igitur, missâ jam universâ naturæ *physicâ* lineâ, faciendo reflexionem ad unicam *moralitatis*, *Quodcunque in regnum cælorum coordinabile complectentis*, lineam, placuit per modum progressionis ex Eliesio hîc sciscita-

¶ Num credat, potestatem Ecclesiæ super hac moralitatis, quæ in regnum celorum ordinabilis lineâ indefinitè protendit, æquè esse de gratijs Christi gratis datis, ac sit gratia Prophetiæ? Noscitur profectò ex 1. Corinth. 12. cap. à v. 28. Apostolus inter gratias gratis datas perinde recensuisse Apostolatam, in Petri successore unice adhuc persistentem, ac donum Prophetiæ. Unde opportunum est nobis visum, nonnihil excurrendo, hîc facere Apostolicæ in Petri successore perdurantis auctoritatis, ceu gratiæ Christi gratis datæ comparisonem cum lumine Prophetiæ. Hoc equidem Divinitus concessum donum, minimè facit, ne homo Prophetiæ dono ditatus, sit obnoxius fallaci & fallibili, atque ad malum pronæ conditioni humanæ, maximè cùm lumen Propheticum recenseatur inter gratias gratis datas, quæ inexistere possunt homini peccatori infideli; uti constat de Sybillis veris Prophetissis, sed Ethnicis. Nihilominus quando is, qui Prophetiæ gratiâ est ditatus, intendit in lumen Propheticum, ex hoc divinizando, ac revelando veritates absconditas, nequit ulla subesse falsitas ac deceptio, quippe cū actus Propheticus, quâ procedens ex lumine Prophetiæ, nequeat in se intrinsecè coinquinari specie mendacij, quin hæc impuritas reducenda foret in luminis Prophetici principium, Spiritum sanctum, quod ne cogitare quidem, minùs asseverare licet absq; horribili blasphemia.

nia. Sic proinde Oecumenica Pastoralis muneris potestas Apostolica inter Christi gratias, Ecclesiæ gratis datas merito annumeranda, quantumvis inexistat homini per naturam suam fallaci, attamen Christo repromittente Apostolis, Spiritum sanctum eos edoctrum omnia, dicere oportet, eam Divinitus constitutam, ita esse super fidei petra fundatam, ut cunctæ actiones ex ea promanantes reducendæ sint in fidei principium, illius Oecumenicæ Apostolicæ potestatis *super quocunque in terris morali ad regnum calorum ordinabili* protensæ, eatenus directivum, ut, si de particularibus, fallaciæ alioquin obnoxiijs, casibus est sciendum, decernat per prudentiale Divinitus infusæ prudentiæ lumen supernaturale, ab omni adeo seu *morali* defectibilitate, seu intellectuallī fallibilitate, atque fallaciæ labe ut sic depuratum, licet in Pontifice decernente possit *concomitanter*, quā homo est defectibilis, aliquid obrepere, quod humanam fragilitatem redolere videatur.

18. Hinc ergo regrediendo ad Elliesij argumentum, haud impertinenter ab eo requiritur, ut reflexionem faciendo ad Divini dominijs, Humanitati Christi, & ab hac Apostolicæ auctoritati donatam participationem, in Summi Pontificis potestate Oecumenicā, eeu gratiā gratis datā agnoscat auctoritatem, super quacunque Regum etiam, Regiæque Majestatis jurium *moralitate* eatenus protensam, ut in de-

decernendo, Divini quoque luminis sibi assistentis habeat certitudinem.

S. II.

*In quo demonstratur, ex eo, quòd potestas a Christo iſciſe collata tota ſit ſpiritualis, haud evinci, Pontificiam authoritatem non protendi ſupra Reges etiam quoad temporalia.*

ARGUMENTUM I.

**L**Udovic. Ellies *cit. cap. 1. §. 2.* argumentatur i. in hunc modum. Ecclesia non aliam habet potestatem præter eam, quam Christus Apostolis tradidit, ut per eos ad eorum successores perveniret. At ex Scripturâ inferiùs adducendâ constat, nullam omninò potestatem, quæ spiritualis non sit, Apostolis esse collatam. Frustra igitur successores eorum aliam sibi arrogant.

19.

Responsio ac retorsio huius argumenti refutatoria.

**N**Unquid enim pro primo, Sacramenta simpliciter sunt computanda inter res spirituales, quantumvis consent ex rebus & actionibus sensibilibus, seu corporeis, seu materia?

20.

Num.

Numquid intellectiva potentia in homine & Angelo est purè spiritualis, cum tamen ejus objectum *materiale* complectatur naturam quoque corpoream? Unde hoc? nisi quia denominationes fiunt ex eo, quod *formale* est, non autem ex eo, quod est *materiale*. Sic enim ratio Sacramenti *formaliter* constitutiva est significatio purè spiritualis, ex Divina institutione causatrix supernaturalis gratiæ. Sic intellectivæ potentiæ *formale specificativum* est lumen objectivum à materialitate depuratum, tamen si ejus objectum *materiale* complectatur cunctas res etiam corporeas. Pari proinde modo tamen si autoritas Apostolica protendatur ad *quodcumque* in regnum cælorum ordinabile, in quo ordine continetur quodcunque liberum hominis ad statum supernaturalem elevati, politici quoque regiminis, publicum exercitium, hoc nequit tamen reduci ad sphæram Apostolicæ autoritatis, nisi *sub moralitate in regnum cælorum ordinabili*, ut sic verè spirituali: ex qua proinde, ceu *formali specificativo* suo, Pontificia potestas merito denominatur purè *spiritualis*, quantumvis *per accidens* extendatur super rebus quoque temporalibus, quâ libero, atque adeò *moralis*, & *consequenter* quâ in regnum cælorum vel ordinabilitate, vel ab hoc deficientiâ supervestito ipsorum publici etiam politici regiminis exercitio, subjectis, ut sic per modum objecti *materialis*, & *terminativi* se habentibus ad eam purè *spiritualem*, autoritatis, Apostolicæ potestatem.

Hæc ratio nostra pro secundo firmatur ex 21.  
ipso Elliesio, mox asseverante, potestatem  
annuntiandi Evangelium, nec non baptizan-  
di *Matth. 18.* Apostolis commissam, esse totam  
spiritualem. Numquid verò hujus potestatis  
exercitium *materiale* sunt actiones corporeæ?  
quæ tamen, dum earundem ratio *formalis* est  
mere spiritualis, haudquaquam efficiunt pu-  
ræ spiritualitati potestatis illius.

Subdit idem Elliesius alteram Apostolis 22.  
promissam potestatem *Matth. 16. & 18.* sub au-  
thoritate ligandi & solvendi quodcunque super ter-  
ram. Quam equidem potestatem, ait, a non-  
nullis frustra protendi ad temporalia, eò quòd  
Christus mentem suam *Ioann. 20.* sub hisce  
verbis exposuerit: *Sicut misit me vivens Pater,*  
*& ego mitto vos: quæ cum dixisset, insufflavit in*  
*eos, dicens, accipite Spiritum sanctum, quorum re-*  
*misertis peccata, remittuntur eis.* Numquid ve-  
rò, mi Elliesi, hæc remittendorum peccato-  
rum potestas mere *spiritualis* est, tametsi pro-  
tendatur super peccatis homicidij, adulterij,  
ac perversi Regum regiminis, per actiones  
corporeas perficiendis? Eo ipso tamen, quia  
*moralitas* a regni cælorum ordine deficiens est  
*formale* in illis peccatis, quæ illi sacerdotali po-  
testati subjectis, inde haudquaquam efficitur,  
quòd potestas illa, licet per actionem eti-  
am sensibilem, quæ Sacramenti materiam in-  
*trinsecam* exercenda, non debeat purè *spiritualis*  
dici. Pari proinde ratione, illa quodcunque in-  
terris

terris *Morale ligandi, seu solvendi potestas* Apostolica licet protendatur super quocunq; publici etiam temporalis regiminis, *Morali*, atque adeo in regnum cælorum vel ordinabili, vel deordinabili exercitio, quia tamen ipsissima hæc in regnum cælorum seu ordinabilis, seu deordinabilis *moralitas est formale specificativum* illius Apostolicæ authoritatis, idcirco illarum, eidem per modum objecti *materialis & iurè terminativi* subjectarum actionum, *materialitas* nullatenus impedit, quò minus ea potestas dicenda sit merè *spiritualis*.

## ARGUMENTUM II.

23. **L**udovic. Ellies loco citato sic argumentatur  
 2. Quarta potestas Ecclesiæ respicit pœnam delinquentium, juxta illud Ioannis 18. *Si Ecclesiam non audierit, sit tibi sicut Ethnicus & publicanus.* Quibus verbis intelligitur, nullam aliam pœnam ab Ecclesia infligi posse in noxios, quam ut ab ejus consortio removeantur, nec amplius in Christianorum habeantur numero. Itaque frustra quidam contendunt, potestatem esse Ecclesiæ, noxiorum vel pœnis temporalibus, vel Bonorum privatione puniendorum. Postrema denique potestas à Christo Apostolis collata est condendarum legum, quæ ad disciplinam Ecclesiasticam pertineant, & constituendorum libi Successorum. At hæc leges bonum tantum societatis Ecclesiasticæ respiciunt, non temporalem felicitatem: illi-  
 que



que ministri ad regendam Ecclesiam, non ad rem publicam administrandam constituuntur, nec aliam, quam animarum curam habent; juxta illud Pauli. *Obedite prepositis vestris, ipsi enim invigilant, quasi rationem de animabus vestris reddituri.*

Responsio ac retorsio hujus argumenti confutatoria.

**PRIMò.** Potestatem Ecclesiæ correctoriam extendi super quocunque Christianorum, atque adeò Regum etiam, caractere Baptismatis insignitorum, Ecclesiæ sanctæ unitatem, religionemque sacram, ac fidem Orthodoxam in suis, vel aliorum quoque Regum subditis perturbantium, seu evertere molientium peccato, constat ex Christi verbis *cit. 18. Joannis cap. exaratis.* Quam ipsissimam coercitionis etiam publicæ, à Christianorum nempe numero removendi auctoritatem, prævalere in foro etiam *externo*, vel ex hoc patet, quòd publicè à consortio etiam publico Ecclesiæ removeat. 24.

Sed nunquid hæc à Christianorum Ecclesiæ consortio exclusio publica, non nisi ad spirituales effectus extendi valet? Ejus virgæ correctoriæ & coercitivæ à Christianorum consortio remove potētis sphaera, ab ipso met Christo verbis proximè subsequentibus circumscribitur, dum *ibidem* mox subiicitur: *Amen dico vobis, quaecunque alligaveritis super*

terram, & quaecunque solveritis super terram, erunt vel soluta, vel ligata in calo. Quandoquidem ergo Ecclesiae virga coercitiva, a Christianorum consortio, delinquentes, Ecclesiaeque inobedientes, & contumaces removere praepotens, connexa sit cum indefinita quaecunque ligandi, & solvendi potestate, numquid sub ista voce *Tò Quaecunque*, consortium Christianorum etiam quoad communionem politicam intelligitur, non equidem *formaliter*, quia sistit intra limites communionis politicae, sed quia nescitur supervestiri *moralitate* vel ordinabili in regnum caelorum, vel *moralem* ab hoc deficientiam importante? Sicuti ergo Ecclesia per virgam suae coercionis, solvendo peccatoris contumacis jus, quod cuique fidelium est ad Ecclesiae communionem, perimere nescitur jus ejusmodi: sic quia Ecclesiae potestas extenditur ad quodcunque *Morale* in regnum caelorum ordinabile, neque verò ab hoc *moralitatis* ordine exclusi unquam valent communionis etiam politicae, imò & publici regiminis jura & actus, nequit illa Ecclesiae ad quodcunque in terris *Morale*, quà ab hominum arbitrio libero, sub inseparabili in regnum caelorum ordine promanare natum, sese extendens virga coercitiva, dici impotens, ad politicae quoque communionis, regiminisque publici, quàm perversam, Ecclesiae, Religionisque Orthodoxae Bonum evertere conante, *moralitate* supervestiti, jura dissolvenda.

Secundò.

Secundò. Dum fatetur Elliesius, Apostolicam Ecclesiæ authoritatem posse condere leges ad Ecclesiasticam disciplinam pertinentes, num dicere fas est, non posse Summum Pontificem facere ordinationes authoritativas adversus Reges, sanctæ Ecclesiæ disciplinam evertere, fideique Orthodoxæ sanctiones è medio tollere conantes? Rectè equidem idem Author dicit, leges ex potestate à Christo Apostolis collatâ profluentes, non respicere *felicitatem temporalem*, sed *Bonum societatis Ecclesiasticæ*. Numquid verò hoc ipsum Ecclesiasticæ societatis in unitate fidei, & erga sanctam Ecclesiam, ejusque Pastorem Oecumenicum religiosâ obedientiâ consistentis, Bonum exigit, ut, quicunque fidei Orthodoxæ virtutem, disciplinamque Ecclesiasticam moliantur evertere, compescantur coercitivâ Ecclesiæ virgâ ad quodcunque solvendum, atque adeò ad jus quoque Regium, quâ in Ecclesiæ perniciem perversè usurpatum, è medio tollendum prævalente? Quod ubi faciunt Ecclesiæ sanctæ Præpositi, vel maximè intendunt curæ animarum, invigilantque, quasi rationem de animabus sibi subditis reddituri.

S. III.

*In quo enervatur tertia Elliesij ratio, conantis ostendere, quòd Christus, & Apostoli omnem potestatem, & jurisdictionem temporalem ab Ecclesia amandent.*

## ARGUMENTUM I.

27. **L**udovic. Ellies *præfacto cap. 1. §. 3.* sic argumentatur 1. Ad demonstrandum, nullam esse in Ecclesia temporalem potestatem, sufficeret equidem ostendisse, omnem illam potestatem, quæ à Christo Apostolis est collata, spiritualesse. At Christus præterea omnem omnino potestatem temporalem ab Ecclesia amandavit, dicendo *Marci 10. v. 42. & Lucæ 22. v. 25. Reges gentium dominantur eorum, & qui potestatem habent super eos, benefici vocantur. Quibus aded Christi verbis docemur, tum quod Apostoli, eorumque Successores omni temporali potestate, & jurisdictione careant; tum quod potestas illa spiritualis, quam illi habent, non sit dominij & imperij, sed mansuetudinis; & charitatis; siquidem potestatis terrenæ sit, exteriora tantum administrare, spiritualis verò proprium, interiorum cordis affectum; uti Origenes in eum locum Matthæi, & alibi. Hieronymus Epist. 3. ad Nepotianum. Chrysostomus lib. de sacerdotio, alijsque locis explicant.*

Responsio, ac retorsio hujus argumenti refutatoria.

28. **I**nprimis demonstratum est in anterioribus, hæc duo inter se optime coherere, quod pote.

potestas Ecclesiastica sit *spiritualis*, nec adeo *temporalis*, & tamen sub altiori *moralitatis*, in regnum ordinabilis *formalitate*, extendatur etiam super temporalia. Nunquid enim, uti corpus inservire debet spiritui, ita etiam temporalia debent esse subordinata spiritualibus? Numquid homo non *quoad animam* duntaxat, sed etiam *quoad corpus* operari debet ad finem spiritualem salutis æternæ? Nunquid ex statu hominis ad finem supernaturalem elevati, stat obligatio, cunctas etiam corporales actiones reducendi ad Dei gloriam? Ita profectò pronuntiavit Apostolus, ut omnia, quæcunque facerent homines Christiani, sive edendo, sive bibendo, sive quidvis aliud faciendo, in Dei gloriam facerent. Esto igitur, Ecclesiæ potestati merè *spirituali per se primò*, ac *directè* non subiacere temporalia, attamen ex temporalium ad supernaturalia ordinatione Divinitus constitutâ, sit consequens, ea *secundariò* ac *indirectè* esse subjecta potestati spirituali Ecclesiæ, quæ, dum *absolutum* habet regimen in ordine ad finem supernaturalem, *consequentè* habere debet authoritatē, temporalia etiam tanquam media in hunc finem ordinandi.

Sed pro *secundo*, non nemo fortassis excipiet, urgendo, ut ex sacro Evangelio ostendatur, hæc *indirecta* temporalium in finem supernaturalem ordinatio, subjecta esse clavibus Ecclesiæ. Numquid autem Christus Dominus *Matthæ. 16. & 18.* clavium Ecclesiæ potestatem

*ex tract*  
6. in  
Sess. 13.  
S. Con-  
cil. Tri-  
dent.  
pag.  
393.

protendebat super *Quodcunque*, non equidem sub statu *Esse physici* spectatum, cum cætero-  
 qui Ecclesia directam, & immediatam super  
 quæcumque jura terrena, corporalis etiam  
 Christianorum vitæ, potestatem haberet, quod  
 remotissimum est à sensu nostro. Sub altiori  
 igitur formalitate ordinabilitatis scilicet ad reg-  
 num cælorum potestas Ecclesiastica respicit illud  
*Quodcunque super terram*, quod Christus Domi-  
 nus disertè, & clarè insinuavit, eam ad quod-  
 cunque super terram seu ligandum, seu solven-  
 dum, potestatem contexendo cum clavibus  
 regni cælorum, quæ scilicet respicientibus quod-  
 cunque non sub *Esse Physico*, sed sub *Esse Morali*  
 in regnum cælorum ordinabili consideratum.  
 Et hinc verissimum est, Apostolos, eorumque  
 successores carere omni temporali potestate  
 ac jurisdictione, potestatemque illam spiritua-  
 lem non esse dominij, aut imperij, sed man-  
 suetudinis & charitatis. Num verò ex hoc  
 dicere fas est, Ecclesiasticam potestatem ita  
 exerceri duntaxat posse in volentes, ut nullo  
 severioris erga nolentes, seu contumaces  
 distractionis gladio sit armata?

30.

Pro tertio igitur distinguere oportet, in-  
 ter *primarium* & *secundarium*, seu quasi *subsidia-  
 rium* potestatis Ecclesiasticæ munus. Illud prius  
 equidem non nisi ex charitatis & mansuetudi-  
 nis spiritu est exercendum, absque ullâ erga  
 proprium commodum reflexione, sed sub pu-  
 ra salutis animarum in unitate fidei & sacræ  
 religio-

religionis cultu etiam publico coadunatarum promovendæ studio. Et ideo Principum spiritualium principatus, in dilectione subditorum debet esse positus, uti Origenes in *Matth. 12. cap.* ait, observans, propterea in *Isa. hom. 6.* Ministros Ecclesiæ non esse vocatos ad principatum, sed ad servitutem Ecclesiæ, quamquàm hanc ipsam servitutem Doctor ille vocet etiam Principatum Principum spiritualium. Num igitur hic Ecclesiæ principatus non nisi erga volentes habere potest locum; uti S. Hieronymus *Epist. 3. ad Nepot.* & Divus Chrysostomus *lib. 2. de sacerdot. alijsque* ab Elliesio hîc allegatis locis tradunt? Ita profectò est, primario potestatis Ecclesiasticæ muneri locum non esse, nisi in volentibus, quippe cùm ejus muneris sit, non in exterioribus duntaxat actibus sistere, sed in his *moralium* bonitatem ad regnum cælorum ordinabilem, salutemque animarum curare, neque verò ista seu *moralis*, & supernaturalis actuum humanorum bonitas, neque salus æterna obtineri valeat, nisi à volentibus, & spontaneè cooperantibus Christi fidelibus.

Quia verò ipsissimus ille Principum spiritualium principatus, ipsomet Elliesio fatente, habet vim legislativam; Num destituendus erit virgâ publicæ etiam coercionis erga illos, qui sacris Ecclesiæ, vel ipsius etiam Christi legibus contumaciter contradicunt? Hujus equidem quæsi-  
 31.

ita est, attamen, quia Elliesius totam vim suorum ex opposito argumentorum, reducere contendebat in illud principium, quo Christus Ioann. 20. effatus est: *sicut misit me vivens Pater, ita ego mitto. vos.*

Idcirco

pro quarto visum est operæpretium, hîc repetere, quodd Psal. 2. in spiritu Prophetico inducatur æternus Pater locutus Christo: *Dabo tibi gentes hereditatem tuam, & possessiones tuas terminos terræ, reges eos in virga ferrea.* Hanc namque virgam importare auctoritatem directionis, quâ ferream, atque dicere potestatem coactionis & iustitiæ, explicat S. Augustinus in dict. Psal. 2. Hæc ipsa verò Christi potestas gubernativa, & coercitiva Lucæ 1. prædicta fuit sub illis verbis: *Dabit illi Dominus Deus sedem David Patris ejus: & regnabit in æternum.* Eo ipso autem, quodd regnum istud Ecclesiæ dicatur æternum, oportet, in terris fuisse à Christo relictâ eam gubernativam potestatem, per quam regimen hoc spirituale perpetuò duraret. Quamvis ergo Christi regnū non sit temporale mundi regimen, respiciatque æternam hominum salutem: hoc ipsum tamen spirituale ac supernaturale Ecclesiæ regimen importat virgâ ferream coercitivâ quoque auctoritatis, à Christo Apostolis, eorumque successoribus comunicatâ, atq; sic intelliguntur Apostoli eo modo à Christo missi, quo modo ipse à Patre æterno missus fuit cum auctoritate gubernativâ, & coercitivâ, in suos quoque in terris relictos, vicarios transfusâ.



De hac igitur *coercitionis & justitiæ virga* fer-  
 rez, in cujus usu consistit *secundarium*, & qua-  
 si *subsidiarium*, non nisi in statu inobedientiæ &  
 contumaciæ exercendum munus, disquirere  
 placeat ex Elliesio, *An hoc non nisi in volentes ex-*  
*bibere fas sit?* Ipsemet quæstionis hujus status  
 pro quinto perimit seipsum, quomodo enim,  
 quod non nisi in inobedienter reluctantes, &  
 contumaciter nolentes exercetur officij pasto-  
 ralis *subsidiarium & secundarium* munus coerciti-  
 vum, absque manifesta contradictione dici pos-  
 set, non nisi erga volentes habere locum?  
 Quod ergo præallegati Patres de *primario* Ec-  
 clesiasticæ potestatis munere, non nisi erga vo-  
 lentes se exercere potente, dixerant, perpe-  
 ram trahitur ad *secundarium* quoque, ac *subsi-*  
*diarium*, adversus inobedientes & contumaces  
 exercendum, Pastoralis officij munus: quam-  
 quàm ne hoc quidem debeat aliter usurpari,  
 quàm *ex spiritu charitatis & lenitatis*.

Nam pro *sexto*, num dicere fas est, justiti-  
 am, quæ attenditur in Ecclesiasticæ potesta-  
 tis virgâ *coercitivâ*, pugnare cum sancta chari-  
 tate? Num Divinæ charitatis munus est in ze-  
 lando Dei honore privatim duntaxat, non  
 etiam in publico religioso cultu, quem contu-  
 max & inobediens Ecclesiæ, nititur evertere?  
 Num charitatis est, illos, qui Ecclesiæ con-  
 tumaciter resistunt, in sua malitia impunè re-  
 linquere, & non potius virgâ ad quodcunque  
 seu *solvendum, seu ligandum in terris* protensa co-  
 erce-

33.

34.

ercere? Num quia sub isto *quocunque* probatum est, contineri *quacunque*, *moralitatem* ad regnum cælorum ordinabilem superinducere nata, dum spirituales pœnæ non proficiunt, sanctæ charitatis & lenitatis spiritus prohibet Ecclesiam, ne suæ à Christo concessæ potestatis, manum extendat ad temporales pœnas, non sub *temporalitatis* equidem, sed *moralitatis* in regnum cælorum ordinabilis *formalitate* consideratas, Bono Ecclesiæ publico, animarumque fidelium salute communi ita exigente, in contumacibus Unitatis fidei, & tranquillitatis Religionis perturbatoribus,

35:

Quare isthæc universa, uti optimè cohæreere possunt cum sanctæ charitatis spiritu, sic nō *seprimo* nequaquam sapiunt spiritum potestatis temporalis, quem Christus cit. *Marci 10.* & *Lucæ 22.* remotissimum cupit à potestate Apostolica: *Reges gentium*, inquit, *dominantur eorum, & qui potestatem habent, benefici vocantur, vos autem non sic.* Hisce namque verbis Christus disertè professus est, se nolle in Ecclesia instituere principatum *dominativum*, cujus nempe finis esset propria utilitas, sed præcepit tanquam Pastor bonus, ut is, qui inter Apostolos esset major, se ipsum impenderet in spiritualem animarum sibi subiectarum utilitatem, neque arrogaret sibi dominandi libidinem, proprium ex grege commodum querendo: quippe cum dominium propriè consistat in facultate rebus, seu personis sibi sub-

jectis

secus in proprium utendi commodum. Eo ipso igitur, quod principatus Ecclesiasticus ejus sit naturæ, ut importet obligationem, se totum impendendi in animarum salutem, præcisâ propriâ, maximè temporali, utilitate, ideo is principatus neque *dominativus*, neque *temporalis*, sed purè *spiritualis* est, non nisi ex charitatis Divinæ ad publicum Religionis sacre Bonum vel præcipuè intentæ spiritu, etiam erga contumaces, Ecclesiæque rebelles exercendus.

## ARGUMENTUM II.

Ludovic. Ellies cit. §. 3. argumentatur 2. ex 36.  
 1. Petri cap. 2. v. 2. ubi Apostolorum Princeps ita scripserat: *Pascite, qui in vobis est, gregem Dei, non coactè, sed spontaneè secundum Deum, neque turpis lucri gratiâ, sed voluntariè, neque ut dominantes in Cleris, sed forma facti gregis ex animo.* Quis ergo clarius, ait is Author, potuisset B. Petrus, illorum prædamnare sententiam, qui contendunt, Christum, cum dixit *Pasce oves meas*, dedisse illi potestatem, Regum per depositionem, privationemque regni sui cogendorum? Ejusmodi *dominativam* potestatem longè majorem, ac sit in ipsis etiam Regibus, à Summo Pontifice remotissimam, voluit S. quoque Bernardus, ad Eugenium Papam suum olim discipulum lib. 2. *considerat. cap. 6.* ita scribens: *Nec enim tibi Petrus, quod non habuit, dare potuit. Quod habuit*

habuit, hoc dedit, sollicitudinem scilicet super Ecclesias: nunquid dominationem? Audi ipsum: Non dominantes, ait, in Clero, sed forma facti gregis ex animo.

Responsio, ac retorsio hujus argumenti confutatoria.

37. Illis verbis suis Petrus ita descripsit *primarium* muneris Pastoralis officium, erga spontaneè ac voluntariè, non verò coactè obediens exercendum, ut minimè tamen intermitteret edocere spiritum, ex quo munus etiam *secundarium*, seu quasi *subsidiarium* pastoralis officij, erga contumaces, Ecclesiæque rebelles, sub districtæ coercionis virgâ oportet exhibere. Nempe hic Apostolorum Princeps universim cavit, ne Ecclesiastica autoritas sit *dominativa*, disertis adeò verbis ab Ecclesiæ Pastoribus exigendo, ut recogitent, quòd ipsorum potestas neque proprium imperantis commodum, sed spiritualemente cuiusque utilitatem spectet, sicque adeò ejus potestatis virga coercitiva ex illo sancto fine, non turpis lucri gratiâ, exerceri debeat, neque porro cogere possit ad substantiam *sui fori* propriam, utpote non in exterioribus duntaxat actionibus sitam, sed respicientem bonitatem *moralemente* actuum, nec non animarum salutem, quæ non nisi à volentibus obtineri potest. Atque hoc est, quod S. Bernardus inculcare intendebat, à Romani Pontificatûs principatu excludens dominationem,

nem, dum cæteroqui idem Doctor mellifluus lib. 1. Considerat. alloquendo Romanū Pontificē: Ergo, inquit, in criminibus, non in possessionibus est potestas vestra, quoniam propter illa, non propter has accipitis claves regni cælorum. Quod si igitur indefinitè propter crimina, atque adeò Regum quoque, sanctæ Ecclesiæ rebellium, religionisque sacræ temeratorum scelera, Petri Successores acceperunt claves regni cælorum ad quodcunque super terrâ solvendum institutas, quidni hæc potestas in Regiæ quoque potestatis, non quā terrestris, sed quā moralitate à regni cælorum fine deordinabili contaminatæ, solutionem, eisque ullo tamen dominationis ambitu, sed ex sanctæ religionis, ac fidei Orthodoxæ, charitatisque adeò Divinæ zelo, Ecclesiæ sanctæ seu conculcatæ, seu conculdandæ necessitate notariâ ita exigente, protendi posse, dicenda sit?

S. IV.

*In quo examinantur Romanorum Episcoporum, sanctorumque Patrum testimonia, quibus Adversario videtur effici, quod Ecclesia in spiritualia tantum habeat potestatem, non se-  
cūs, ac Reges in sola temporalia, ita  
ut neutra potestas à se invicem  
dependeat.*



## ARGUMENTUM I.

38.

**L**udovicus Ellies cit. cap. 1. §. 4. argumetur 1. ex testimonio Gelasij Papæ epist. 8. Ad Anastasium relatâ to. Concil. 4. col. 1182. ita scribentis: Duo sunt, Imperator Auguste, quibus hic mundus principaliter regitur, autoritas sacra Pontificum, & Regalis potestas. Nôsti enim, fili clementissime, quod, licet præsideas humano generi dignitate, rerum tamen Præsulibus Divinarum, devotus colla submittis &c. atque ab ijs causas tuæ salutis expetis. Et in tomo de anathematis vinculo sic habet: Cùm ad verum ventum est. ( Christum ) Regem, atque Pontificem, ultra sibi nec Imperator nomen imposuit, nec Pontifex regale fastigium vindicavit. Christus memor fragilitatis humanæ, quod suorum saluti congrueret, dispensatione magnificâ temperans, sic actionibus proprijs dignitatibus distinctis, officia potestatis utriusque discrevit &c. ut & Christiani Imperatores pro æternâ vitâ Pontificibus indigerent, & Pontifices pro temporalium cursu rerum, Imperatoris dispositionibus uterentur, & ideo militans Deo, minime se negotijs sæcularibus implicaret, ac vicissim non ille rebus Divinis præesse videretur, qui esset negotijs sæcularibus implicatus. Ex quibus adeo Gelasij Papæ documentis, concludit is Author, utramque eam potestatem, & utriusque limites optimè distinctos esse, ita ut nihil liceat sæculari in Ecclesiastica, aut Ecclesiasticæ in sæcularia.

Re-

Responsio ac retorsio hujus argu-  
menti refutatoria.

**I**N primis ex præadductis Gelasij verbis constat, Imperatorem colla submittere rerum Divinarum Præfuli. Sed quibus in rebus? Hoc paucis exprimitur, quòd nempe à Divinarum rerum Præsulibus Imperator causas suæ salutis expetat, utpote pro vita æterna indigens Pontifice. At cujus est, salutis causas subministrare, hujus est, amovere etiam vitæ æternæ impedimenta, non pro ipsius duntaxat personâ, sed pro universo etiam cœtu fidelium. Si ergo Imperator, seu Rex quispiam salutis æternæ impedimenta ponat per fidei, Religionisquæ publicam eversionem, neque Pontificis correctio Evangelica pensi habeatur, quò minus in suâ persistens contumaciâ, & suam, & subditorum animas in sempiternum interitum detrudere pergat, unicumque tot scandalorum amovendorum remedium sperari possit ex ipsius depositione, numquid hæc inter causas, si non Imperatoris, plurimorum saltem aliorum fidelium salutis meritò erit recensenda? Quid ni ergo in ordine ad hanc salutis etiam publicæ causam procurandam, atque hujus, & Christiano cuiuspiam Regno communem obicem tollendum, dum in deterius semper ruit seu Imperator, seu Rex hujusmodi, Pontifex omnium salutis curam

ram gerens, compellitur ad talem sive Regem, sive Imperatorem deponendum ex auctoritate, ad *Quodcumque solvendum* sibi Divinitus impertirâ?

10.

Hinc pro *secundo* facilè concedo, utramque potestatem, *Ecclesiasticam* scilicet atque *civilem*, & utriusque limites optimè distinctos esse, ita ut nihil liceat *saeculari* in *Ecclesiastica*, aut *Ecclesiastica* in *saecularia* jura & bona, quatenus limitibus suis continentur: neque enim potestas Regia ad societatem politicam in finem publici boni ritè ordinandam, atque concives in hunc ordinem redigendos, per naturam suam, concreato naturali lumini hominibus congenitam, per se, ac ex se operari potest quidquam, quâ exorbitans extra ordinem ac debitum publicæ Religionis, Orthodoxæque fidei, ac societatis Ecclesiasticæ: sed hæc exorbitantia procedit ex malitia hominis, cui inexistit, Regiâ potestate se habente ad eam solum *per accidens*, & *concomitanter*, cui proinde minimè adscribenda est, sed perverso ejusdem abusui, utpote ex Regis nequam jure suo Regio abutentis pravâ voluntate proveniens; sicque adeo Rex Ecclesiasticæ disciplinæ perturbator, fideique Orthodoxæ, ac veræ Religionis inimicus, invadendo sanctæ Ecclesiæ jura, non persistit intrâ limites suæ Regiæ potestatis, sed ex nequitia suâ incidit in ipsam potestatis Ecclesiasticæ, à suis fidelibus, Ecclesiæque Orthodoxa remove obstrictæ, quid-



quidquid animarum saluti, publicoque Ecclesie sanctae Bono officit, imò extremum minatur interitum. In quo adeò statum potestas Ecclesiastica nihil equidem facere potest adversus ipsam in se spectatam, ut sic cum limitibus suis, Divinitus constitutam Regiam potestatem: attamen, quia Rex in perniciem animarum, Ecclesiaeque destructionem eam abutitur, eandem, quàm in hoc subiecto, in malitia sua penitus obstinato, ipsaque tam perversè abutente subsistentem, tollere potest ab ipsissimo hoc individuo, quippe cum potestatis ejusmodi intra hoc subiectum subsistentia noscatur, ex talis perversi hominis nequitia esse jam medium evertendi Ecclesiam, publicamque Religionem, sicque adeò intelligatur, incidisse in sphaeram Ecclesiasticae autoritatis, Divinitus constitutae ad solvendum & tollendum, *Quodcunque super terram est sanctae Ecclesiae destructivum, animarumque, salutis impeditivum.* Et sic verissimum est, quod Gregorius II. *Epist. 2. ad Leonem Isauricum* ait: *Quod Pontifex introspiciendi in palatium, facultatem non habet; quamdiu nimirum Imperator intra fines palatii, non materialiter, sed formaliter sumpti, quàm Regiae scilicet potestatis juribus præcellentis, secundum hujus limites operando persistit; at si Rex introspiciat in Ecclesiam, hujus jura violando, numquid Regiae potestatis intra ipsum subsistentia, ubi est medium evertendi ordinis Ecclesiastici, sic in*  
*sphaera.*

sphæram Ecclesiasticæ potestatis transferri d  
cenda est? An non igitur ex regni cæles  
Beato Petro collatis clavibus, ad animas liga  
das & solvendas prævalens Pontificium, i  
casu solvere compelleretur, Imperatoriæ digni  
tis in hoc ipsius abutente subjecto subsisten  
am, quæ in medium pervertendæ Religio  
perperam conversa, jam translata noscitur i  
tra sphæram illius Pontificij, quod, ut Po  
tificum & Patrum ab Ellesio allegatorum l  
quendi modo utamur, importat potestate  
solvendi ac ligandi animas. Quemadmodu  
enim jus Regium non in corpore, sed in  
animam consistere noscitur, sic ubi in  
hujus Regis animam, transversum est in me  
um publicæ animarum perversiois, tunc  
jusdem solutio, sive à Regis animâ peremp  
utique incumbet Pontificatui, habenti pri  
cipatum, solvendi animas.

## ARGUMENTUM II.

41. **L**Udovicus Ellies cit. §. 4. argumentatur  
Patres unanimi consensu verba hæc: *Qu  
cunque ligaveris. seu solveris super terram*, in  
pretantur de potestate ligandi & solvendi  
cata, nunquam de potestate privandi Re  
verio, aut privatis Bonis sibi proprijs.

responsio ac retorsio hujus argu  
menti refutatoria.

**I**ubens concesserim, illam *Quacunque ligandi & solvendi super terram*, potestatem complecti peccata: sed quaestio est; *Utrum tam in externo, quam conscientiae foro arctetur ad sola peccata?* Nunquid progredi potest ad excommunicationem, atque adeo ad privationem Communionis fidelium? An igitur hoc Communionis fidelium, cuique Christiano ex Christianitatis caractere competens jus, per authoritatem Ecclesiasticam solubile, est peccatum? Numquid eadem *solvendi & ligandi Quodcunque in terris* potestas, Elliesio ipso superius fatente, est legislativa? Num ergo legis ligamen, super quo protenditur ea potestas, est peccatum? Christus equidem *Ioanni. 20.* eam potestatem, quae in Apostolis est collata Novae Legis sacerdotio, arctatur ad peccata duntaxat seu remittenda, seu retinenda. At quae *Matthaei 18.* est constituta Ecclesiae virga, in foro etiam externo correctoria, per Christum est concessa *cum potestate ligandi & solvendi quodcunque super terram.* Num igitur istud *Quodcunque, indefinitam & universalem* denotans ejus potestatis sphaeram, arctare jam licet ad sola peccata? An non saltem extendenda censetur ad *quidvis morale*, quod peccati vel nequitiam, vel periculum manifestum importat? Numquid autem, si Regia potestate quispiam Regum abutens, hanc extra sphaeram suam exorbitare faciat, non equidem ejus Majestatis iura, sed horum abusus, una cum subjecto

suo contaminatur peccati malitiâ , per quam indubiè tunc transfertur in sphæram illius, *Quodcunque super terram solvendi & ligandi potestatis Apostolicæ* ? Numquid subsistentia Regiæ Majestatis intrâ hanc individuum personâ, eâ in perniciem Ecclesiæ abutentem, infert periculum evidens peccati non proprii duntaxat, sed universalis, in cunctos subditos , aliòve fortassis Christianos redundantis ? An igitur à Patrum sensu alienum foret , hoc periculum, imò peccata tam enormia, Ecclesiæ publicam ruinam minitantiâ, avertere per solutionem Regiæ potestatis non in se ipsa , utpote ad re-  
stitutionem *moralem*, societatis *civilis* moderatricem unicè intentæ, sed per solutionem subsistentiæ hujusmodi potestatis intrâ subjectum adeò perversum , transferens jura Regia extra suos limites, sicque, quoad *moralem* eorundem in tali persona perseverantiam incidens in sphæram Ecclesiasticæ potestatis ?

43.

Quod eò clariùs evincitur *ex Matthæi 16. cap.* quò manifestioribus verbis Apostolica Petro, ejusque Successori concessa, *ad quodcunque super terrâ ligandum & solvendum* autoritas, noscitur connexa cum clavibus Regni cælorum. Quis enim non videt , illud *Quodcunque*, in vi ejusdem cum Regni cælorum clavibus connexionis, deotare sphæram, intrâ quam *Quodcunque morale* in regnum cælorum super terram seu *positivè*, seu *privativè*, vel etiam *contrariè* ordinabile , atque adeò ordinis hujus

de-

destructivum, subijciatur illi indefinitè ad ligandum & solvendum super terram authoritati? Quis durus negare auit? Regiæ potestatis intrâ subiectum, hanc extra suos limites exorbitare, atque jura Ecclesiastica evertere enitens, moralem subsistentiam redigi ad statum perniciosissimi ad sanctam Ecclesiam turbendam, fidelesque pervertendos medij? An non igitur Regiæ Majestatis intrâ hoc subiectum subsistentia, eatenus tunc incidit in sphæram clavium Regni cælestis, ut harum potestas solvendi prævalere jam possit ad ejusdem moralem in hoc Christianitatis charactere insignito subiecto solutionem, seu peremptionem, unâ cum solutione juramenti fidelitatis & subjectionis per Regis nequitiam translata, ad perimendas animas, & everrendam sacram Religionem, Ecclesiæque unitatem.

**S. V.**

*In quo examinatur, quomodo verum sit, Ecclesiam in temporalia nullam habere authoritatem, eò quòd per vim, gladium, que materiale, homines cogere minime possit.*

**ARGUMENTUM I.**

**L**udovicus Ellies præsentì S. S. argumentatur 1. Si quæ foret Ecclesiæ in temporalia

lia potestas, dubium nullum est, quin posset temporalem aliquam pœnam, putà mortis supplicium, aut saltem Bonorum privationem infligere, quod ab Adversarijs supponitur, cum inde probent, Reges in pœnam læsæ fidei ab Ecclesia regnis privari posse, illorumque subditos à fide & obedientia eximi. Verum enim verò nihil est certius, quàm Ecclesiam non habere ullum jus puniendorum noxiorum pœnis & supplicijs corporum, aut etiam bonorum privatione. *Primò.* Quia Christus nullam Ecclesiæ potestatem contulit, præterquam spirituales, nec aliter pertinaces, & Ecclesiæ rebelles ab Ecclesia puniri iussit, quàm ut habeantur tanquam Ethnici & publicani, hoc est, ut indigni Ecclesiæ communionem declararentur. *Secundò.* Quia idem Christus docuit nos, nihil magis abhorrere ab Evangelij mente, quàm dominium & imperium terrorem incutiens. *Tertiò.* Quia Christus Apostolos uti materiali gladio prohibuit, etiam ad defendendam religionem, graviter increpans Petrum, qui gladio usus fuerat, *Matthæi 26. v. 25. Lucæ 22. v. 49. Ioannis 18. v. 10.*

Responsio ac retorsio hujus argumenti confutatoria.

45. **I**N primis sponte admitto, Ecclesiasticam potestatem per seipsam non habere usum gladii materialis. Cujus sequens accipe fundamentum.

tum. Nam potestatis Apostolicæ sphaera pro-  
tenditur equidem super *Quodcunque in terris sol-  
vendum, aut ligandum*, sed cum expresso ordi-  
ne ad regnum cælorum, atque adeò sub re-  
spectu *moralitatis* in regnum cælorum ordina-  
bilis. Vnde fit consequens, potestatis Apo-  
stolicæ sphaeram non extendi vel super vitâ,  
vel super Bonis temporalibus Christianorum,  
in *Esse physico*, sed sub *moralitate* ordinabilitatis,  
vel deordinabilitatis in regnum cælorum spe-  
ctatis, sicque adeò redactis ad lineam & sta-  
tum supernaturalis *moralitatis*. Sub quo pro-  
inde respectu, Christus *locis citatis* eatenus di-  
xit, sufficere Apostolatui duos gladios tem-  
poralis & spiritualis potestatis; uti Patres in  
*anterioribus* allegati tradunt, ut nihilominus  
gladij *materialis* usus per seipsum exercendus,  
fuerit Petro prohibitus à Christo jubente, ut  
gladium hunc mitteret in vaginam, manife-  
sto adeò argumento, isthunc à Christo fuisse  
agnitum, quòd esset in jure & potestate Apo-  
stolicæ authoritatis, quippe cum alioquin ab-  
ijciendus, non in propriam Apostolicam va-  
ginam recondendus fuisset, si voluisset Chri-  
stus eum prorsus alienum à jure & potestate  
Apostolicæ authoritatis. Quare in aperto  
jam est, ipsius gladij *materialis*, respectu hu-  
manæ quoque vitæ, non quidem sub *Esse phy-  
sico* spectatæ, sed quâ in *moralitatis* ad regnum  
cælorum ordinabilis lineam reductæ, usum ef-  
ficere in jure & potestate Apostolicæ authorita-

tis, ita tamen, ut per manum Regis, seu Imperatoris, non autē Petri Successoris, Ecclesiæ necessitate publicā exigente, exercendus sit.

46.

Quoad reliqua verò temporalia bona, & jura ultra *Esse physicum*, vel etiam ultra potestatis politicæ, lumini naturali commensuratæ limites, ad supernaturalis in regnum cælorum ordinabilis *moralitatis* sphæram traducta, sicque temporalitatem transcendentia, ac spiritualitatis denominationem participantia, rursus dicendum est, ea contineri sub *Quocunque*, per claves regni cælorum ordinabili *super terram morali, indefinitæ* Apostolicæ ad ligandam & solvendum potestati per Christum subordinato, ut nullibi, perinde ac de gladio temporali, sit Apostolicæ authoritati interdictum, ne per se ipsam ejusmodi jurium, Ecclesiæ necessitate, & delictorum gravitate ita exigente, peremptoriam faciat solutionem. Et licet pertinaces & rebelles ab Ecclesia puniri eatenus jubeantur, ut in Ethnicorum & publicanorum sorte habendi sint, hanc nihilominus pœnam *Matth. 18.* contexuit Christus cum *indefinitâ* Apostolicâ, *Quæcunque* ligandi & solvendi potestate, ut proinde hujus authoritati sit à Christo concessa facultas ad jurium etiam Regionum subsistentiam, in hoc subjecto Ecclesiæ extremè nocivam, atque ut sic intrâ limites *moralitatis*, Ecclesiasticam potestatem circumscribentis, constitutam solvendam, seu *moraliter* perimendam, Et hinc licet potestas Ecclesiastica

ad.



abhorreat dominium & imperium, terrorem ex affectu erga propriam imperantis utilitatem, incutere natum, attamen illi haudquaquam alienum est, à peccatis Orthodoxæ fidei, ac Religioni etiam publicæ nocivis, abstertere pœnis privationis bonorum, quæ contentorum sphaera moralitatis in cælorum, Ecclesiæ nempe tam militantis, quam triumphantis regnum, seu positivè, seu privativè, seu etiam contrariè ordinabilis.

Et hinc pro secundo facile est respondere ad ea, quæ Ellies ulterius obijcit: tum quòd Ecclesia Imperatores, aut Magistratus civiles adire solita sit, ut ij, qui suis decretis adversabantur, in exilium eijcerentur: legatúrque multis annis nullâ civili auctoritate adversùs hæreticos ac rebelles usa fuisse, quia nullum sperabat ab Imperatoribus, utpotè adhuc Ethnicis, auxilium. Tum quòd, ubi Imperatores cœperunt esse Christiani, sollicitudo & cura proprii Imperij, cujus tranquillitas à Religionis conservatione plerumque pendebat, in causa fuerit, ut hæresiarchas & rebelles in exilium mitterent, aut multâ pecuniariâ plecterent. Tum quòd non nisi posterioribus Ecclesiæ sæculis, concessa sit Ecclesiæ ab Imperatoribus potestas statuendarum in hæreticos, aut peccatores, pœnarum temporalium.

Ad hæc namque universa in promptu est responsio ex anterioribus. Tum quòd ijs temporibus, quibus Imperatores Ethnici fuerunt, publicum etiam Ecclesiæ, sub gentilismo adhuc ingemiscientis, Bonum haud permisisset, in

47.

48.

quosque licet Christianos peccatores, maxime Principes, ac Reges temporales stringere gladium; potestatis autem Ecclesiasticæ mensura sit publicum Ecclesiæ sanctæ Bonum, animarumque fidelium sollicitudo, temporum iniquitate tunc etiam cohibente districtioris coercitionis pœnas. Tum quod, ubi Imperatores ceperunt esse Christiani, Romanoque Pontificatui adjecta est temporalis quoque principatus dominatio, tunc ad hæreticos ac rebelles intra Romanæ Ecclesiæ fines temporalibus vitæ ac corporis bonis mulctandos, non opus habebat alieno Imperatoris gladio, sed ex potestatis suæ Pontificiæ autoritate potuit Ministris suis facere mandatum Apostolicum, unâ & Imperatorium, de gladio in Petri vaginam misso educendo, sicq; quibusvis seu vitæ, seu alijs corporalibus pœnis infligendis. At extra finium suorum limites eatenus potuit stringere gladium vaginâ suâ Apostolicâ reconditum, ut hic tamen in executione non per ipsum, sed per Imperatorem, aliûmve politicum Magistratum esset exercendus; quoad reliquas verò *materialiter* temporales, sed quâ *moralitate* in Regnum cælorum ordinabili supervestitas, atq; adeo ut sic *formaliter* spirituales pœnas, integra semper in Romano Pontifice erat potestas, super quocunque in terris *moralis* seu solvendo, seu ligando protensa; uti superius explicatum fuit.

#### ARGUMENTUM II.

49. **L**udovicus Ellies cit. §. 5. argumentatur 2.  
Lex unanimi consensu Patrum docentium,

Ecclesiam carere omni gladio materiali, seu potestate civili ad homines cogendos, & puniendos, nec aliud quidquam posse, quàm hortari, monere, & excommunicare eos, qui sibi nolunt obedire.

**Responsio ac retorsio hujus argumenti refutatoria.**

**V**Ideamus, quàm impertinenter Ellicesius hîc adducat Patrum testimonia. *Primò* igitur Tertullianus, Lactantius, Athanasius, & Hilarius; prout cernere licet ex ipsorum verbis *ibidem* relatis, loquuntur de gladio per vim cogente ad Religionem, seu fidem Christianâ amplectendam. Quia verò Ecclesia nullam prorsus habet jurisdictionem erga illos, qui Christianitatis charactere nondum insigniti, minimè subduntur Ecclesiasticæ jurisdictioni, idcirco impertinens est istorum Patrum ad præsens institutum nostrum allegatio.

*Secundo.* Canon Apostolicus 26. statuit equidem deponendum Episcopum, qui fideles delinquentes percutit. Sed quid hoc ad rem præsentem? Siquidem percussio ejusmodi nullatenus conduceret ad moralitatem regni cælorum ordinatricem, in quibulvis pœnis Ecclesiasticis circa temporalia etiam infligendis, observatu prorsus necessariam.

*Tertio.* SS. Gregorius Nazianzenus in *carmine de vita sua. & erat, 1. de Theologia.* & Ambrosius

brosius lib. 7. in *Lucam* c. 22. ab ipsomet Ellices inducuntur locuti sub hoc sensu, quod nempe Evangelium non sit per vim promulgatum, nec missi sint Apostoli, ut gladio, aut imperio uterentur ad stabiliendam fidem, sed qui humilitate & patientiâ cunctos ad eam adducerent. Anneigitur hinc concludere fas est, Reges ex Christianitatis charactere jam subiectos Ecclesiæ, ubi huic rebelles evaserint, ac Religionis sacræ devastatores, non posse in ordinem redigi per Apostolicam, *Quodcunque in terris*, quâ moralitate in regnum cælorum ordinabili supervestitum solvendi, adeoque in foro etiam cæli moraliter ligandi, seu puniendi potestate?

53. Sanctus equidem Augustinus lib. de fide & operb. Cap. 2. docuit, Ecclesiam posse infligere pœnas degradationis & excommunicationis. Num verò fas fuit Ellicio, ab ista affirmativa ad negativam universalem conclusionem progredi, quod nullas alias pœnas, quàm degradationis & excommunicationis possit Ecclesia infligere?

54. Dum porrò S. Cyprianus Epist. 11. lib. 1. ait: Nunc, quia circumcisio spiritualis esse ad fideles Dei cœpit, spirituali gladio superbos & contumaces necari, dum de Ecclesia, eijciuntur: num ista extra Ecclesiam rebellium ejectio nequit ulterius erga Reges progredi, quin oporteat, ipsos in continua per authoritatem Regiam malè usurpatam Religionis publicæ infestatione relinquere?

Quia

Quia porrò S. Chrysostomus *hom. 4. in Isai.* ait: *Postquam arguisset sacerdos, Rex autem non cessisset, sed arma moveret, clypeis & hastâ, suâque uteretur potentiâ, congruere Sacerdoti, ut dicat: Ego, quod mei erat officij, præstiti, nihil ampliùs possum, succurre sacerdotio, quod conculcatur, leges violantur, fas subvertitur.* Numquid ex hac S. Chrysostomi sententiâ evincitur quidem, dum vires adversùs Regiam potentiam non suppetunt, nihil ulteriùs esse tentandum: attamen, si spes sit perfringendi Regis adversùs Religionem sacram insurgentis impetus, num abstinere fas erit à sanctæ Ecclesiæ Clavium, ad *Cujuscunque* super terram solvendi, sicque sub *moralis* in cælorum regnum ordine perimendi, sententiam progredi valentium, publico etiam, atque autoritativo usu?

Quando Gregorius Magnus *lib. 2. Epist. indict. 11.* docet: Sacerdotum in peccantes officia his tribus comprehendi: *Argue, obsecra, increpa,* neque verberibus, aut supplicijs coercendos esse. Num si præter omnem spem neque argutio, neque obsecratio, neque increpatio verbalis proficiat, dicere fas est, illum Romanum Pontificem suæ quoque Apostolicæ autoritatis virgam coercitivam exclusam voluisse, ne ad excommunicationis usque sententiam procedat, vel ad autoritativam *cujuscunque* super terram juris secundum *moralitatem* in regnum cælorum ordinabilem, seu solvendi, seu ligandi executionem?

Num

57. Num hæc authoritativa Pontificiæ præeminentiæ potestas, vel ex hoc arctanda videtur, quòd Petrus Damiani *lib. 4. epist. 9.* moneat : *Vt causas Ecclesiastici cujuscunque negotij leges dirimant fori, vel sacerdotalis edicta Concilij, ne, quod gerendum est in tribunalibus, vel ex sententiâ debet provenire Pontificum, in nostrum vertatur opprobrium congressione bellorû ? An non potiùs, quæ prudentiæ ratio ad motus bellorû præcavendos, hîc insinuatur, eouſque prævalere debet, ut, dñ neque leges fori, neq; sacerdotalis edicta Concilij, neque Pontificum seu tribunalia, seu sententiæ adversus proterviam Regis in Ecclesiam rebellis, proficere possunt, Apostolicam ad quodcunque solvendum & ligandum auctoritatem, oporteat stare otiosam ?*

58. Hinc circa illa universa, uti etiam subsequencia seu Patrum, seu Theologorum testimonia, pro *quarto*, apprimè notandum venit, quòd ejusmodi sententiæ eatenus sint circa Ecclesiasticæ potestatis prudentialem procedendi modum instructoriæ, ut singulæ haudquaquam describant universam, auctoritatis Apostolicæ sphæram & potestatem. Vnde Ludovici Ellies argumentationes inde productæ, ex unâ potestatis Ecclesiasticæ parte, per SS. Patres, Doctoresque Theologos affirmatâ procedendo, ad negandam potiozem, extremæ duntaxat necessitati deservientem, Pontificiæ auctoritatis partem, meritò sunt coarguendæ vitij, quod adversus Dialectices principia committit.

mittitur, dum ab affirmativa particulari, fit illatio ad particularem, seu magis universalem, negativam.

Ad hoc magis ostendendum, discutere adhuc placeat, reliquorū ab Elliesio allegatorum seu Patrum, seu Theologorum sententias. Dum enim S. Anselmus in cap. 26. Matth. dicit: *Materialem gladium carnalibus, spiritualement ministris spiritualibus dari*; num sub isto spirituali gladio exclusum contendis Ludovico, gladij etiam materialis usum, quā Ecclesiæ necessarium, à spirituali quoque ministro Christi Vicario demandandum? Audi hanc super re Divum Bernardum, qui, uti lib. 2. Considerat. cap. 6. Summi Pontificis potestatem, ait, non equidem esse in possessionibus, sed in criminibus, sic libro 4. cap. 3. alloquitur Papam: *Quid tu denudò usurpare gladium tentas, quem jussus es ponere in vaginam? Quem tamen, qui tuum negat, non satis mihi videtur attendere Verbum Domini dicentis: Converte gladium tuum in vaginam: tuus ergo, & ipse tuo forsitan nutu, non tuā manu evaginandus, alioquin, si nullo modo ad te pertineret, dicentibus Apostolis: Ecce duo gladij hīc; non respondisset Dominus: Satis est; sed minus est. &c.*

Dum porro Hugo 3S. Victore de Sacram. fidei lib. 2. p. 2. cap. 7. scripsit: *spiritualem potestatem non ideo præsidere, ut terrenæ in suo jure præjudicium faciat. Num cæcus es, ne videas, potestatis spiritualis agnosci præminentiam: ut terrenæ præsideat? Num verò terrenæ potestatis*

testatis jus protendi valet ad eum perversum  
 ulum, quo Pontificiæ majestatis, Ecclesiæque  
 sanctæ jura infringere conetur? Num ergo, si  
 non jam intra jus suum se continens potestas  
 Regia, sed sphæram terrenā Deo instituti  
 Principatûs limites excedens, adversus Eccle-  
 siam insurgat, potestas spiritualis eidem præ-  
 sidens, se ipsam, Ecclesiæque sanctæ jura vin-  
 dicare prohibeatur?

61.

Quando insuper Alexander Alensis p. 3.  
 q. 40. m. 5. recitans illa Hugonis verba, super-  
 addit: Regum esse, exercere pœnam corporalem,  
 sacerdotum verò spiritualem. Num inferre fas  
 est, spiritualem, quam in pœnis inferendis  
 attendit sacerdotalis potestas, ita coarctari, ne  
 diffundatur super corporalia, ut falsitatis co-  
 argui debeat, quod idem Alensis cit. p. 3. Sum.  
 q. 40. membro 1. scribit: Spirituales potestatis esse,  
 instituere terrenam potestatem, ut sit, eamque, si  
 bona non fuerit, judicare, juxta illud Divinum ora-  
 culum, quod dicitur: Spiritualem judicare omnia?

62.

Quando denique Thomas Waldensis do-  
 ctrin. antiquæ lib. 2. art. 3. c. 78. duas ponit po-  
 testates primas, ita, ut neutra ab altera secun-  
 dùm originem pendeat, hæc tamen (nempe terre-  
 na) sit illi (scilicet Ecclesiasticæ) subjecta secun-  
 dùm perfectionis simplicis dignitatem, rejecto  
 etiam, quod aliqui dicebant: Radicem potesta-  
 tis terrenæ in tantum dependere à Papa, ut ex com-  
 missione ejus derivetur in Principem, & Principe  
 deviante, posse Summum Sacerdotem temporale ad-



*ministrare negotium.* Num aliud per hæc verba intendit Thomas Waldensis, quam ipsemet Ellies explicuerit: adstruendo *ibidem* distinctionem inter potestatem, & eum, qui potestate utitur, ita ut terreni Reges subdantur quidem potestati Ecclesiæ, licet illorum potestas tunc non subdatur, nec à sacerdotibus exerceri possit? Numquid ergo hæc potestatis contra ejusdem subiectum distinctio, eò collimat, ut & origo & limites potestatis Regiæ sint per naturale super nos signatum lumen, eatenus ex Deo constituti, ne, quamdiu intra sphæram consistit, quicquam contra eam possit authoritas Ecclesiastica? Num verò hinc inferre fas est, quòd abusus potestatis Regiæ ultra ejusdem sphæram exorbitans, reduci valeat in ipsissimâ eam potestatem, vel potius in subiectum, cui inest, nequitiam & perversitatem? Num igitur ista in subiectum unicè reducibilis perversitas, si adversus ipsam etiam Ecclesiam, ejusque jura insurgat, non est castiganda ab eo, cui, ipsemet Ellies fatente, subiectus est, qui terrenâ dotatus est potestate. Quòd si proinde potestas terrena non jam in seipsa, quatenus est à Deo, sed ejusdem in hoc subiecto subsistentia, moralitate adversus regni cælorum ordinem perquam enormiter pugnante, per Regiæ potestatis abutum affecta, inceperit esse intra sphæram Ecclesiasticâ, super quocunque in regnum cælorum seu ordinabili, seu deordinabili potentia authoritatis, numquid hæc ejus potestatis

testatis terrenæ in hoc subiecto subsistentiam, quâ Ecclesiæ nocivam solvere, sicque moraliter perimere, eatenus prævalebit, ut solutio ejusmodi sit etiam in cælis rata habenda?

S. VI.

*Continens Summarium Ecclesiæ Doctorum ac Patrum, Theologorumque, vel etiam remissivè saltem Summorum Pontificum, Pape super Reges auctoritatem adstruentium.*

63. **Q**uantum ad Summos Pontifices, remittimus Lectorem ad ea, quæ præcedenti cap. 2. per singulos ferè SS. exempla: supremæ Pontificiæ potestatis, adversus Reges & Imperatores ad depositionem usque progressæ, tum ex Historicis, tum ex SS. Canonibus, tum ex Conciliaribus sanctionibus proferebamus. Quibus, remissivè tamen, superaddimus testimonia S. Gregorij Magni lib. 11. Epist. 10. S. Bernardi ubi supra. S. Thomæ q. 12. art. 2. Divi Bonaventuræ lib. de Ecclesiæ hierarch. par. 2. cap. 1. item in 4. dist. 37. S. Antonini 3. par. Summa tit. 2. c. 1. cap. 5. §. 13. B. Augustini Triumphus q. 1. de potest. Ecclesiæ par. 1. art. 7. & 8. Hugonis de S. Victore lib. 2. in sacram. par. 2. cap. 4. Umberti Viennensis serm. 70. Henrici à Gandavo Quodlib. 6. q. 23. pag. 244. Petri Paludani in 3. Sent. dist. 40. q. 2. concl. 4. Hervæi Natalis in tract. de origine jurisdictionis, Joannis de Parisijs

lijs cap. 14. Ioannis Gersonij Cancellarij Parisiensis tract. de potest. Eccles. considerat. 12. Ioannis Almaini Parisiensis tract. de potest. Eccles. & laica cap. 9. Ioannis Majoris in 4. Sent. dist. 24. cum pluribus alijs seu Jurisprudentiæ, seu sacræ Theologiæ Doctoribus.

Quibushunc in modum relatis, sequentia duximus hîc superaddenda. *Primò* disquirendo. Cur non Antiquiorum etiam Patrum sententiæ allegentur ad probandam Pontificiæ supra Reges potestatis extensionem? At quamdiu, & ubi prædominabatur Ethnicismus, vel quævis Ecclesiæ Romanæ tyrannica oppressio, sub quibus Ecclesiastica potestas latere potius, quam in publicum prodire per ejusmodi solennes actus compellebatur, importunissimum fuisset, ut à Patribus illorum antiquiorum temporum de hoc supra Reges Pontificiæ potestatis puncto manifestè scriberetur, sed sufficiebat, tueri Apostolicam super *Quocunque in terris Morali* seu solvendo, seu ligando protensam authoritatem, sub quâ jam continebatur ipsissima illa potestas, prout edocemur ex ijs principijs, quæ à nobis tradita sunt in *Inextincta Concilij Tridentini Veritate tract. proæmiali q. 5. per totum. & tract. 6. ejusdem sacræ Synodi sess. 6. per totam*. Ubi verò benigniora affulserunt tempora, quibus Clavibus Apostolicis expedita jam erat facultas, per quævis seu decretorum, seu processuum judicialium, vel etiam Synodaliū genera procedendi adversus Ecclesiæ

sanctæ rebelles, ipsosmet etiam Reges & Imperatores, sibi quoad omnem in regnum cælorum ordinabilitatem, vel ab hoc deordinabilitatem ad fori sui iudicium deduci aptam subiectos. Exinde quæstionis illius punctum accurate discussum fuit tum ab ipsismet Summis Pontificibus, prout sacri Canones ostendunt, tum à sacrosanctis Generalibus etiam Concilijs, uti variæ Synodales sanctiones in quarta præsertim *Disquisit.* adductæ probant, tum in scholis à præcipuis sanctæ Ecclesiæ Doctorebus Theologis, quorum aliquos cum suis sententijs hic compendiosè rememorari placuit, ad videndum, quibus nixi fuissent sacra Scripturæ fundamentis.

65.

Pro secundo igitur, si expendantur sancti Antonini verba, quæ loco superius citato habentur, una cum Divi Thomæ in *Opusc. 20. de regimine Principum cap. 19.* prolata sententiâ, manifestè hinc elucet, quòd Papæ jus sit tum super ipso etiam Imperatore confirmando, vel per hæreditariam successionem designando, ac etiam deponendo, tum super potestate eligendi Regem Romanorum alijs conferendâ, nec non dignitate isthac Electorali, Principibus Germaniæ concessâ revocandâ, quantum bonus status Ecclesiæ Universalis, seu populi Christiani pax id requireret. Quod Summi Pontificis jus deducitur in hoc principium, quòd nempe dignitatem Imperatoriam pro Occidente Græcis ademptam,

Papa

Papa eatenus vendicârit Sedi Apostolicæ; ut semper adhuc *radicaliter* penes istam subsistat, tametsi eam primitus secundum hæreditariam successionem in Caroli Magni stirpem masculinam, postea verò secundum liberam electionem, in Nationem Germanicam transtulerit. Hæc verò Imperatoriæ super Occidente potestatis in Carolum Magnum, indeque in Germanos translatio, per dictos sanctos Doctores ulterius reducitur in istud principium: tum quòd Papa tanquam Christi Vicarius habeat plenitudinem potestatis pro Bono statu Universalis Ecclesiæ: tum quòd, cum Papa Dei vices agat, *consequenter* Imperator sit illius minister: sit autem Principalis agentis, eligere ministros & instrumenta ad finem suum idonea. Unde, quia Papæ est, universos fideles in præsentì Ecclesia ordinare ad pacem, ac spiritualem finem, sit consequens; posse exigente causâ justâ & rationabili, per seipsum eligere Imperatorem, aut propter populi & pacis providentiam, aut propter coercendam hæreticorum, & paganorum audaciam, atque potentiam.

Pro tertio, Divus Bonaventura *supra allegatus* sententiæ suæ rationem reducit ad hoc principium, quòd dignitas Clericalis in sua radice penitus spiritualis, meritò dicenda sit *con-* *ex pag. 113. m. 28.*  
sona ordini Dominationis, ita illuminantis inferiores Angelicos Ordines, ut ab illis vicissim non illuminetur. Unde infert hic Seraphi-

cus Doctor, quodd, sicut spiritus dignitate & officio præcellit corpus, sic potestas spiritualis dignior sit, quàm secularis, sortiaturque nomen Dominationis, atque adeò Regalis potestas subjacet authoritati ispirituali, proptereaque in 1. Canonica Petri Sacerdotium dicatur Regale.

67. Pro quarto denique, ex locis superius citatis constare potest, à Petro Blesensi eatenus in Summo Pontifice reponi gladium Petri, ut hic sit etiam super regna, præjudicetque gladio Imperatoris, in vi cujus Sedes Apostolica super ipsos quoque Imperatores teneat imperium; uti etiam S. Petrus Cluniacensis habet. Unde Divus Bernardus infert, ipsius etiam Imperatoris gladium *materiale* subesse Ecclesiasticæ authoritati, quatenus Summus Sacerdos propriâ manu suum *spirituale* gladium, suo tamen nutu, ac imperio illum Imperatorum gladium exerere, ac exercere valeat. Ex vi cujus adeò supereminens spiritualis authoritatis, posse Summum Pontificem instituere, ut sit, & judicare potestatem terrenam, tradunt Hugo à S. Victore, & Alen-  
 sis *ubi supra allegati*. Et hinc Henricus Gandavensis, & Augustinus Triumphus *ibidem* relati probant, Summum Pontificem esse talem Hierarcham, ut iudicet non solum in spiritualibus, sed etiam in temporalibus, quâ spiritualitatis scilicet formalitate affectis. Quam proinde Papæ authoritatem idem Gandavensis  
 reducit


ex cit.  
 pag. 113.  
 n. 90.

reducit in Claves Petro, ejusque Successori à Christo traditas, & duos eidem commissos gladios, sic ut regnum universalis Ecclesiæ tam in spiritualibus, quàm in temporalibus ad ipsum pertineat, cui Christus juxta *Cap. Omnes. dist. 22.* junctâ Glosâ *ibi.* terreni simul & cælestis imperij potestatem per duas claves commisit cum duplici, spirituali scilicet ac temporali gladio. De quo ultiores adhuc Gallicæ etiam Ecclesiæ Doctores consulere licet nostri in hanc rem operis *pag. 114. à n. 92.*

#### Caput IV.

In quo examinatur, quomodò Civilis potestas de se, & ex naturâ suâ sit independens à spirituali?

**A**D veritatis centrum hâc in re, attingendū optarem, ut præ oculis semper haberetur distinctio inter Regiam potestatem, quâ luminis naturali concreatam, ejusque intrâ hoc individuum, seu isthanc personam subsistentiam, nec non politici regiminis *actuale* exercitium. Iuxta quam proinde distinctionem, *subsequentis paragraphi* titulum, sub hac normâ proponendum duxi.



S. I.

*Quomodo verificetur, potestatem Regiam esse immediatè à Deo, & ab illius solius potestate pendere.*

# ARGUMENTUM I.

1. IUDOVICUS Ellies citatæ suæ septimæ Dissertationis cap. 2. S. 1. argumentatur I. Cum homines omnes à naturâ sint ad societatem destinati, quæ sinè potestate & authoritate stare nequit, necesse fuit, ut Deus, qui rerum omnium est Dominus, Societati in hominum bona & corpora potestatem commiserit: nam si Deus nulli potestatem hanc contulisset, homines in pace & tranquillitate degere, foret impossibile, quippe si nulla esset in terris condendarum legum authoritas, si nulla potestas, quâ possent homines ad illarum observationem cogi, si impunè liceret omnibus, se se mutuo interficere, bonisque spoliare, quomodo posset nomen Societatis obtinere hominum inter se coeuntium inordinata multitudo, confusa turba, ubi nemo audit neminem, uti eleganter id prosequitur S. Chrysostomus *hom. de statuis*. Cum ergo solus Deus vitæ, bonorumque nostrorum sit Dominus, necesse est, ut potestatis hujus partem contulerit ijs, qui Societates Civiles regunt, ac proinde



inde sive Reges, sive Magistratus, sive Principes, sive populus universus potestatem illam exerceant, necesse est, eam à Deo, qui solus illam hominibus concedere potest, in ipsos *immediate* derivari.

### Responsio ac retorsio hujus argumenti refutatoria.

**N**Unquid ex primavâ rerum sublanariû *Genesis* 1. descriptâ creatione, manifestè constat, Deum universo humano generi in Adamo contulisse Dominium terræ cum piscibus maris, volatilibus cæli, & cunctis animantibus super terram, unaque cum herbis & lignis, arboribusque universis. Hoc igitur Dominium universale à Deo *immediate* collatum toti humano generi, num dicere fas est, post divisionem rerum, esse singulis æquè *immediate* à Deo communicatum? Nemo, qui modicâ etiam Juris peritiâ est intinctus, non distinguet inter primam erga universum sublunarem mundum Dominij, toti humano generi Divinitus factam collationem, atque Dominiorum in singulos homines postea subsequutam divisionem, ita ut illam dicturus equidem sit, esse *immediate* à Deo, non verò Dominij erga singularia Bona singulis hominibus appropriatam possessionem. Quo præsupposito, sicuti absurdissima cunctis appareret conclusio illa, quâ inferretur ex eo, quod Dominium

in res sublunares universas, sit *immediate* à Deo collatum humano generi, nihil jam ulli humanæ potestati esse Juris supra ejusmodi, quâ singulis hominibus appropriatas possessiones, ad eas ex justitiæ & æquitatis ratione ab uno in alterum transferendas. Sic pro *primo*, profectò nosceretur absurditas esse in illâ conclusione, per quam ex eo, quod potestas Regia per insitum Naturæ lumen sit universitati humani generis Divinitus concessa, fieret illatio, nullam jam inter homines reperiri posse authoritatem supra Regiæ potestatis, non primariam equidem originem, seu *intrinsecam*, ac *essentialem* ipsius conditionem, sed *subjectivam* ejusdem ad hoc individuum suppositum, applicationem, & appropriationem, quantumvis supernaturalis quoque statûs, seu Ecclesiæ ratio religiosa exigeret Regiæ ejusmodi potestatis perperam collocatæ transmutationem.

Ad cujus proinde majorem elucidationem pro *secundo* placet hunc in modum ratiocinari. Jurisdictionem equidem politicam & Civilem Divinitus esse *immediate* concessam Communitati, atque ex hujus voluntariâ transmutatione derivatam esse in Principem aliquem, seu Imperatorem, seu Regem, eruitur *ex lege 1. ff. De constitutionibus Principum, & lege 5. ff. Novissimè. ff. De orig. Juris*, Ex quo namque homo per naturam suam noscitur esse animal sociale ac politicum, lumine naturæ æquè notum esse debuit, oportere, inter homines subsistere

sistere politicum quodpiam regimen, non iustitiæ duntaxat inter privatos, sed Boni quoque publici moderativum, conciviumque in unum corpus politicum coadunatorum ordinativum ad Commune Civitatis, seu Reipublicæ Bonum. In cujuscumque adeò regimine politico, oportuit, statui supremam quampiam potestatem, cujus decretis universi acquiescere deberent, ut sic publica pax & tranquillitas conservari valeret. At sicut *jure naturæ* haudquaquam fuit determinata sphaera cujusque seu nationis, seu Religionis ac Provinciæ, seu Civitatis, alteriusque Communitatis, sed illa est constituta per liberam hominum conventionem in diversa climata ac terras sponte sua se se dividendum; sic neque *Iure Naturæ* fuit determinatum, an in uno, vel pluribus, vel etiam in tota, per consensum hominum in unam seu Nationum, seu Provinciarum, aliudve politicum Regimen liberè se condunatum communitate, subsisteret illa, per jus naturæ ab ipso in Deo *immediatè* constituta suprema gubernativa potestas. Et hinc *jure naturæ* haud subsistit definitum, quod vel in hac, vel illa Natione sit Monarchicum potius, quam Aristocraticum, vel etiam Democraticum regimen. Multò minus *Iure naturæ* potest esse definitum ius hæreditarium politici regiminis intra certam aliquam stirpem propagandi, sicque magis remotum est à *jure naturæ*, ac si hoc determinasset individuas, politico Regimini præficiendas

das

das personas: sed hæc universa pendent ex constitutione hominum.

4. Hinc pro tertio licet, hunc in modum argumentando, ulterius progredi. Quandoquidem Regia, seu politica potestas, secun-

ex pag. 79. n. 38. 9. dum se *formaliter* sit Juris Divini, ejus tamen collatio varijs ab hominum placito dependen-

tibus affecta conditionibus, subiecta sit humanis ordinationibus & constitutionibus: quandoquidem etiam Jus Regiæ, seu supremæ politicæ potestatis, non in *actu signato*, & quasi in *abstracto*, in se *Formaliter* consistens, ut sic luminis naturalis necessario Jure constitutum, sed *concretè* & *subjectivè* spectatum, quâ pro isto seu Climate, seu Nazione, seu Provinciâ coarctatum, & quâ huic præcisè stirpi jure hæreditario comunicatum, vel quâ Jure Electivo sub hâc, vel illâ nominâ, modoque regiminis unî, vel pluribus destinandum, sicque adeo, quâ huic individuo supposito applicatum, seu applicabile, sit dependens ex hominum ordinationibus. Idcirco emergit hinc quæstio;

*An Regiæ potestatis collatio facienda homini Christianitatis charactere insignito, sicque Ecclesiasticæ potestati subiecta, & ab hominum, vi characteris in Baptismate accepti, Ecclesiæ sanctæ equè subditorum dispositione dependens, dicenda sit ex pers moralitatis in Regnum Cælorum ordinabilis?*

5. Cujus quæsitum pro quarto, accipe sequentem resolutionem. Nullus profectò vel Rex, vel

ex cit. pag. n. 38.

populus Christianus, Regiæ gubernationis seu

*activè*

*activè*, seu *passivè* consors, ullam in se *moralitatem* patietur, ut expers esse debeat illius ad Regnum Cælorum ordinabilitatis, vel certè, si ejusmodi ordinabilitatem à semet, suisque, publici etiam regiminis actibus, exclusam velit, certa & indubitata in ipso stabit suæ *moralitatis* à Regno Cælorum deordinatio, quæ & ipsa subiicitur Ecclesiæ clavibus. Jacto igitur hoc indubitato fundamento, quod Regiæ potestatis collatio, tū quā in certum individuum suppositum derivata, tum quā ex hominum ordinationibus *Originariè* profluens, sit *Moralitatis* in Regnum cælorum ordinabilis capax & particeps, oportet, hoc ipso talem collationem utrovis illo modo, *Activè* scilicet, ac *Effectivè*, sive etiam *Passivè* ac *subjectivè* spectatam, contineri sub illo *Quocunque super terram Morali*, super quo Christus Ecclesiæ in suo Capite, Summo Pontifice, vel universali Concilio repræsentatæ, concessit indefinitam ligandi & solvendi potestatem.

## ARGUMENTUM II.

**L**UDOVICUS Ellies dicto *S. 1.* argumentatur 2. **6.**  
*Generale*, Divo Augustino *lib. 3. confess. cap. 3.* teste, ipso naturali lumine notum est *Societatis humane pactum*, ut subditi obediant Regibus suis. Paulo *Rom. 13. v. 1.* præcipiente, ut *omnis anima potestatibus sublimioribus subdita sit*, non est enim *potestas nisi à Deo &c.* Dei enim *minister est*,  
non

neque verò inter potestatem Pontificiam & Regiam magis potest esse contrarietas, quàm inter lumen naturale & supernaturale, quod posterius est prioris perfectivum, nullatenus verò destructivum, quamdiu istud non egreditur sphaeram suam, sicque adeò quæcumque lumini naturali commensurata æquitatis & honestatis ratio, apta quidem est à lumine supernaturali evehi ad supernaturalitatis, in Regnum Calorum ordinabilis moralitatem; attamen nullâ potest etiam Pontificiâ in terris potestate cohiberi Regia potestas, quin valeat quæcumque ipsius sive lex, sive alterius generis circa regimen Politicum ordinatio, quamdiu intra suos luminis naturalis, ei que congenitæ æquitatis & justitiæ limites se continet. At ubi extra hanc sphaeram, aliqua in Regibus contingit exorbitantia, dum *moralem* saltem cum lumine naturali oppositionem præ se fert, mox incipit esse contraria lumini quoque supernaturali, atque cum hoc commensurata *moralitati*. Quod si ergo adversus talem exorbitantiam, dum præsertim in publicam etiam Ecclesiæ perniciem emergit, Pontificia, supernaturali lumini coaptata autoritas insurgit, nullatenus est contraria Regiæ potestati, secundum sphaeræ Divinitus constitutæ *intrinsecos* limites suos considerata, sed quæ ipsissimo naturali lumini contraria est *Moralitas*, hanc sub altioris, nempe supernaturalis, etiam à Regno calorum desciscientis, *Moralitatis* ratione merito solvit.

solvit, ac è medio tollit in suâ etiâ radice, quâ non est ipsamet secundum se potestas Regia, sed hujus malè intrâ hanc personam, cum Antiocho peccati Radicem jure appellandam, collocatio, indequè egrediens, extra naturalis quoque luminis sphæram exorbitans, Regiæ authoritatis abusus.

8.

Quo præsupposito, pro secundo majori insuper consideratione dignum propono, quod intrâ *Moralitatis* etiâ naturalis lineam, triplici modo possit aliquid esse à Deo; nempe tum *in vi Juris naturalis*: veluti est publici regiminis politica potestas: cujusmodi Ius, certum est, à solo Deo esse cum animâ rationali concreatum. Tum *in vi Juris positivi*, quod, si Divinum sit, iterum nōcitur à solo Deo esse, si verò sit humanum, ita promanat ex potestate Divinitus constitutâ, imò ex Divino etiâ voluntatis & intellectûs intrâ Regem motore instinctu, ut tamen sub specificâ sui, quâ humani juris ratione, sit ab homine, quâ per authoritatem publicam præcellente. Tum denique *in vi Juris permissivi*, ad quod pertinet, quidquid à rectitudine *moralitatis* seu naturalis, seu supernaturalis deviat. In quo utique genere est Regiæ quoque potestatis intrâ hanc personam, mala à recto *Moralitatis* ordine desciscens collocatio, ejusdemquè authoritatis abusiva contra Ius & fas, contra Deum ipsum, atque Ecclesiam usurpatio. Et licet Regiæ dignitatis ad hanc individuum personam, vel

ad

ad hanc specificam stirpem in vi seu Electionis, seu successionis hæreditariæ applicatio *superiùs* ostensa fuerit, esse Iuris humani, cui etiam *positivè* cooperatur Divina providentia, nihilo-  
minus, prout affecta est *Moralitate*, ipsi Deo etiam execrabili, ut sic non nisi *permisive* est à Deo, quæ ipsa tamen permissio, quæ in al-  
tiorẽ Divinæ providentiæ rationem reduc-  
ta, noscitur ut sic esse à solo Deo. Iuxta quas pro-  
inde distinctiones, facile est intellectu, quo-  
modò non Regia duntaxat in se *formaliter*, sed  
etiam *subjectivè* spectata, quæ in isto indivi-  
duo supposito malè collocata, & contra Ius  
perperam usurpata potestas, *immediatè* sit à  
Deo, quippe cùm Dei operatio ad extra at-  
tingat *immediatè* quoscunque à causis etiam se-  
cundis progenitos effectus. Et quia altior il-  
la Divinæ providentiæ, in inscrutabile Dei  
judicium seu prædestinativum, seu reproba-  
tivum ac permissivum reducibilis, prorsusque  
efficax dispositio, non nisi in Deum *ultimatè* ac  
*primariò* reduci valet, ideo sub istâ sublimiori  
Divinorum consiliorum ratione, Regiæ digni-  
tatis quantumvis pessima collocatio, ac per-  
versissima usurpatio, dici potest esse *permisive*  
à solo Deo. Et licet Regiæ præminentia seu  
hæreditaria, seu electiva successio dependeat  
etiam ab hominum, seu Regni Statuum, vel  
populorum ordinationibus, quia tamen hæc  
non subsistunt, nisi Deo cooperante, ac per  
providentiam suam in altiorẽ finem eas re-  
du-



ducente, sub hac quoque sublimioris Iudicii Divini ratione, iterum soli Deo adscribenda est. Quid ergo? Num ex hac Regiæ potestatis, ejusque exercitij politici; nec non *subjectivæ* ad hoc suppositum, seu stirpis cujuscumque genûs applicationis *Moralis* erga Deum immediate, seu *positivum*, seu *permissivum* Divinæ providentiæ influxum importante, inferre jam licet, nullam super ejusmodi *Moralitatibus*, utpote in Deum *immediatè* reducibilibus, posse inter homines esse potestatem? Sic aded, ubi teneret ea, mi Elliesi, consequentia tua, uno ictu tolleres è medio & politicam & Pontificiam potestatem.

9.

Pro *tertio* igitur lubens concedo, Regis cujuscumque supremi potestatem in temporalibus non agnoscere quemcumque superiorem, nisi Deum. At si temporalia, atque iura Regia non jam subsistant in suâ Regiæ potestatis spherâ, sed ex suo *moralis*, politici etiam Regiminis depravato exercitio, atque *subjectivâ* ad hanc personam applicatione, in peccati Radicem pessimam perversam superinduant *Moralitatem* à Regni cælorum ordine perniciosissimè exorbitantem, num dicere fas est, ita manere intrâ temporalitatis lineâ, ut non potius traducantur ad statum *Moralitatis*, subjectæ clavibus Ecclesiæ, sicque subdantur Pontificiæ potestati, *ad Quodcumque* in terris *Morale* solvendum, aut ligandum Divinitus constitutæ?

10.

Et hinc pro *quarto* ea, quam circa præ-

sentis

sentis i. S. *finem* Elliesius adducit, illatio faciliè eliditur. Illa enim potestas, quæ secundum se, & quatenus intra suam lumine naturali constitutam sphaeram se continet; ab alia infra cælum potestate hæud dependet, quæque ut sic à solo Deo emanat, nec aliam proinde præter Divinam supra se agnoscit auctoritatem; multimodis coinquinari potest sui abusivis, adversus ipsam etiam Ecclesiam sanctam pugnantibus exorbitantijs; in Regiam potestatem non in se ipsam spectatam, sed in ejusdem intra hanc personam pessimè collocatæ perversam radicem redundantibus. Quemadmodum ergo omnis anima, quantumvis à solo Deo emanet, nec in se ipsa ab alio, quam à Deo dependeat, ab Apostolo nihilominus decernitur sublimioribus subdita potestatibus, quatenus scilicet secundum *moralitates* in politici regiminis bonum publicum ordinabiles; superinduit *Formalitatem* Regiæ potestatis sphaerâ circumscriptam: sic, dum ipsissima istæ naturalis honestatis *moralitates*; & quæ publici regiminis Bonum politicum spectantes, aptæ sunt supervestiri vel ordinabilitatis in Regnum cælorum, vel ab hoc deficientiæ; imò cum publicæ quoque Religionis Bono contrariantis inimicitia, *moralitatibus*, privativè, seu *contrariè* supernaturalibus, ut sic ad Ecclesiæ sanctæ claves indubitanter spectantibus, nequit consequenter ex præactis Ellielij fundamentis evinci, Regiam potestatem *immediatè* à Deo per Ius naturale

turale constitutam, sed per homines malè collocatam, & malitiâ hominum perversam, in peccati, Ecclesiam ipsam infestantis, radicem pessimam traductam, sub hoc *Moralitatis contrariè*, seu *privativè* supernaturalis ordine, posse subtrahi Oecumenicæ Papæ, *super omne interris*. *Morale* solvendum, vel ligandum protensæ, Divinitus constitutæ authoritati.

## S. II.

*An Reges à nemine, præterquàm Deo, temporali pœnâ plecti, nec ad id deponi possint?*

## A R G U M E N T U M I.

II. L UDOVICUS Ellies hîc argumentatur i. Nulla major, inquiens, pœna Regibus potest inferri, quàm si Regnis suis spolientur. Quare si Reges peccantes possent ab Ecclesiâ *directè*, vel *indirectè* deponi, necesse foret, pro falsis habere illa Patrum testimonia, quæ peccata Regum & Imperatorum solius Dei judicio, examini, & correctioni quoad *materialem*, sive *temporalem* pœnam, reservata esse docent, judicioque humano subjacere negant, quemadmodum hoc sensu plerique Patrum magno numero *ibidem* ab Elliesio allegati, interpretantur hæc Davidis verba *Psal. 50. Tibi soli peccavi.*

Re-

Responsio ac retorsio hujus argu-  
menti confutatoria.

**P**riusquàm directè respondeam, pro primo revoco in memoriam Elliesij, quod *præf. dis- sect. 7. cap. 3. §. 3. de Chiderici Galliarum Regis depositione post medium prætendebat*; Childe- ricum non à Pontifice Romano, sed tantum ex ejus consilio a Francis universis depositum fuisse, & ab iisdem Pipinum, secundum anti- quæ Gallix morem, esse proclamatum Regem, & collocatum in Solio. Quæ proinde Elliesij præten- sio quomodo cohærere potest cum ejus- dem *præf. §. 1. traditâ*, & *præf. §. 2. repetitâ* assertione, sicuti solus Deus Reges con- stituit, ita solum Deum posse Regnum adime- re ipsis, utpotè solius Dei iudicio *quoad tempo- ralia*, & consequenter *quoad materiales ac tem- porales pœnas*, subjectis.

Reges equidem si agant contra leges *Civiles*, à semet seu lãras, seu compro- batas, quibus quoad vim duntaxat *Dissectivam*, non verò *Coactivam* sunt obstricti, imò atten- tâ Iuris etiam naturalis præcisâ transgressio- nē, nullum adhuc ex hoc præcisivo titulo ex- tat fundamentum, cujus respectu subjaceant potestati Ecclesiasticæ. Quinimò in Lege eti- am Veteri, Iuris Divini *positivi* habitâ ratione, ejus in Rege transgressio haud subijciebatur Aaronici seu Moïsaici Sacerdotij iudicio, ut

proinde ex illo triplici tum *legis ab ipso Rege lata*, tum *Iuris naturalis* sub præcisis naturæ principijs considerati, tum *positivi Legis Antiquæ* Iuris fundamento, Rex David meritò fuerit uni Deo per hæc verba confessus: *Tibi soli peccavi*; idque pro Foro tam *conscientiæ*, in quo sola contritio perfecta erat reconciliationis cum Deo remedium, quàm *publici exterioris iudicii*, in quo nullus erat Iudex Rege superior, qui nedum pœnis temporalibus, sed ne spiritualibus quidem posset adversus ipsum *Iudicialiter* procedere.

14.

Verùm quis Catholicorum in Novo Fœdere negare jam ausit, pro *conscientiæ* foro Reges subjacere Sacramentali pœnitentiæ Tribunali quoad universa peccata sua, quæ non tantum suis proprijs legibus, vel etiam præciso Iuri naturali adversantia, sed quæ affecta *Moralitatibus* cum æternæ salutis sine pugnantibus? Quis præterea negare ausit, talia peccata subijci *externi* etiam Fori Clavibus Ecclesiasticis, super *quocunque* seu ligando, seu solvendo per Christum protensis? Quis iterum negare ausit, istud Clavibus Ecclesiæ in foro etiam *Externo* subjectum *Quodcunque*, complecti non culpæ duntaxat reatus, quæ Regni cælorum ordinem turbantes, adeoque Iudiciariæ Ecclesiasticæ authoritati subordinatos, sed pœnas insuper hisce reatibus tum expiandis, tum efficaciter evitandis proportionatas? Quis proinde rursus negare ausit, si Regiæ intra nequissimam

simam peccati Radicem consistentis potestatis perversa usurpatio, adversus Ecclesiam Dei insurgens, gravissimis adversus Deum injurijs, se ipsam commaculet, inter illa *Quaecunque* in Regnum Dei ordinabilia *Moralia*, aptissimum ad tam enormes Divinorum Jurium contaminationes tollendas, remedium fore ex Regiæ authoritatis tam perperam usurpatæ solutione, Regisquæ adeò tantarum enormitatum Radicis depositione?

Quo proinde præsupposito, pro secundo ex præinlinuatis fundamentis pergo hunc in modum ratiocinari. Nempe Elliesius ipse faterur, Statibus Regni Francici fuisse jus deponendi Regem Childericum, alterumquæ, Pipinum scilicet, suffiendi, non aliâ ex ratione, nisi propter publici Regiminis, quâ Regni ejusdem Bonum Commune spectantis necessitatem. Quod si ergo Rex quispiam per sui regiminis Ecclesiam sanctam enormiter turbantis, ac extremè infestantis nequitias, multimodos contrahat reatus *Morales*, cum Regni cælorum ordine extremè pugnantes, imò hunc evertentes, Ecclesiasticæquæ proinde authoritatis Clavis indubitanter obnoxios, num minus erit potestatis in Ecclesiâ, ad eos non coercendos duntaxat, sed etiam ad solvendam tantorum malorum radicem, nempe Regiæ Majestatis subsistentiam, intra personam tantis reatibus, absque ulla correctionis spe, contumaciter obvolutam, è medio fidelium tollendam, eò

vel maximè, quòd ex ipsissimo ejusmodi *moralitatis* cum Regni cælorum debito ordine, *excessivè* pugnantis titulo, Regiæ præeminentiæ in isthoc Christiano homine subsistentia meritò sit tunc computanda inter illa, quæ Christus *indefinitè* Clavium Ecclesiasticarum solvendi & ligandi authoritati voluit esse subiecta?

## ARGUMENTUM II.

16.

**L**udovicus Ellies *cit.* §. 2. argumentatur 2. Meritò reprobandum sibi videri, quod nonnulli statuunt discrimen inter Veteris & Novi Testamenti Sacerdotium, quasi illud nihil authoritatis Temporalis habuerit in Reges, bene tamen istud: quippe cum SS. Patres ex illis Davidis verbis non tantum concludant, Reges Israel non fuisse Sacerdotibus Iudaicis subditos, sed universim Reges nulli, nisi Deo subiectos esse: quod & ipsum sonat Scripturæ locus, dum enim dicit David, se soli Deo peccare, satis indicat, Regalem potestatem in causâ esse, ut à sola Deo pendeat, non autem sacerdotij Iudaici imperfectionem. Addit ille Author, puerile sanè commentum esse, nullâ indigum refutatione, quod nonnulli nugantur, rationem discriminis inter Verus ac Novum Testamentum hanc esse, quòd in Antiquo Fœdere Regnum Sacerdotale esset, in Novo verò sacerdotium Regale, juxta illud B. Petri: *Vos autem estis Regale Sacerdotium.*

Responsio ac retorsio hujus argu-  
menti confutatoria.

**P**rimò. Patres argumentando ex Psalmi- 17.  
dico illo Davidis versu, dicentis ad Deum,  
*Tibi soli peccavi*; Regem hunc utique non ab  
aliâ Divinitus constitutâ potestate exemptum  
probare nituntur, quàm ab illâ, quæ vige-  
bat in Antiquo Testamento. At in hoc erat  
Regia, Divinâ ordinatione constituta potestas,  
à cujus tamen legibus quoad vim *coactivam*,  
non verò *Directivam*, Rex David exemptus di-  
dicitur à D. Thomâ, per ipsum Elliesium hîc al-  
legato. Hæc ipsissima verò Regis Davidis erga  
sue potestatis Regiæ Leges, quoad vim *Directi-  
vam* subiectio & obligatio, non tam erat in vi  
harum legum, quàm in vi Iuris naturalis, per  
quod tenebatur Rex, ceu Caput Reipublicæ,  
cum reliquis hujus membris se conformare:  
Unde etiam efficitur, quidquid obligationis in  
eo Rege fuerat erga Jus quodcunque naturale,  
obstrinxisse Davidem respectu hominum quo-  
ad vim præcisè *Directivam*, quoad vim verò  
*Coactivam*, respectu solius Dei, involvisse ali-  
quam subjectionem. Ultra hanc igitur respec-  
tu Iuris naturalis (quoad vim intuitu Dei  
etiam *Coactivam*, respectu verò propriarum  
suarum legum quoad vim præcisè *Directivam*,  
nullatenus verò intuitu hominum *Coercitivam*)  
Regis illius subjectionem, nullius pro Veteri



Testamento, ulterioris erga sacerdotium subjectionis, in Rege extiterat fundamentum. quippe cum sacerdotio isti fuerit equidem Divinitus impertita autoritas declarandi dubia, si quæ in judicijs publicis occurrissent circa iudicii veritatem. At neque pro *Conscientiæ* foro, uti *superius* dictum, tunc locus erat in sacerdotibus, a peccatis absolvendi potestas, sicque adeo David pro isto etiam foro rectè dicere poterat: *Tibi Deo soli peccavi.* Neque in eo æquè, ac in Novo Fœdere erat sacerdotio seu Pontificatui virga cujuscunque Fratrum peccati coercitiva, conjuncta cum potestate *indefinita*, ad *Quodcumque in terris Morale* aut solvendum, aut ligandum. Quandoquidem igitur Patrum ex illo Davidico versu, *Tibi soli peccavi*, petita argumentatio, in suo antecedente non potuerit Regis ab ulteriori, hominibus communicatâ potestate, quam ab ea, quæ in Veteri Testamento locum habebat, exemptionem pro conclusionis inde inferendæ principio statuere: quomodo fas erit, Patres illos tam ineptæ coarguere consequentiæ, ac si in conclusione plus intendissent inferre, quam positum erat in antecedente, ut scilicet statuere vellent Regis in Novo Testamento exemptionem, non tantum a politicâ per homines exercendâ erga quascunque etiam Naturalium, ac Divinorum Iurium transgressiones autoritate coercitivâ, sed etiam exclusam vellent Regum erga Claves Ecclesiæ Christianæ subjectionem

nem, tum pro foro Conscientiæ in ordine ad Sacramentalem Sacerdotij absolutionem, tum pro foro externo, in ordine ad Ecclesiæ virgam coercitivam, indefinitâ, Quodcunque super terram Morale solvendi, aut ligandi potestate munitâ?

Sed quæ modestiæ ratio pro secundo, locum haberet in Eliesio, si puerilitatis coarguere vellet, quod Divus Bonaventura lib. de Ecclesiastica Hierarchiâ par. 2. cap. 1. probaverat. Hic nempe Seraphicus Universitatis Pariliensis alumnus, post principia in anterioribus relata, ibidem sequentem faciebat conclusionem, quod nempe Regalis potestas in Novo Fœdere subjaceat potestati & authoritati spirituali, conformiter primæ Canonice Petri epistolæ, in quâ ita habetur: Vos estis gens sancta, & Regale sacerdotium. Unde inferebat is S. Doctor, temporale regnum velut quodam adjectum, subjacere sacerdotio in Novo Testamento, quamvis in Veteri Testamento sacerdotium subfuerit Regno, juxta illud Exodi: Elegi vos in populum peculiarem, in sacerdotale Regnum: liquidem Regnum in hoc sacro textu ponatur substantivè, Sacerdotium verò adjectivè, secùs ac fit in Novo Fœdere, ubi Sacerdotium substantivè, Regnum verò adjectivè ponitur.

18.

ex pag.  
213. n.  
88.

Ex quo proinde in sacris Litteris fundato, nec adeò puerili, Veteris ac Novi Testamenti discrimine, secundùm eundem Seraphicum Theologum, pro tertio conficitur, quod Reges in Antiquo Testamento potuerint amovere sacer.

19.

ex cit  
pag. n.  
89.

sacerdotes Summos ab officio, sicut Salomon amovit Abiathar 3. Reg. 2. econtra verò in Novo Testamento sacerdotes & Pontifices possint amovere Reges, & deponere Imperatores, sicut sæpius accidit, quando eorum malitia id exigebat, & Reipublicæ necessitas sic requirebat.

20. Quam adeò Seraphici Doctoris illationem reducendo ad principium tum id, quod ab ipsomet prius supponebatur, tum illud, quod à Doctore Angelico Divo Thomâ 2. 2. q. 13. art. 2. ad 1. traditur, nempe potestatem sæcularem in Novo Testamento subdi spirituali potestati, perinde ac corpus subijcitur animæ; oportet, hinc totum rei momentum reducere ad istud, sæpenumero jam inculcatum fidei principium, quòd Christus Ecclesiam suam eatenus munierit Regni cælorum clavibus, ut, quidquid in ovibus suis Oecumenico Pastoralis muneri commissis, ad cælorum tam Militans, quàm Triumphans Regnum, est ordinabile, ut sic spirituali quâpiam *moralitate* supervestitum, debeat Summi Pontificis, Petro legitimè succedentis, *indefinitæ* ad ligandum & solvendum potestati subiectum esse.



S. III.

*Quid momenti ad Pontificiam supra  
Regis auctoritatem elidendam, sit ex hoc ar-  
gumento, quòd nempe Ecclesia non possit vi  
& armis resistere Regibus, etiam pote-  
state suâ abutentibus, sed tenea-  
tur eos patienter ferre?*

ARGUMENTUM I.

**I**udovicus Ellies præf. §. 3. argumentatur 26.  
1. Tantum abest, ut Ecclesia possit peccan-  
tes Reges regnis suis spoliare, ut econtra te-  
neatur, eos patienter ferre, nec unquam illi  
liceat, quovis obtentu, vi & armis illis obli-  
stere, etiamsi hæretici sint, aut impij, vel  
quemquam ad resistendum *directè*, vel *indire-*  
*ctè* sollicitare. Ad cujus probationem conten-  
dit, deservire plurima Antiqui Fœderis ex-  
empla. Sic enim Israelitæ in Ægypto Pharao-  
ni, licèt impio & tyranno semper paruerunt,  
nec adversùs eum rebellârunt. Postquàm ve-  
rò proprios Reges, aut Iudices habuerunt, li-  
cèt ex ijs quamplurimi fuerint impij, & Re-  
ligionis patriæ desertores, ut Achaz, & Ma-  
nasses Reges Iuda, qui templum Hierosolomy-  
tanum Idolis polluerunt, nunquam tamen quid-  
quam ad eos regno exturbandos, à sacerdoti-  
bus esse tentatum, legitur. Quin etiam, cum  
Judæi

Iudæi sunt in servitutem transacti, per Ieremiã jussit Deus, ut essent subditi Nabuchodonosori *Ierem. 27.* cujus etiam successoribus Regibus paruerunt. Cumque Assuerus edictum tulisset, ut Iudæi omnes necarentur, Mardocheus, & alij Iudæi ad preces & jejunium tantum confugerunt. Quod verò apud Samuelem est de jure Regis descriptum, id non resistendi obligationem importat, ut sensus sit, Regi, crudelia etiam molienti, Iudæos subditos resistere non posse: ideo enim additur, populum istis injurijs pressum, Dei opem imploraturum.

### Responsio & retorsio hujus argumenti refutatoria.

22. **Q**Uomodo in primis ex hoc, quòd populus Dei, legitimo Regi, Pharaoni scilicet Ægyptiaco, ac Nabuchodonosori Babylo-  
nico, imò Iudaico etiam sibi legitimè præstituto Regi, Tyrannicum licet dominatum exercenti, non potuerit vi & armis resistere, argumentari fas est ad virgam, Regis Ecclesiæ infensissimi hostis coercitivam, Sacerdotio summo præsertim, denegandam? Veteris equidem Testamenti Sacerdotium ex potestate Divinitus sibi constitutâ, habebat auctoritatem, in Iudicialis cujuscumque legis sensu anticipi, proferendi *judicij Veritatem*, sicuti etiam leprâ infectos à consortio hominum, cum pri-

vatione civilis adeò communionis separandi. Ex quâ proinde potestate, Azarias Summus Sacerdos Regem Oziam ex Sanctuarij sacrilegio ingressu reum, etiam *authoritative* & expellebat, & leprâ tactum à communione quoque politicâ, atque adeò Regiæ suæ Majestatis administratione arcebat; uti hæc & alia in *antecedentibus* habentur deducta. Quæ ipsissima nihilominus sacerdotij potestas dicto modo circumscripta, protendi haud poterat ultra casus in lege Mosaicâ descriptos, nec adeò adversus Achaz & Manassen impios & Idololatrias, Judaici populi Reges, Regno exturbandos procedere attentabat. Verùm quia quoscunque Christianitatis consortes fratres, atque adeò Reges hoc charactere insignitos, si peccaverint, Christus subjecit correctoriæ & coercitivæ, Ecclesiæ virgæ, amplissimâ ad *Quodcunque super terram* Morale seu ligandi, seu solvendi potestate dotata, num ex illâ Veteris sacerdotij per Divina jura coarctatâ potestate, adversus Christi expressissima verba, inferre licet Christiani summi Sacerdotij authoritatem, æquè arctatam censendam esse?

## ARGUMENTUM II.

Elliesius cit. §. 3. argumentatur 2. In Novo 237  
etiam Fœdere, dum Christus *Matth. 22.*  
jubeat, *quæ Cæsaris sunt Cæsari, & quæ sunt Dei,*  
*reddi Deo,* intelligi satis voluit, obedientiam  
deberi

deberi Regibus cum potentia conjunctam. Huc respicit Paulus Rom. 3. jubens, omnibus debitum, cui vestigal, reddi vestigal, monensque eos, qui resistunt potestati, resistere Divinae ordinationi, ac præcipiens, obedire Præpositis, non tantum propter iram, sed propter conscientiam. Illa verò subjectio, quam Christus & Apostoli docent, Imperatoribus & Regibus tunc impijs, & Idolorum cultoribus deberi, nequit in alio consistere, quam in non obstitendi necessitate: Petro Apostolo etiam docente, obediendum esse dyſcolis quoque Dominis. Quod si proinde servos, oportet, non resistere Dominis etiam iniquis & morosis, multò magis non licet obstitere Regibus & Imperatoribus, licet injustis ac impijs, sed patienter istorum, non secus ac illorum, ferendæ sunt injuriæ, propter Reipublicæ tranquillitatem.

Responsio ac retorsio hujus argumenti refutatoria.

4. **Primò.** Si Cæsari jubeantur reddenda, quæ sunt Cæsaris, sive cujuscunque alterius Regis, ac Domini, quantumvis dyſcoli, ita ut, quia nullus privatus altiore super ijs habeat potestatem, qualvis etiam injurias cum patienti tolerare debeat, nunquid econtra Christianos, sanctæ Ecclesiæ subiectos, æquè obstrictos dicere oportebit, ad reddendum Deo, quæ

quæ Dei sunt? Nunquid verò vicaria per Christum constituta Oecumenici Pastoris authoritas est Dei? An non igitur ista, cum totâ suâ sphærâ, per ipsummet quoque Christum circumscriptâ, est Juris Divini? Quantumvis ergo per allegatos sacræ Scripturæ textus, nefas semper fuerit, ut subditi, Christianitatis licet charactere insigniti, obssisterent Regibus, seu Imperatoribus ac Dominis dyscolis, impijs & Idololâtris: num propterea fas est, hinc concludere, ipsosmet Reges Christianos, impunè obssistere potuisse Summis Pontificibus, perinde ac isti nullâ Divinitus acceptâ potirentur virgâ erga se coercitivâ? Hanc equidem prætendit Adversarius, progredi ulterius non posse, nisi usque ad publicæ cum fidelibus communionis privationem? Sed nunquid hinc evincitur, publicæ Ecclesiasticæ authoritati convenire, ut injurias sacræ præsertim publicæ Religionis, Ecclesiæque perturbativas, cum patientiâ toleret?

Pro secundo equidem scio, totam in præsentibus deducti, de Regibus quocumque impietatis genere obliectis non resistendo, argumenti rationem, derivari in illud sæpe jactatum principium, quod Regia æquè, ac Pontificia potestas sit Juris Divini. Quo tamen admissio, solennis mox emergit quæstio; *Vtrum in ijs, quæ Juris sunt Divini, non possit esse substratum quoddam materiale, ex humano seu jure, seu morali hominis operatione dependens, clavium Ecclesiæ solvendi potestati*

25-

ex pag.  
8. n.

40.



testati *subjectum*, quo sublato, per consequentiam ac *Indirectè*, non equidem *formaliter*, sed ex parte sui *materialis* substrati, corrumpat iuris Divini obligatio, non quatenus *activè* quasi *spectata*, Divina est, sed quatenus *passivè* *considerata*, est quid humanum, vel *subjectivè* receptum in homine, vel *Effectivè* promanans ex humanâ arbitrij voluntate?

26. Numquid enim, si Rex quispiam Christianus sit obnoxius peccato mortali, Ius Divinum sancit æternæ gehennæ reatum? Num verò Regem Christianum tam infelicem dixeris, ut hoc Divinum Ius respectu ipsius, ne quidem *Indirectè materialiter* solvi possit? Quomodo autem fit ista solutio, nisi quatenus per Ecclesiæ sanctæ Claves applicatur satisfactio Christi pro peccati reatu, ceu *materiali*, cui suæ persternitur Ius Divinæ vindictivæ Justitiæ! quo proinde *materiali* sublato, non tam in se ipso *formaliter* tollitur Ius Divinum, quàm *indirectè Materialiter*, in suo substrato quasi *Materiali*, suoque effectu iustæ cæteroque vindictæ in inferno sustinendæ.

27. Pari proinde ratione tamen si Regia potestas in se *Formaliter* sit Iuris Divini, num dicere fas est, ipsius ad certum subjectum applicationem, vel etiam exercitium liberum, non esse aliquid *Morale*, consistens super terram? Quo rursus posito, num asseverare licebit, quod *indefinita, quodcumque Morale super terram ambiens, solvendi potestas Oecumenica, Regiæ*

giæ potestatis ad certum subjectum applicationem, ejusque exercitium, *Morale* nullo prorsus modo habeat sibi subordinatum seu subiectum?

De hac ergo potestatis Pontificiæ Oecumenicæ ad Ecclesiam spectante autoritate, pro tertio in præsentī occurrit quæstio, num prævalere possit ad Iuramenti à subditis erga Principem præstiti solutionem, per quam equidem non formaliter in se ipso Ius Divinum solvatur, sed quoad hujus substratum quasi materiale, *Moralitate* aliquâ Ecclesiæ clavibus subiectâ supervestitum? Etenim vinculi illius, quod ex Iuramento inducitur, radix *Moralis*, quæ alia est, quàm actus humanus, ejusque *moralis* perseverantia, passivam in jurante importans Religionis obligationem? Nunquid verò isthæc est quid *Morale*, subsistens super terram? Nunquid ergo indefinita cujuscumque super terram vinculi, in actu hominis *moralis* Oecumenicæ Ecclesiasticæ potestati subiecto radicati, solvendi potestas prævalere poterit ad Iuramenti Principi præstiti passivam ex Religionis obligationem eatenus solvendam, ut talis solutio, juxta Christi Domini verbum, etiam in Foro Celi, ac proinde in conscientia sic rata habenda, nec adeò tunc subditi à Iuramenti Regi præstiti passivâ obligatione illâ, seu vinculo *Morali*, per Ecclesiæ autoritatem liberati, coarctentur ad fidelitatis homagium,

Na

ex

quàm baptizatos, rem verò se habere diversimodo erga eos, qui vel Christiani sunt, vel baptizati à fide defecerunt, ad hujus exceptionis infirmitatem ostendendam, disquirere nunc placeat: an quisquam in Iulianum Apostatam insurrexerit? Num Romani Pontifices quidquam adversus Constantium, Valentem, & alios Arianos Imperatores moliti fuerint? Num Reges Gothos in Italiâ regnantes, & sæpe sibi insidiantes, aut Bona Ecclesiæ invadentes, deponere tentaverint? Uno verbo, num quispiam ante Gregorium VII. aliquam sibi in temporalia Regum authoritatem asseruerit, aut in quemquam privationis Regni sententiam tulerit?

Isthâc in Reges potestate non tantum usi non fuerunt Episcopi, sed etiam declarârunt, se nihil ejusmodi posset tentare; veluti Gregorius Nazianzenus *Orat. 1. in Iulianum Apostatam* docet, nullum aliud remedium adversus ejus sævitiam in Ecclesiâ esse præter preces, lacrymas, & patientiam. Adversus Christianum etiam Imperatorem injusta tentantem, & Ecclesiæ iura invadentem, nulla præter patientiam, arma, adhiberi oportere, nec ullo pacto resistendum esse, sæpius docet Ambrosius *ibi*. Simile docet Augustinus specialiter asseverans, nullum Christianorum per Religionem ab obedientiâ Regibus debitâ immunem. Concilium quoque Toletanum IV. *Can. 25.* definit, nullâ de causâ fideles à Sacramen-

nes illas, quæ singulos quosque privatos Christianos afficiebant ad obediendum, & non resistendum Regibus seu Imperatoribus, quamdiu manebant in statu Regiæ seu Imperatoriæ dignitatis. At si publica Comitiorum Francicorum authoritas, ut Regni sui publicis necessitatibus esset provisum, jure, & absque ulla Christianæ probitatis læsione, potuit deponere suum, sed ineptum, Regem Childericum, num à Christianitatis Religiosis legibus alienum erit, Reges Ecclesiæ sanctæ Jura ac Religionem Orthodoxam evertere conatos, ad sanctam Ecclesiæ pacem, & tranquillitatem restaurandam, Solio suo deicere per publicam super quocunque in terris morali protensam, indefinitam ligandi, & solvendi potestatem?

Pro secundo proinde Elliesius rectè discernebat inter Reges non baptizatos, erga quos nihil potestatis est sanctæ Ecclesiæ, & inter Reges sacri Baptismatis caractere insignitos, sed apostatas, seu hæreticos. Inter prioris conditionis Reges numerandi fuerant etiam Longobardi, de quibus Gregorius Magnus scribebat, si in eorum morte se miscere voluisset, Longobardorum gentem nec Reges, nec Duces, nec Comites ulterius habituram fuisse.

Super his igitur, ubi Christianitatis quoque characterem profiteri cœperunt, Pontificia Gregorij Magni authoritas necquidquam Juris habebat, nisi in ordine ad id, quod morale est, non verò in ordine ad Esse Physicum

vitæ humanæ, ut proinde dictus Pontifex Maximus meritò noluerit se immiscere mortis Longobardorum. Hinc tamen regrediendo nonnihil ad Imperatores ac Reges Ethnicos, iterum provocho Ellicium, ut suæ Franciæ Regum Christianam probitatem vindicet, respondendo ad istam quæstiunculam; *An, si ex*  
*Regibus adhuc Ethnicis aliquando contigit, Eccle-*  
*sia Romanæ Iura turbari, indeq; à Pontifice accitis*  
*Galliæ Regum armis, evenit, ipsos Regno suo, seu ejus*  
*saltem parte spoliari, quo Iustitiæ titulo, cum pluri-*  
*morum nece, id fieri potuerit, cum tamen hujusmo-*  
*di Rex Ethnicus non subijciebatur Pontificis Oecum-*  
*enica potestati? Si pari erga suos etiam san-*  
*ctos Franciæ Reges, Carolum præcipuè Mag-*  
*num, Ellicius unà mecum reverentiâ feratur,*  
*res ista videtur ita componenda. Nempe si*  
*duæ, quarum neutra est alteri subordinata, su-*  
*premæ potestates eatenus concurrant, ut una*  
*in alterius jura involet, tunc isthæc potest ju-*  
*sto bello hanc injuriam publicam eatenus à se*  
*propulsare, ut secundum luminis naturalis*  
*certa principia, victor possit hostem Jure suo*  
*Regio spoliare, sibiq; Regni bello parti jus*  
*vindicare; uti Christianorum Regum ex-*  
*empla perquam frequentia ostendunt. At de*  
*fide est, Papæ auctoritatem esse supremam,*  
*quæ nullum in terris Superiorem valeat ag-*  
*noscere. Hoc igitur fidei principium com-*  
*binando cum illo luminis naturalis principio,*  
*Theologicè inferitur, Papam posse ad Regem*  
*etiam*

ex pag.  
64. n.  
258.

etiam Ethnicum, sibi licet minimè subjectum, non equidem gladio spirituali uti, imò nec *materiali*, quippe quem in vaginâ retinere, in Petro jussus sit. Eo ipso tamen, quòd intrâ vaginam suam contineatur, suumque adeò, Divo Bernardo animadvertente, Papa dicere queat, redditur hinc consequens, posse eundem Summum Pontificem mandato suo, Regum sibi subjectorum gladium eatenus exerere, ut ad Regem etiam Ethnicum, sibi licet minimè subjectum, attamen Ecclesiæ publicum hostem, juriumque ejus aggressorem debellandum, auctoritate suâ in subsidium accersere queat Regum Christianorum arma, illumque ab hisce devictum, spoliare Jure Regni sui, atque hoc vel sibi vindicare, vel Regibus, quorum armis vindicatae sunt eæ, contra Ecclesiam, ipsumque adeò Christum, ab Ethnico Rege illatae injuriæ.

Hinc pro *tertio* venit meritò redarguendus Elliesius asseverans, Concilij Tridentini *Sess. IV. canone 75.* definiri, quòd fideles à Sacramento Regibus prædito nunquam, & nullâ de causâ absolvi possint. Neque enim hic Canon quidquam dicit de auctoritate Pontificiâ, sed de Jurisjurandi temerandi à subditis arrogatâ propriâ potestate, nec non Regis necem, Regiæque dignitatis privationem moliendi à populo spontè attentatâ auctoritate: cæteroqui reflexione ad Ecclesiasticam auctoritatem habitâ, idem Concilium in proximè subse-

35.

quentibus, pronuntiavit anathematis sententiam adversus Reges tyrannicè ac crudeliter se gerentes : claro adeò argumento , nihil equidem potestatis esse subditis adversus Regis tyrannidem castigandam , bene tamen Ecclesiasticæ authoritati esse coercitivam erga tales virgam : quæ in Papâ vel etiam Concilio Oecumenico *ad quodcunque super terris Morale* seu solvendum , seu ligandum , à Christo protenditur.

16.

Quando igitur Elliesius pro quarto disquirat, cur Pontifex non insurrexerit in Julianum Apostatam, vel Constantium, Valentem, aliosque Arianos Imperatores, sive etiam Reges Gothos in Italiâ regnantes, Ecclesiæque bona invadentes, deponendos? Ad hæc olim jam respondebat Divus Thomas *alibi* allegatus, illorum temporum status non permisisse, ut Summi Pontifices vel per se, vel per cujusvis alterius Regis subsidia, exererent gladium suæ Apostolicæ authoritatis, quandoque etiam spirituales, multò verò minùs *materialem*. Summi namque Pontificatus potestas per Christi institutionem ita est constituta, ut ejus usus non sit nisi ad ædificationem, non autem ad fatalem, à Regibus, seu Imperatoribus illis acrius concitandis *Moraliter* certò futuram, Ecclesiæ destructionem. Ex hinc gladius Ecclesiasticarum clavium intra Papæ vaginam meritò tenebatur tunc reconditus, nec nisi patientiæ armis, uti Patres ab Elliesio adducti ferunt, usus fuerat, quo-

quousque benigniora succedebant tempora, quibus Summi Pontifices Ecclesiæ sanctæ propè conculcatæ infestationibus, cum boni effectûs majori securitate occurrere valebant, uti Deus nonnihil posterioribus temporibus concesserat; Childerico Franciæ Rege Pontificiæ authoritatis interventu, velut *inferius* ostendetur, in ordinem redactis, & in ejusdem Solium Regium evecto Pipino, Caroloque postea Magno in Italiam arma sua inferente, indeque per Papam asserto Patricio Romanorum, imò ad ipsam Imperatoriam dignitatem evecto, cum Imperij Occidentalis à Græcis per Papæ supremam potestatem in Francos translatione. Quæ omnia, uti longe anteriora sunt temporibus Gregorij VII. Sic in apertum prodit Elliesij ineptia disquirentis; *An quispiam Pontificum ante Gregorium VII. sibi in temporalia Regum authoritatem asseruerit?* Quanquam hæc ipsissima Pontificum authoritas super Regiam potestatem non in se ipsâ *Formaliter* spectatam, nec in ejusdem Juraquâ temporalia, sed quâ *moralitate* in regnum Cælorum ordinabili, atque adeò spiritualitate quâpiam superventita, suam solvendi potestatem protendendo, ac Jurisjurandi etiam solennis Regibus facti relaxationem in subditis faciendo, non ea, quæ Juris Divini sunt, sed horum substratum *Materiale* solverit; uti *antecedenter* expositum cernere licet.



## S. IV.

*An Pontificia authoritatis supra Reges, aliquando Ecclesia necessitate exigente, etiam deponendos, sententia merito arguatur Novitatis.*

37. **E**Lliesius equidem in suo quarto Paragrapho nititur, vim facere ex hoc, quod Principibus in rebus Civilibus & temporalibus omnes subiecti sint. At isti effato discutiendo aptior locus reservatur in examinatione tertij per Clerum Gallicanum constituti articuli; ubi proinde studiosè expendemus illationem qualemcunque hinc fortassis intentatam de potestatis Pontificiæ supra Reges protensione refellendâ. Quare, quem Elliesius ultimum & quintum posuit Paragraphum, eidem hîc quartum locum assigno.

## ARGUMENTUM I.

38. **E**Lliesius præsentis cap. 2. S. ultimo argumentatur 1. Pontificiæ super Regibus deponendis potestatis sententia priscis inaudita sæculis, ubi primùm decimo Ecclesiæ sæculo in lucem prodijt, omnes novitate suâ perculit; uti testantur Orho Frisingensis in fragmento fasciculi rerum sciendarum, & Chronic. 6. cap. 35. Benno Cardinalis, Imperatoris Henrici IV. contra Papam

Papam Gregorium VII. partes secutus in 1. & 2. libro de Hildebrandi vitâ, Episcopi insuper & Clerici, quorum nomine conscripta fuit Apologia pro Henrico apud Adventinum *Annalium Bojarum lib. 5. fol. 179.* Walthamus Anno 1093. *Apologia pro Henrico lib. 2. cap. 14.* Sigebertus Abbas Gemblacensis in *Epist. Anno 1103. scriptâ.* Osbertus Leodiensis Episcopus in *Epistolâ de vitâ & obitu Henrici IV. Anno 1106. scriptâ.* Eberhardus Archiepiscopus in *oratione de Hildebrandi Antichristiano Imperio in Comitibus Ratisponensibus sub Fridrico II. recitatâ.* Helmodus *Chronici Sclavonici author cap. 29.* & Albertus Stadenſis ad annum 1080. referentes Rudolphi Sueviæ Ducis in Henrici IV. locum sufficiens ultima verba. Joannes Trithemius in *Chronico ad annum 1106.* Onufrius Panvinus in *vitâ Gregorij VII.* Nicolaus Trevirensis 1. contra Imper. sententiam Gregorij VII. obſtupendam vocitans novitatis abusionem, ac inauditum Decretum. Venericus Vercellensis lib. de *conservandâ Ecclesiæ unitate.* Leodienses ad *Paschaſem II.* Gotofredus Viterbiensis, item author *Chronicor. etatis 6.* Cuspinianus in *Henrico IV.* Guilielmus Molmeburiensis lib. 3. Anonymus Author *Apolog. pro Henrico editæ ab Vrſitio.* His annumeratur Lambertus Schafnaburgensis, ac si dixisset, Henricum, postquàm iniquas pacis conditiones cum Gregorio VII. inijsset, omnibus odio, & execrationi fuisse.

Ad horum universorum sententiam magis 39.  
firman-

firmendam ab Elliesio reproducitur Gregorius Magnus in præcitatâ epistola ad Sabinianum scribens: *In mortem cujuslibet hominis formidare se miscere.* Huc reduci potest, quod idem Elliesius proximè præcedenti §. 4. in fine. adfert de Gregorio Magno. Nempe cùm iste Pontifex accepisset à Mauritio Imperatore mandatum de promulgandâ quâdam lege, quâ vetitum erat, militibus in Monasterijs monasticam vitam profiteri, eam, licet injustam existimaret, & Ecclesiæ libertati contrariam, Imperatoris tamen mandato parendo, promulgasse, etiam antequàm Imperatori significaret suam sententiam. *Ex lib. 2. Epist. 62. & Epist. 64. ad Theodorum Medicum Imperatoris.*

Responsio, ac retorsio hujus argumenti  
refutatoria.

40. **E**Xordiendò à Gregorio Magno, circa ejusdem *ad Mauritium Imperatorem epistolam 62. lib. 2.* exaratam, inprimis venit annotandum, quòd ibi expressè scribat, *se in eâ neque ut Episcopum, neque ut servum jure Reipublicæ, sed jure privato loqui.* Dum ibidem igitur profiteretur, se inspecto jure privato, & abstrahendo à jure seu Episcopi, seu Reipublicæ, tanquam subiectum jussioni, legem Imperatoris, quantumvis eam iniquam agnovisset, per diversas terrarum partes transmitti fecisse, nunquid Apostolicæ authoritatis suæ immemor fuerat? Nequa-

quaquam, siquidem, Baronio *ad Annum 593. sub finem pag. 47. ex ejusdem S. Viri lib. 7. epist. 2. indict. 1.* probante, ipse non fuerit Edicti illius iniquissimi contra jura Ecclesiastica sancti promulgator, sed potius corrector, emendator & censor, maximumque adeò in his ediderit specimen Sacerdotalis vigoris, Pontificiæ authoritatis, & super Imperium potestatis, dum accedens censor & arbiter constitutionis Imperatoriæ, & ad sacram (quam vocabant) tabulam, admovens stylum, edicti illius quædam expunxit, quædam addidit, augens ac minuens pro arbitrio, ut ad rectam Catholicæ Ecclesiæ normam & disciplinam aptaret, nihilque in eo, quod Ecclesiasticæ officeret libertati, & sacris Canonibus contradiceret, prætermittens intactum, posteris egregium relinquens exemplum, quidquid leges sanciendo, delirant Imperatores ac Reges, à Romanæ Ecclesiæ Pontificibus esse protinus emendandum & corrigendum: sicque ab ipsis favendum eorum votis, ut eos errantes cum mansuetudine corrigant, & Pontificiâ potestate, quod perperam factum nôrunt, Apostolicâ censurâ castigent, seque exhibeant eorum Magistros, Doctores, & Correctores, juxta illud Divinum *Hieremiæ 1.* exaratum Oraculum, quod non huic tantum Prophetæ pronunciatum, sed omnibus, qui pro Deo ad populum Divinâ legatione funguntur: *Constitui te homo super gentes & regna, ut evellas, & destruas, & disper-*

disperdas, & dissipes, & ædifices, & plantes. Quando proinde idem Pontifex in Epist. non 64. sed 63. indict. 11. scribebat ad dicti Imperatoris Medicum, fecisse Deum, ut Imperator non solum militibus, sed etiam Sacerdotibus dominaretur, num aliâ, quàm permissionis voluntate Divinâ hoc factum, ijs verbis innuere voluit Gregorius, qui Deum subjecisse tradit Sacerdotes Mauritio Imperatori, ut olim eosdem subjecerat persecutoribus Neroni, atque Diocletiano, quos in eos etiam gladio agere permisit? Uti ex ipso et Gregorio in Psal. *Pœnitent. 4.* liquet, ibidem ulterius conquerente: Diabolum adversus Ecclesiam concitâsse Regiam quoque potestatem, dum nulla tamen sinat ratio, ut inter Reges habeatur, qui destruit potius, quàm regat, Imperium.

41.

Quod porrò ex ejusdem Gregorij Magni ad Sabinianum Diaconum epistolâ proferebatur, quòd formidâisset, se miscere in mortem cujuslibet hominis. Id in responsione ad proximè præcedens argumentum jam habetur discussum, quòd nempe Summo Pontifici nullum jas sit in vitam humanam, imò in quamvis rem terrenam quoad Esse Physicum spectatam, sed super Moralitate duntaxat, quâ in Regnum cælorum ordinabili. Sub quo proinde moralitatis ordine, ipsissimus ille Pontifex adversus Donatistas excitârat Exarchum Gennadium lib. 1. epist. 72. ita scribens ad eundem: Sicut excellentiam Vestram hostilibus bellis in hac vitâ Dominus victoriarum fecit

lu.

luce fulgere, ita oportet, etiam inimicis *Ecclesiæ ejus*,  
*omni vivacitate mentis & corporis obviare, &c. com-*  
*primendo eorum conatus &c.* Quantumvis ergo  
 Gregorius formidârit, in cujuscumque mor-  
 tem se immiscere, minimè tamen horrebat,  
 gladium etiam *materiale*, adversus sanctæ Ec-  
 clesiæ hostes, authoritatis suæ Pontificiæ nutu  
 & Imperio, à Regibus & Imperatoribus exer-  
 cendum, concitare.

Hinc pro *secundo* gradum faciendo ad Gre-  
 gorium VII. comperimus hunc Pontificem ab  
 Elliesio notatum gravi censurâ, ac si rem no-  
 vam, & à *seculis inauditam* patrâisset, excommu-  
 nicando, ac deijciendo Henricum IV. Imperatorem.  
 Verùm vel ex hoc, quòd notâ eâ seu Elliesij,  
 seu Authorum ab ipso allegatorum censurâ,  
 videatur in dubium trahi Pontificiæ potestatis  
 ad excommunicandum Imperatorem autori-  
 tas, jam in apertum prodit spiritus, Reges  
 vel exterminans à consortio Christianæ fra-  
 ternitatis, vel contra apertam Christi vocem  
*Matthæi 18.* exaratam, pernegans erga Reges  
 Christianos coercitivam Ecclesiæ virgam, ad-  
 versus quosque peccantes fratres exercen-  
 dam. Quo tamen reiicto in medio, pleri-  
 que ab Elliesio adducti Authores proprijs suis  
 verbis produnt, quòd iniquas Henrici IV.  
 adversus Pontificem Maximum ad ejusdem  
 usque exauthorationem in Comitij Worma-  
 tiensibus, sese efferentis partes tenuerint,  
 nec quidquam ergo attendendi. Sunt equi-

42.

dem nonnulli ex authoribus ab eodem Elliesio adducti, qui, uti *sequenti capite, sexto §.* videbitur, inter Collaudatores Gregorij VII. numerantur, nec nisi historicè referunt, nullum antehac Imperatorem à Summis Pontificibus, vel excommunicatum, vel depositum fuisse. Sed dum Ecclesiæ sanctæ necessitas in Occidentis Imperatoribus tale quid neque exposcebat, neque permittebat, num propterea ex hoc non usu, Pontificiæ auctoritati denegare fas est, tale quid adversus Ecclesiæ sanctæ rebelles Reges statuendi, potestatem? Ipsamet anteriora seu Childerici Francorum Regis, seu Leonis Isaurici ab Imperio Occidentali remotionis, unà cum alijs adducta, & *inferius* firmanda exempla probant jam antiquiorem in Pontificatu Romano auctoritatem super Regibus ac Imperatoribus. ad eorum usque exauthorationem procedere prævalentem. Neque credere fas est, centum & decem Episcopos, quorum consilio Gregorius VII. adversus Henricum excommunicationis & exauthorationis sententiam protulit, tantam auctoritatem sibi arrogaturos fuisse, nisi eam ab ipsomet Christo in sui Vicario Summo Pontifice fundatam nõssent; prout ipsamet Bulla Apostolica desuper edita, hujus potestatis rationem reducit in Claves Ecclesiæ, Beato Petro commissas, universisque manifestum reddit, quam gravibus de causis

ad id urserit Henrici impietas, Ecclesiæque  
vicissim publicæ necessitas.

*ARGUMENTUM II.*

**E**lies. cit. §. ultimo argumentatur<sup>2</sup>. In Re- 45  
ligione id omne verum est, quod prius est,  
fuitque ab initio: illud verò falsum ac erro-  
neum est, quod aliquando ignotum fuit, ac  
postea inventum: nobis enim nihil ex nostro  
ingenio indulgere licet, aut sequi, quod ab  
alijs fuerit inventum: sed oportet, nos ijs  
tantum fidem adhibere, quæ à Christo, vel  
Apostolis ad nos usque per traditionem ma-  
narunt. At primus super Regibus ad eorum  
usque exauthorationem potestatis Pontificiæ  
Parens fuit Gregorius VII. Romanus Ponti-  
fex: ante hunc enim inaudita (uti Authores  
*superius citati testantur*) fuit ea opinio.

Responsio ac retorsio hujus argu-  
menti refutatoria.

**Q**uomodo in primis oportet, id, quod ve- 44  
rum est, à Christo, mediantibus etiam  
Apostolis ad nos usque per traditionem manâ-  
se? An in ipsismet etiam per Oecumeni-  
ca Concilia longè posterius definitis Dog-  
maticis conclusionibus, vel potius in suis prin-  
cipijs, Verbo Dei ab Apostolis ad nos usque  
propagato traditis, atque à Spiritu sancto per



Oecumenicorum Conciliorum, seu auctoritatis Oecumenicæ definitiones ad certa seu fidei Dogmata, seu morum Decreta sancienda authoritative applicatis? Nisi hoc posterius, mihi Ellesi, elegeris, sed priori illi membro immobiliter insistere malueris, reus eris quorumcunque fidei Dogmatum, quæ prius ignota erant populo Christiano, quam fuissent ab Ecclesiâ super fidei Candelabrum deciloriè exposita. At verò *ex antecedentibus* constat, Verbo Divino expresse tradita esse ea Oecumenicæ in Ecclesia potestatis principia, ut per sanctiones Canonicas, & Conciliares quoque definitiones fuerit inde conclusum, Ecclesiæ, ejusque auctoritati Oecumenicæ, potestatem esse erga Reges Christianos, ipsorum adversus Ecclesiam pertinaci proterviâ ita exigente, ad excommunicationis, tandemque exauthorationis sententiam procedendi. Quâ ratione igitur hoc, quod in primævis per Christum traditis fidei principiis fundatum, in Ecclesiâ sanctâ, etiam ante Gregorij VII. tempora, in vi Clavium à Christo Ecclesiæ, ejusque Capiti Petro, ac hujus proinde successoris traditarum fuit exercitum, & à Concilijs Oecumenicis, Pontificibusque Maximis ex Divinis per Christum prolatis oraculis authoritative deductum, Novitatis à verâ Religione alienæ, coarguere permittit Religio?

Caput

Caput V.

In quo eliduntur exceptiones Elliesij, quas  
opponit autoritatibus & rationibus Theo-  
logicis pro Pontificiâ supra Reges au-  
thoritatis afferri solitis.

IN hoc capite eum tenebo ordinem, ut sub  
ipsismet Elliesij verbis, sim inprimis pro-  
ducturus argumentum in favorem Pontificiæ  
supra Reges potestatis adduci consuetum, po-  
stea subjuncturus Elliesij adversus tale argu-  
mentum exceptiones, ac demum exceptio-  
num hujusmodi confutationem subnecturus.

§. I.

*Quantum momenti sit in Veteris Testa-  
menti sacris Litteris, ad probandam Sum-  
mi in Novo Testamento Sacerdotij supra  
Reges auctoritatem.*

ARGUMENTUM I.

Ex Veteri Testamento petatum ab ex-  
emplo Oziæ Regis.

Hic enim Rex leprâ Divinitus percussus,  
Sacerdotum judicio separatus est à cœtu  
populi: unde Bellarminus sic argumentatur: Si

ob lepram corporalem poterat Sacerdos olim Regem judicare, & Regno privare, quare id non poterit Novæ Legis Sacerdos nunc ob lepram spiritualem, id est, propter hæresim?

### Exceptio Elliesij.

2. **E**Xcipit ergo Elliesius I. Non esse idem judicium ferendum de leprâ spirituali, ac de corporali, quippe corporalis lepra in Veteri Testamento hominem privabat omni prorsus aliorum commercio, & societate tam in Civilibus, quàm in cæteris. At verò lepram spiritualem peccati, vel hæreseos, hominem tantum privare bonis spiritualibus, sicque adeo argumentum rectè procedere: *Lepra corporalis privabat hominem commercio civili, ergo lepra spiritualis privat hominem communionem spirituali.*

3. 2. Oziam leprâ Divinitus percussum, eò quòd incensum adolere vellet super altare Thymiamatis, à Sacerdotibus declaratum esse immundum, & templo expulsum, at Regno minimè privatum; veluti constet ex 2. *Paralipom. cap. 26.* Id enim tantum dicere Scripturam, *Sacerdotes videntes lepram in fronte ejus, eum festinatò de templo expulisse, ob lepram scilicet, non ob peccatum; quare nihil gravius in eum statui potuisse, quàm quod in leprosos omnes per Sacerdotem statui, Deus jussit, juxta illud Levit. 13. Qui fuerit leprâ percussus, separatus ad arbitrium Sacerdotis, habitabit*

*bit extra castra.* Quapropter Oziam nec Regno, nec regnandi Iure excidisse, sed juxta sacrum textum, annos quinquaginta, usque ad mortem scilicet, regnasse. Quinimò Oziam ne Regni quidem administratione privatum esse per sententiam Sacerdotum, sed cum ipse jam senior esset, ac vi morbi urgeretur, nec posset in publicum prodire, satius duxisse, in filium Regni administrationem transferre, non coactum ex judicio Sacerdotum, sed impulsum ad id faciendum tum pudore, tum rei gravitate.

### Refutatio istius exceptionis.

**I**N primis pro accepto habeo, quod Ellicsius asseverat, lepram corporalem in Veteri Testamento hominem privasse omni prorsus aliorum commercio, & societate tam in Civilibus, quam in cæteris. At ista Societatis quoque Civilis privativa separatio erat facienda per arbitrium Sacerdotis, juxta quod habetur *Levit. 13.* sanciendo, ut *leprâ percussus, & separatus ad arbitrium Sacerdotis, habitaret extra castra.* Ejusmodi verò Societatis quoque civilis ac politicæ in, Oziâ Rege leprâ percusso, privativa separatio, per naturam suam arguebat privationem administrationis Regni, utpote *Essentialiter* importantis politicam cum subditis communionem Civilem. Sicuti ergo juxta sacram Scripturam, Civilis quoque ac Politicæ

Societatis privativa, Ozia Regis separatio, ipsomet Eliesio fatente, fieri debebat per arbitrium Sacerdotis, sic per hujus sententiam oportet, fuisse ipsi ademptam Regni administrationem.

§: Ex quo pro *secundo* ita licet ulterius argumentari. Veteris Testamenti Sacerdotio erat potestas, non tantum super leproso ferre arbitrium, Civilis quoque Societatis privationem indicens, sed ubi inter Judices ambiguum seu difficile erat Iudicium, ex *Deut. 17. capite* erat Sacerdotio potestas, *authoritative* decidendi Iudicii veritatem. Nunquid ergo Azarias, una cum Sacerdotibus 2. *Paralip. 26.* hanc proferendo sententiam: *Non est tui Officij Ozia, ut adoleas incensum, sed Sacerdotum*, ex ipsamet Divina lege tulit Iudicii veritatem, imperans, (uti verbum imperativum, *Egredere*, à sacro textu usurpatum sonat,) egressum de Sanctuario, arque sub Divina etiam vindictæ interminatione indicens, contemptus loco habitum iri (uti verbum, *ne contempseris* indicat) si staret intra Sanctuarium. Neque Sacerdotes erga Oziam leprâ percussam verbis solam admonitionem præferentibus, agebant, sed verborum asseverantium, *festinato expulisse eum*, proprietas significat, illos vim aliquam non tam *physicam*, quam *authoritativam* adhibuisse. Quia igitur in Veteri Lege erat *authoritativa* Sacerdotij potestas supra Iudices, ac Reges etiam protensa, num dicere fas est, *authoritativam Ecclesiæ*  
vir-

virgam etiam Coercitivam *Matth. 18.* constitutam, in Novo Fœdere non protendi supra Reges Christianæ fraternitatis consortes, cum vi non tantum privandi cōmunionē fidelium, sed ligandi & solvendi *Quodcumque, Moralitatis* in Regnum Cælorum ordinabilis formalitate, atque adeo sacre Religionis publicam utilitatem, seu necessitatem præferente supervestitum, sicque hoc ipso subordinatum Oecumenici Pastoris Clavibus? Cujusmodi ex Ozia exemplo petita argumentatio fusiùs deducta, pluribusque firmata habetur *hujus Summarij 1. Capite §. 2. & locis ibidem allegatis.*

## ARGUMENTUM II.

Ex 2. Paralip. cap. 23. petatum ab exemplo Athalia, Ius Regium tyrannicè usurpantis.

CUM enim Athalia tyrannicè occupasset regnum, & sœveret cultum Baal, Iojada Pontifex vocavit centuriones & milites, & iussit eis, ut Athalam interficerent, quod & fecerunt, & pro eâ Ioam Regem creavit. Quid ni ergo par proportionaliter potestas sit Sacerdotio Novi Fœderis?

Exceptio Elliesij.

Excipit hic Author 1. Si quid probaret istud argumentum, hinc probatum iri, quod

O 4

Reges

Reges non tantum deponi possint à Summis Pontificibus, sed & eorum iussu interfici, quod dicere, non audere ipsosmet Adversarios.

2. Longè disparem esse rationem Athaliae, & Regis Legitimi, quippe illa per tyrannidem invaserat Imperium post mortem Ochozia, occisis ejus filiis, è quibus unus superstes selectus fuit Ioas, ad quem morte Patris, & Fratrum, de jure Regnum successionis jure devolutum erat.

3. Tamen si Athalia foverit Idololatriam, non tamen propter hoc crimem occisam esse à Iojadâ, & ijs, qui cum ipso erant, sed propter solam Regni usurpationem, ut Ioas legitimo hæredi Regnum restitueretur.

4. Neque solum, neque autoritate suâ, id fecisse Iojadam quasi Summum Sacerdotem, sed tanquam præcipuum ex Regni Iudæici Optimatibus, & uti Regis tutorem ac defensores: ubi enim opportunum vidit esse tempus restituendi Ioas, Centuriones, Levitas, & alios sui consilij participes fecit: Inique, teste Scripturâ, omnis multitudo, pactum in domo Dei cum Rege, dixitque ad eos Iojada, ecce filius Regis regnabit, sicut locutus est Dominus, super filios Israel. Non ergo Ioadam deposuisse Athalias, aut constituisse Ioam Regem autoritate Summi Sacerdotis, sed tantum populo declarasse, Ioam hunc esse filium Regis, cui Regnum debebatur, populo statim eum agnoscere Regem. Quibus ita se habentibus,

bus, nihil soliditatis esse in illo argumento, ex Veteris Testamenti Sacerdotio illationem faciente, ad Novi Fœderis summum Pontificatum.

*Refutatio hujus exceptionis.*

**I**N primis si attendatur verborum illud Athaliæ exemplum 4. *Regum* 11. describentium proprietas, in aperto est, Ioadam Summum Sacerdotem, non ex privata, sed superiore quâpiam, utique non aliâ, quàm eâ, quâ fungebatur, Summi Sacerdotij autoritate processisse adversus Athaliæ tyrannidem, à Regij solij possessione eam deijciendo, legitimumque Regem præficiendo. Quidni enim dicere fas sit, hoc esse factitatum ex autoritate per *Deuteronomij* legem Sacerdotio impertitâ ad definiendam *Iudicij veritatem*, utpote quæ autoritas, teste sacra Litterâ, se extendebat ad omne negotium, omnemque causam Civilis quoque statûs propriam, eâ etiam cum energiâ, ut judicis imperio, Sacerdotij sententiæ conformiter, pronunciato non obediens, juberetur occidendus? Quando igitur in casu illo Athaliæ, Regnum injultè occupantis, nullus erat constitutus Iudex Laicus, Rege legitimo exturbato, & protunc in lus suum restituendo, ipsemet Pontifex proferens veritatem Iudicij, quâ nisi suâ summi Sacerdotij per Deum constitutâ autoritate progredere-tur ad finem tali negotio imponendum, Deo



Deut. 21. v. 5. Statuente, ut omne negotium ad verbum Sacerdotum finiatur?

12. Ex quo proinde Ioiadæ Summi Sacerdotis exemplo quidni proportionaliter, secundum quod Christi verba Clavium Petro, ejusque successori commissarum sphaeram circumscripta sonant, argumentari liceat ad parem Summi in Novo Fœdere Pontificatus auctoritatem? Prout hæc universa descripta repertiuntur in præcitato hujus Summarij secundo capite per universos ejusdem paragraphos.

13. Ex quibus insuper patebit, quàm imperitins sit Elliesij expositio, verborum Christi Domini Clavium Ecclesiasticarum, Oecumenicique pastoralis officij conditionem Matth. 16. & Ioannis 20. explanantis: quod, uti etiam ad loca ibidem allegata, brevitatis causâ Lectorem remitto, ubi etiam videre licebit, quomodo extraordinarius equidem seu Eliæ, seu Elisæi, seu Samuelis in constituendis, vel deijcendis Regibus, speciali Divino jussui innitens spiritus, locum habere possit in Oecumenico pastoralis officio. Quæ universa cum fusè deducta sint locis præadductis, & ne apex quidem adferatur ab Elliesio ad fundamenta ibi exposita confutanda, ideo non est, cur quidquam eorum hîc reproducam. Quia verò Elliesius circa finem præf. S. 3. ad hoc unice collimat, ut Oecumenicam Ecclesiæ auctoritatem intrâ spiritualitatis limites coarctet, vilius est optimum, coronidis loco hîc ostendere

gere, hoc minimè alienum esse à sensu nostro,  
si res bene expendatur.

Pro secundo igitur lubenter admitto, quòd 14.  
Bona temporalia ac Regia secularia Iura For-  
maliter ut sic, non subdantur Pontificiæ potesta-  
ti, sed Materialiter duntaxat, sub aliori scili- *ex pag.*  
cet, cui substernuntur, formalitate Moralitatis *131. n.*  
in Regnum Cælorum ordinabilis. Hæc autem Ma- *53.*  
terialitas est quid spirituale, respiciens in pro-  
prio suo subiecto salutem æternam, ac respe-  
ctu Ecclesiæ publicum huius, atque sanctæ  
Religionis Bonum, Dei que cultum, quàm non  
mero Naturali lumini commensuratum sed  
quàm fidei lumini proportionatum. Quia  
igitur denominatio fit à Formali, non à Mate-  
riali, an non sicuti absolute dici potest, nul-  
lam esse summo Pontifici temporalem, sed spi-  
ritualem in Reges potestatem, sic pariter nega-  
re licebit, Pontificiam auctoritatem proten-  
di super Regum bona, quàm secularia?

S. II.

*Quantum momenti sit in rationibus,  
et Bellarmini, inductis ad probandam Pon-  
tificiæ potestatis supra Reges præe-  
minentiam?*

ELIUS equidem præf. S. 1. inducit Bellar- 15.  
minum asseverantem, quòd in temporali  
Pontificiis auctoritate comprobandâ, solis ra-  
tionibus usus fuerit, eò quòd Scripturis, Con-  
cilijs

cilijs & Patribus jam usus esset in spirituali Primatu probando. Sed nunquid rationi consona hinc fit exprobratio, ac si *indirecta* Pontificis potestas temporalis unicè inniteretur rationibus & inductionibus minùs certis, vel minùs evidenter deductis? Ad cujus exprobrationis inanitatem ostendendam, operæpretium est visum, Bellarmini rationes hîc producendas ita reducere ad sacræ Scripturæ principia, ut inde patêre possit singularis eorum vis & energia.

### ARGUMENTUM I.

Desumptum ex potestatis politicæ erga Ecclesiam subordinatione.

16. **P**OTESTATIS *Civilis* respectu potestatis *spiritualis*, subordinatio videtur subsistere ex hoc, quòd utraque sit ejusdem Reipublicæ Christianæ, eâ tamen cum differentiâ, ut Principis spiritualis sit, de temporalibus disponere in ordine ad Bonum spirituale, quippe cùm omnis Superior imperare possit inferiori, & hinc finis temporalis potestatis subordinatur Fini spirituali concernenti æternam hominis salutem, quemadmodum autem Fines, sic & facultates inter se subordinari, tradit Aristoteles *lib. Eth. cap. 1.* Sicuti ergo spiritus & caro coeunt in unum hominem, sic potestas spiritualis & temporalis duæ in unâ Ecclesiâ Reipublicâ conveniunt

niunt in unam; uti Gregorius Nazianzenus ait.

**Exceptio Elliesij.**

**E**Xcipt hic Author 1. Potestatem temporalem haudquaquam esse partem Reipublicæ Christianæ, quatenus Christiana est, sed ex spiritali ac temporali regimine constitui duas Respublicas, quarum fines sint diversi, & nullatenus inter se subordinati ex parte facultatum, sed ex parte operantis duntaxat: ita ut Principis Christiani Finis non equidem sit sola temporalis felicitas, sed æterna sui ac suorum: attamen facultatis politicæ, quæ politicæ Finis etiam ultimus sit temporalis duntaxat felicitas, nec nisi ex parte operantis, Principis scilicet Christiani, sit obligatio, Politici quoque regiminis actus referre in finem felicitatis æternæ. Et hinc universi quidem homines Christiani, inter quos Reges quoque, ac Principes temporales numerantur, cum Papâ ac præfatis seu Ministris Ecclesiæ, in unam quidem coeunt Rempublicam Christianam, quoad suas charactere Christianitatis insignitas personas, inter se prorsus disparatas, sed hæc duas distinctas ac separatas Respublicas constituunt.

17.

**Refutatio istarum exceptionum.**

**A**Ntequam ad præsentis difficultatis punctum respondeamus, operæpretium est,   
inda,

18.

indagare radicem, per quam subsistat ratio ejus per Ellicium assertæ obligationis, in vi cujus finis facultatis politicæ, non quidem *ex parte sui ac per se*, sed *ex parte operantis*, atque adeo *per accidens* subordinari debeat Fini Ecclesiasticæ potestatis, nempe salutis æternæ.

19. Equidem pro primo statuamus indubitæ tam cunctorum *Moralium* in homine circa res spirituales seu temporales actuum subordinationem ad æternæ felicitatis finem supernaturalem; statuamus insuper temporalium universorum, quæ hominis *Morali* dispositioni subjacentium, ad spiritualia ex infusarum virtutum *Moralium* exigentiâ, homini ad statum supernaturalem elevato, quasi connaturaliter congenitam coordinationem. Statuamus præterea ex vi hujusmodi supernaturalis elevationis cunctos omni tempore homines habuisse obligationem, ex virtute præcipuè Religionis constringentem, ad Dei cultum in fide radicatum, adeoque supernaturalem. Ex hujusmodi etiam obligationis contestandæ ratione, erat in Lege Naturæ institutum sacrificium, & Sacerdotium Abelis, Noëmi, Melchisedechi, Abrahamæ, Jobi & aliorum sanctorum virorum. Numquid verò tali Sacerdotio ipsis quoque Regibus quandoque Divinitus collato, sanne-  
 ex pag. 124. n. 28. xa erat potestas supra Reges, à viâ salutis æternæ, nedum in suis personis recedentes, sed alios insuper a sanctâ Divinæ fidei Religione seducen-  
 tes? In statu legis Mosaicæ altius evehe-  
 batur

batur Sacerdotij dignitas, ut haberet potestatem authoritativam, in dubijs interpretandâ Divinas leges judiciales, debuitque ipsemet Politicus Judex suum Judicium isti Summi Sacerdotis sententiæ conformare in tantum, ut reus mortis fuerit pronuntiatus, qui Sacerdotis Imperio, & decreto Judicis obedire non luisset. Numquid autem hæc Summi Sacerdotis in Lege Veteri authoritas erat ex temporalium erga spiritualia *per Ius naturæ* determinatâ subordinatione, vel potius ex *Divinâ lege positivâ* ejus statûs propriâ? Sic proinde non ex præciso supernaturalis elevationis statu, temporaliumque ad spiritualia subordinationis jure *quasi connaturali*, sed *ex Iure positivo statûs Evangelici proprio*, definienda est Summi in Novo Fœdere Sacerdotij super Reges, quoad temporalitates *Morali supernaturalis Religionis debito* vestitas, protensa potestas. Quod adeo *positivum* ex Christi mandato in Petri successore subsistens jus, multis jam expositum fuit, aliququaliter adhuc exponendum sequenti discursu.

Quibus ita constitutis, pro *secundo* quis Catholicorum inficiari auserit, Regis Christiani jura etiam Politica seu sæcularia, unâ cum ipsius personâ esse capacia supernaturalis *Moralitatis* in Regnum Cælorum ordinabilis? Hoc negare, foret profecto indignissimum Rege Christianissimo. Numquid verò Jura Regia, quantumvis sæcularia, quatenus *Moralitate*

in Regnum Cælorum ordinabili vestita, superinduant formalitatem, sub quâ Regni Cælorum Clavibus Summo Pontifici conceditis subjaceant? Hoc negare, foret perinde, ac negare, ijs Clavibus lubesse *Quodcumque* hominis Christiani, ceu ovis Christi *Morale* in Regnum Cælorum ordinabile. Nunquid autem istud pugnaret cum apertis Christi verbis *Matth. 16.* Claves Regni Cælorum eatenus definitis, ut *Quodcumque* in vi istarum Clavium à Petro, ejusque successore in terris esset solvendum, pro soluto habendum foret etiam in cælo? Nunquid verò istud Tò *Quodcumque* in terris per Ecclesiæ Claves solubile complectitur temporalia, ac Regia seu politica, quâ sæcularias Jura? Neutiquam. An igitur illud *Quodcumque* in terris per Summi Pontificis potestatem solubile admittit aliquam exceptionem? At hoc dicere, foret, universalitatem illius Tò *quodcumque* contra disertum Christi verbum coarctare. Illius igitur vocis Tò *quodcumque* universalitas nullam quidem admittit exceptionem, sed explicationem Christi verbo consentaneam. Nunquid enim istud *Quodcumque* in terris per Christi vicariam potestatem solubile, ex ejusdem Domini nostri institutione, habet ut sic relationem ad Cælorum Regnum seu Militans, seu Triumphans? Nonne verò illa relatio importat *Moralitatem statui supernaturali commensurabilem*, de cujus naturâ est, ordinabilem esse in Regnum Cælorum tum

Trium.

expag.  
131. n.  
54.

Triumphans, tum Militans? Numquid autem *expag.*  
istius in Regnum Cælorum ordinabilitatis *132.*  
*Moralitas* radicatur tum in Fide, per quam su-  
mus membra S. Ecclesiæ, ceu unius Mystici  
Corporis, tum in Christianitatis per Baptis-  
mum impresso caractere, per quem subijci-  
mur sanctæ Ecclesiæ Clavibus? Nunquid au-  
tem membri ad corpus suum seu Politicum,  
seu Mysticum coordinatio, uti etiam erga san-  
ctam Ecclesiam subiectio, importat obligatio-  
nem, ad curandum illius Corporis Mystici,  
sanctæque Ecclesiæ Bonum publicum? An  
non igitur in vi huius erga Ecclesiam, ceu Cor-  
pus Christi Mysticum coordinationis, seu sub-  
jectionis in Rege Christiano, secundum *Quod-*  
*cumque in terris Morale*, suum spectato, est debi-  
tum ordinabilitatis ad Bonum publicum Ec-  
clesiæ? Quia igitur *Quodcumque* in terrâ Regi-  
bus Christianis inexistens *Morale*, complectitur  
ipsorum Regia quoque Jura sæcularia, sed  
*Materialiter* duntaxat, ac *Indirectè*, & per acci-  
dens, nec aliter, nisi quâ supervestita *Moralita-*  
*ris in Regnum Cælorum ordinabilis* formalitate,  
sub quâ denominantur esse spiritualia; nun-  
quid nefas esset, negare, esse ut sic contenta  
sub illius Christi vocis Tò *Quodcumque* univer-  
salitate, omne in terris *Morale* in Regnum Cæ-  
lorum *ordinabile* complectentis? Quia verò ad  
istam *Moralitatis in Regnum Cælorum ordinabilis*  
denominationem, jura Regia, utpote sæcula-  
ria, se habent solum *Materialiter* ac per acci-  
dens



*dens*, nec adeò dici possunt subiacere *Directè* Clavium Ecclesiæ auctoritati, neque verò denominatione sit ex illo, quod solum *Indirectè*, præcipue *Materialiter* duntaxat, vel etiam *per accidens* convenit, nunquid secundum præjacta principia rectè dicitur, Ecclesiæ potestas esse *spiritualium* duntaxat, non verè *Temporalium*.

21.

Secundum hæc igitur Principia, Regem Christianissimum pronunciare exemptum ab illâ Regionum Jurium *Moralitate*, Ecclesiæ Clavibus *indefinitè*, ac *universaliter* subiectâ, perinde foret, ac ipsum alienum facere à Christiano charactere. Quòd si ergo Jura Regia, licet sæcularia, statuuntur esse capacia *Moralitatis in Regnum Cælorum ordinabilis*, oportebit fateri, ea *Materialiter*, *Indirectè* ac *per accidens* subijci sanctæ Ecclesiæ Clavibus, non quidem sub ratione suæ *temporalitatis*, sed sub *formalitate spiritualitatis* in se derivabilis, sive *Moralitatis* in Regnum Cælorum ordinabilis. Secundum quam proinde distinctionem, si Clero Gallicano placuerit *primæ* suæ hætenus discussæ propositionis intelligentiam moderari, poterit fortè sustineri secundum expositionem reflexionis in *hujus Summary* initio expositæ: Sin minùs, ipsimet sint ejus sententiæ censores, quomodo cohærere valeat cum *indefinitâ* super *Quodcunq; in terris Morale*, quâ scilicet in Regnum Cælorum ordinabile protensâ Ecclesiæ sanctæ Clavium, Summiq; Pontificis Occumenicæ solvendi ac ligandi potestate.

## ARGUMENTUM II.

Desumptum ex necessitate potestatis Ecclesiasticæ ad sui ipsius defensionem, sui quæ finis à potestate sæculari præpediri quandoque soliti consecutionem.

**E**T enim oportet, Rempublicam Ecclesiasticam in eo esse statu, in quo sibi sufficiens sit in ordine ad finem suum consequendum. Atqui ad finem spirituales potestatis Ecclesiæ proprium necessaria est potestas utendi ac disponendi de rebus quoque temporalibus, cum cæteroqui malis Principibus esset integrum, fovere hæreticos, ac evertere Religionem. Imò ut Respublica quæpiam sibi sufficiens sit, quando non potest aliter se defendere, debet posse agere adversus alteram sibi infestant Rempublicam, ejusque Principem hostilitatis contra illam exercitæ authorem, armis suis devictum in ordinem redigere ac deponere. Quâ de causâ sub illis ad Petrum Ioan. 21. prolatis Christi verbis: *Pasce oves meas*; subintelligitur Summo Pontifici concessa potestas, ad gregem suum ita tuendum adversus lupos, ut hos omni ratione, quâ poterit, arcere queat.

Exceptio Elliesij.

**E**Xcipi potest ex hujus authoris mente, si reciproca Rerum publicarum ad sui defensionem

sionem & conservationem necessitas exigit ;  
 ut Respublica Ecclesiastica possit agere adver-  
 sùs Principes sæculares , ne hæreticos fovere ,  
 religionemque evertere impunè præsumant ,  
 proptereaque ipsos etiam armis compescere ,  
 vel dèponere , pari ratione Regi fore potesta-  
 tem , armis etiam agendi adversùs Summum  
 Pontificem , Regionum suorum Jurium inju-  
 stum aggressorem . Verùm , quod Pontificiæ  
 supremæ potestati ad se ipsam defendendam  
 jus competit , non esse ejus conditionis , ut per  
 arma temporalia , sed spiritualia duntaxat per-  
 agi valeat , sicque adeò pascendi potestatem ,  
 Petro commissam , rectissimè equidem exten-  
 di etiam erga lupos , hæreticos scilicet arcen-  
 dos , sed spiritualibus duntaxat armis , absque  
 ullâ authoritate in temporalia ipsorum lura ,  
 ac bona . Sanctum equidem Bernardum *lib.*  
*4. de considerat. cap. 3.* ex eo loco Evangelij ,  
*Ecce duo gladij hic , & ex illo , Conde gladium tuum*  
*in vaginam ,* inferre , quòd gladius iste sit Pontifi-  
 cis , licet non ejus manu evaginandus sit : quodque  
 adeò uterque gladius , *Materialis scilicet & Spiri-*  
*tualis , sit Ecclesiæ ,* eâ tamen sub differentiâ , ut  
*hic Sacerdotis , ille militis , sed ad Sacerdotis nutum ,*  
*exercendus sit .* Attamen præactum Evangelij  
 locum à Bernardo detorqueri in sensum alie-  
 num , nili hic dicatur esse duntaxat Mysticus  
 & allegoricus . Imò nutum illum apud S. Ber-  
 nardum non significare potestatem *Coactivam ,*  
 sed *Directivam ,* veluti exponunt Ioannes de  
 Parilijs ,

Parisijs, Antonius de Rosellis, & alij. Nec denique talem nutum, aut potestatem gladij, in Pontifice spectare Regum depositionem.

**Refutatio istarum exceptionum.**

**E**Xordiando inprimis ab illâ S. Bernardi 240  
expositione, clarum est ex ipsomet sacro  
textu, quod gladius iste fuerit Petri, Christo  
*Matth. 26. v. 12.* dicente : *Converte gladium tuum  
in locum suum.* At eo ipso, quod gladius hic  
esset de Iure Petri, ita ut suus propterea diceretur,  
opoteret, ut non quidem ipsemet contra  
Christi iussum posset eum evaginare, eo ipso  
tamen, quod esset in Iure ipsius, consequens  
est, agnoscendam esse in eo *moralem* potestatem,  
mediante scilicet imperio suo ad ejusdem  
evaginationem, & usum exercendum ab ijs,  
qui subduntur ipsius Oecumenicæ authoritatî,  
unde manifestum redditur, sancti Bernardi  
expositionem ab alijs, uti *superius* ostendebatur,  
Ecclesiæ sanctæ Doctoribus, seu Theologis  
comprobatam, haud detortam esse ad alienum  
sensem : an verò gladius ejusmodi adversus  
Reges ad eorum usque depositionem Pontificis  
nutu & imperio stringi possit, elucidabitur  
ex proximè sequenti, alibi licet jam producto,  
hic autem sub aliâ formâ reproducendo fundamento.

Pro *secundo* igitur sciscitari lubeat ex *Eliesio*, 250  
an non Iure naturæ certissimum sit hoc

sionem & conservationem necessitas exigar, ut Respublica Ecclesiastica possit agere adversus Principes sæculares, ne hæreticos fovere, religionemque evertere impunè præsumant, proptereaque ipsos etiam armis compescere, vel dēponere, pari ratione Regi fore potestatem, armis etiam agendi adversus Summum Pontificem, Regiorum suorum Jurium injustum aggressorem. Verum, quod Pontificiæ supremæ potestati ad se ipsam defendendam jus competit, non esse ejus conditionis, ut per arma temporalia, sed spiritualia duntaxat peragi valeat, sicque adeo pascendi potestatem, Petro commissam, rectissimè equidem extendi etiam erga lupos, hæreticos scilicet arcendos, sed spiritualibus duntaxat armis, absque ullâ autoritate in temporalia ipsorum Iura, ac bona. Sanctum equidem Bernardum *lib. 4. de considerat. cap. 3.* ex eo loco Evangelij, *Ecce duo gladij hic, & ex illo, Conde gladium tuum in vaginam,* inferre, quod gladius iste sit Pontificis, licet non ejus manu evaginandus sit: quodque adeo uterque gladius, *Materialis scilicet & Spiritualis, sit Ecclesiæ, eâ tamen sub differentiâ, ut hic Sacerdotis, ille militis, sed ad Sacerdotis nutum, exercendus sit.* Attamen præactum Evangelij locum à Bernardo detorqueri in sensum alienum, nili hic dicatur esse duntaxat *Mythicus & allegoricus.* Imò nutum illum apud S. Bernardum non significare potestatem *Coactivam, sed Directivam,* veluti exponunt Ioannes de Parilijs,

Parilijs,

Parisijs, Antonius de Rosellis, & alij. Nec denique talem nutum, aut potestatem gladij, in Pontifice spectare Regum depositionem.

### Refutatio istarum exceptionum.

**E**Xordiando in primis ab illâ S. Bernardi 24.  
 expositione, clarum est ex ipsomet sacro  
 textu, quod gladius iste fuerit Petri, Christo  
*Matth. 26. v. 12.* dicente : *Converte gladium tuum  
 in locum suum.* At eo ipso, quod gladius hic  
 esset de iure Petri, ita ut suus propterea diceretur,  
 oportet, ut non quidem ipsemet contra  
 Christi iussum posset eum evaginare, eo ipso  
 tamen, quod esset in iure ipsius, consequens  
 est, agnoscendam esse in eo *moralem* potestatem,  
 mediante scilicet imperio suo ad ejusdem  
 evaginationem, & usum exercendum ab ijs,  
 qui subduntur ipsius Occumenicæ authoritati,  
 unde manifestum redditur, sancti Bernardi expositionem  
 ab alijs, uti *superius* ostendebatur,  
 Ecclesiæ sanctæ Doctoribus, seu Theologis  
 comprobata, haud detortam esse ad alienum  
 sensum : an verò gladius ejusmodi adversus  
 Reges ad eorum usque depositionem Pontificis  
 nutu & imperio stringi possit, elucidabitur  
 ex proximè sequenti, alibi licet jam producto,  
 hic autem sub aliâ formâ reproducendo fundamento.

Pro secundo igitur sciscitari lubeat ex El- 25.  
 liesio, an non iure naturæ certissimum sit hoc

ex pag. principium morale, quòd nempe suprema Re-  
 224. n. gia potestas non tantum in via defensionis possit  
 28. Coronæ suæ, seu Majestatis Iurium invasorem,  
 vi etiam armatâ repellere: sed quòd supremae  
 potestatis autoritate possit etiam iudicialiter  
 decernere de injurijs sibi quoad Majestatis  
 suæ Iura illatis, sicque bellum justum offensi-  
 vè suscipiendum sancire, indeque militari ex-  
 ercitu progredi, ad alteram, quantumvis su-  
 premum Regem, sibi non aliter subiectum,  
 quàm ex titulo delicti, adversus Iura sua Re-  
 gia hostilibus quoque armis perpetrari, è Re-  
 gno suo deijciendum, cum reali simul & autho-  
 ritativâ Iuris Regij eidem prius competentis  
 privatione, atque abdicatione? Hoc equidem  
 duplicatum Morale principium vix audebit El-  
 liesius negare, Iure naturali esse certissimum,  
 cum ceteroqui Christianissimi Regis sui arma  
 conijceret in discrimen alicujus minus æquæ  
 usurpationis. Quo adeò Principio Morali jam  
 præsupposito, ita licet progredi rursus disqui-  
 rendo: an non sit de fide quoque certissimum,  
 quòd Oecumenica Summi Pontificis, unâ &  
 Concilij vicariâ Christi autoritate muniti po-  
 testas sit suprema? De cujusmodi adeò autho-  
 ritate, supremae potestatis veram & perfectam  
 obtinente rationem, disquiri denuò potest:  
 An non pari proportionaliter modo per arma sibi pro-  
 portionata, possit adversus Regem, Iurium Divinae  
 Religionis sibi per Christum appropriatorum aggres-  
 serem incorrigibilem, & contumacem, procedere ad  
 priva-

privationem usque Regni, Iurisque Regij alias ei competentis abdicationem, Iudicialiter decernendam, & ubi decreta est, Authoritative demandandam executioni?

Cujus proinde quæsitæ sequentem pro tertio accipe resolutionem. In suprema nempe politicâ, & supremâ Ecclesiasticâ potestate (sub ejusmodi supremæ in terris authoritatis ratione) est univoca convenientia: sicque adeo jus illud, quod potestati Regiæ adversus alterum Regem Majestatis suæ Iurium aggressorem diximus convenire, non subsistit ex differentiâ specificâ supremæ politicæ authoritatis, quâ lumini duntaxat naturali commensurata, sed quemadmodum ratio virtutis est generica & univoca respectu virtutum naturalium & supernaturalium, sic illud supremæ in terris authoritatis, quâ supremæ jus, de se ipso adversus alterum, æquè licet supremum Regem, Iudicialiter, & Militariter (per arma cuique proportionata) vindicando, est genericum & univocum respectu cujuscunque, sive naturalis & politicæ, sive supernaturalis Divino fidei lumini proportionatæ authoritatis, quatenus suprema est.

Ex quo adeo principio ab Ecclesiasticâ & politicâ supremarum potestatum specificis differentiis abstractivo, ubi per fidei lumen subsumere licet, Oecumenicam Ecclesiæ authoritatem verè supremam esse, per consequentiam, Theologicè demonstrativam infertur prorsus cer-



tum, ac indubitatum principium, quod hæc Ecclesiæ Oecumenica autoritas suprema habeat sibi *intrinsecum* jus, armis sibi proportionatis vindicandi Iurium suorum, Majestatisque suæ, Christi Vicariæ, ac Ecclesiæ sanctæ violationes injuriosas, & sacrilegas, dum contumacia saltem & contemptus accesserit. Atqui arma Ecclesiasticæ supremæ potestati proportionata sunt tum vis coercitiva *Matthæi 18.* descripta, à correctione fraternâ procedens ad censuram illam, per quam Ecclesiam non audiens, instar Ethnici & publicani sit habendus: tum potestas solvendi *Quodcumque* in terris sub *Moralitatis Christiano condignæ* formalitate obtinens vel respectum ad Regnum Cælorum, vel *Moralem* ab hoc deordinationem. In hoc autem ordine *Moralitatis* ad Regnum Cælorum *ordinabilis*, quis negare auset, cunctos Reges Christianos esse censendos, unâ cum suis publici etiam regiminis actibus *Moralibus*, Regiæque potestatis ad suam personam *subjectivâ* applicabilitate, quâ justitiæ & naturali, & supernaturali, Religionique adeo consentaneâ? Quod si ergo sub hâc *Moralitatis* ad supernaturalem statum Divinitus elevatæ mensurâ, per auctoritatem Ecclesiæ Oecumenicam profertur judicium ex *indefinitâ* super *Quocumque* ad Regnum Cælorum *ordinabili*, Regio etiam, quâ *Moralitatem* ejusmodi superinduente jure solvendo protensâ potestate, quid stante hujusmodi per Christum sancitâ, & in cælis ratâ solutione,

tione, poterit in Rege Christiano talis censura condemnato, superesse de Regiæ potestatis, *non secundum se Formaliter spectatâ* supereminentiâ, sed quâ inexisterat huic supposito, Oecumenicæ Ecclesiæ authoritati subiecto, ac per sententiam legitimè exauthorato?

Hinc pro *quarto* facile est judicare, de illo Regis terreni erga jura sua Regia adversus Summum Pontificem, eorundem injustum usurpatorem, seu aggressorem defensionis, seu vindicationis Iure reciproco. In hoc equidem utrinque paritas est, quod non nisi sub legitimâ quoad substantialem solemnitatem perfectè Iudiciariâ supremæ authoritatis sententiâ præviâ locus esse possit illius defensionis ac vindicationis authoritativæ Iuri. 28.

Verùm ex hoc ipsissimo principio, quod Oecumenicæ Vicariæ in Romano Pontifice authoritatis sphaera, sit circumscripta limitibus *Moralitatis in regnum calorum ordinabilis*: ad hosce autem limites, Naturalis luminis sphaeram transcendentis, nequeat se extendere potestas Politica ac Regia, utpote, cujus mensura intra naturæ lumen coarctata dignoscitur. Idcirco nihil occurrere unquam potest ex supremæ Oecumenicæ Christi Vicariæ, Romano Pontifici inexistentis potestatis decretis, seu sanctionibus, seu sententijs quibuscumque, supra quod Politica Regia potestas suam valeat prætendere vel Judiciariæ authoritatis, vel armorum Militarium potentiam. 29.

Quare

30.

Quare inter illas duas Politicam & Ecclesiasticam potestates hoc versatur discrimen, quod Regiæ potestatis actus etiam publici superinduantur *Moralitate* in regnum cælorum vel ordinabili, vel deordinabili, ad Ecclesiasticam auctoritatem spectante: at inversus esset ordo, si prætenderetur, actus ab Ecclesiasticâ Christi Vicariâ potestate promanantes, ut sic ad supernaturalis *Moralitatis* lineam traductos, ad inferiorem retrahi posse ordinem, Politicæ seu Regiæ auctoritati commensurabilem.

### ARGUMENTVM III.

Petitum ex pacto seu Juramento Regum Christianorum de fide Christi defendendâ.

31.

Quando enim Reges & Principes ad Ecclesiam veniunt, ut Christiani fiant, recipiuntur cum pacto *expresso*, vel *tacito*, ut Regna sua Christo subijciant, & polliceantur, se Christi fidem servaturos & defensuros, etiam sub pœnâ Regni perdendi. Quando igitur hæretici fiunt, aut Religioni obsunt, possunt ab Ecclesiâ judicari, atque etiam deponi à Principatu. Quod argumentum gravius urget in ijs præsertim Regibus, qui uti Imperatores saltem, sub sui evectione & coronatione facere constringuntur, solenne Iusjurandum pro Ecclesiæ sanctæ Iuribus tuendis: qualis portò obligatio illis vel maxime incumbit etiam

etiam ex munere Advocati & Defensoris Ecclesie eidem competente, juxta *Cap. Venerabilem. De Elect. & Clementinam Romani. De Iurejurando, nec non Cap. 2. in 6. De supplenda negligentia Prælatorum.*

**Exceptio Elliesij.**

**E**Xcipit hic Author *propè finem cit. 2. §. pa-* 32.  
 Cum præinsinuatū neque in Baptismo, aut  
 auguratione cujusquam Regis factum, haberi  
 posse, nisi quod Reges ad Baptismum accedentes,  
 solenni Sacramento, sicut & cæteri *expag. 127. n. 361.*  
 homines, se obstringunt ad fidem Christi servandam,  
 sed sub pœnis tantum spiritualibus, si ab ea  
 defecerint, nullo autem pacto sub pœna  
 depositionis, privationis bonorum, aut alia  
 hujusmodi.

**Refutatio istius Exceptionis.**

**P**RIUSQUAM proximè positam Elliesij exceptionem  
 elidamus, argumentumque prius factum obfirmemus,  
 placuit *primo loco* indagare vim, & momentum  
 posterioris, ex munere Advocati, seu Defensoris  
 Ecclesie, Regibus, seu Imperatoribus Christianis  
 incumbente, per nos efformati argumenti. Sub  
 cujus discussionis exordio statim occurrit  
 dubium: *Vtrum Advocati erga Ecclesiam munus seu Regi, seu Imperatori incumbat ex specifico iure alicujus quasi contractus, seu pactionis saltem implicite? In Occidentis equidem Imperatore videtur talis quasi*  
 con-

contractus subsistere, dum Romanus Pontifex Imperium Græcis ademptum, transtulit in Francos & Germanos, sub *tacitâ* quasi conditione talis oneris. Attamen hæc ratio locum non habebat olim vel in Orientis Imperatore, vel in Regibus, in quibus aliâ viâ, ac independenter à Romanis Pontificibus prorogatur successio Regiæ potestatis.

34. De his igitur rursus movetur quæstio; An  
 ibi. n. ex aliquo Iure specifico, Romani Pontificatus proprio,  
 37. obstringantur ad ejusmodi Advocati, seu Defensoris  
 Ecclesiæ munus, vel potius ex obligatione quasi transcendentali, characterem Christianitatis consequente, in vi cujus scilicet quilibet Christianus non privatos duntaxat, seu personales, seu reales, sed etiam publicos ac Regios, cum Christi characterem in eo subiecto conjunctos, actus tenetur saltem non usurpare in perniciem Ecclesiæ.

35. Verum ex quo fundamento ostenditur ista Regis Christiani obligatio positiva, ad se cum universis suis potentijs, & Iuribus pro Ecclesiâ impendendum, in casu saltem necessitatis? An isthæc fortassis obligatio, uti in omnibus Christianis, sic præcipuè in Regibus Baptismali characterem insignitis, fundatur in hoc, quod per istum Christi characterem sint subditi, per fidem verò membra Ecclesiæ, sit autem Iuris quasi naturalis, ut subditus pro suo Superiore, ac membrum pro sui Corporis seu Moralitatis, seu Politici conservatione, omni virtute ac potentiâ suâ impendat se in casu, nedum ex-

stremæ.

*tremæ, sed etiam gravis necessitatis ? Hoc autem supposito, ex ipsius etiam naturæ lumine perispectum est, adversus illum, in quo est talis obligatio, posse, dum eam non præstat, institui seu querelam, seu processum publicum. Unde rectè inferitur, Ecclesiæ potestatem esse, conveniendi Reges Christianos, atque durius contra ipsos agendi, si deficiant in illâ suâ obligatione, quamvis ex illo præcisè argumento necdum eluceat, quanta sit Ecclesiæ, ac specificè Summi Pontificis authoritas, in tali defectu procedendi adversus Reges Christianos. Hujus proinde erga Reges Christianos potestatis Pontificiæ mentura alia non est, nisi ex verbis Christi, *Quodcumque in terris morale Oecumenicæ sanctæ Ecclesiæ Pastori ad solvendum vel ligandum pro causarum merito committentis. Hinc enim fit consequens, quodd Regia potestas tum quoad morale sui substratum, tum quoad suos effectus Morales, ex intrinseco characteris Christiani debito, in Regnum Cælorum ordinabiles, subjectivè aded ac Materialiter spectata, subsit præactæ solvendi potestati, Pastoralis Petri successoris muneri, per Christi constitutionem annexo.**

Quam ob causam pro secundo, insistendo unice illi, quam Christus seu Ecclesiæ sanctæ, Clavibus, seu Oecumenicæ Pontificiæ potestati poluit menturam, sequens adhuc panditur via ad indagandum; *Quomodò Papa vel ex sacrosancto intra Sacramenti Baptismatis susceptio-*

nem implicite saltem firmato pacto, vel ex vi Iurisjurandi sub ipsorum coronatione præstiti, habet a sibi subjectos Reges, & in quantum contra ipsos, Patet, seu Iurisjurandi hujusmodi temeratores valeat procedere? Nempe in dubium vocare haudquaquam licet, quod pacti illius Baptismalis temeratio, seu Iurisjurandi cujuscumque, illius præsertim, quo Ecclesiæ defendendæ pollicitatio firmatur, violatio, perjurijque adeò reatus, subsit coercitivæ Matth. 18. Ecclesiæ per Christum concessæ virgæ, ad excommunicationis usque censuram procedere potenti. Quod autem ista Ecclesiæ coercitiva virga ad Regum usque exauthorationem ac depositionem extendi valeat, manifestius evincitur ex sæpe præallegatis Ioan. 20. & 21. item Matth. 16. claris textibus Evangelicis. Duplex namque in Ecclesia existit Tribunal à Christo Domino institutum. Unum fori interni pœnitentialis, cui subijciuntur quorumlibet Christianorum cuncta etiam secretissima cordis peccata. Cur hoc? Nisi quia Christus Ioan. 20. Apostolis indefinite dixerat, Quorum remiseritis peccata, remittuntur eis &c. In quo autem consistit peccati ratio, nisi in Moralitate deficiente à Regni Cælorum, seu finis supernaturalis ordine? At Christus non minùs indefinite dixit: Si peccaverit in te frater tuus (non proficiente fraternâ correctione) denuncies eum Ecclesiæ, quam si non audierit, sit tibi sicut Ethnicus & publicanus. Qui per Christum constitutus procedendi modus

ex pag.  
128. n.  
41,

us respicit alterum à Christo institutum Ecclesiæ tribunal, pertinens ad *Forum externum*, cui proinde subest omne fratris Christiani peccatum, sitamen respectu ejus fori valeat probari. In hoc igitur Foro Ecclesiæ *externo*, quis in terris supremam habet authoritatem, nisi Petri successor, cui omnes Christi oves sunt concredita, unà cum Clavibus Regni cælorum & Triumphantis & Militantis? Quænam verò est materia hujus Fori, nisi quam Christus definivit hisce verbis ad Petrum prolatis: *Quodcumque solveris, aut ligaveris super terram, erit solutum, seu ligatum in cælis*? Hoc verò *Quodcumque*, utpote universalitatis vocabulum, num arctius exponi debet, quàm illæ *indefinitæ* voces: *Quorum remiseritis peccata, &, si peccaverit in te frater tuus*? Si ergo ex vi harum *indefinitè* politarum vocum, Foro Ecclesiæ tum secreto pœnitentiali, tum publico judiciario subsit omnis *Moralitas* à Regni cælorum ordine, seu Fine supernaturali devians, quid ni sub isto universalitatis vocabulo *Quodcumq;* solveris, dicendum sit, denotari omne *Morale*, quà habens ordinem ad Regnum Cælorum seu Militans, seu Triumphans? Quod si ergo illa Petro, ejusque successori concessa *Fori Externi* potestas extendi debeat super *Quocunque*, atque adeò super Regiminis quoq; politici exercitio, & applicatione *subjectiva*, quàm *Moralitatis* in Regnum Cælorum ordinabilis formalitatem superinduente, quomodo fas est, dicere, talem in Regibus *Moralitatem* pro

Fore

ex pag.  
129.  
usque  
ad n.  
42.



*Foro Conscientiæ*, non verò in ordine ad *Externum judicarium Ecclesiæ Forum*, esse subiectam Apostolicæ authoritati, protensæ super *Quocunque*, universalitatem designante, cum tamen respectu *Fori interni* subiectio peccatorum, non nisi sub vocolâ *indefinitâ* designetur? Quia proinde sub illo *Quocunque*, super omnem Christi ovem, & omnimodam in *Externo Foro* probabilem, *Moralitatis in Regnum Cælorum ordinabilis formalitatem* protenso, continetur & Rex Christianus, & cuncta ejusdem quoad Regiæ potestatis exercitium, & applicabilitatem *subiectivam Moralitas*, quomodò hæc non universaliter dicenda est, subesse Summi Pontificis authoritati, seu potestati solvendi? Ubi verò Regiæ potestatis Ius, quâ huic personæ sub *Morali ad Regnum Cælorum ordinandâ applicabilitate* inexistens, continget, per illam Apostolicam authoritatem ex causis *Moralibus* Regnum Cælorum tam Militans, quàm Triumphans respicientibus, Regisque depositionem efflagitantibus solvi, quomodò intelligi potest, non esse tunc facta *effectiva* Regis exauthoratio? In aperto igitur est, ex præductis fidei principijs demonstrari Summi Pontificis potestatem erga Reges Christianos, à Regni Cælorum, & Militantis & Triumphantis ordine perversè ac pertinaciter, cum publicâ etiam Ecclesiæ perniciæ, deficientes exauthorandos.

## CAPUT VI.

Quantum momenti sit in argumentis,  
ad Pontificiam supra Reges potestatem pro-  
bandam desumptis ad exemplis, seu factis  
Summorum Pontificum, seu Occu-  
menicorum Conciliorum?

## §. I.

*In quo expenduntur argumenta, petita  
ex Theodosij Imperatoris excommunicatione,  
Gregorij Magni uno, alterove privilegio inferius  
referendo; nec non Gregorij II. excommunicatio-  
ne adversus Leonem Isaurum, ac depositione  
Childerici Galliarum Regis.*

## ARGUMENTUM I.

Ex Theodosij & Leonis Isaurici excom-  
municationibus, ac præinsinuato Gre-  
gorij Magni privilegio.

IN primis notum est, referente etiam Theo-  
dorus lib. 5. hist. cap. 18. Theodosium Impe-  
ratorem propter eadem Thessalonicæ factam,  
à sancto Ambrosio Mediolanensi Episcopo  
prohibitum fuisse ingressu Ecclesiæ, ac eâ post-  
modum conditione restitutum, ut legem fer-  
ret, ne deinceps sententiæ de eade, aut Bono-  
rum proscriptione ante triginta dierum spa-  
tium executioni mandarentur. Unde Bel-  
larminus probare nititur, posse Principes Ec-  
clesia.

clerasticos non solum in foro interno conscientie, sed etiam in foro externo Ecclesiastico disponere de temporalibus, in ordine ad spiritualia: quemadmodum fecisse noscitur Ambrosius, tum cædis ab Imperatore factæ causam, tanquam ad suum tribunal pertinentem judicando, tum Imperatori mandando, ut legem de Civilibus ferret.

2. Deinde in privilegijs Abbati Monasterij Semmerdardensis à S. Gregorio Magno impertitis, subiunguntur hæc verba, Pontificiæ erga Reges potestatis manifestum argumentum præferentia: *Si quis Regum, Antistitum, Iudicum, & quarumcunque secularium personarum, hujus Apostolicæ autoritatis, & nostræ præceptionis decreta violaverit, cujuscunque dignitatis sit, honore suo privetur.* Similis forma habetur in privilegio Xenodochij Augustodunensis.

3. Inducitur porrò ad intentum nostrum Gregorij II. exemplum, qui Leoni Isauro à se excommunicato prohibuit vestigalia solvi ab Italis, & proinde eâ parte Imperij multavit, imò, & si nonnullis credere velimus, universo ipsum Imperio deiecit.

Exceptio Elliesij.

4. **E**Xcipit hic Author 1. Ubi temporalis res cum manifesto peccato est conjuncta, tunc istam ratione peccati esse Notionis Ecclesiasticæ, non ut absolute de ea disponat Ecclesia, sed ut moneat, hanc, vel illam actionem Dei lege

lege non licere. De temporalibus igitur agi posse in foro Ecclesiæ, sed spiritualiter, & in ordine ad spiritualia, quatenus adjunctam habent bonitatem, vel malitiam *moralem*. Ex hoc præterea (sit tamen Theodoritus in ea relatione non sit deceptus) quod S. Ambrosius mandavit Imperatori, ut præinsinuatam ferret legem, unice probari, Episcopo & Presbytero esse potestatem, leges indicendi etiam Regibus sub pœnâ retentionis peccatorum, ut, quæ ad isthæc sananda duxerint esse necessaria, remedia adhibeant.

*Secundò.* Adversus præinsinuata Gregorij Magni privilegia, seu potius contra ipsdem insertam, Regibus præjudiciosam clausulam excipit Elliesius, privilegium ejusmodi esse subreptitium, & ab aliquo recentiore, Gregorio affictum; velut invictissime a Launoio demonstratum sit. Idem dicendum esse de privilegio Xenodochij Augustodunensis, utpote quod tam variè habeatur, ut hinc intelligatur, esse suppositum, vel interpolatum. Et verò, si clausulæ illæ veris ac genuinis Gregorij Magni privilegijs continerentur, non alium habitura esse sensum, quàm imprecatorium; uti Summis Pontificibus in more est, tales Divinæ etiam indignationis imprecationes suis decretis, seu privilegijs à se concessis erga eandem temeratores, in finem subungere.

*Tertio.* Idem Elliesius contra Leonis Ilauri à Gregorio II. latam excommunicationem

nem excipit, quòd recentiores Scriptores Græci in odium Romani Pontificis eam confixerint: tum quia in epistolis Gregorij nullum in Leonem hujus judicii occurrit vestigium. Tum quia Carolus Magnus in *epistola ad Constantinum & Irenem*, dissidij inter Gregorios II. & III. ac Leonem faciens mentionem, non meminit, nisi admonitionis, ac precum, quas illi Pontifices interposuissent, sed frustra, ad Imperatorem illum à suis contra imagines conatibus avertendum. Tum quia Paulus Diaconus *lib. 6. de gestis Longobardorum cap. 49.* refert, Gregorium II. impedivisse, ne Itali alium sibi Imperatorem, illo rejecto, crearent, claro adeò argumento, eum Pontificem Isauri haud voluisse, vectigalia non solvi, parteque Imperij sic mulctasse. Tum quia Anastasius Bibliothecarius *ad annum 658.* fusè narrans, quæ in dissidio Gregorij II. & Leonis Isauri sunt gesta, nihil habet de excommunicatione Imperatoriâ, vectigaliumque, jussu Pontificis factâ subtractione. Tum quia Gregorius III. postea Leonem Imperatorem agnovit, humanissimis ad eum datis litteris: neque Damascenus *orat. de imag. rerum* à Leone adversus imagines gestarum mentionem faciens, refert, eum aut Regno privatum fuisse, aut excommunicatum à Pontifice.

7.

Quantumvis ergo Theophanes, Cedrenus, Zeno, Nicephorus, & cum istis recentiores Historiographi Latini scribant, Leonem Isaurum à Gre-

à Gregorio II. fuisse excommunicatum, & exactione tributorum Italiae privatum, ipsimet tamen Gregorio, Paulo Diacono, Anastasio, & alijs Scriptoribus, ceu antiquioribus, & fide dignioribus, majorem esse fidem habendam. Procul igitur abesse, ut Gregorius II. quidquam tentârit in jura, aut vestigalia Isauri, sed & si quid tentâssset, ejus factum non esse trahendum in exemplum, cum sit contra Evangelij legem, quæ jubet: *Quæ sunt Cæsaris Cæsari, & quæ Dei sunt, Deo reddenda esse.*

Refutatio istarum exceptionum.

**P**rimò. Pro accepto recipio, quod Elliesius 8.  
circa Theodosij Imperatoris ab Ecclesiæ ingressu interdictum profert: nempe de temporalibus posse quidem agi in foro Ecclesiæ, sed spiritualiter, & in ordine ad spiritualia, quatenus adjunctam habent bonitatem, vel malitiam *moralem*. Numquid verò potestas Regia, non in seipsa *formaliter*, sed *subjectivè* sumpta, quatenus hujus Regis, autoritate suâ in Ecclesiæ manifestam perniciem, ac sacra Religionis, fideique Orthodoxæ everisionem abutentis, personæ individuae inexistit, sicque ad actus publicos, *moralitate* in regnū cælorum ordinabili, vel extra ordinem istum exorbitante, inevitabiliter affectos progreditur, sub tali publico præminentia Regalis abusu tam execrando, jam est conjuncta cum malitia *moralis*? Quandoquidem proinde, ipso Elliesio fatente,

Q;

Eccle-

Ecclesiæ sanctæ foro subdantur etiam temporalia, quatenus ordinem præferunt ad spiritualia, adjunctamque habent malitiam *moralem*, publicæ præsertim Religioni infensam, numquid, ubi excellentiæ Regiæ jura temporalia, non equidem *ex se formaliter*, sed ex subiecti, cui inexistunt, nequitia, per insuperabilem hujus pertinaciam, sunt immobilis radix tam enormium scelerum, publicorumque Orthodoxæ Religionis damnorum, procedere licebit Ecclesiæ, ad mali ejusmodi radicem è subiecto illo tollendam, mediante Clavium Apostolicarum solutione, prævalere potente *ad quodcunque in terris morale*, sive uti Elliesius loquitur, malitiâ *morali* infectum, *authoritative* solvendum?

7. Quo adeò principio per ipsummet Adversarium nostrum ratificato, haud difficulter pro *secundo*, refutatur præfacti Elliesij *secunda* exceptio, prætendentis, clausulas in præadductis Gregorij Magni privilegijs insertas, esse solum imprecatorias, non verò *authoritative* decretorias exauthorationis Regum, si contra ea privilegia protervè agerent. Numquid enim ipsa ratio evincit, ut in ejusmodi clausulis prudenter discernamus id, quod à solius Dei imperio, ac providentiâ, potestateque dependet, & id, quod in ipso etiam Summo Pontifice, talem clausulam ponente, respicit auctoritatem interminationis à se factæ, ipso etiam Jure exequendæ potestate præpollentē. Quandoquid-

doquidem igitur maledictionis æternæ effectus non sint in potestate Pontificis, sed Dei solius, erga hos nequit nisi comminatoriam, seu comminatoriæ imprecatoriam clausulam, Papa suis Rescriptis, seu Decretis inferre. Scûs verò est de effectibus, super quibus pro- tenditur Oecumenica Ecclesiæ sanctæ Clavium authoritas, intrâ cujus sphæram ex diserto Christi verbo, continetur *quodcunque Morale*, sicque adeò temporale etiam quâ, *moralis*, uti Elliesius ait, seu bonitate, seu malitiâ affe- ctum: in quo genere planum est, compre- hendi Regiam quoque potestatem, non *in se formaliter* spectatam, sed quatenus in hoc sub- jecto reposita, est radix multimodæ malitiæ, ac perversitatis, in publicam etiam Ecclesiæ perniciem redundantis. In quantum igitur aliqua Pontificia constitutio adversus hujus temeratores decernit Regalis dignitatis ab hoc subiecto abdicationem, minimè dicenda est talis comminatio esse merè imprecatoria, sed cum *reali* effectû importat, Regiæ præ- eminentiæ in tali subiecto privationem, vel ipso jure, & facto, vel mediante decisoria criminis sententiâ, incurrendam.

Conatur equidem Elliesius præadductum Monasterij Semmerdardensis privilegium a Gregorio I. amoliri, ex levibus tamen seu conjecturis, ac indicijs, vel argumentis ab authoritate *negativâ* duntaxat efformatis, uti legenti patebit. Idemque facere nititur ad-



ex pag.  
99. n. 1.

versus privilegium Xenodochij Augustodunensis. Adversus ejusmodi Elliesianum conatum, sufficiat observare, tum quod de isto privilegio constet *ex lib. 2. Gregorij Magni epistolâ 10.* Tum quod par clausula contineatur in duabus alijs ejusdem Summi Pontificis epistolis, quas vindicat Author *tract. de libert. Ecclesie Gallicanæ lib. 4. cap. 6.* prævalidè ibidem confutans Ioannem Launoium, tres illas epistolas suppositas, aut saltem interpolatas ostendere conatum, tamen si ab undecim ferè sæculis nemo eas in dubium revocârit, nec solum à Gregorio VII. allegata fuerit *prima* earum, sed omnes à pluribus, etiam Gallicanorum monumentorum collectoribus exscriptæ sint; velut eo loco *per totum cap.* ostendere pergit *præcitatus* Author, quò Lectorem, si fortassis scrupulo pulsaretur, remittere volui.

II. 6

Quare ad Elliesij præadductum principium regrediendo, quò dixerat: *Posse in foro Ecclesiastico spiritualiter agi de temporalibus, quatenus ista nimirum adjunctam habent moralem malitiam;* comperio effatum hoc minimè dissonare à prædicti Gregorij Magni sententiâ in *Psal. Pœnit. 4.* asseverantis: *Nullam sinere rationem, ut inter Reges habeatur, qui destruit potius, quàm regat imperium.* Quomodo enim fieri posset, ut Gregorius in hoc suo iudicio intentus esset ad aliam, quàm ad *moralisatis*, à debito regiminis moderamine in tyrannidem perversæ, rationem, sub quâ per sanctæ Ecclesiæ Claves, merito

ritò pronunciari posset indignus Regiæ potestatis sublimitate, qui tot sceleribus in Imperij simul, ac Ecclesiæ perniciem redundantibus, obnoxius, per *moralem* malitiam suam in fori Ecclesiastici incideret iudiciū?

Hinc *tertio* regressionem faciendo ad Elliesij exceptiones, quas Gregorij II. adversus Leonem Isaurum lata excommunicationi, unâ & vestigalium in Italia spoliatiōi opposuit: unice repono, quòd ipsissimæ hæ oppositiones ac exceptiones jam antehac à *præcitato* Authore *tract. de lib. Eccles. Gallic. lib. 4. cap. 12.* fuerint elisæ, tum quòd testibus aliàs à me allatis, eas contra Isaurū censuras tam clarè affirmantibus, opponendi fuissent alij testes æquè clarè negantes, aut certè rationes validissimæ: dum tamen Elliesius non nisi testium de eadem re tacentium, vel ad summum alia, non tamen contraria, loquentium autoritate, vel conjecturis ad dimittendam communem hominum sententiam, parum potentibus, causam suam tuetur: uti *præallegatus* Author, rem hanc *ubi supra* exactiùs discutiendo, pluribus id ostendit, *ibi n. 9.* in hæc differens verba: Etiam si Launoius ( seu Elliesius modò ) testes adduceret expresse negantes, quas alij asserunt, Gregorij II. adversus Isaurum censuras, non obtineret, quod intenderet. Uti enim ex Iurisperitorum doctrinâ, jura cum juribus, sic testimonia cum testimonis concilianda sunt, dum inter se pugnare videntur, nec insolubilis est

contra.

12.

ex pag.  
26. n.

11.

contradictio. In hoc autem casu facillima esset concordia : certum enim est, Gregorium II. omni pacificâ ratione Imperatorem illum ad sanam rationem revocare conatum fuisse : unde de illo tempore intelligendi essent Scriptores, qui negarent, Summum illum Pontificem Imperatori tributa negasse : qui autem affirmant prohibitam illam solutionem, interpretandi sunt de ultimo tempore, quando scilicet constitit, nullam spem esse, Imperatoris convertendi, prout haud obscure id insinuavit Theophanes in *Chronologia* post Gregorij II. monita in Hæuro haudquaquam proficientia, subjungens ; tunc Pontificem *Italiæ tandem ac Romæ, tributa ad ipsum deferenda prohibuisse.*

13. Et hinc tam parum prodest Elliesij intentioni, quod Paulus Diaconus refert, impedivisse scilicet Gregorium II. ne Itali, rejecto Leone, alium sibi crearent Imperatorem, ut istud nostro potius deserviat intento, quatenus hinc redditur conspicuum, non in Italis, sed in Summo Pontifice fuisse potestatem, illum Imperatorem privandi, imperio vel ex toto, uti postea docetur factum à Zacharia Papa, vel ex parte, quoad vestigialium privationem ; prout fecerat Gregorius II, cui proinde Elliesius ( in eo duplicato Gregorij, Italos ab Imperatore alio creando coercentis, sed tamen per seipsum vestigialium spoliationem erga Hæurum decernentis, actu contrarietatem frustra etiam confingens ) per summam calumniam imponit,  
ac si

ac si ex hoc reus esset violatæ sanctæ Evan-  
gelicæ legis, quâ Christus iussit: *Cæsari, quæ  
Cæsaris, & quæ Dei sunt, Deo reddenda esse.* Num-  
quid enim authoritativam, quodcunque in ter-  
ris solvendi potestatem Petro, ejusque suc-  
cessori commissam exercendo, Christi Vica-  
rius reddit Deo, quæ Dei sunt, cui Divino Re-  
ligionis debito cedere, oportet, quodcunque  
terrestre jus, quantumvis Regium? At ipse-  
met *supra* fassus est, illam Ecclesiæ Clavium  
propriam solvendi potestatem, extendi etiam  
ad temporalia, quâ *moralitate*, extra debitum  
Dei cultum religiosum, exorbitante afficiun-  
tur. Hoc autem, sub ipso Imperatorij juris ad-  
versus sacras imagines enormissimo abusu, in  
Leone multis salutaribus Gregorij II. hortamen-  
tis ad meliorem frugem reduci nolente, eate-  
nus noscitur factum, ut propterea fuerit adver-  
sus ipsum lata excommunicationis censura,  
cum solutione Imperatorij quoque erga vesti-  
galia Italica juris. Quæ proinde vestigalium  
ejusmodi *privativa*, per Christi Vicariam pote-  
statem indicta solutio, tantæ fuerat efficacix,  
ut jus ejusmodi non amplius esset Cæsaris, sed  
per hujus authoritativam abdicationem fuerit  
Deo redditum, quod Dei erat, sive quod  
Divini honoris jus & ratio exige

bat.

## A R G V M E N T V M II.

Desumptum ex Childerici Galliarum  
Regis depositione.

14. **D**E Zacharia Summo Pontifice insignium  
Authorum est relatio, quod rogatus à  
Primoribus Francorum, Regem Childericum  
deposuerit, & in ejus locum Pipinum Caroli  
Magni patrem, Regem creari jussit. Cujus  
causa fuisse dicitur, quod propter Childerici  
socordiam, & Religioni, & Regno in Gallia  
extrema ruina imminere videretur.

## Exceptio Elliesij.

15. **E**Xcipit primò Elliesius *cit. dissert. 7. cap. 3.*  
*S. 3. à pag. 513.* liquere omnium Scriptorum  
testimonio, Merovingios, quorum ultimus fuit  
Childericus, amisisse omnem authoritatem, ac no-  
minetenus tantum Reges fuisse. Ad quod pro-  
bandum, is Parisiensis Doctor inducit Eginhar-  
dum in *vita Caroli Magni. Aimonium lib. 4. cap.*  
*66. Abbatem Urspergensis in Chronico ad an-*  
*num 753. Reginonem lib. 2. Chronicorum. Otho-*  
*nem Frisingensem lib. 5. Chronici cap. 21. Abba-*  
*tem Tudentem ad annum 754.*

16. *Secundò.* Scriptores ferme omnes uno con-  
sensu asserere, Zachariam tantum consultum  
esse à Gallis, uter, Childericus scilicet, vel Pi-  
pinus, habendus esset pro Rege, atque Ponti-  
ficem

ficem illum consulentis potius, quam jubentis, aut definientis in morem respondisse, inductis ad hoc probandum Eginhardo in *Annalibus ad annum 749. Aimonio lib. 4. de gestis Francorum cap. 61. Blondo Flavio lib. 10. Decadis 1. & pluribus alijs, ab eodem Elliesio relatis, ex quibus prætendit, constare, Legatos à Gallis Romam fuisse missos, non ut à Pontifice peterent, auctoritate illius regnum Childerico abrogari, & Pipino tradi, seque à sacramento fidei absolvi, quod procul dubio petijissent, si tunc hujusmodi potestatem habere Pontificem, fuisset persuasum.*

**Tertio.** Neque Childericum è folio dejectum, neque Pipinum in ejus loco fuisse electum à Pontifice Zacharia, sed ab universis Francis in Comitijs totius Regni; veluti constet ex Eginhardo in *Annalibus ad annum 750. Blondo Flavio lib. 10. Decadis, Reginone lib. 2. Chronic. Annalib. Francorum ad annum 750. pluribusque alijs ab Elliesio inductis historiographis.* 17.

Hinc **quarto** post tantam testium nubem, non posse in dubium revocari, quin Childericus non à Pontifice Romano, sed tantum ex ejus consilio, fuerit à Francis universis in Conventu publico depositus, & ab ijsdem, secundum antiquum Galliæ morem proclamatus, & in folio collocatus Pipinus, sicque adeo, dum quidam dicunt, Zachariam deposuisse Childericum, hoc, advertente Ioanne de Parisijs 18.

rijs cum Glossâ ordinariâ, exponendum esse, quòd Pontifex Statibus Franciæ, Childericum deponentibus, consenserit.

Responsio, ac retorsio harum Exceptionum refutatoria.

19.

**D**Um, mi Elliesi, in prima exceptione contendis, Merovingios, atque horum postremum Childericum, amisisse Regiam auctoritatem, ac nominetenus tantùm Reges fuisse, num per hoc intendis, Childericum aliâ, quàm publicæ auctoritatis, viâ fuisse solio regni spoliatum? At ipsemet hîc fateris, jus hæreditarium ad Regnum superfuisse Childerico? Quomodò igitur hoc jure suo privari justè potuisset, nisi per publicam auctoritatem ipsius etiam Summi Pontificis? uti Eginhardus in *vita Caroli Magni*, à te (regiminis Regalis actum & jus, in verbis tuis prioribus confundere viso) perperam allegatus, apertissimè scribit: *Gens Merovingiorum, de qua Franci Reges sibi creare soliti erant, usque ad Childericum Regem, qui jussu Stephani Pontificis Romani depositus, ac detonsus, atque in Monasterium detrusus est, durasse putatur. Pipinus autem per auctoritatem Romani Pontificis ex præfecto palatij Rex constitutus. Cui adstipulantur Annales Francici ad annum 749. & 750. ubi dicitur: Hoc anno, secundum Romani Pontificis sanctionem, Francorum Regem appellatum, & unctum esse Pipinum, Childerico in Monasterium misso.*

Ex Gallis equidem recentioribus, inter loca 20.  
*vite Caroli Magni*, & præinfluata loca *Annalium*  
*Francicorum* contradictionem, uti putat, ferè in-  
 superabilem opponit adversarius, quòd in *vita*  
*Caroli Magni* destitutio Childerici, & institutio ex pag. 86. n.  
 Pipini tribuatur Stephano Papæ, in *Annalibus* 21.  
 verò Zachariæ. Sed imaginaria hæc contradi-  
 ctio ex se ipsâ evanescit, dum ex libelli de *Ma-*  
*ioribus Domûs Regiæ* non mutilè, sed integrè pro-  
 latis verbis liquet, rem à Zacharia sub finem  
 Pontificatûs sui inchoatam, à Stephano ejusdè  
 successore perfectam, aut confirmatam fuisse.

Ex præadductis porro Eginhardi integerrimi 21.  
 Authoris, nec non *Annalium Francicorû* ver-  
 bis, pro secundo, manifestè constat, non de con-  
 filio duntaxat Romani Pontificis, sed hujus jus-  
 su, sive per hujus auctoritatem, fuisse Chil-  
 dericum dejectum, Pipinum verò evectum ad  
 Regale solium. Quemadmodum id *Annales*  
 præfati ad annum 749. emphaticè describunt,  
 asserendo equidem, Burchardum VVirziburgen-  
 sem Episcopum, & Idradum Presbyterum Capella-  
 num missos esse ad Zachariam Papam, ut ip-  
 sum consulerent de causa Regum: attamen mox  
 subiicit. Per hos Legatos prædictum Pontificem  
 mandasse, quòd melius esset, illum vocari Regem,  
 apud quem summa potestatis consisteret, datâque au-  
 thoritate, jussisse, Pipinum Regem constitui. Quem  
 loquendi modum tenent insuper Regino, Ortho-  
 Frisingensis, Abbas Urspergensis locis ab ipso-  
 mer Ellieio allatis, uti etiam Sigebertus in  
 Chro-



*Chronico*, Paulus Æmilius post Otthonem Frisingensem, dicens insuper, populum à jramento fidelitatis à Pontifice absolutum fuisse.

22.

ex cit.  
pag.  
86. n.  
1.

Quæ tamen universa elidere nititur Ellicius: Cum ÿdem, inquiens, Scriptores responsionem Pontificis, Gallorumque petitionem ita referant, ut pateat, consilium solummodo à Gallis questum, & à Pontifice datum esse: reddi hinc consequens, quòd, cum dicunt: Pipinum jussu & autoritate Pontificis factum esse Regem, nihil aliud sibi velint: quàm eum Gallis fuisse authorem, ut id fieret: siquidem & consilium veniat persape nomine imperij, & quod ex alicujus consilio est factum, dicatur ex ejus autoritate factum. Sed quis videat, eam expositionem violentam, & perquam tortam esse? Quis ex illis luculentissimis verbis Authorum non inferat, Summum Pontificem illi consilio à se postulato adjunxisse autoritatem? Quid enim aliud sonant ea verba, quibus dicitur: *Jussu Stephani Romani Pontificis, depositus fuisse Childericus, datâque autoritate suâ jussisse, Pipinum Regem constitui, ac secundum Romani Pontificis sanctionem Pipinum Regem Francorum esse appellatum?* Quandoquidem proinde luculentissimum testimonium Eginhardi solum etiam sufficeret, quia eo tempore vixit, & quia rem narratam ignorare non potuit, eâque sinceritate scripsit, ut fides ei negari non debeat, id ipsum nihilominus confirmant Aimonius in lib. 4. de gestis Francor. cap. 61. Regino Prumiensis Abbas in lib. 2. *Chronic.* Marianus

nus Scotus in lib. 3. *Chronic.* Otto Frisingensis in lib. 5. *hist. cap. 21.* Abbas Urspergensis in *Chronico.* Sigebertus in *Chronico* ad annum 750. Paulus *ex pag. 87. n. 6 & 8.* Æmilius in lib. *histor. Franc.* Fredegarius Scholasticus in *fine Chronici.* Guillelmus Nægius in *Chronographia* manuscripta. Robertus Gagvinus in lib. 3. *hist. Franc.* Carolus Sigonius in lib. 3. *de Regno Italico.* Quâ proinde ratione tot testimonijs, ex parte adversa, alio ù quorundam Scriptorum, vel etiam unius Anastasij, uti apud Launoium videre licet, silentium anteponitur?

Ea igitur Elliesij miserrima profectò cavillatio, quâ verba illa, *Mandatum, jussio, authoritas, sanctio*, & similia, quibus Scriptores utuntur, cùm de Summi Pontificis ea in re partibus loquuntur, denotare tantùm *consilium*, interpretatur, ex ipsorum locorum imperturbato mentis oculo, ac sinè præpostero affectu lectorum, contextu dissolvitur. Et verò, cùm ipsimet etiam Adversarij negare minimè audent, de consilio, imò & consensu Pontificis depositum esse Childericum, ac subrogatum Regem Pipinū, num fas est dicere, consilium istud, seu consensum non fuisse authoritativum, nixū scilicet Christi vicariâ authoritate, de qua sæpius disseruimus, ac ulterior redibit sermo? Nisi enim Proceres, & Status Francici eâ in re ad istam Christi vices in terris agentem authoritatem, in Romano Pontifice respexissent, ut quid ad eum, recursum propterea haberent, dum, ubi ad Reipublicæ suæ duntaxat Bonum

R. essent

essent intenti, ex se ipsis longè fuissent aptiores, ad consilium publico Regni sui Bono coaptatum, communibus suffragijs capiendum?

25. Hinc pro tertio, intentioni nostræ necquidquam refragatur illa Elliesij exceptio, quâ prærendit, *Childericum è solio dejectum, ac Pipinum ejus loco ab universis Francis in Comitijs totius Regni subrogatum fuisse.* Inprimis enim, quomodò istud cohærere posset cum prætenso illo principio, quo Regia potestas asseritur esse *immediatè à Deo*, nisi ab hac distingui assereretur Regalis dignitatis collatio, in tantum, ut illa sit quidem juris *Divini*, hæc verò subjaceat humanis quoque dispositionibus & ordinationibus? Si porro Regiæ præminentia ad certum individuum suppositum applicanda, ab hominum dispositione dependens ordinatio, spectetur ex fine politici duntaxat regiminis, ad quid Comitia Francica expectassent seu consilium, seu jussionem Romani Pontificis, nisi ex parte hujus esset autoritas protendi potens super ipsissimum illum Regiæ seu depositionis, seu evectionis actum politicum, non equidem quâ politicum, sed quâ supervestitum *moralitate* in regnum cælorum ordinabili, ut sic ipso etiam Elliesio fatente, subordinationem habente erga Apostolicam Romani Pontificis auctoritatem.

26. In Statibus equidem politicis Regni Francici, ipsemet Elliesius reponit, vigere morem deponendi Regem ineptum, atque idoneum huic

huic subrogandi potestatem, ex quo autem rationis fundamento istud subsistere valet, nisi per rationem publici Boni, exigentis Regem aptum politico regimini administrando? Num verò ista publici Boni in regimine etiam politico curandi obligatio, & sollicitudo in Statibus Regni Francici stare poterat absque *moralitate* in Regnum eorum vel ordinabili, vel deordinabili secundum ipsum etiam Elliesium, subjecta fori quoque *externi* potestati Ecclesiasticæ? Numquid ergo ex hoc respectu, tum multò magis eâ ex ratione, quòd Ecclesiæ quoque sanctæ necessitas exigere videretur Regem Franciæ, qui sacræ etiam Religionis curam gereret, Papa seu iussionem, seu sanctionem, seu mandatum, seu consilium illa de re facturum, intentum esse debuit in suam Apostolicam, de quocunque *moralis* super terram solvendo authoritatem? Ex qua proinde est meritò dicenda, facta fuisse Regiæ, quâ *moralitate* ejusmodi vestitæ sublimitatis solutio, ejusdem intra hoc suppositum peremptoria, ac translativa in Pipinum.

## §. 11.

*Quantum momenti sit in argumentis desumi solitis ex Imperij Occidentalis à Grecis ad Francos, indeq. ad Germanos translatione, nec non septem Electorum institutione factâ per authoritatem Pontificiam?*

## ARGUMENTUM I.

Ex translatione Imperij à Græcis  
ad Gallos.

27. **H**Oc argumentum ita proponitur à Bellarmino. *Septimum Pontificiæ supra Reges etiam exauthorandos, potestatis est exemplum Leonis III. qui Imperium transtulit à Græcis ad Germanos, propterea, quòd Græci nullum auxilium laboranti Ecclesiæ Occidentali afferre possent. Imò, quòd Imperatores Græci in hæresin prolapsi, eandem etiam pertinaciter tuendo, infesti essent sanctæ Ecclesiæ hostes. Cujus translationis æquitatem & justitiam, ait Elliesius, solere insuper probari ex omnium Occidentis Regum, qui Carolum Magnum pro vero, & legitimo Imperatore agnoverunt, judicio.*

## Exceptio Elliesij.

28. **E**Xcipit hic Author. Quanta sit hujus exempli ad propositum negotium inutilitas, atque futilitas, statim dignosci, cum Pontifex Romanus nihil omnino juris, aut terrarum Carolo dederit, aut Imperatori Græco abstulerit: sed merum nomen Imperatoris, idque non solus ipse contulerit, sed simul cum populo Romano, cujus nomine, velut præcipuum ejus membrum, egit. Nam primò diu antea, quam Carolus Imperator nominaretur,

retur, Græcus à dominio Provinciarum Occidentis exciderat, & Carolus jure successionis, aut armorum, dominus erat Galliæ, Germaniæ, Pannoniæ, partis Hispaniæ, & maximæ partis Italiæ, ac præsertim Urbis Romæ, quæ sedes erat Imperij. Itaque nomine Imperatoris adepto, ditio rem non esse factum Carolum, nec quidquam Græco Imperatori ablatum esse: ac proinde, etiamsi Leo solus Imperatorium nomen dedisset Carolo, non inde sequi, Romanum Pontificem aliquid in temporalia juris habuisse. Quantumvis proinde electio ista, seu potius tituli Imperatorij collatio, à nonnullis Scriptoribus Leoni, ut Civitatis Romanæ Principi tribuatur, ab alijs tamen referri acceptam ex beneficio Procerum, & populi; Annalibus Francorum ad annum 801. contestantibus: Leonem Papam capiti Caroli imposuisse coronam, & à cuncto Romano populo acclamatum esse, Carolo Augusto, à Domino Coronato, & pacifico Imperatori vita & victoria. Iisdem verbis id narrari à Monacho Engolismensi in vita Caroli Magni. Aimonio lib. 5. cap. 31. Adone in Chronico etate 6. Gofrido Viterbiensi in Chronico, & Otone Frisingensi.

Nec juvare, si cum Bellarmino opponatur: 29.  
In præallegatis Francorum Annalibus in eo negotio non aliam fieri mentionem Romani populi, nisi acclamantis, & quidem non ante, sed post coronationem, à Pontifice Leone III. peractam. Nam contra hoc replicat Elliesius prætaetus, notum es-

se, quodd olim Imperatores Romani per hujusmodi acclamationes à militibus & populo electi fuerint, cum prius à privatis fuissent propositi, & tamen eorum electio non ei, qui proposuerat, sed universis militibus, & populo fuisset attributa: imò acclamationes istas arguere non modò præsentem, sed etiam præcedentem populi consensum.

30.

*Secundò.* Pontificem coronam Imperatoriam imponendo Carolo, egisse vices omnium Romanorum, velut præcipuum Civitatis membrum, unde multos historicos ne Leonem quidem nominare, sed dicere, à Romanis tantum fuisse nominatum Carolum Imperatorem: ita facere Marianum Scotum *lib. 3.* Lambertum *ad annum 801.* Lupoldum Bambergensem *lib. de jurib. Imperij.* Asserere Blondum Flavium *Decade 2.* Leonem Pontificem coronasse Carolum Imperatorem scito, precibusq; populi Romani. Similia habere Æneam Sylvium *in epitome Blondi de ortu Imperij cap. 9.* Philippum Bergomatem *lib. 2. in supplemento.* & plurimos alios ibi relatos. Ex quibus proinde constare, Carolum Imperatorem esse declaratum precibus, consensu, votis, scito, & acclamationibus populi Romani. Nec esse, quodd Bellarminus opponat, aliquos ex prætactis Historicis, ac præter hos, Cedrenum, Zonaram, Paulum Diaconum, Eginhardum, dicentes, Carolum à Leone Imperatorem esse factum, aut declaratum, & ab eodem inunctum, atque coronatum: cum non repugnet, Leo-

Leonem id dici fecisse, quod non solus fecit, nec suâ tantum authoritate, sed vices agens populi Romani, & velut voluntatis ejus ac judicij executor, aut etiam velut Romanorum primus & præcipuus.

*Tertiò.* Quod spectat ad coronationem & inunctionem, certum esse, illas esse meras cæremonias ad Imperij substantiam non pertinentes, quas in Gallia erga Regem Christianissimum ab Episcopo Rhemenſi, in Anglia verò erga hujus Regem ab Episcopo Cantuariensi perfici, neque tamen dici posse, ab istis Episcopis fieri, aut constitui Reges: quemadmodum Justinum quoque Imperatorem à Joanne Constantinopolitano jam coronatum, post sex nihilominus annos voluisse adhuc coronari ab Episcopo Romano. Quare coronationem non facere Imperatorem, nec dare jus ad Imperium, sed supponere eum, qui coronatur, jam esse Imperatorem, aut Regem, habereque aliunde jus ad Imperium. Itaque Carolum Magnum jure successionis & armorum, possedisse Occidentis Imperium, atque ab universo populo Romano accepisse nomen Imperatoris, à Leone verò coronationem & inunctionem.

Neque alicujus valoris esse iteratam Bel-  
larmini oppositionem, quòd, licet Carolus Re-  
gnum Longobardorum armis obtinuerit, Romanos  
tamen nunquam bello vicerit, nec proinde eorum Rex  
fuerit, sicq; adèò Regna Occidentis, non tamen Im-  
perium sibi paraverit. Nam hoc ita elidere ni-



titur Elliesius, Carolum nempe Romanos non bello sibi subjecisse, sed ab his ultrò fuisse agnitum supremum Dominum : quamvis enim isti suis legibus se regerent, supremam tamen potestatem fuisse penes Patricium & Imperatorem. Quod addit Bellarminus : *Carolus sibi parasse Regna Occidentis, non autem Imperium*, idem Elliesius refellit, reponendo, id verum esse, si Imperij nomine nudum Imperatoris nomen intelligatur, non autem, si eo nomine importetur dominium & potestas in terras Imperij. Adhuc, cum Imperium Occidentis jam diu vacaret, divisumque esset inter multos Regulos, haud dubium esse, quin Carolo debitus fuerit Imperij honos, cum omnes Regiones, quæ prius Imperium Occidentale componebant, sibi subjecisset, quem tamen nomen istud Imperatorium sibi non arrogasse, sed maluisse, istud habere à populo Romano, & à Pontifice, tanquam uno è præcipuis Romanæ Civitatis Proceribus.

### Refutatio istarum exceptionum.

33. **T**otum præsentis quæstionis punctum reducitur in hoc punctum ; *An tempore Caroli Magni declarati Imperatoris coronationem præcedente, penes Imperatores Græcos subsisterit aliquod jus erga Occidentis Imperium ? Et cui fuerit potestas, hoc jus à Græcis adimere, sicq; transferre in Carolum Franciæ Regem ? In quo ipsius morem*

morem volo Elliesium, quod *supra* circa Leonis Isauri excommunicationem, ex Paulo Diacono lib. 6. de gestis Longobardorum cap. 49. retulerit: Gregorium II. impedivisse, ne Itali alium sibi Imperatorem crearent, eo rejecto. Quod si verò ijs temporibus nihil juris in Græcis Imperatoribus superfuerat erga Occidentis Imperium, quodnam ex iuris ratione subesset obstaculum, ne Itali tunc alium sibi crearent Imperatorem, si ex sola etiam populi Romani acclamatione legitimè substitisset collatio tituli Imperatorij? uti Elliesius contendit in prima præsentis exceptione sua, deinceps tamen sibi met contrarius, in sequenti tertia & quarta exceptione conatus est evincere, quod nomen, non jus Imperatorium fuerit Carolo impertitum à Romano populo.

Quod equidem, si verum obtineret, quomodo rursus fuisset locus argumentationi Elliesij, circa præactam Isauri excommunicationem, subinferentis, si Gregorius II. tentasset, hunc Imperatorem Græcum vectigalium ab Italis & Romanis debitorum jure spoliare, reum futurum fuisse violati Dominici præcepti de reddendo Cæsari, quod esset Cæsaris? Unde enim hoc jus superesse poterat Græcis, nisi ex jure Imperij? Hoc igitur in Græcis Imperatoribus non ampliùs tunc subsistente, quomodo ejusdem temerati reus proclamari potuisset ille sanctissimus Pontifex, quando Itaurum spoliasset vectigalibus, in quæ nullum jus habuisset?

buisset? Sic adeò, mi Elliesi, contradictione, quibus te ipsum involvis, manifestam faciunt linguam tuam, aberrantem à veritatis semitâ. Sed hoc misso, dum ex ore & calamo tuo jam constat, proximè ante, quàm Carolus Magnus potiretur titulo Imperatorio, hujus jus extitisse penes Græcos Imperatores, via jam panditur alteri prætaetæ nostratis disquisitionis membro, *penes quem scilicet potestas fuerit, Ius Imperij Occidentalis à Græcis adimere, & transferre in Carolum Franciæ Regem?* Cui quæsito responsurus prius duxi discutiendas Elliesij exceptiones.

35. Primò igitur huic Authori detrahenda est larva, sub qua in prima sua exceptione contendit, diu ante, quàm Carolus imperator nominaretur, Græcum à dominio provinciarum Occidentis excidisse, & Carolum jure successionis, aut armorum dominum fuisse Gallie, Germaniæ, &c. maximeq; partis Italiæ, ipsius etiam Romæ Sedis Imperij. Sed quâ inprimis autoritate, quo insuper belli iusti titulo, Caroli arma sunt illata in Italiam, nisi ex causa subigendi hostes Ecclesiæ? Quâ de causâ ab ipsomet Romano Pontifice in Italiam accersitus est Carolus, sicque adeò armorum istorum iustitia fundabatur tum super autoritate Papæ, tum super hostilibus infestationibus, non Francico Regno, sed sanctæ Ecclesiæ illatis; uti notissimum est ex historijs, quas hîc repetere, nimis longum foret. Quia verò vis armorum tunc minimè tangebatur Græcos Imperatores, sed Reges, seu Regulos Italiæ,

liæ, Regiam quampiam, minimè tamen supremam Imperatoriam potestatem in suis ditionibus exercentes, quo jam justitiæ titulo Imperatores Græci, qui nullam justitiam contra se belli causam præbuerant, jure suo Imperatorio spoliari potuissent à Carolo? Hinc ergo Elliesij larva detegenda venit, sub qua nempe dominia jure vel successionis, vel armorum à Carolo Francorum Rege possessa, confundit cum Imperiali Occidentis jure, Græcis pro tunc minimè adempto; uti ostensum fuit.

At videamus, quid adminiculi sibi accersat Elliesius tum ex Annalibus Francicis ad annum 801. asseverantibus: *Leonem Papam capiti Caroli imposuisse coronam, & à cuncto populo acclamatum esse: Carolo Augusto, à Domino coronato Magno, & pacifico Imperatori Romanorum vita & victoria.* Tum ex paribus verbis Monachi Engolismensis in *vita Caroli Magni.* Aimonij lib. 5. cap. 31. Adonis in *Chronico* ætate 6. Godfridi Viterbiensis in *Chronico*, & Ottonis Frisingensis. Ipsa equidem Annalium Francicorum, & consequenter reliquorum Authorum ab Elliesio allegatorum, pariter loquentium verba, dum populi Romani acclamationem Caroli coronatione, utpote titulum Imperatorium vel supponente, vel conferente, posteriorem asserunt, ex evidentissimâ sui claritate nullatenus admittunt, ut illa populi Romani acclamatio dici queat importasse tituli Imperatorij collationem: quam ab ipsomet Leone Pontifice

36.

ex pag.  
46. n.  
98.

tifice factam apertis verbis testantur tum Abbas Urspergensis in *Chronico* ad annum 796. dicens; hunc Papam fecisse Carolum Imperatorem: tum Lupoldus Bambergensis in *proemio libri de juribus Imperij*. asseverans: *Translationem Imperij de Græcis Imperatoribus ad Reges Francorum, & ad Germanos, esse factam per sacrosanctam Ecclesiam*. Tum Spondanus Gallus non tantum referens, sed approbans, quæ Baronius de hac translatione scripserat (uti patet ex Appendice minusculis scriptâ) sic locutus: *Non tantum Eginhardus, aut Anastasius de collata per Romanum Pontificem dignitate Carolo Magno, sunt testes, sed fatentur id ipsum Latini omnes, & Græci Authores*. Nisi ergo in sensum sibi (uti visum est) haud coherentem, torqueantur Authorum ejusmodi verba, prorsus dicendum est, juris Imperatorij à Græcis in Occidente abdicationem, & in Carolum Francorum Regem translationem, niti autoritate Romani Pontificis.

37. Verum pro secundo videamus, quid energiae contineatur in Lupoldi Bambergensis (cujus tamen mentem jam supra manifestam feceramus) Mariani Scoti, Blondi Flaccij, Æneæ Sylvij, Philippi Bergomatis, & aliorum Authorum verbis asseverantium: *Leonem Pontificem coronasse, seu declarasse, seu nominasse Carolum Imperatorem precibus, consensu, votis, scito & acclamationibus populi Romani?* Illa namque verba consensûs, sciti, & voti æquivoca sunt, ut sonare possint.

re possint vel subjectionis, vel superioritatis consensum, seu scitum & votum. Num verò in Romano populo pro illis temporibus fingere licet jus superioritatis, ad titulum Imperatorium authoritative decernendum & conferendum, quando adhuc extiterat in Græcis Imperatoribus, ut ipsi etiam Romani ea propter (uti *superius* ostensum fuit) illis pendere deberent annum vestigal, Imperatoriæ erga se superioritatis manifestè recognoscitivum? Ex altioris igitur præminentia jure poterat unice factum esse, ut istud Græcorum Imperatorum jus supremum ipsis adimeretur, & in aliùm transferretur, indeque populus Romanus non jam superioritatis, sed debitæ erga Carolùm à Leone Pontifice coronatum Imperatorem subjectionis, seu reverentialis approbationis, non verò collationis authoritivæ consensum, scitum, & votum acclamationibus suis contestaretur.

Audi, hâc super re, quid ea propter fuerit 38.  
actitatum inter Basilium Macedonem, Orientis Imperatorem, & Ludovicum II. Caroli Magni Pronepotem. Nempe ille Orientis Imperator ad dictum Occidentis Imperatorem dederat litteras, quibus cum præfato Ludovico acriter conquestus est: *quòd dignitatem, & nomen Imperatoris & Basilei usurparet; unum tantum Imperatorem esse, qui Orientali, & Occidentali imperet: rogavit, hoc nomine deinceps abstineret, sibi, nec alijs debito.* At Ludovicus Constanti-

no.

nopolim misso Legato Autprando cum litteris à Baronio ad annum 971. recitatis, inter alia scribebat in hunc modum: *Et ipsi patrum nostri gloriosi Reges absque invidia Imperatorem nos vocitant, attendentes ad unctionem, & sacrationem, quæ per Summi Pontificis manus sumus ad hoc culmen evecti.* Quid ni ergo Ludovicus jus belli, vel electionis, & collationis authoritativæ à populo, Senatuque Romano in se factæ prætendisset, si isti tituli de jure fuissent eidem suffragati? At de his omnino tacer, solamque Pontificis Summi authoritatem prætexit.

39.

Pergit proinde Ludovicus ita compellere Basilium: *Prætereà mirari se dilecta tua fraternitas significat, quodd non Francorum, sed Romanorum Imperator appellemur, sed scire te convenit, quia nisi Romanorum Imperator essemus, utique nec Francorum, à Romanis enim (non quæ Collatoribus Imperatoriæ dignitatis, sed quæ huic subiectis, uti ex antecedentibus patet, & adhuc constabit ex earundem litterarum contextu) hoc nomen & dignitatem assumpsimus, quorum gentem & Urbem Divinitus gubernandam (en subjectionis clarum argumentum hîc suggestum) & matrem omnium Ecclesiarum Dei defendendam, atque sublimandam suscepimus, ex qua vel regnandi prius (operâ scilicet Zachariæ Pontificis à Childerico Regnum Francicum in Pipinum transferentis) & postmodum imperandi authoritatem (mediante adeo Summo sanctæ Ecclesiæ Pontifice) prosapie nostræ seminarium sumpsit.* Nam Fran-

CORUM

corum Principes primò Reges, deinde verò Imperatores dicti sunt ij duntaxat, qui à Romano Pontifice ad hoc oleo sancto perfusi sunt &c. præsertim cum tales sæpe ad Imperium sunt asciti, qui nullâ Divinâ operatione per Pontificum ministerium propositi, solùm à Senatu, & populo Imperatoriâ dignitate potiti sunt: nonnulli verò non sic, sed tantùm à militibus sunt clamati, & in Imperio stabiliti, aut alio modo ad Imperij Romani sceptrâ promoti sunt. Quid ni meritò hîc sistamus, expendendo diversos Imperatoriæ dignitatis collationis modos eatenus discerni, ut, qui supremi hujus juris titulus accrevit stirpi Caroli Magni, non reducat in populum Romanum, sed in Summum, duntaxat Ecclesiæ sanctæ Pontificem? Unde pergit Ludovicus in dictâ suâ epistola ita scribere: Porro, si calumniaris Romanum Pontificem, quòd gesserit, calumniari poteris & Samuel, quòd spreto Saule, quem ipse unxerat, Davidem Regem inungere non renue-rit. Sed interim, si paginas revolvās Græcorum Annalium, & si, quæ à Vestratibus Pontifices Romani pertulerunt, perscruteris, profectò invenies, unde illos justè non valeas redarguere: unde meritò apostatis desertis, adhæserunt genti adherenti Deo, & ipsius Regni fructum facienti. Ex quo adeò solidissimo ejus Occidentalis Imperatoris fundamento jam elucet summæ æquitatis ratio, per quam Leo Pontifex Imperium à Græcis ademptum, transtulerit in Caroli Magni personam, ac prosapiam.

Quod adeò Pontificiæ supra Regum & Impera-



peratorum jura, quâ moralitate in Regnum cælorum vel ordinabili, vel deordinabili super-vestita, protentæ authoritatis fundamentum à Ludovico Imperatore *supra* insinuatam, pro *tertio* videre licet accuratiùs deductum *preced.* 2. cap. §. 4. n. 8. & §. 5. n. 7. Cujus summa ad hoc reducitur principium, ut, quia jus Imperij Christiano homini appropriatum, ex sui ad regnum cælorum ordinabilitate computari debet inter illa *Quæcunque super terram Moralia*, ligandi & solvendi potestati Pontificiæ concedita, secundum quod publica Ecclesiæ, ceu militantis cælorum Regni necessitas exigit; consequenter Leo III. ex sui pastoralis muneris authoritate, virgâque coercitivâ, Græcos Imperatores hæreticos, Ecclesiæ sanctæ, ejusque Orthodoxæ Religioni infensos, legitimè spoliârit jure Occidentalis Imperij, atque hoc transtulerit in Carolum Magnum, ejusque prosapiam, de quibus spes esset, faciendi fructus ejus regni cælorum, nempe militantis Ecclesiæ.

41. Neque jam locus esse potest *tertiæ* Elliesianæ exceptioni ex eo petitæ, quòd Caroli Magni per Leonem III. facta coronatio fuerit nuda quædam *cæremonia*. Etenim cum ista cæremonia, si fiat per Episcopum aliquem (cui non est jus conferendi seu Regalis, seu Imperatorij juris) præsupponat, hoc alio legitimo titulo jam collatum esse, semper redibit quæstio; Penes quem fuerit potestas *authoritativa*, Occidentis Imperium à Græcis adimendi, & in Carolum Magnum, ejusque

que prosapiam transferendi? At ipsemet Ellicsius in hâc ultimâ exceptione suâ faterur, supremam Urbis potestatem non penes populum eo tempore substituisse, sed penes Patrium & Imperatorem. Quia proinde Carolus Francorum Rex, juxta historiam in antecedentibus allatam, erat à Pontifice Romano denominatus Patrius, num ipsi Carolo ex tunc fas fuisset, se ipsum declarare Romanorum Imperatorem? At hoc Carolus sibi haudquaquam arrogabat, sed ipso Ellicsio adhuc fatente, respectum debebat habere erga Imperatorem, penes quem existeret suprema Urbis potestas. Quis verò alius ante Caroli coronationem reputabatur Imperator, quàm Græcus? Quomodo igitur Romano populo fas esse potuisset, ut Imperatorem Græcum exauthoraret, dum nē quidem penes Carolum substituerat pro tunc legitimus titulus ad illum jure belli exauthorandum? Nulla ergo superstes apparet potestas politica, Imperatoriâ Græcorum dignitate superior, quæ hanc exauthorare valeret, sed unica Apostolica in Romano Pontifice supererat auctoritas, quæ, uti locis præinsinuatissimis probatum est, suâ super *Quocunque Morali solvendo & ligando*, protensâ potestate, uti etiam per Ecclesiæ virgam tum correctoriam, tum coercitivam tali indefinitæ Cujusque Moralis solvendi auctoritati conjunctam, facere prævaluerit solutionem Imperatoriæ, intrâ Occidentem dignitatis, in Græcis peremptoriam, ex causis gravissimis

um discriminum Ecclesiæ sanctæ ab ipsis im-  
minentium, de quibus avertendis unica super-  
erat spes ex Carolo Francorum Rege, aliàs  
e Ecclesia optimè merito, ejusque deinceps  
Regali prosapiâ; uti eleganter insinuabant  
præallegatæ Ludovici Imperatoris erga Basi-  
lium Orientis Imperatorem litteræ, ipsomet  
etiam Ellicio, *ubi supra* fatente, ubi res etiam  
temporalis est conjuncta cum peccato, tunc  
ratione peccati, subesse Notioni Ecclesiasticæ,  
quam ipsi tamen nefas fuit, coarctare infra  
sphæram à Christo constitutam super *Quocun-  
que in terris, Morali*, pro meritis causæ vel sol-  
vendo, vel ligando.

## ARGUMENTUM II.

Petitum ex septem Imperatoris Electo-  
rum institutione factâ per Roma-  
num Pontificem.

42.

**E**X Bellarmino sequens pro instituto præ-  
senti inducitur argumentatio. Nempe  
*octavum* Pontificiæ supra Imperatoriâ dignitate  
potestatis exemplum est Gregorij V. qui san-  
ctionem edidit de Imperatore per septem  
Germaniæ Principes eligendo. Quod ita  
esse, probatur per Blondum *Decade 1. lib. 3.*  
*Nauclerum Generat. 34. in vita Gregorij V.* alios-  
que multos Historicos, Magdeburgensibus id  
etiam asserentibus. In hujus argumenti con-  
firma-

firmationem adfertur Innocentij III. constitutio in Cap. Venerabilem. De elect. relata, ita se habens: Verum illis Principibus & jus, & potestatem eligendi Regem; in Imperatorem postmodum promovendum, recognoscimus, ut debemus, ad quos de Iure, & antiqua consuetudine noscitur pervenire, praesertim cum ad eos jus & potestas hujusmodi ab Apostolica Sede pervenerit in persona magnifica Caroli, qui à Græcis transtulit Imperium in Germanos. Adducitur in hunc quoque finem Clementina Romani Principes. De jurejurando, edita in Concilio Viennensi sub his verbis: Ecclesia Romana à Græcis Imperium transtulit in Germanos, & ab eadem ad certos eorum Principes sancitum est jus & potestas eligendi Regem, in Imperatorem postmodum promovendum.

## Exceptio Elliesij.

EXcipit hic Author I. illum Canonem Venerabilem, non posse intelligi de Imperij Electoribus, eo saltem modo, quo Canonem illum exponit Jordanes in Chronico docens, à Carolo Magno de consensu & mandato Romani Pontificis præceptum esse: Vt Imperium Romanorum apud electionem Canonicam Principum Germaniæ in perpetuum remaneret. Etenim hanc opinionem, si intelligatur de septem Electoribus, defendi non posse, cum constet, hos diu post Carolum Magnum fuisse institutos. Deinde etsi de Principibus Germanis omnibus id

intelligatur, tam falsum esse, *eam potestatem eligendi Imperatorem, ipsis esse à Pontifice collatam,* quàm falsum est, ejus solius autoritate esse Imperium translatum ad Germanos. Ut enim jus electionis Imperatoris Sedes Apostolica in Germanos Principes transtulisset, prius debuisse illud habere. Inauditum verò esse, quòd Romanus Pontifex solus ullum unquam Imperatorem elegisset. Nec verò quemquam movere debere iudicium Innocentij, utpote in sua causa loquentis. Quòd si tamen quis nollet prorsus rejicere, posse explicari, quasi diceretur: jus istud à Romano Pontifice in Germanos esse translatum nomine totius Romanæ Civitatis, quæ istud jus habebat. Certum namque esse, quòd ante Carolum non Germanorum Principum, sed Romanæ Civitatis fuerit, creare Imperatorem. Post Carolum verò Principes Francos & Germanos in electione præcipuas partes habuisse, hoc autem fieri non potuisse sine Romanæ Civitatis consensu, ejusque Episcopi, qui, cum primus Princeps illius esset, eam in istis negotijs repræsentasse.

44.

Hinc, quando in Clementina Romani Principes. De jurejurando. inducitur Concilium Viennenſe asseruisse: *Quòd Ecclesia Romana à Grecis Imperium transtulerit in Germanos, & ab eodem ab certos eorum Principes derivatum sit jus & potestas eligendi Regem, in Imperatorem postea promovendum; debere hoc eatenus accipi, quatenus*

id

id Romanæ Ecclesiæ, non solius adeò Pontificis consilio, auctoritate, & suffragio factum sit. Quòd si verò illud Concilij Viennensis dictum cuipiam videatur aliquid amplius asserere, respondendum fore, quod de professo decretum & determinatum est à Concilio, non autem illud, quod narrando dictis inseritur, cujusmodi esse præadducta illius Clementinæ verba: præcipuè cum ejus Concilij decreta à Pontifice Clemente V. sint concinnata, non ab ipso Generali Concilio emissa.

Secundò excipit Elliesius. Incertum esse, quando, quomodo, & à quo septem Electores in Imperio fuerint instituti. Esse namque Scriptores, ut Jordanem præcitatum, qui hanc Electorum institutionem tribuant Carolo Magno. Sed hanc opinionem ab omnibus haberi falsam, cum successores Caroli non à certis Germaniæ, sed ab omnibus Franciæ Principibus electi fuerint. Alios Historiographos ejus institutionis Authores asserere Principes Germaniæ: alijs econtra, veluti Blondo, Nauclero, Platinâ eam tribuentibus Gregorio V. Alijs porro, nempe Aventino & Onuphrio eandem Gregorio X. adscribentibus, probando etiam, septem Electores non ante fata Friderici fuisse institutos. Nonnullis insuper arbitrantibus, illam institutionem partim Gregorio V. partim Othoni III. partim Principibus Germaniæ tribuendam esse, quia cum hos omnes diverso modo ea institu-

45.

tio tangat, ab omnibus approbari debuisse. Baronio tandem primam septem Electorum institutionem attribuentem Innocentio IV. unâ & Generali Lugdunensi Concilio: quamquam in hoc alij recenseantur septem Electores, quam nunc sint, & olim fuerint: hi enim sunt *Moguntiensis, Treivrensis, Coloniensis, Palatinus, Saxo, Brandenburgensis, & Bohemus*: cum e contra, qui à Concilio Lugdunensi recensentur, hi sint: *Duces Austriae, Bavariae, Saxoniae, & Brabantiae, ac Episcopi Coloniensis, Moguntinensis, & Salisburgensis*. Ad cujus adeò incertitudinis tenebras dispellendas, oportere, ut consideretur, ad quos Imperatoris electio diversimodè pertinuerit. Ante translationem namque Imperij hanc spectasse ad Senatum, populumque Romanum: quamvis plerumque exercitus elegerit Imperatores, qui tamen Senatûs, ac populi consensu retinebat Imperium. Verùm post Imperij translationem, Carolum Magnum (veluti à se probatum sit) ab universo populo Romano, Authore Pontifice, electum esse Imperatorem. Cujus successores Imperium jure hæreditatis, tum etiam ex prævia Principum, ac Procerum Imperij electione, sibi vendicasse.

46.

Ultimum è Caroli Magni sanguine Imperatorem fuisse Ludovicum III. Arnulphi filium, qui prole carens, à Berengario Veronæ victus, vitam & Imperium amisit. Hinc Imperium ruere cœpisse, dum Itali ac Romani pro

Im.

Imperatoribus ac Regibus agnoscebant victores : ex alia verò parte Franci, & Germani Principes Imperatorem agnoverant Conradum, à Carolinâ stirpe Germaniæ Regem, qui morti proximus, teste Naclero *generat. 31. anno 937.* persuasit Principibus, ut Henricum Thuringiæ, & Saxoniae Ducem in Regem ei successorem eligerent, qui tamen duo Imperatoris titulum non habuerunt. Posthæc Othonem ab omni populo Francorum & Saxonum, eodem Naclero attestante, electum, Italiâ recuperatâ, Imperatoris nomen ac dignitatem consensu populi Romani accepisse, & à Pontifice Romæ inunctum esse. Qui verò deinceps istis successère, plerumque hæreditatis jure ab universis pariter Germaniæ Principibus electos dici : donec ad vitandam confusionem, ac divisionem, cæteri Principes septem Electoribus sua jura cesserunt : neque enim potuisset Pontifex istud eligendi jus auctoritate suâ quibusdam Principibus adimere, quippe cum jure naturali in Regno electivo electio pertineat ad universum populum, sed ad vitandas turbas introductum sit, ut præcipui Proceres ex consensu populi cæteros cives repræsentantes, Regem, aut Imperatorem eligant : neque verò dubium sit, quin possint sibi invicem jus suum cedere, & electionem paucis tantum committere : at Pontificem Romanum id sinè eorum consensu facere posse, absurdum prorsus videri.



*Tertio* proinde pergit Elliesius. Videri sibi verisimile, quod Otho III. cæterorum Imperij Procerum adhibito consensu, & fortè Gregorij V. autoritate adjectâ, numerum Electorum septenarium constituerit: cum enim is Imperator liberis careret, & periculum esset, ne divisiones ob Electorum multitudinem orirentur, huic malo obviam ire volentem, remedio isto usum esse, sperando ab omnibus Principibus, id probatum iri: quamquam ex historia constet, id non statim obtinuisse, Principibus ordinarijs Electoribus non omnino consentientibus, & juri suo cedere nolentibus: nam quemadmodum Henricus Othonis successor non à septem Electoribus, sed à Principibus Germaniæ electus dicitur, sic extant plura exempla posteriorum Imperatorum eodem modo electorum. Ita conciliari invicem illos, qui dicunt, institutionem septem Electorum sub Othone III. factam, & qui dicunt, eam non ante Gregorium X. aut Innocentium IV. obtinuisse: istos enim loqui de usu, illos de instituto. Quod enim solus Imperator, aut Pontifex suâ autoritate absque consensu cæterorum Principum id non fecerit, probari tum ex eo, quod facere non potuerit, tum ex Scriptorum benè multorum testimonijs, speciatim Chronici veteris, cujus Authorem dicunt nonnulli Albertum Stadensem *ad annum 1240. Augustini Triumpho lib. de potestate Ecclesiæ q. 35. a. 2. Leopoldi de jure*

*Imperij cap. 3. Naucleri generat. 34. anno 994.*  
ex quibus habetur, quæ fuerint Pontificis, Imperatoris & Principum hoc in negotio partes: dum nempe Imperator septem Electores delegit ex consilio Principum, cæteri autem Principes consenserunt, ac juri suo cesserunt: Pontifex verò constitutionem Imperatoriam ex consensu Principum factam probavit, & *retulit*, non ( uti Bellarminus legit ) *tulit*. Ad quam adeò Electorum institutionem suo modo concurrisset Gregorij V. tanquam unius Pontificis Romani consensum, utpote qui juxta gradum suum in consentiendo in communem Imperatorem, interesse haberet, eapropter, teste Nauclero, decernens: *Vt electus Romanorum Rex tum demum Augustus, & Imperator haberetur, cum à Romano Pontifice benedictione promissâ coronaretur.*

Refutatio istarum Exceptionum.

**P**rimò itaque Innocentius III. in Canone 47.  
*Venerabilem. De electione.* suæ sanctionis sequens statuit fundamentum, quòd nempe *recognoscat, jus & potestatem eligendi Regem, in Imperatorem postea promovendum, competere Principibus, ad quos de jure & consuetudine noscitur pertinere, præsertim cum ad eos jus & potestas hujusmodi ab Apostolica Sede pervenerit, quæ Romanum Imperium in personam Magnifici Caroli à Græcis transfudit in Germanos. Ex quo adeò fundamento fit consequens, quod mox subjungit*  
Pon-

Pontifex, quòd hinc utique & recognoscere debeant, & utique recognoscant, sicuti in præsentia sua recognovêre (Germaniæ Principes) jus, & auctoritatem examinandi personam electam in Regem, & promovendam ad Imperium, spectare ad le, cœu Papam, qui eum inungit, consecrat, & coronat &c. Ex quibus adeò verbis dilucidè constat, immeritò inde deduci opinionem illam, quæ septem Electorum in Imperio institutionem reducit in tempora Caroli Magni, quamquàm hujus institutionis in Romanum Pontificem reducendæ, radix & fundamentum ex ea Canonica sanctione habeatur, quatenus æquitati prorsus consentaneum, ipsa quæ naturalis luminis evidentiâ conspicuum est, quòd in eum, qui Romanum Imperium in personam Magnifici Caroli à Græcis transtulit ad Germanos, reduci meritò debeat institutio ac designatio Principum, quibus jus & potestas sit, eligendi Regem, postea à Sede Apostolica promovendum in Imperatorem, quippe cùm jus Occidentalis Imperij, extinctâ Carolinâ prosapiâ, cui ex hæreditaria successione erat annexum, non potuerit non regredi ad illum, qui hoc à Græcis ademptum, non ulterius, quàm in masculinæ Carolinæ stirpis Reges unicè collocaverat.

49. Et hinc facilè eliduntur eæ Ellicianæ exprobrationes, quibus opponit: *Vt jus electionis Imperatoris Sedes Apostolica in Germanos Principes transtulisset, oportuisse, quòd priùs id habuisset. Constat namque ex præcedentibus, ex eo tempore sanctæ*

sanctæ Sedi quæsitum esse hoc jus , quando Græcis illud ademit , & quia non ultra Carolinam stirpem, id primitus fecit hæreditarium, hæc prosapia extincta , secundum ipsam rei evidentiam, necessario rediisse ad eandem sanctam Sedem, non Romanæ Civitatis, uti antecederet fuit ostensum , nomine , sed Apostolicæ authoritatis jure, id Græcis adimentem , & transferentem in Caroli Magni prosapiam.

Ne porro Elliesius præsumat, Innocentio IV. per summam impudentiam tacitè obijcere, ac si in causâ propriâ locutus, minùs videretur fide dignus, audire lubeat Concilij quoque Viennensis constitutionem in Clementina unic. De jurejurando, relatam, cujus, operæpretium est, ad partis adversæ cavillationes evidentius reprimendas, integrum tenorem hîc proferre: *Romani, inquit, Principes Orthodoxæ fidei professores, sacrosanctam Romanam Ecclesiam, cujus Caput Christus Redemptor noster, ac Romanum Pontificem, ejusdem Redemptoris Vicarium, fervore fidei venerantes, eidem Romano Pontifici, à quo approbationem personæ ad Imperialis celsitudinis apicem assumendæ, nec non unctiorem, consecrationem, & Imperij coronam accipiunt, sua submittere capita, non reputabant indignum, seque illi, & eidem Ecclesiæ, quæ à Græcis Imperium transtulit ad Germanos, & à qua ad certos eorum Principes jus & potestas eligendi Regem, in Imperatorem postmodum promovendum pervenit, astringere vinculo juramenti, prout tam mos* 50.

ob-

*observationis antiquæ temporibus novissimis renovata, quam forma juramenti hujusmodi sacris inserta Canonibus, manifestant. Adversus hanc igitur Concilij Generalis in Gallia celebrati sanctionem si repugnare contendas, mi Ellici, quid nisi maledictionem illam in caput tuum accer sis, quam Christus Matth. 18. protulit adversus illos, qui Ecclesiam in Concilio Generali representatam non audierint? Num verò fas tibi erit excipere, ac si Concilij illius decreta à Clemente V. concinnata, non sint emissa à Generali Synodo? Quæ enim alia Concilij norma, nisi ut ejusdem sanctionum autoritas subsistere debeat ex Nomine Christi, adeoque Vicariâ hujus potestate, Romano Pontifici inexistente, sicque ultimum hujusmodi sanctionibus ex Concilij simul & Pontificis consensu comprobatis robur impertiente, ac deinceps comuni autoritatis Oecumenicæ nomine promulgante? Qui verò prætexendo, in Concilio illud tantummodò vim habere, quod ex professo ibi decretum ac determinatum est, ab ista autoritativâ Concilij vi excludere ausis id, quod pro fundamento decreti Conciliaris adstruitur ex professo; quemadmodum res ita se habet in præadductæ Synodalis sanctionis conclusione, quod nempe innitatur ipsissimo illi fundamento, in vi cuius ibi disertè asseritur, Imperium à Græcis in Germanos translatum, sicque jus Imperatorem eligendi ad certos Germaniæ Principes*

pes derivatum fuisse ex Sedis Apostolicæ auctoritate Oecumenicâ.

Hinc pro *secundò* non multum hîc immoror, quòd alibi jam fusè præstiti in indagando tempore, *quando, & à quonam Pontifice septem Electorum institutio facta sit?* Dum enim substantia rei hujus adeò aperta est, quòd reducenda sit in Sedis Apostolicæ auctoritatem, quid interest nostri instituti, multis indagare velle ejus circumstantias particulares. Ad hujus itaque negotij expeditionem, sufficiat nobis, quòd Ellicsius haud obscurè dicat, non nisi usque ad Imperij ad Græcos translationem, jus constituendi Imperatorem, fuisse vel penes populum, ac Senatum Romanum, vel ejus militarem exercitum. Ubi ergo dignitatis Imperatoriæ in Græciam translatae collatio fuit adempta populo Romano, annui etiam vestigalis solutione suam erga Græcos Imperatores subjectionem antehac profiteri compulso, quomodo in hujus poterat esse potestate, ut eam, exclusis Græcis, ad se retraheret? Et quia neque Carolus Magnus Francorum Rex, jure belli multis quidem Italiæ Principatibus sibi comparatis, ullatenus dici potest, à Græcis vindicasse sibi Imperium, quis alius, nisi Romanus Pontifex, ex altiori Vicariatûs Christi auctoritate, valuit, Imperium Occidentis, Græcis hæreticis justè ademptum, transferre in Caroli Magni prosapiam, atque hâc expirante, in Germaniam, unâ cum jure eligendi hujus Principibus concessio?

51.

52. Hoc non parum firmat ipsissimum illud, quod affirmat Elliesius, nempe extinctâ Carolinâ stirpe, fuisse Imperium, nec prius cœpisse quemquam Germaniæ Principem, licet electû in Regem, potiri Imperatoris titulo, quàm ubi Otho primus à Summo Pontifice in Imperatorem coronatus fuit. Causatur equidem Elliesius: *Cum jure naturali in Regno electivo potestas eligendi pertineat ad universum populum, ad turbas autem devitandas, in Germania sit introductum, ut præcipui Proceres ex consensu populi, cæteros cives repræsentantes, faciant Regis, aut Imperatoris coronationem.* Attamen ex hoc ipso Elliesij effato se offert mihi occasio, sciscitandi; an igitur fateri tandem compulsus fuerit, Regiæ ac Imperatoriæ dignitatis ad hanc seu prosapiam, seu individuum applicationem non esse juris Divini, sed *humani*, sicque *moralitati* in regnum cælorum ordinabili, seu deordinabili subjectam, subesse Oecumenicæ ad *Quodcunque Morale in terris seu solvendum, seu ligandum* Divinitus constitutæ potestati?

53. Quo iterum, iterumque jam præsupposito, videamus pro *tertio*, quantum momenti sit in *tertia* Elliesij exceptione, vim in hoc facientis; *Quodd neque solus Pontifex, neque solus Imperator absque concursu Principum, ac Statuum Imperij, potuisset jus eligendi Regem & Imperatorem de jure quasi naturali eisdem competens, certis dumtaxat Principibus appropriare?* Optarem, ut Elliesius in Innocentij III. constitutione *Venerabili-*

*rabilem. 34. De electione. & Clementinâ in Concilio Generali editâ sanctione unicâ. De jurejurando.* attentè observâset, quàm circumspicere isti Pontifices, unâ cum præfatâ Oecumenicâ Synodo loquantur, jus eligendi Regem, non verò Imperatorem, attribuentes Germaniæ Principibus, subiiciendo, ex tunc Regem sic electum, in Imperatorem postea promovendum, reservari iudicio ac examini Summi Pontificis. Quæ distinctio valde circumspicita, ipso met Ellieſio fatente, post extinctam Caroli Magni prosapiam, in praxi etiam fuit in tantum observata, ut duo intra Germaniam electi Reges haudquaquàm potirentur titulo Imperatorio, quousque ad hunc à Sede Apostolica postmodum admissus, & coronatus fuerat Ortho primus. Quare ea Ellieſij argumentatio ex jure quasi naturali evincit quidem, penes Germanos potuisse subsistere jus eligendi Regem, dum tamen intentio semper erat, & erit, non alterum præficiendi, nisi qui promovendus postmodum esset in Imperatorem, quæ promotio ex præcitis Canoniceis, & Conciliaribus sanctionibus stabat penes Romanum Pontificem, idcirco ex præcitis fundamentis jam planum redditur, si jus Regium in Germania discernatur à jure Imperatorio, omnimodam circa hoc ex tempore Imperij à Græcis adempti, & in Carolum Magnum translati, in ejusque tandem prosapiâ extincti dispositionem, ita rediisse ad potestatem Pontificiam, ut



ut consequenter jus etiam eligendi, non præcisè Regem Germanorum, sed quàm promovendum in Imperatorem, reincidentit ad Sedis Apostolicæ auctoritatem.

54. Quibus taliter constitutis, non omnino improbo, quas Pontificis, Imperatoris, & Principum *in negotio electionis, seu Regis, seu Imperatoris*, functiones discernit Elliesius, dum Imperator quidem ex consilio Principum delegisse potuisset certos, Regis Germaniæ Electores, ubi tamen cæteri Principes suo ad Regem sibi, subditisque suis præficiendum juri cessissent, àtamen, quia sub hac eligendi normâ non erat intentio, sistendi in constituendo Germaniæ, seu etiam Italiæ Rege, sed Imperatoriam dignitatem in natione suâ conservandi & propagandi, idcirco ea Imperatoria, & Imperij Principum constitutio ita fuerat confirmanda à Sede Apostolica, ut sub hac ipsâ confirmatione suâ, Romanus Pontifex super Rege, quàm in Imperatorem Romanorum postea promovendo, debuerit *specificè* suam Apostolicam impertire auctoritatem, eo ipso, quòd per hanc Imperium à Græcis ademptum, & in Caroli Magni profapiam, non ulterius translatum, sub *specifico*, Regem postea in Imperatorem promovendum, eligendi jure, non aliter potuerit esse propagatum, nisi ex indulto ejusdem Sedis Apostolicæ.

## §. III.

*Quantum momenti sit in argumentis,  
ad Papam supra Reges potestatem probandam,  
peti solitis ex Gregorij VII. in Concilio Romano  
adversus Henricum IV. Alexandri III. in Concilio  
Lateranensi adversus Fridericum I. nec non Innocentij IV. in Concilio Lugdunensi adversus  
Fridericum II. editis  
sententijs?*

**D**Einceps cum Eliesio congregiar inducendo exempla, quæ in via *Facti* negare non audeat, sed in via *Iuris* contendit, absque legitimâ authoritate, seu causâ justâ esse facta, quantumvis unâ cum Pontifice, Concilia subinde etiam Oecumenica dignoscantur in eis intervenisse. Quæ ratio est, quod prætermissam Ludovici Pij, & Lotharij exauthorationes, quarum priorem nonnulli dicunt factam à Concilio Compendionensi absque Romani Pontificis authoritate; de posteriori autem scribit Nithardus *lib. 4. tom. 7. Concil. col. 1177. & 1788.* nihil aliud actitatum esse in Concilio Aquisgranensi, nisi quod Episcopi fuerint in consilium adhibiti, num liceret sibi, partem Francici Regni à Lothario relictam regere? Censuerintque, id ab ipsis tutâ conscientiâ fieri posse. Quare rem hanc ab Eliesio, à pag. 524. & seqq. fusiùs discussam, relinquo in suspenso.

T

## A R G U M E N T U M I.

Desumptum ab exemplo Henrici IV.  
Imperatoris à Gregorio VII.  
depositi.

56. **D**E hac Gregorij VII. exauthoratione sic loquitur Author *tract. de libert. Gallic. Eccles. lib. 4. cap. 5.* Nempe in Concilio Romano III. sub Gregorio VII. Anno 1076. sententia depositionis contra Henricum IV. Germaniæ Regem pronuntiata fuit, atque ejus subditi à juramento fidelitatis absoluti, rursusque in Concilio Romano VII. Anno 1080. depositio & absolutio confirmatæ sunt.
- ex pag. 72. n. 1.*

## Exceptio Elliesij.

57. **H**ic Author *præs. pag. 536.* suis contra hanc Imperatoris depositionem exceptionibus præmittit *primò* sequentem rei enarrationem historicam. Nempe inter Gregorium VII. & Henricum IV. dissidij causa ferebatur, quòd is Episcopos & Abbates partim pretio, partim privatâ autoritate, quod investituram vocant, constitueret. Hâc de causâ initio Pontificatus Gregorius eum admonuit, ne deinceps largitione corruptus, Episcopatus, & beneficia conferret, alioquin se in delinquentes pœnis Ecclesiasticis usurum. Sed discordia non erupit

pit ante annum 1076. quo Gregorius & Henricus sese mutuò damnationibus appetivêre. Imperator enim Legatione Pontificis ( quam Elliesius superbam vocitat ) exasperatus, Concilium Wormatiæ indixit, in quo Gregorius variorum flagitiorum accusatus, depositus est, missaque Romam Legatio cum contumeliosis litteris, quibus denuntiabatur, ut se Episcopatu abdicaret.

Econtra verò Gregorius habitâ Romæ Synodo, Episcopos hujus sententiæ authores excommunicat, ipsique Henrico Regnum Teutonum & Italiæ abrogat, omnesque Christianos à vinculo juramenti absolvit. Hinc varia ætitata, quousque Saxonibus bellum contra Henricum parantibus, Principes Allemaniæ veriti, ne Regno spoliarentur, authores Henrico fuerunt, ut cum Gregorio reconciliaretur, quod Canossæ intrâ Agrum Regiensem sitæ factum fuit, Henrico veniam petente, quam *primùm* denegatam, ipsi tandem concessisse Pontificem, ait Elliesius mox subiiciens: Gregorium nihilominus, quia inclementiâ suâ irritatum Cæsaris animum cernebat, clam Rudolphum Ducem Saxonie ad Imperium capessendum sollicitasse: eumque à Saxonibus electum, Henrico movisse bellum. Hinc Gregorius in Concilio Romano anno 1080. latam in Henricum sententiam renovat, Imperiumque confirmat Rudolpho, qui tamen eodem anno prælio commisso, est occisus, inutili penes suos

relictâ victoriâ. Interim novemdecim Episcopi Moguntia, ac postea triginta Brixia congregati, Gregorium deponunt, & Guibertum Ravennatem Episcopum, dictum Clementem VI. in ejus locum eligunt, quem Imperator cum exercitu Romam veniens, expulso Gregorio, in Sede Episcopali collocavit, & ab eo coronam Imperatoriam accepit.

59.

Exinde foederati Principes Hermannus Lotharingo Regnum deferunt anno 1082. qui annis post septem extinctus est, dum triennio ante, scilicet anno 1085. mortuus fuerat Gregorius, cui successit Victor III. vitâ functus anno 1088; in successorem à Cardinalibus delecto Othone Ostiensi, dicto Urbano II. qui sententiam in Henricum & Guibertum à Gregorio latam confirmavit, sed variè vexatus, Romæ mortuus est, eique anno 1099. successit Paschalis, adversus Guibertum bellum gerens, Guiberto paulò post anno 1100. è vivis abeunte: neque tamen ejus morte factionum studia rescissa sunt, Richardo, qui Guiberto faverat, ei sufficiente Albertum quendam Atellanum, atque post hunc Maginulpho apud Ravennam usurpante Pontificatus titulum. Nec minùs Imperiũ, quàm Pontificatus praeda tunc erat, dum adversus Henricum Pontifices excitaverunt ejus filium Conradum, & eo mortuo, filium alterum Henricum, à quo pater Imperio spoliatus, captus, & in custodiam conjectus est, profugus demum anno 1106.

dece.

decedens. Cui enarrationi post aliorum quoque Imperatorum de Investituris varia proximè recensenda acta, Elliesius subnectit sequentia, ea nimirum, quæ tum à Pontificibus, tum à Romanis Imperatoribus ejus dissidij tempore sunt attentata, atque, in exemplum trahi minimè posse, cum utrinque multa, præter jura, ac præter æquitatem omnem, crudeliter, & impiè fuerint gesta.

*Secundò* proinde pergit Elliesius ulteriorem de Investituris enarrationem ita retexere. Violentiam, inquit, Henrici IV. in Romanos Pontifices, non imitatus est modò, sed & superavit Henricus V. qui veniens in Italiam, à Paschali per vim extorsit jura Investiturarum, de quibus tantum erat certamen extortum, & ab eodem ritu solito Imperator inauguratus est. Sed quamprimùm ille Italiã discessit, hæc omnia irrita decrevit Paschalis in Concilio Lateranensi, anno 1112. Indeque in Concilio Viennensi, Investituram Episcopatum hæresim esse, declaratum est. Sed Gelasio II. Paschalis successore, Romam redijt Henricus, ut ab eo confirmationem eorum, quæ à Paschali II. sibi concessa fuerant, extorqueret: sed cum ille Romã aufugisset, Burdinum, Gregorium VIII. à nonnullis appellatum, Bracarensem Archiepiscopum, Antipapam constituit. Post discessum Henrici Gelasius Romam redijt: sed excommunicato Henrico, & Burdino, iterum exulare compulsus,

60.

paulò post obiit; cui successit Calixtus II sub quo pax inter Pontificem & Imperatorem inita est, ac controversia de Investituris anno 1122. amicè terminata in Conventu Wormatiensi, in quo Imperator Investituram per annulum & baculum remisit, Canonicamque electionem, & liberam consecrationem permisit, sed ex alia parte Pontifex Imperatori concessit, ut electiones Episcoporum & Abbatum Regni Teutonici, coram ipso fierent absque simonia & violentia, electus autem Regalia per sceptrum acciperet.

61. Quò jam retrahere, visum est operæpretium, quas Ellicsius deplorat ex illis Pontificem inter, ac Imperatorem controversijs obortas calamitates. Quot & quantæ, inquit, Deus bone! ex Investiturarum controversiâ, & temerariâ Gregorij VII. sententiâ fluxerunt in Imperio seditiones, cædes, rebelliones, bella, parricidia; in Ecclesia mutux Episcoporum proscriptiones, Concilia sibi invicem opposita, spoliata templa, violatæ aræ, dejecti Pontifices, alij in eorum locum suffecti: de Romano Episcopatu vi & armis decertatum, longo ac diro schismate Ecclesia vexata, uno verbo omnia sive in Imperio, sive in Ecclesia susque deque versa.

62. Hinc tertio pergit Ellicsius in Gregorium VII. invehi. Quamquàm varia, inquit, fuerint pro varijs affectibus Scriptorum de hoc dissidio judicia, nihilominus tamen omnes

nes Gregorij de Imperatore deponendo conatum, novum & antehac inauditum fuisse, agnoverunt, & ex his non pauci crudelitatis & ambitionis arguunt Gregorium, ante Pontificatus adeptionem de tyrannica crudelitate jam notatum à Petro Damiano *Epist. 10. lib. 1.* Leone quoque Ostiensi *lib. 3. cap. 24.* vocante eum elatione turgidum, & *cap. 48.* accusante ipsum perfidiæ, quod post reconciliatum sibi Henricum Mathildæ consilijs, quemdam miserit, ad coronam illi auferendam, & adversus Imperatorem ei suaserit rebellionem: ipsomet etiam Rudolpho, qui in locum Henrici successus fuerat, in acie vulnerato, paulò ante mortem fatente, se injustè ex jussione & mandato Pontificis rebellasse; veluti referat Hemoldus *Chronici Sclavonici lib. 1. cap. 24.* imò ipsomet Gregorio morti proximo, eorum, quæ contra Henricum IV. tentaverat, pœnitente; uti refert Sigebertus in *Chronico*. Unde concludit Elliesius. Quis ergo non videat, pluris fieri debere morientium Henrici adversariorum verba eo tempore prolata, quo veræ tum demum excutuntur pectore voces, detrahiturque persona, atque rei veritas; quàm quæ ipsi odijs, & ambitione impulsæ, scripserunt, aut gesserunt?

*Quartò* proinde Elliesius Conciliorum, nempe Romani III. & VIII. sub Gregorio VII. Beneventani sub Victore III. Placentini, & Claromontani sub Urbano II. iterumque Ro-



mani sub Paschali II. decreta elidere nititur, tum quod majoris fieri non debeat istorum Conciliorum autoritas, quam ipsorum Pontificum, quorum autoritate convocata sunt, ijsque opponi posse Concilia ab Henrico convocata, quæ in Pontificem sententiam tulerunt; Wormatiense scilicet, Papiense, Moguntinum, Brixienſe, & Moguntinum alterum, in quo Brixienſis Concilij ſententia eſt confirmata.

64. Pari modo pro quinto Authoribus, qui Gregorij VII. factum approbârunt, ſcilicet Mariano Scoto, Lamberto Schaſnaburgenſi, Anſelmo Cantuarienſi, & Lucenſi, Geberhardo Salisburgenſi, Stephano Alberſtadenſi, Leoni Oſtienſi, Othoni Friſingenſi, Dodechino, & Abbati Uſpergenſi reponit Ekkeſius, hoſ perinde, ac Bellarminus Bennonem Cardinalem, alioſque Scriptores, uti ſuſpectos, rejicit, poſſe pleroſque ex illis, qui Gregorij partes ſequebantur, merito repelli: quippe cum eo tempore omnes fere Scriptores vel Imperatoris, vel Pontificis partes acriter tutati ſint, ut teſtis eſt Anonymus in vita Henrici IV. Et primò quidem Mariani Scoti autoritatem nullius eſſe momenti, cum faverit ipſe rebellibus Saxonibus, & defectionem eorum probaverit. Pariter Lucenſem Anſelmum, Gregorij VII. Patronum fuiſſe, uti teſtantur Sigebertus, & Trithemius, nec adeò ejus autoritatem majoris eſſe momenti, quam Gregorij. Geber-

hardum quoque eodem munere functum esse, ac disputasse cum Vicetone Moguntino Archiepiscopo: Lambertum quoque Schafnaburgensem, aliosque Scriptores ob Investituras, & tentata in Gregorium, damnasse Imperatorem, ac ejus exauthorationem non omnino approbare, sed historicè tantum referre. Multos verò Authores Henricum etiam post hanc exauthorationem appellare Imperatorem, inter quos Anonymum *hist. Franciæ* Scriptorem apud Duchesnium t. 4. observare, quod excommunicatio, quæ totum Ecclesiæ statum turbasset, à Gregorio lata fuerit contra totius penè Concilij voluntatem. Albertum Aquensem lib. 1. cap. 7. Guibertum Novigentinum lib. 3. cap. 2. Guilielmum Tyrium lib. 1. cap. 13. & lib. 9. cap. 8. Othonem Bambergensem *epist. ad Paschalem II. anno 1102.* Sugerium in *vita Ludovici VI.* & alios, factum Gregorij, velut novum & inauditum, reprehendere.

Nec pro sexto, ait Elliesius, juvare, si reputatur, nonnullos equidem existimasse, illam adversus Henricum, Gregorij sententiam fuisse injustè latam à Pontifice, nullum tamen fuisse, qui dubitaret, potestatem esse Pontifici, Reges deponere, dum ipse etiam Henricus in epistola quadam, eo tempore, quo Gregorio maxime offensus erat, scripta, agnovit, in materia hæreseos id fieri posse. Etenim ex opposito stare quàm plurimos Authores, qui non modò injustam, sed & illicitam existimarent Henrici

Evangelicæ normâ à Christo institutâ primitus admonitum, si pergeret in Episcopatibus & beneficijs Simoniacè conferendis : Ecclesiasticarum insuper pœnarum comminationibus, exinde graviore etiam legationis Apostolicæ auctoritate fuisse absterritum, sed hinc exasperatum, Wormatiæ indixisse Concilium, in quo Gregorius variorum flagitiorum accusatus, fuerit depositus, missâ etiam Romam legatione cum contumeliosis litteris, quibus denuntiabatur, ut se Episcopatu abdicaret. Quibus secundum ipsius etiam Elliesii confessionem, ita se habentibus, dum non Ecclesiastica duntaxat jura pertinaciter infringebantur, sed vicaria Christi potestas enormissimè violabatur, num fas erat Gregorio, non vibrare virgam coercitivam *Matth. 18.* Ecclesiæ sanctæ demandatam, sicque non excommunicationis duntaxat ferre sententiam, sed gladium Imperatoris potestatis, quem Henricus adversus sanctam Ecclesiam strinxerat, ex ejus manu rapere, per illam super *Quodcunque in terris Morte*, atque adeò super gladium illum Imperatorium, tantæ nequitie *moralitate* in Ecclesiæ ac Religionis publicæ perniciem vergente contaminatum, protendi potentem, Petro, ejusque successori Romano Pontifici à Christo concessam auctoritatem; solvendo adeò, sicque perimendo in Henrico jus Imperatoris dignitatis? Quod ergo Henricus absque ullo jure, imò contra expressum jus *Divinum*, præsump-

sumpt.

sumplerat in exauthorando Gregorio, hoc iste Summus Pontifex, summo Vicariæ Christi auctoritatis jure, in perfidum illum Imperatorem meritò retorsit cum Concilio Romano, ipsum non excommunicando duntaxat, sed etiam deponendo à Cæsareæ Majestatis sublimitate.

67. Sed quid vituperio dignum postea egisse, dicendus est Gregorius, quando Henrico supplici non absque difficultate, veniam quidem concesserat, sed jus Cæsareæ Majestatis ipsi ademptum, necdum restituerat, animadvertens, ex suâ non tam inclementiâ, quàm justâ ad scelerum enormitatem magis ostendendam, prorsus proficuâ retardatione, Henrici animum ( uti Elliesius ait ) esse exacerbatum, ut maturè sibi prospiceret, Rudolphum Ducem Saxoniae sollicitavit ad capeffendum Imperium; atque hunc à Saxonibus electum, in altero Romano Concilio confirmavit, renovatâ in Henricum Summi Pontificatus tam iniquum aggressorem, Ecclesiæ quæ adeò sanctæ publicum hostem sententiâ, dum præcipuè illius fautores tum Moguntiae, tum Brixiae congregati Episcopi, Gregorij depositionem iteratò molientes, præsumperunt eidem opponere Antipapam Guibertum Ravennatem Episcopum, Victori etiam III. postea infestum, maximæ quæ per Italiam hostilis stragis manifestum reum, merito quæ adeò anno 1088, ab Urbano II. denuò condemnatum, cò

ad quod ex hoc Antipapa, ejusque postea successoribus Atellano, & Maginulpho continuata fuerint adversus Romanam Ecclesiam, ejusque legitimum Caput, atrocissimæ hostilitates? Quare iniquissima est, quam Ellicius facere nititur, cladium & calamitatum tum Imperio, tum Ecclesiæ ex Henrici IV. adversus Gregorium VII. machinationibus imminentium compensationem, prætexendo, utrinque præter jura, ac præter æquitatem omnem, plurima crudeliter, ac impiè gesta esse, cum tamen ex præactis manifestè pateat, pro Gregorio stetit summum jus tam æquitatis, quam Vicariæ Christi authoritatis: cum econtra in Henrico Ecclesiæ Romanæ, ejusque Pontificatus hoste publico, tam justitiæ, quam potestatis, erga Summum Pontificem non nisi arrogatæ, ratio evidenter noscatur defecisse.

Hinc ergo pro secundo ijs, quæ Ellicius *secundæ exceptionis loco de Investituris opposuit, ad tertium Operis nostris articulum, undecimam de Regalia disquisitionem, rejectis, unice restat examinanda calamitatum, cædum, seditionum, ac rebellionum Gregorij VII. in Henricum IV. sententiæ, ab illo Authore imputatarum deploratio, quam hocce Theologico argumento retorquemus. Si namque sub formâ per Christum Matth. 18. sancitâ, servato seu Divini, seu naturalis, seu super hisce fundati Canonici juris debito ordine, Summus Pontifex procedat adversus Regem, seu Imperatorem,*

68.

*ex pag.  
34. n.  
44.*

rem, Juris Divini temeratorem, eoque progressum, ut Ecclesiam audire contumaciter detrectet, indeque ex Christi jussu Communionis Christianæ jure destituatur, seu excommunicetur, sed necdum correctus, quinimò in sensum reprobum datus, sacrae Religionis ac Ecclesiae interitum, quantum in se est, perversâ suâ contumaciâ moliatur, sitque adeò in eo statu positus, ut meritò perſentiat illam à Christo Apostolis cit. cap. 18. commissam, & super Quocunque in terris seu solvendo, seu ligando protensam virgam coercitivam; num propterea, si Pastor Ecclesiae Oecumenicus, in vi illius Apostolicæ autoritatis, & publicum sacrae Religionis, seu Summi Pontificatus hostem liget censuris, & subditos solvat juramentorum, seu homagiorum vinculis, imò jus Regiæ potestatis tot sceleribus contaminatum, ab homine sibi subiecto adimat, numquid vel Christo, qui taliter procedendi mandatum fecit, vel ejus Vicario, qui potestate sibi Divinitus commissi officij uti compulsus, tali modo processit, imputanda erunt mala inde provenientia? Vel non potius, dum Pontifex stringit gladium ad malos extirpandos, communioneque fidelium, ne boni ab ipsis præcipitentur in ruinam, privandos, eosque, ne potestatis temporalis gladio adversus sanctæ Ecclesiae pacem, & Religionem publicam liberè abuti poss-

possint, exauthorandos, ipsissima hæc justitiæ adversus Ecclesiæ sanctæ rebelles, publicæque Religionis perturbatores, demonstratio, ex se ipsa est tantum bonum, ut in respectu illius *quoad moralem imputationem*, haudquaquam prævalere possint mala *per accidens*, & non nisi ex pravorum Ecclesiæ rebellium contumaciâ provenientia? Hæc igitur, mi Ellicesi, expendas, & facilè intelliges, quas Imperij, ac Ecclesiæ calamitates Gregorio VII. imputabas, in ejus Pontificiæ Majestatis temeratores meritò retorqueri.

*Tertiò* proinde conveniens esset, mi Ellicesi, 69.  
ut discerneres illud, quod Gregorius VII. egit ex Cathedræ Apostolicæ potestate, & ex propriæ affectionis voluntate; quemadmodum Evangelista in ipso etiam Caipha, cùm esset anni illius Pontifex, actum ex hoc munere per Divinum quoque instinctum moderato promanantem, eatenus discrevit ab illius contra Christum attentatâ nequitia, ut etiam prophetizasse dicatur ab Evangelistâ. Quando igitur *superius* ostensum est, ex qua autoritate, Clavium scilicet Regni Cælorum, solvendi-que *super Quodcunque in terris Morale* protensa potestate, justitiæ ac Religionis publicæ rationibus exigentibus, sententiam tum excoñunctionis, tum depositionis Gregorius VII. protulit adversus Henricum, cujus nefanda iterum scelera in epistola Ludovici Comitum contra VValtramum à Baronio ad annum 1090. relatâ in-

signi-

signiter descripta cernere licet. Ideo quantumvis verum esset, quod affingis Gregorio, tibi jure merito reponeretur illud S. Augustini adversus Donastitas effatum. Quid tibi fecit Cathedra Apostolica, ut hujus actus, de Conciliorum quoque legitimorum consilio & probatione adversus Henricum factos, everfos, econtra verò Henrici pertinaciam & malitiam defensam velis?

70.

Verum si non jam Cathedræ Apostolicæ actus publici, sed ejusdem vitæ privata in Gregorio expendantur, hujus ab Adversarijs frustra impugnatam innocentiam, egregiè tueretur Bellarminus *lib. 4. de Romano Pontifice cap. 13.* ad quem, utpote ne in apice quidem valide confutatum, remitto Lectorem. Cui suffragatur visio Divinitus facta à Leone Ostiensi *lib. 3. cap. 53.* adducta, ex qua reddebatur manifestum, res à Gregorio gestas Divinitus etiam comprobatas fuisse; uti videre licet etiam ex Baronio *ad annum 1084.* Quantumvis proinde verum esset, quod ab Henrici fautoribus, uti Baronius *ad annum 1080.* asserere confingitur, ac si Rudolphum in vitæ suæ exitu pœnituillet, quòd contra Henricum Regem insurrexisset: *Dexteram, quâ ipsi juraverat, dicendo, justo Dei judicio abscissam se pati.* Quantumvis insuper verum esset, ipsum quoque Gregorium morti jam proximum pœnituisse eorum, quæ non tam ex Cathedræ Apostolicæ autoritate, quàm ex subreptione suæ  
pri.



privatæ fortassis personæ aliquando obrepente, poterat ex conscientiæ teneritudine sibi visus fuisse minùs rectè peregrisse : ex hisce tamen allegationibus plus non evincitur , nisi quod Gregorius Magnus antehàc scripserat : *Conscientias scilicet timoratas , ubi culpa non est , sibi metuere : dum cæteroqui præinsinuat* Ludovicus Comes in suis ad VValtrammum litteris Papam Gregorium , & Regem Rudolphum de odio erga Henricum , ac de pessimo hinc interitu damnatos , eatenus vindicat , ut in ipsis locus fuerit illi Psalmidico effato : *Nonne , qui oderunt te Domine , oderam , & super inimicos tuos tabescebam ? Perfecto odio oderam illos , & inimici facti sunt mihi :* ac propterea illa de Gregorij & Rudolphi interitu exprobratio , ac de Henrico pro tunc superflite gloriatio , non pluris facienda fuerit , ac si quis Neronem , quia Apostolis Petro & Paulo , aut Herodem , quia Iacobo Apostolo supervixerat , beatum propterea proclamaret.

Sed mi Elliesi , pro quarto hinc te convenio , ut ipsemet ad mentem reducas , quò progressus fueris , dum etiam Concilia Romana III. & VIII. sub Gregorio VII. Beneventanum sub Victore III. Beneventanum , Placentinum & Claromontanum sub Urbano II. iterumque Romanum sub Palchali II. non alio prætextu contendis reiicere : nisi quòd majoris eorum *authoritas fieri non debeat , quàm ipsorum Pontificum , quorum authoritate convocata fue-*

runt ? Oportet , ut sistas hîc , & consideres ; si tali ratione liceat non Apostolicam duntaxat tot Pontificum , sed ipsorum etiam Conciliorum ab hisce convocatorum auctoritatem elidere , nil jam tutum fore in Ecclesia , ac frustra à Clero Gallicano jam moveri questionem de Conciliorum non acephalorum , sed cum Capite Ecclesiæ coadunatorum supra Papam superioritate , si non tantum Capituli hujus , sed totius etiam Concilij auctoritatem tam leviter tractare , imò Concilia hujusmodi comparare liceat Conciliabulis ab Imperatore schismatico , propterea que justè exauthorato , coactis ad obtrudendos , seu fovendos Antipapas ?

72.

Nec pro quinto æqua est tua quinta exceptio , quâ niteris , Authores integerrimos , quorum pro Gregorio assertiones à Bellarmino sunt deductæ , æquiparare cum Bennonis Cardinalis , aliorumque Henrici partes tuentium attestationibus , quamdiu , quod hactenus non fecisti , nec solidè facere unquam poteris , legitimæ adversus hos exceptionis argumenta tam fortia , per dictum Bellarminum exposita , non efficaciter refutaveris. Quando causaris , omnes ferè Scriptores vel Imperatoris , vel Pontificis partes acriter eo tempore tutatos fuisse , ut vel hinc auctoritatem Scriptorum pro Gregorio stantium infringas , oportuit , te causæ vel æquitatem , vel iniquitatem ex una alterave parte subsistentem , æquiori ocu-

lo expendisse, dum ex Gregorij parte authoritas Apostolica, ex parte autem Henrici contra *Divinum, humanumque* ius prius jam arrogata in Summum Pontificem potestas: iterum ex hujus parte tam enormia facinora, & sacrilegia, etiam simoniam cum schismate, ne dicam, hæresi conjuncta: ex illius autem parte virga tantorum scelerum ex Christi præscripto coercitiva noscitur intervenisse.

Et hinc, quam *sexto loco* Elliesius extenuat propriam Henrici Imperatoris de Summi Pontificis ad Reges, ex causa saltem hæreseos, deponendos potestate confessionem, asseverare hanc oportet, ita *Juri Divino* per Christum constituto, consentaneam fuisse, ut consequenter frustraneæ sint, quæ cōfinguntur adversus illam, exceptiones, quemadmodum ea etiam, quam idem Elliesius *præced. cap. 4. §. ult.* opposuit novitatis objectionem, validè à nobis *ibidem* confutata cernitur.

73.

## ARGUMENTUM II.

Petitum ex Friderici I. & Friderici II. depositione.

**A**uthor dicti tractatus de libertatibus Ecclesiæ Gallicanæ *civ. lib. 4. cap. 5.* argumentatur tum ex Concilio Lateranensi sub Alexandro III. quod anno 1168. Fridericum I. Imperatorem excommunicavit, ejusque subditos à fi-

74.

delitatis juramento absolvit. Quæ legitimè præstira fuisse, agnovit Fridericus, quando-  
quidem Pontifici se humiliter subijciens, sen-  
tentiam revocari exoraverit. Tum ex Con-  
cilio Lugdunensi sub Innocentio IV. à quo  
sententia depositionis in Fridericum II. & ab-  
solutio subditorum à juramento fidelitatis de-  
creta fuit.

### Exceptio Elliesij.

75. PRIMò equidem Author iste nihil reponit ad-  
versus ea, quæ de Friderico I. fuere addu-  
cta; attamen circa Othonem IV. à pag. 545.  
& postea circa Fridericum II. à pag. 545. ta-  
lem facit relationem, ut præfatum Othonem  
contendat, nunquam fuisse legitimum Impe-  
ratorem, de Friderico autem II. asserat, ubi  
Investituras contumaciter sibi arrogasset, &  
Pontificem Honorium III. de his admonentem  
sprevisset, anathemate fuerit primùm percul-  
sus, posteaque contumaciâ crescente, privatus  
Regno & Imperio, universis Imperij & Regno-  
rum suorum subditis absolutis à juramento fi-  
delitatis. Exinde præfatus Elliesius in Honorij  
successorem Gregorium IX. durius cum eodem  
Friderico agentem, graviter invehitur, at-  
que istius ex autoritate Imperatoris partes  
manifestè suscipit. Sed quia ejus historica re-  
latio apertè evanescit ex ijs, quæ Author *Re-  
galis Sacerdotij lib. 1. §. 7. n. 1.* fusiùs exponit,  
ad eum ab Elliesio nullatenus confutatum, re-  
mitto

mitto Lectorem, ne præter necessitatem longior hîc esse debeam, dam præcipuè causam **F. ilderici Concilium Generale Lugdunense sub Innocentio IV. postmodùm condemnavit, latâ in illum sententiâ tenoris inferiùs referendi, ex quo manifesta redditur iniqua ejus Imperatoris defensio.** •

Verùm pro *secundo* *Elliesius à pag. 551.* non veretur excipere, quòd sententia præinsinuata non à Concilio, sed ab Innocentio lata fuerit, Synodo eam neque examinante, neque confirmante: sit autem necessum, ut decretum aliquod Concilij auctoritatem obtineat, Conciliariter id examinari, singulis Patrum rogatis ad dicendam sententiam, neq; verò quidquam horum circa illud negotium contigerit in Concilio Lugdunensi. Addit is Author, istud Concilium non immeritò negari fuisse Generale, cùm non omnes Christianitatis Nationes ad id vocatæ fuerint: quinimò, licet Generale fuisset, dici posse, quòd in præsentì quæstione, utpote non tam *Iuris*, quàm *Facti*, errare poterit, quippe cùm in ea Synodo non de jure Pontificis, sed hoc præsupposito, quæsitum sit; *utrùm Fridericus ob crimina ibi allegata diris esset devovendus?* 76.

### Refutatio istarum exceptionum.

**E**Xordièdo à postrema exceptione, re. 77.  
mitto Lectorem ad ea, quæ tum in præsen-  
U 3 sensis

*sentis articuli discussione antecederet dixeramus, tum fusiùs circa secundum de Concilio, & tertium de infallibilitate Papæ, ex cathedra Apostolica definientis, fusiùs differemus de isthoc quæstionis puncto, quomodò in ijs, quæ Facti sunt, ubi cum fidei principijs sub prudentiali non naturalis duntaxat, sed supernaturalis ordinis lumine, per Spiritûs sancti assistentiam, ab ipsomet Christo repromissam, conferuntur, sit in Papa & Concilio infallibilitas practicæ decisionis, ab omni materiali falsitatis concrezione depurata per directionem Spiritûs sancti, de quo Christus Ioannis 16. dixit Apostolis, fore, ut doceret omnem, adeoque practicam etiam, ex Facto aliquocum Divini luminis principijs per prudentiam infusam conferendo, subsistentem veritatem.*

78.

Quo jam præsupposito, dum ex fundamentis articulo secundo deducendis, etiam patebit, Oecumenici Concilij characterem fuisse in præadductæ Lugdunensi Synodo, sufficere pro primo; præactam ejusdem Concilij sententiam, relata in *Cap. Ad Apostolicæ. De sent. & re judic. in 6.* proferre in medium, ad ostendendum, tum quòd ista decisio verè fuerit non solius Innocentij, sed Concilij: tum quòd præinsinuata Authoris Regalis Sacerdotij, non verò Elliesij relatio historica, nitatur veritate, summæque justitiæ, ac æquitatis ratio efflagitavit eam Decretalem, Friderici condemnatoriam, quæ ita se habet: *Cum dura guer-*

YAYUM

rarum commotio nonnullas professionis Christianæ provincias diutius afflixisset, nos ad Fridericum præcipuum Principem secularem, dissensionis, & tribulationis authorem, à felicitis recordationis Gregorio Papa IX. Prædecessore nostro pro suis excessibus anathematis vinculo innodatum, speciales Nuntios, & magnæ authoritatis viros duximus destinandos &c. Nos itaque super præmissis, & quàm pluribus alijs ejus nefandis excessibus cum Fratribus nostris, & sancto Concilio deliberatione præhabita diligenti (quomodo autem isthæc cum sacro Concilio deliberatio substitisset, si, uti Elliesius gratis prætendit, singulorum etiam Patrum suffragia non fuissent postulata?) Cùm Iesu Christi vices, licet immeriti, teneamus in terris, (En Oecumenici Concilij characterem ex vicario Christi nomine subsistentem) nobisque in Beati Petri personâ dictum sit. Quodcunque ligaveris super terram, ligatum erit & in cælis. Memoratum Principem, qui se Imperio & Regnis, omni honore & dignitate reddidit indignum, omni honore & dignitate privatum à Domino ostendimus, & denuntiamus: & nihilominus sententiando privamus omnes, qui ei juramento fidelitatis tenentur adstricti, à juramento hujusmodi perpetuò absolventes, authoritate Apostolicâ firmiter inhibendo, ne quisquam de cætero sibi tanquam Imperatori, vel Regi pareat, & intendat. Decernendo, quoslibet, qui ei deinceps velut Imperatori, vel Regi consilium, vel auxilium præstiterint, seu favorem, ipso facto excommunicationis sententiâ subiacere. Illi autem,

ad quos Imperatoris spectat electio, eligant liberè successorem.

79.

ex pag.  
83. n.  
n. 62.

Ex qua proinde Decretali pro secundo ad intentum nostrum ita licet argumentari. Etenim ex ejus Canonica intra Concilium Lugdunense editæ sanctionis litteræ clarè constat, ejus fundamentum reduci in hoc fidei principium, quo credimus, Summum Pontificem Christi in terris agere vices, ipsique in persona Petri dictum esse: *Quodcunque ligaveris, seu solveris super terram, erit ligatum, vel solutum in cælis*. Quis verò negare ausit, sub isto quocunque, quod est in terris *Morale*, contineri actus *morales* publici quoque à Rege promanantis regiminis: & dignitatis Regiæ ad hanc individuum personam, quæ ex æquitatis ratione faciendam *applicabilitatem*, ejusque in Rege Ecclesiæ sanctæ perseverantiam *Moralem*? Sub illo adeò fidei principio, per eam sanctionem Synodalem expendebatur Imperatoris ex facinoribus suis indignitas. Cujus judiciaria proinde discussio, licet fuerit dependens à probationibus, quæ intra prudentiæ naturalis sphaeram non supergrederentur *moralem certitudinem*, attamen hoc Oecumenici Concilij, unà & Summi Pontificis judicium, per Spiritûs sancti gratiam ita depurabatur à *materiali*, falsitatis periculo obnoxia concrezione, ut altior prudentiæ infusæ commensurata certitudo *practica* omnimodam falsitatem excluderet, utpote per Dei instinctum efflor.



efformata, & cum illo fidei principio collata, sicque sub formâ *virtualiter* saltem syllogisticâ progredieretur ad concludendam sententiam, adversus Imperatorem *judicialiter* ferendam sub verâ lumini supernaturali innixâ consequentiâ Theologicâ.

His pro *tertio* suppositis, discutienda foret 80. relatio, quâ Elliesius à pag. 552. Ludovici Imperatoris exauthorationem improbabat, sed certis de causis malo circa hoc Lectorem remitteret ad ea, quæ Author *Regalis Sacerdotij cit. lib. 1. §. 8.* discussit. Quæ verò idem Elliesius à pag. 560. profert circa Bonifacij VIII. Extravagantem *Unam sanctam De majoris. & obed.* ea à nobis fusiùs expensa cernere licet in *præsent. Summarij cap. 2. §. 4. n. 5. ac seq.*

#### §. IV.

*Quantum ad præsens institutum momenti sit ex Concilij Lateranensis; Constantinensis, & tandem Tridentini sanctionibus mox adducendis?*

#### ARGUMENTUM I.

Petitum ex duplici Concilio Generali Lateranensi.

**A**uthor *Regalis Sacerdotij cit. cap. 5.* ita pergit argumentari, Concilium Generale Late. 81.

Lateranense sub Alexandro III. cui plurimi Galli interfuerunt, *Can. ult.* decernit: *Relaxatos autem se noverint à debito fidelitatis, ac dominij, & totius obsequij, donec in tanta iniquitate permanse rint ( Domini temporales ) quicumque illis aliquo pacto tenentur annexi.*

82. Alterum porrò Lateranense Concilium anno 1215. celebratum sic decernit *Cap. 3.* Si verò Dominus temporalis requisitus, vel monitus ab Ecclesia, terram suam purgare neglexerit ab hæretica fœditate, per Metropolitanum, & cæteros provinciales Episcopos excommunicationis vinculo innotetur, & si satisfacere contempserit infra annum, significetur hoc Summo Pontifici, ut ex tunc ipse vassallos ab ejus fidelitate denuntiet absolutos, & terram exponat Catholicis occupandam, qui eam exterminatis hæreticis, sine ulla contradictione possideant. &c.

### Exceptio Elliesij.

83. Nihil contra prius, sed posterius hîc relatum Lateranense Concilium excipit Elliesius. *Primò* nec Ecclesiam, nec Concilium Generale eam repræsentans, quidquam habere juris in temporalia Regum Bona, nec de ijs statuere posse, quippe cum Regum potestas immediate à Deo sit, nec adeò eam ijs auferre, aut aliquid juris alteri in eam ribuere posse, præter ipsummet Deum.

84. *Secundò.* Illum Canonem non fuisse ab Universali Concilio Conciliariter, sed à solo Papa

Papa conditum, Naclero, Platinâ, Jacobo Muldemptio, & Matthæo Parisiensi attestantibus, in eo Concilio multa consultata, sed pauca esse conclusa: ad stipulantibus ejusdem Synodi Canonibus 29. 33. 41. 42. 61. & 66. utpote qui universi Canones demonstrant, quodd sint opus Innocentij III. partim in ipso Concilio, partim post Concilium, editum. Nec denique Canonem illum esse de dogmate, sed disciplina, neminem verò dubitare, quodd Concilium etiam Generale errare possit in disciplina.

### Refutatio istarum exceptionum.

**P**rimò namque Elliesium, qui antehac in Re- 85.  
ge Franciæ Childerico deponendo & subrogando Pipino, Statuum Regni authoritatem intervenisse contendebat, convenio, qualiter sua *prima* hîc opposita exceptio conveniat cum illâ tam solenni assertione suâ? Et quia Romano populo in Imperio Græcis adempto, & in Carolum Magnum translato primas attribuerat partes, rursus ipsum convenio, sciscitando, qualiter hoc assertum suum subsistat cum principio proximè tradito, quo nititur inferre ex hoc, quodd Regum æquè ac Imperatorum potestas sit *immediatè* à Deo, neminem, præter ipsummet Deum, posse eam potestatem illis auferre, aut aliquid juris alteri in eam tribuere? Sed hæc in anterioribus multimo-  
dè

dē jam discussa fuerunt, quomodo scilicet non tam Regia potestas in se ipsa *formaliter*, quam *concretè*, prout est in hoc sanctæ Ecclesiæ sub-  
jacente supposito, quoad publici etiam regiminis,  
*moralisque in hac individua persona subsistentiæ*  
*moralitates*, sublit sanctæ Ecclesiæ tum virgæ  
coërcitivæ, tum Pastoralis officij Oecumenicæ  
authoritati.

86. Pro *secundo*. Ipsa Concilij præacti Acta pu-  
blica tom. 3. par. 2. edit. Colon. à pag. 682. rela-  
ta, dum decreta sub ejusdem Concilij nomine  
exhibent, eo ipso probant, esse Conciliariter  
conclusa. Nec obstat, quòd inter multa, quæ  
fuerunt consultata, non nisi pauca ( ea utique,  
quæ dicto loco recensentur ) fuerint conclusa :  
his namque Concilium suam quoque imper-  
tisse auctoritatem, liquet ex præallegatis Ca-  
nonibus ; quippe cum in 29. dicatur : *De mul-  
ta providentia fuisse in Concilio Lateranensi prohi-  
bitum.* Et in 33. jubeatur *observari mediocritas*  
*in Concilio Lateranensi definita.* Item in 41. asse-  
rat Pontifex : *se judicio Synodali definire.* Rursus  
in 46. voluisse *Lateranense Concilium immunitati*  
*Ecclesiasticæ providere.*

87. Tamen si porro Canon in argumento *supe-  
rius* exposito adductus, loquatur de discipli-  
na : quia tamen hæc *substantialiter* subsistit ex  
honestate morum per ipsum fidei lumen no-  
bis traditâ, consequens est, si Concilium Ge-  
nerale in Ecclesiasticâ disciplinâ efformandâ  
*substantialem errorem* committeret, hunc re-  
dun.

dundaturum esse contra dogmaticam quoque fidei veritatem ; falsissimumque adeò est, quod Elliesius pro indubitato supponit , nempe Concilium etiam Generale in disciplina Ecclesiastica errare posse.

His ita constitutis, pro tertio lubeat præadductam Concilij Lateranensis cit. cap. 3. De hæreticis. latam constitutionem ad fidei principia reducere, disquirendo ; *An sacrosancta hæc Synodus Generalis eâ sanctione intenderit, præceptum aliquod imponere, præscribendo modum, quo Papa procedere deberet adversus Dominos temporales, hæreticorum fautores ?* Pro quo elucidando, sequens exhibetur dissertatio. Quandoquidem enim sacro illi Concilio notissimum fuerit fidei principium de Ecclesiæ Clavibus cum indefinitâ super Quocunque, quod in terris est Morale, protensâ ligandi & solvendi potestate, legitimo Petri Successori competente, ideo nefas foret, dicere, Patres Concilij non tam respexisse ad illam Papæ auctoritatem, quam ex Concilij propriâ auctoritate fecisse ipsi jurisdictionis suæ delegationem, decernendo, si Dominus temporalis ob hæreseos fautoriam excommunicatus, infra annum non satisfecerit ; Summus Pontifex vasallos ab ejus fidelitate absolutos denuntiet, facto mandato, ut terra illius occupetur à Catholicis. Quare in vi hujus sanctionis dicendum est, Concilium illud Oecumenicum, ipso etiam Vicario Christi

88.

ex pag.  
83. n.  
65.

Christi nomine, seu autoritate fulcitum, unicè intendisse, ut pro illo incorrigibilitatis casu excitaret Papæ Oecumenicum Pastorale officium, cum ejus *indefinitâ* ligandi & solvendi potestate, ad eo modo, quo ibi præscribitur, procedendum adversus Dominum temporalem, de hæreseos fautoriâ convictum. Quare per hoc decretum, Pontificiæ autoritatis excitatorium, redditur manifestum, quòd Concilium illud Oecumenicum agnoverit, & sanxerit, tum suam, tum etiam Papæ auctoritatem protendi super Dominos temporales, eosque supremos, nec non super eorum dominia temporalia, ac territorialia, seu Regia, quâ *moralitatis* ratione, Regni cælorum claves respiciente, supervestita, ita ut in vi hujus auctoritatis suæ, Concilio ita decernente, conveniat Papæ, facere mandatum, de terris illis per alios occupandis.

89.

Et hinc rursus patet, quàm inconveniens, in ipsum Regem suum redundans, sit Elliesij cavillatio, dum ait, injustam fuisse Ditionis ad Raymundum Comitem Tolosanum spectantis, ex causa hæreseos, cui iste favebat, à Concilio Lugdunensi decretam translationem in Comitem Montisfortis ex profligatâ Albigen-  
sium hæresi, singulari præmio dignum, interveniente licèt ipsius etiam Regis Franciæ beneplacito, & autoritate. Quæ injustitiæ, erga prædictum Concilium, unâ & Franciæ Regem  
ex-

exprobatio, nullatenus sustineri ex hoc potest quodd sanctus Ludovicus postmodum eum Comitatum suo *directo*, ac supremo Domino apertum denuo restituerit Comiti Tolosano, quando ejus filia Alphonso fratri Comiti Pictaviensium eâ lege, velut is Author dicit, in matrimonium data fuit, ut, si absque filiis ex fratre moreretur, Tolosanus Tractus esset Regum Franciæ. Sic sic adeo in apertum prodit debita observantiæ in Ellesio satis detestabilis defectus, dum, ut argumenta suæ Thesi adversantia elidat, in proprium quoq; Regem, ac Generale Concilium tam turpiter invehitur.

## ARGUMENTUM II.

Ex Concilij Constantiensis decretis petitur.

**Q**Uatuor ad Ecclesiasticæ supra Reges authoritatis probationem, perquam accommodata exempla trahi possunt ex dicti Concilij, ab ipsomet etiam Ellesio relatis decretis. Primum desumitur ex *Sessione vigesima*, ubi Fredericus Austriæ Dux sub anathematis, sacrilegij, & privationis omnium bonorum feudalium, quæ ab Ecclesia, seu Imperio obtinet, & inhabilitationis ad feuda, & officia, beneficiâque usque ad secundam generationem, nec non honoris & famæ, atque communionis in consilijs Principum, pœnis requirebatur ad restitutionem jurium, & Bonorum Episcoporum.

- scopatûs Tridentini à se, alijsq; occupatorum.
91. *Secundum decretum habetur in Sessione 39.* ubi ad præcavendum metum, aut impressionem, quæ Papæ Electoribus fortassis esset inferenda, cavetur, ut, cujuscunque status, gradus, aut etiam si Imperiali, Regali &c. præfulgeat dignitate, illas pœnas ipso facto incurrat, quæ continentur in constitutione Bonifacij VIII. incipiente: Felicis. Ubi privatio Bonorum, tanquam pœna statuitur.
92. *Tertium decretum extat in Sess. 17.* Ubi Concilium pœnam excommunicationis, & depositionis statuit in eos, qui impedirent Sigismundum Romanorum Regem proficiscentem ad Regem Arragoniæ pro pace Ecclesiæ.
93. *Quartum decretum desumitur ex Sessione 14.* Ubi in eos, qui Concilium turbaverint, statuitur; *Vt sint perpetuò infames, omnique dignitate, statu, honore, officio, & beneficio, Ecclesiasticis & sæcularibus, etiam si Imperialis, Regalis &c. dignitatis existant, ipso iure sint privati.*

### Exceptio Elliesij.

94. **H**ic Author præf. pag. 577. excipit primò. In præallegato primo decreto esse seranonem de feudis, quæ Fridericus ab Ecclesia & Imperio obtinebat: esse verò Ecclesiæ, non quæ Ecclesiæ, sed quæ Domino directo, potestatem privandi feudis, eorumque Bonis; quoad Bona autem, quæ Fridericus ab Imperio in feudum



dam possidebat, Concilij sententiam fuisse tantum *directivam*, ipsius etiam Imperatoriae confirmationis adhuc indigam.

*Secundò.* Constitutionem Bonifacij VIII. 95.  
in *secundo* decreto adductam, in eos, quorum Regna, vel Imperia ab Ecclesia non pendent, unicè statuere poenam excommunicationis; eos verò, qui Ecclesiae Feudatarij sunt, solis Bonis privari,

*Tertiò.* Concilium in *tertio* decreto non lo- 96.  
qui de Regibus, sed de privatis, aut Principibus quibusdam, qui se Sigismundi profectioni & itineri opponerent. Neque depositionis, sed excommunicationis duntaxat sententiam proferre, addendo tantummodò, ut ulterius omni honore, & dignitate, officio, & beneficio, Ecclesiastico, vel saeculari sint ipso jure privati: sub quibus verbis nomine beneficij saecularis, non esse intelligendum aliud, quàm quòd Ecclesiae deberetur, & uti feudum ab ea teneretur.

*Quartò.* Verba *quarti* decreti, lati in eos, qui 97.  
Concilium turbaverint, esse tantum comminatoria, nec ullum sortiri effectum, nisi fortè ex consensu Principum, vel ultronea subjectionis. - Addit tandem Ellicsius, hæc omnia, uti etiam Concilij Basileensis *Sess. 39. & 40.* decreta similia esse perperam facta, eo tempore, quo vulgaris inoleverat opinio, Ecclesiam habere aliquid potestatis in Reges, neque Concilia alata quæstionem istam ex professo definiisse,  
X quippe

quippe quam haud examinaverant, sed loqui, uti tunc loqui solebant Ecclesiastici. Quare non posse ea decreta pro definitionibus Conciliariter factis haberi.

### Refutatio istarum exceptionum.

98. **P**rimò. Ipsamet Decreti primi verba manifestè confutant primam Elliesij exceptionem, cum Fridericus Austriae Dux, nisi restituat jura, & Bona Tridentinae Ecclesiae, privetur etiam feudis Imperij, nec non jure communionis in consilijs Principum, quæ uti temporalia jura sunt, non equidem quæ talia, sed quæ *moralitate* in Regnum cælorum seu ordinabili, seu deordinabili, supervestita, spiritualitatis subeunt rationem, ipsomet etiam Elliesio *alibi* fateri compulso, ut sic subesse authoritati Clavium Ecclesiasticarum, prout in *anterioribus* ostensum fuit. Unde is Author hîc etiam compellitur fateri, Concilij potestatem erga illa jura temporalia fuisse *directivam*. Sed quid ni, *coercitivam* quoque agnoscat, dum in vi *directivæ* ejusmodi potestatis, Fridericus Austriae Dux transgrediendo decretum ejusmodi, contraheret talem *moralitatis* à Regni cælorum ordine descendentis reatum, ut ex hoc per apertum Christi mandatum *Matthæi 18.* Ecclesiae sanctæ factum, hujus virgæ quoque *coercitivæ* subjaceret?
99. **S**ecundò. Mi Elliesi, dum circa secundum Concilij Constantiensis (constitutionem Bonifacii)

facij VIII. quæ incipit: *Felicis*) innovantis, decretum fateris, ibi decerni pœnas! quoque *Civiles*, putà *inhabilitationis ad succedendum, ad testandum &c.* Nunquid convinceris, jam profiteri, civiles quoq; pœnas, atque adeò temporalia Christianorum (quid ni & Regum) jura, in quantum præferunt *moralitatem*, Ecclesiæ clavibus esse subjecta.

*Tertiò.* Elliesius erroris manifestè convincitur, dum negat, Concilij Constantiensis Sess. 17. editum, & *tertio loco*, ab ipsa reproductum, decretum complecti Reges; contrarium namque apertè docet ejus littera, taliter sonans: *Ut quicumque, cujuscunque Status, etiamsi Regalis &c. qui Sigismundum Imperatorem impedierint &c. omni etiam honore, dignitate, officio, beneficio Ecclesiastico & seculari sit ipso facto privatus.* 100.

*Quartò.* Dum Elliesius prætendit, verba Concilij in Sess. 14. decreto, quatenus inducunt *Regalis quoque dignitatis privationem*, esse duntaxat comminatoria, num fas ipsi erat, Synodo isti impingere, ac si in comminatione pœnarum, potestatis suæ sphæram transgressa fuisset, vel serió non egisset, citra etiam veritatem efficaciam à se intentatæ, utpote importantis privationem ipso Jure incurrendam? Hæc profectò plùs, quàm ignominiola sunt erga sacra Concilia, uti etiam istud, quod *in fine* subnectit, ac si ejusmodi sacrosanctæ Synodi nixæ fuissent vulgari duntaxat opinione 101.

X 2 de

de Ecclesiæ in Reges potestate, absque ullâ rei hujus maturâ examinatione.

102.

ex pag.

83. nu.

63.

ibi, 64.

Quidni igitur pro quinto sit è contrario dicendum, Patres in Concilijs Generalibus congregatos, santiendo præadducta decreta, attentos fuisse ad potestatis Oecumenicæ sibi Divinitus concessæ authoritatem? Sicuti ergo decreta illa *effectivè* profluxerunt ex ista authoritate Oecumenicâ, sic eorum resolutio in *actu exercito ac virtualiter* reducenda est, imò sub prima sua constitutione fuit reducta in fidei principium, quo Concilij Oecumenici authoritas habetur Divinitus constituta. Et si verò ex Christi Domini *Matthæi 18.* exaratis verbis constet, Oecumenici Concilij characterem proprium (ex cujus nempe respectu Christus promisit se in Synodi medio futurum) subsistere *ex Christi nomine* utique *Vicario*, ejusque adeò in terris relictâ Petro, ac ipsius Successori collatâ *Vicariâ authoritate*. Hunc tamen characterem ex Martini V. Conciliaria decreta approbantis authoritate, accessisse Concilio Constantiensi, patet ex ejus fine. Quid ni ergo dixerimus, præallegatorum decretorum resolutiones, quæ in fidei principium reducibiles, imò sub ipsâ primâ sui constitutione, atque Papæ postmodum secutâ approbatione, reductas in authoritatem Divinitus constitutam, ac fide Divinâ creditam, ex tunc integram obtinuisse Conciliarium sanctionum firmitatem prorsus certam, ac immobilem, quoad

quoad authoritatem Ecclesiasticam ( ceu decretorum illorum principium ) in actu exercito, ac virtualiter iisdem communicatam ?

Hinc pro sexto lubeat concludere, hunc in modum argumentando. Nempe præallegatorum Generalium Conciliorum decreta, siue reducantur in *primum* illud fidei principium, quo Ecclesiasticarum Clavium super quoscunque Christiano charactere insignitos, & super *pag. 824*  
*Quocunque in terris Morali* protensarum sphaera *n. 62,*  
definitur: siue sanctiones illæ reducantur in *prudentialis* à Spiritu sancto, Concilij Oecumenicis assistente inspirati dictaminis *supernaturalis*, quasi *secundarium* principium, sub utraque ista reductione fit resolutio in lumen aliquod Divinum, cujus, & hinc derivatæ conclusionis, seu sanctionis certitudo, longè major est naturali, seu *physicâ*, seu *metaphysicâ* certitudine, ad Theologicæ adeo certitudinis sublimitatem sublevanda.

Ad Dei, Deiparæque gloriam, & sanctæ Ecclesiæ exaltationem.

## Errata potiora sic corrige:

- P**agina 16. linea 3. pro *mo lege* imò.  
Pag. 22. lin. 21. pro *negare lege asserere?*  
Pag. 23. lin. 5. pro *est lege esse.*  
Ibi lin. 13. Pro *oportet lege oportere.*  
Pag. 26. in *sine* pro *sed Regni sui lege sed erga*  
Regni sui.  
Pag. 27. in *initio sic lege* urbes æquo prælio oc-  
cupatas, suis quoque Regijs juribus spoliandum aggres-  
sorem justè decernit.  
Pag. 28. lin. 6. *istis verbis:* Quoad omnimodam  
lumini &c. adde quoad omnimodam moralitatis lumi-  
ni &c.  
Pag. 49. lin. 2. pro *publici regiminis lege* publico  
regimine.  
Pag. 57. lin. pro *jact* sacerdotium *lege* id Sacer-  
dotium.  
Pag. 92. lin. 7. pro *successione lege* successionem;  
Pag. 100. n. 86. lin. 4. *deletur* ly *Altero.*  
Pag. 128. lin. 18. pro *prositprum lege* proprium  
sic dirigere.  
Pag. 162. lin. 5. pro *subjacet lege* subjaceat.  
Pag. 197. lin. 3. pro *sacrilegio lege* sacrilego.  
Pag. 201. lin. pro *pe. lege* per.  
Eadem pag. lin. *ultima* pro *rd lege* ad.  
Pag. 215. lin. 25. *relict*o *lege* relict<sup>o</sup>.  
Pag. 283. n. 47. lin. 4. pro *recognoscat lege* re-  
cognoscatur.  
Pag. 324. n. 98. lin. 6. pro *quæ uti* temporalis  
jura sunt, non equidem quæ talia, *lege* quæ utique tem-  
poralia jura sunt, & tamen, non equidem quæ talia &c.

Reliquos errores facile corriger bene-  
volus Lector.



# SAATY

